

ODOWAN WAKAN.

PART OF THE

PSALMS,

IN THE DAKOTA LANGUAGE;

Translated from the Hebrew,

BY STEPHEN R. RIGGS, A. M., AND MR. JOSEPH RENVILLE, SR.

PSAM 8.

Dawid tadowan.

1. Jehowa Itancan unkitawa-pi kin maka kin owancaya nica-je kin waxte; marpiya kin iwan-kam nitowitan eyehde.

2. Hokxiyopa tona azinpi ke-hena ipi kin etanhān wootanin yakaga; tona tóka niyanpi kin hena on *hecanon*; hecen tóka kin watokiçon sa ko okitpani wicayaye kta.

3. Marpiya nitawa kin nina-psukaza kage cin hena wanmda-ka eca, hanyetu wi qa wicanrpí eyahde kin *hena koya*;

4. Wicaxta kin he taku he, hecen wacin en duze kta; qa wicaxta cihintku kin, hecen awanyahdaka he.

5. He marpiya ohnihde cin kitanna ihukuya yakage ça wo-witan wootanin kici watedake yecaton.

6. Qa taku ninape kage cin

hena yuhe yakiye ça siha kin ihukuya taku owasin eyehnaka.

7. Tarinca qa tatanka, hena owasin, woteca itu unpi kin nakun;

8. Marpiya zitkadan qa mi-niwanca hogan; qa taku mini-wanca canku ye cin hena koya.

9. Jehowa Itancan unkitawa-pi kin maka kin owancaya ni-caje kin waxte rinca.

PSAM 9.

Dawid tadowan.

1. Jehowa micante owasin on mdatan kta; nioran wowinihan kin hena owasin omdake kta.

3. Niye en imduxkin qa pi-wada kta; Iyotan Wankan un kin nicaje kin icidowan kta.

3. Tóka mayanpi kin hektá itoheya wicayuhomnipi kinhan nitohnake kin on ricahanpi qa yutakunipi kte xni.

4. Woyaco taku owotanna ko

okili mayaye çä oiyotanke kin
akan yakidotanke çä owotanna
wadaco.

5. Ikcewicaxta kin iyopewi-
cayaye çä xicapi kin hena awi-
hnuni wicayaye çä hena cajepi
kin owihanke xni hehanyan ya-
pajnu.

6. Tóka tawipepi kin hena
ocowasin owihanke yapi; Oton-
we kin ihang wicaye cin hena wo-
kiksuye kin atakuni xni iyaya.

7. Tuka Jehowa ohiniyan un
kta; oiyotanke iawa kin he wo-
yaco on tanyan hduxtan.

8. Wicaxta maka ohnaka kin
owotanna wicayaco kta, qa iye
taoyate kin wowaxte kin en wi-
cahuhe kta.

9. Tona iyokixicapi kin hena
Jehowa wowinape yapi kta;
cante xicapi icunhan he wowi-
nape un kta.

10. Qa tona nicaje sdonyapi
kin hena wacinniyanpi kta; qa
tona anicitapi kin hena awicadu-
xtan xni ece.

11. Jehowa Ziyon en ounye
cin he ahiyaya po; he oran kin
oyate kin owicakiyaka po.

12. Tohan we on tokiçon eca
hena wicakiksuya; qa tona iyo-
kixicapi hoyekiyapi kin he aki-
ktonje xni ece.

13. Jehowa onximakida wo;
tona canniye mayanpi kin iyo-
kixin mayanpi kin he wanyaka

wo; wiconçe tiyopa kin etanhā
emayahdaku.

14. Heon etanhān Ziyon cun-
wintku tatiyopa kin en niyatani-
pi kin ocowasin omdake kta, ni-
wicayaye cin he en imduxkin
kta.

15. Ikcewicaxta makordoka
iye kagapi kin he en hinrpayapi
qa mazartakiyapi iye eonpapi
kin hena on siha kin wicayarta-
kapi ece.

16. Jehowa woyaco econ kin
he eciyatohan sdoniyapi; tuka
wicaxta xice cin iye nape oran
ye cin on iyaihdaxka.

17. Wicaxta xicapi kin hades
en iyorpe wicayapi kta; nakun
oyate kin tona Wakantanka aki-
ktonjapi kin hena owasin.

18. Tona warpaniyan un kin
hena ohiniyan awicakiktonjapi
kte xni, qa wicaxta iyokixica
apepi kin he ohiniyan yutakuni-
xni wanice kta.

19. Jehowa nadjin wo, wica-
xta kin ohiye xni kiya wo; ni-
tokam oyate kin wicayacopi
nunwe.

20. Jehowa inihan wicaya wo;
hecen oyate kin iyepi kin wica-
xta kin hecapi e sdonkiyapi kta.

okotonyan kin he taku iye nape
kin icar ye cin yaotanin ece.

2. Anpetu kin anpetu okiya,
qa hanyetu kin hanyetu nakun
woonspe okiyaka ece.

3. Iapi qa wicoie tukten hena
ho kin naronpi xni kin wanica.

4. Hena yaotaninpí kin maka
kin owancaya iyaye çä token
iapi kin he maka ihanke kin he-
hanyan i. Hena ehna wakeya
wan anpetu wi kin kicaga.

5. He hihna yanpi wan
wankan tipi kin etanhan inanpe
cin he iyeccea, wicaxta waxake
cin he iyecen inyankapi kin en
iyuxkin.

6. Marpiya ihanke kin hena
etanhan u qa ohomni ye çä he
ihanke kin ekta ki ece, qa iyoka-
tapi kin etanhan takudan anarbe
xni.

7. Jehowa toope kin ecedan
un qa wicanagi kin yuecetu;
Jehowa yaotanin kin he wicaka,
tona wacinton xni kin hena ksam
wicaya ece.

8. Jehowa tawoonspe kin he
owotanna, wicacante kin iyux-
kin kiya; Jehowa tawoahope
kin he wakaxote xni un qa wic-
ixta kin iyoyam ya ece.

9. Jehowa wokokipe kin he
wayuska qa owihanke wanice-
kta; Jehowa woyaco tawa kin
he wowicake qa ocowasin owo-
tanna.

10. Hena e maza ska zi sam
iyeya iyokipi qa maza ska zi
ecedan kin isanpa yawapi, qa
turmaga canhanpi kin sam iyeya
skuya, turmaga canhanpi xbu
kin hee.

11. Qa hena on nitaokiye kin
wahokonkiyapi; hena opapi kin
en iyunwin ota.

12. Tuwe wartani kin hdu-
kcan okihi he. Taku xica sdon-
ye xni ecamon kin hena makipa-
kinta wo.

13. Waraniçidapi kin etan-
han nitaokiye kin tinsa mayuha
wo. Hena mayuhe xni kiya
wo. Hecen owotanna waun qa
woartani tanka kin mahiyohi
kte xni.

14. Mii oie kin qa mica nte
tawacin kin hena Jehowa niixta
kin en iyonicipi nunwe. Imnija
qa Wanikiya mitawa kin he
niye.

PSAM 22.

Dawid tadowan.

1. Wakantanka Wakantanka
mitawa taku on iyamayakta xni
he, woehdaku mitawa qa wicoie
inimihinciye cin en mitehanyan
iyeniçiye.

2. Anpetu icunhan homatanin
tuka Wakantanka mitawa ama-
yadupte xni; hanyetu kex ozimi-
çiye xni.

3. Heca tuka niwakan qa

Israel oyate he en wicacokaya ounyaye, niyatani qa inidowanpi.

4. Hunkake wicunyanpi kin wacinnianpi; qa wacinnianpi kin heon ewicayahdaku.

5. Hoyeniciyapi qa ewicayahdaku; wacinnianpi qa wixtecapi xni.

6. Tuka wicaxta kin miye hemaca xni, wamdu dan hemaca; wicaxta kin wowakipajin yapi qa oyate kin wowirara yapi.

7. Tuwe wanmayake cin owasin unmacapi; aikxin makiyapi qa pomnamna makiyapi.

8. Jekowa en oziiçiya, wo cantiheye kin hee hecinhan eihdaku qa niya nunwe.

9. Awicakehan ina tezi kin etanhan imayacu; ina aze kin en waun qehan awanmayahdaka.

10. Matonpi qehan awanmayahdake kta e niye en emahnakapi; ina tezi kin mahen tanhan mita Wakantanka waxaka he niye.

11. Wicowinihan kin mikiyadan un tuka tuwedan omakiye xni, mitehanyan un xni wo.

12. Tatanka ota aohdute mayapi; tatanka waxakxakapi Baxan etanhan aonañatakapi.

13. Amaicapapi, mnaja wayapote çä hoyeye cin he iyececa.

14. Mini iyececa kadus mayapi, qä mihi okihe kin owa-

sin yupxunpxunpi; micante kin turmaga ihdi iyececa, cuwi mahan skan mayanpi.

15. Iwani qon he maka xpan yanpi iyececa mapuza, miceji kin caka ekta iyamapuspa; qa watussekxeca wiconçe ekta emaya hnaka.

16. Xunka aohdute mayanpi, wicaxta ocin xice omniciye wan ahocoka mayanpi; minape misiha ko mapardokapi.

17. Mihu kin owasin wahda wa kta; iwanmayakapi qa opamartapi.

18. Mitawokoyake kicipamnipi qa mitaoħde oecona yanpi.

19. Jehowa niye wowaxake ciye, mitehanyan iyeçiye xni wo, kohanna omakiya wo.

20. Maza sagye etanhan niyake emahdaku wo, qa iyotan wada kin xunka nape kin etanhan.

21. Qa mnaja iocoka kin etanhan emahdaku wo qa tinta tatanka he kin etanhan amayupta wo.

22. Nicaje kin mihunkawanji owicawakiyake kta qa omniciye cokata ciyatana kta.

23. Tona Jehowa koyakipe cin hena yatan wo qa Jakob tawa cinca owasin yutan po, Israel tawa cincapi owasin itonpa po.

24. Tuwe waxihda kex tohini iyakta xni qa irara xni qa

itohnake kin ekicihdaku xni qa hoyekiya eca kicanpta ece.

25. Omnickiye tanka en ciyatán kta, tona konicipe cin hena wakon kin he en awicawai kta.

26. Onxikiranpi kin he wotapi qa imnanpi kta; tona Jehowa akite cin hena yatanpi kte: nicantepí kin ohiniyan ni kta.

27. Maka owihanketa taku owasin içiksuye çá Jehowa en ihiduecetupi kta; oyate ecen wi-cowazi owasin nitokam canpe-xka makehde enajin kta.

28. Wicoxkanxkan kin he Jehowa tawa qa oyate owasin en aunye.

29. Maka akan wawokihi owasin wotapi qa itokam can-pexka makehde inajinpi kta; tona makata yayapi kin hena itokam patujapi kta; qa nakun tuwe wiconi hduha okamnanpi okitpani exta.

30. Wicoicage wan okicipe kta; hena Jehowa cinca wicaya-wa kta.

31. Tohan hena econ kinhan upi qa toope kin he oyate naharin wicatonpi xni kin he en wo-oyake un kta.

PSAM 23.

Dawid tadowan.

1. Waawanhdake mitawa kin Jehowa hee; takudan imakakije xni waun kta.

2. Peji toto wanke cin he en iwanke maye çá mini amdake-dan kin icaħda yus amayan.

3. Minagi kin hduecetu maye çá iye caje kin on canku owo-tanna kin omani makiya.

4. Qa nakun wiconče ohanzi kaksiza kin en mawani exta taku xice cin takudan ikowape kte xni; mici yaun qa cansaka-dan cansagye nitawa kin hena omakiyapi ece.

5. Tóka mayanpi kin hena wicitokam wahna wotapi wan wiyyeha emiyecihnak; wiħdi on pa sdamayaya; wiyatke mitawa kin he iyataħde han.

6. Awicakehan tohan wani kin hehanyan wowaxte wowa-onxida ko miyahna u kta, qa anpetu hanskaska Jehowa ti kin en ounwaye kta.

PSAM 24.

David tadowan.

1. Maka kin de Jehowa tawa qa taku ohnaka ko; maka kin owancaya qa tona ohna tipi kin hena koya.

2. He miniwanca kin ahe ki-ye çá mini ota kin akan ehde.

3. Tuwe Jehowa paha kin kin ekta ye kta; qa tuwe oyanke wakan kin en iyahe kta he.

4. Tuwe nape kin ska qa cante kin ecedan; tuwe nagi kin itonxni kin ekta yuwankan iye-

içkiye xni qa wohnaye kin en takudan eye xni kin hee kta.

5. He Jehowa eciyatanhān woxwaxte ieu kta; qa wiconi tawa Wakantanka kin he etanhān taku owotanna *qupi kta*.

6. lye akitapi kin wicoicage kin hee; Jakob *ta Wakantanka* niite anicitapi kin hena eepi.

7. Tiyopa kin pa yuwankan ehdaku po; tiyopa ohiniyan un kin yuwankan iyeçiyya po; Wowitan Wicaxtayatapi kin tin hiyu kta ce.

8. Wowitan Wicaxtayatapi kin he tuwe he. Jehowa waxakeça waditaka; Jehowa ozuye en waditake rince cin hee.

9. Tiyopa kin pa yuwankan ehdaku po; tiyopa ohiniyan un kin yuwankan iyeçiyya po, Wowitan Wacaxtayatapi kin tin hiyu kta ce.

10. Wowitan Wicaxtayatapi kin de tuwe he. Jehowa Sabayot he Wowitan Wicaxtayatapi kin hee.

kin he wixtece xni nunwe; tona hecece xni kin hena owasin wixteca unpi kta.

4. Jehowa canku nitawa kin wanyag mayan wo, qa tukte en aitoheya yeeye cin he sdonye mayan wo.

5. Wowicake nitawa omakiyakeça omani mayan wo; emahdaku kin he niye Wakantanka, anpetu ohiniyan acipe.

6. Niwaxte qa waonxiyada kin Jehowa kiksuya wo; ohiniyan heniceeca.

7. Homakxidan gehan mioran xiceça wawartani kin hena kiksuye xni wo, nitowaonxida kin hee on miksuya wo wawacinkta duze cin hee ye Jehowa.

8. Jehowa owotanna qa woxte, he etanhān wicaxta wartani iyeye cin canku tukte e kae opapi kte cin he owicakiyake kta.

9. Warbayedan kin owotanna mani wicaye kta qa wowarbadan kin canku tawa kin owicakiyake kta.

10. Jehowa canku tawa kin owasin woxwaxte qa wowicake, tona wicoun kin hduheça woyake ko hduhapi kin hena eepi.

11. Jehowa taku xica ecamon kin tanka tuka nicaje waxte kin on micicajuwo.

12. Jehowa kokipe cin he wicaxta kin tuwe he; canku tukte karnige kte cin he okiyake kta.

PSAM 25.

Dawid tadowan.

1. Jehowa minagi kin yuwankan niye en wahdomda.

2. Wakantanka mitawa niye en iyokipi miçiyeça wimaxtece xni nunwe; qa tóka mayanpi kin hiyoji mayanpi xni nunwe.

3. Han, tuwe kaxta anipe un

13. Nagi kin woyuha ehna un kta qa cincapi kin maka kin airpewicayapi qa tawapi kta.
14. Jehowa woanarbe tawa kin he tona kokipeyahan un qa wicoun hduhe cin hena sdonye wicakiye kta.
15. Ohiniyan miixta kin Jehowa ekta un waya; tuwe siha mahmunka exta he iye etanhant emahdaku kta.
16. Nitohnake kin amayuhomni wo, qa onximada wo, mix-nana waxin wahda ece.
17. Cante maxice cin ake ota qa iyotan iyewakiye, emahdaku wo.
18. Makakije ça xitkihde maye cin he wanyaka wo, qa wawartani kin owasin micicajuju wo.
19. Tóka mayanpi kin wan-wicayaka wo, otapi qa nina xice madapi.
20. Emahdaku qa minagi kin yuha un wo, qa wimaxtece xni nunwe; niye en mihdoya.
21. Owotanna ocowasin mayakipatan nunwe, nixnana acipe qon heon.
22. Wakantanka Israel iyotan iyekiyapi kin owasin opewicakiaton wo.
- wowitan Jehowa qu po, wowan kake ko Jehowa qu po.
2. Iye caje wowitan tawa kin Jehowa qu po; wokoyake wexte *unpi* qa Jehowa itokam canpexka makehde inajin po.
3. Jehowa ho kin mini kin akan un. Wowitan Wakantanka kin wakinyan hoton kiya; Jehowa mini tanka kin akan un.
4. Jehowa ho kin he waxaka; Jehowa ho kin wowinihanyan un.
5. Jehowa ho kin rante kin yawerwega; Lebanon rante kin hena Jehowa yawerwega.
6. Qa ptejincadan iyeцен na-psipsin wicaya; Lebanon qa Xiriyon tacincadan iyeцен *napsipstn wicaya*.
7. Jehowa ho kin peta ide kin kakan ece.
8. Jehowa ho kin he tinta kin yahuhuza; Qadex tinta kin he Jehowa yahuhuza.
9. Jehowa ho kin he tawiye-dan kin hokxiksuye wicaye ça contanka kin tancodan erpeya; wowitan tawa kin he tipi wakan kin ohna oyakapi ece.
10. Minitan kin akan Jehowa iyotanka; Jehowa owihanke wanin Wicaxtayatapi iyotankelhan yanka.
11. Jehowa iye taoyate kin woxaxake wicaqu kta; Jehowa

taoyate kin wookiye on wica-hduwaxte kta.

PSAM 31.

1. Jehowa niye en mihdoi, qa wixteca waninohiniyan waun nunwe; woope nitawa kin on emahdaku wo.

2. Namaron qa orankoya emahdaku wo, imnija sutu mitawa qa tipi wan hohoxniyan qa onatakapi micihe kta ohna iyona-wape kte.

3. Imnija conkaxke mitawa kin he niye; heon etanhan nicaje kin on en amaye çä ehan amai wo.

4. Narmana taku wan on mahmunkapi tuka etanhan emahdaku wo, wowaxake mitawa kin he niye.

5. Mitoksape ninape kin en owahnaka; opemayakiton Jehowa Wakantanka he niye.

6. Wicahnayan ehna yakonpi kin hena xice wieawadaka; tuka miye qe Jehowa ecedan wacinyawa.

7. Mihdumdeze çä wimdu-xkin, nitowaxte kin en; waxi-wahda kin he wandaka qa minagi ekta iyomakixice cin he sdon-yaya.

8. Tóka mayanpi kin napepi kin en iyaye mayaye xni qa misha kin duwajin qa wicitankaya mayahde.

9. Jehowa cantomahnaka wo, iyomakixica ce; miixta kin wanna wiwanmdake xni aya, qa wicocante xica on minagi micante ko iyahdeye.

10. Icomniyan ni waun qa omaka mitawa kin ocomniwahdazi qa on atakunixni aya, mitowaxake kin wanna aptanye, taku xica ecamon on; qa mihi kin itakunixni ye.

11. Tóka mayanpi kin owasin qa mitankiyepidan ko wowixtece mayawapi qa tona sdon-wicawaye cin hena wokokipe mayanpi; tankan wanmayakapi eea namicipapi.

12. Wicaxta cantepi kin ekta wicaxta ta iyecen amiktonjapi; wakxica erpeyapi mayawapi.

13. Wicota wowihnu mayanpi e wanwahdaka; enanakiya wowinihan mayutinza; tohan a-kiapi ca witaya amaiapi qa on te mayanpi akitapi.

14. Jehowa nixnana wacinciya qa, Wakantanka mitawa, ecicieye.

15. Mitaanpetu kin ninape kin ohna yanke; tóka mayanpi napepi kin etanhan emahdaku wo, qa tona makuwapi kin hena koya.

16. Nitowowidake waun kin en nitohnake kin iyoyam ya wo, qa nitowaxte kin on emahdaku wo.

17. Jehowa houciciye cin en po, nicantepi kin niyuwaxake mahnayanpi xni nunwe, wicaxta kta.

oran xice cin he iye wicahna-yanpi nunwe, qa wicahnakapi kin en iohmus wankapi nunwe.

18. Ihapi kin etanhan itonpi-xni qa wicaxta owotanna kin teriya awicaiapi, waraniçidaya wakipajinpi kin hena onawicatakapi nunwe.

19. Nitoksape kin tanka ye, tona konicipe cin hena wicaya-kipatan, tona niye en ihdoye cin hena hecawicayeecon, wicaxta cinca ixtapi etanhan.

20. Nitohnake kin itokam anawicayakirman, wicaxta waraniçidapi kin wicitehanyan; wakeya ohna wicayapatan, wiceceji on awicaiapi tuka.

21. Jehowa yawakanpi nunwe, miye en ihduokitanin kin heon, otonwe wanji en aocon-kaxkapi he iyecen.

22. Kohanyedan, Niixta kin etanhan ipimayada, epa. Hececeji tuka houciciye cin anaya-goptan.

23. Jehowa tona waxte nici-dapi kin hena waxte daka po; tona owotanna un kin hena Jehowa wicahduha qa tona waraniçida opiiçiye cin hena iyacinyan wicakicu.

24. Tona Jehowa anayago-ptanpi kin hena sutaya ihduha

PSAM 40.

Dawid tadowan.

1. Jehowa arbayedan awape unkan anamagoptan qa hoyewakiye cin namaron.

2. Wokakije osmaka qa maka upxija kin etanhan emahdaku qa imnija ahe maye çä amawani kin he miciyusuta.

3. Qa odowan teca wan mii kin ohnaka, Wakantanka unkitawapi yatanpi kin hee; wicota wanyakapi qa inihanpi qa Jehowa wacinyanpi kta.

4. Wicaxta kin tuwe Jehowa wowacinye ye çä tona waraniçidapi, tona woitonxni kin ekta ieunom yapi ko wicayuonihan xni kin he wowaxte yuha.

5. Jehowa Wakantanka mitawa, nioran wowinihan yakage çä nitawacin waein en unyaduzapi kin hena ota; tuwedan niciyawa kte xni; hena mdawa qa omdake kta wacin kex yawapica xni.

6. Woxnapi taku qupi ko he-na iyonicipi xni; noge miyecidurdoka; peta woxnapi woartani woxnapi ko yacin xni;

7. Hehan kaken epa, Ito wau ce; woahope wowapi kin en miye on kaken owapi qon;

8. Wakantanka mitawa token

nitawacín kin hecen ecamon kta
e iyomakipi, qa nitawoahope kin
he micante kin mahan un.

9. Omniciye tanka kin en wi-
coowotanna omdake çá mii kin
ohmus miçiyé xni, Jehowá niye
sdonyaya.

10. Nioran owotanna kin mi-
cante kin mahan nawarbe xni;
nitowaxte qa nitowaxake kin
hena omdake çá wawacinkta du-
za wowicake nitawa ko omni-
ciye tanka kin anärbe wicawa-
kiye xni.

11. Jehowa nitewaonxida kin
emicihdaku xni wo. Wawacink-
ta duza wowicake nitawa ko
ohniyan aohdute mayanpi nun-
we.

12. Taku xice cin yawapica
xni aodute maye çá wawartani
kin hena tinsa mahduza, hecen
wankan ewatonwe kte cin owa-
kitpani; hena mapa hin sukaza
kin sam iyeya ota qa heon mi-
cante kin takuni xni hinhda.

13. Jehowa emayahdaku kin
iyonicipi nunwe; Jehowa ko-
hanna omakiya wo.

14. Tona minagi kin ktepí
kta akitapi kin hena witaya ixte-
capi qa inihanpi kta; qa tona
xicaya ecamiconpi cinpi kin
hena hekta itoheya hdicupi qa
ixtecapi nunwe.

15. Qa tona, Hanhan, hanhan,
emakiyapi kin hena wowixtece

iyopeyapi on rewoskantuya yu-
kanpi nunwe.

16. Tona anicitapi kin hena
niye en iyuxkinpi qa iwinktapi
kta; qa tona wiconi nitawa wa-
xte dakapi kin hena ohiniyan,
Jehowa yatanpi kta ce, eyapi
kta.

17. Miye onmaxike çá icakix
waun tuka Itancan kin wacin en
mayuza; Wakantanka mitawa
omakiye çá emahdaku kin he
niye, ihnuhan dutehan kin.

PSAM 42.

Woonspe odowan Qora cibintku tawa-
pi.

1. Tamdoka kin mini wakpa-
dan ahoton kin he iyeцен mina-
gi kin Wakantanka niye e cant-
onikpani.

2. Minagi kin Wakantanka
on nina ipuza, Wakantanka ni
un kin hee. 'Tohan wau qa
Wakantanka itokam tanin mi-
ciye kta he.

3. Anpetu otoiyohi, Wakantanka
nitawa kin toki un he,
eya imawangapi, heon anpetu
hanyetu ko ixtamnihánpe amau
kin he woyute waya.

4. Hena weksuya eca minagi
kin mahan tanhan wahdapson
ece. Wicota om imdamda; he-
na om Wakantanka ti kin ekta
wai, wopida qa wowitan wicaho

kin yuha, wicota anpetu wakan opapi kin hena om wai qon.

5. Minagi tokeca e pamahdedan yaun qa mahan tanhan iyonieixica he; Wakantanka wacinyan wo, he ite omakiye cin on ake mdatan kta.

6. Wakantanka minagi kin pamahdedan un, heon ciksuye kta, Jordan makoce qa Hermon re kin qa nakun Mizar paha kin etanhān.

7. Mini irara nitawa kin en minitan minitan kin kipan; taja qa mini irara nitawa kin owasin iwankam imayaya.

8. Anposkan Jehowa iye towonxida kin ekihde kta, qa hanyetu eca iye tadowan kin mici *un kta*; Wakantanka ni maye cin he wocekiye ewakiye kta.

9. Wakantanka hewakiye kta, Imnija mitawa tokeca e amiye-ktonja he. Tóka kakix maye cin heon tokeca iyokixin waun he.

10. Tóka mayanpi kin oxtemahdapi qa anpetu iyohi, Wakantanka nitawa toki un he, emakiyapi kin he muhu yuwerwegapi kin iyececa.

11. Minagi tokeca e pamahdedan yaun qa mahan iyonieixica he; Wakantanka wacinyan wo; Tuwe miite omakiye çā Wakantanka kin hee e ake mdatan kta.

PSAM 46.

Qora cibintku odowan tawapi.

1. Wowinape qa wowaxake unkawapi kin Wakantanka hee, qa iyowicakixice cin en wawokiye ikiyadan un kin hee.

2. Heon etanhān kopeunhdapi kte xni, maka kin xkanxkan iye-yapi qa reyaka kin miniwanca cokata ayapi exta.

3. He mini kin irara qa ipir iyaye çā taja kin on re kin kahuza ece,

4. Wakpa wan mini caduze cin Wakantanka otonwe tawa kin iyuxkin ye kta; Iyotan Wan-kan un kin tawakeya wakan kin hee.

5. He cokaya Wakantankaounye. He on yuhuhuzapi kte xni. Anpa kamdeze cinhan Wakantanka okiye kta.

6. Oyate kin owodutaton qa wokiconze kin xkanxkanpi; iye hotanin qa maka kin skan aya.

7. Jehowa Sabayot unkicipi un; Jakob Wakantanka tawa kin he wowinape unyanpi.

8. Upi qa Jehowa oran kin wanyaka po; maka kin ekta taku ihang ye cin.

9. Maka ihanke kin hehan-yan ozuye ayuxtan ya; itazipa kin he yuwerwege çā wahukeza kin baksaksa; ozuye canpahmihma kin he peta on rurnar ya.

10. Inina yukanpi qa Wakan-

tanka miye e sdonmayan po: oiyotanke wakan kin akan kiyo-
Oyate kin en yuwankan iyemi-

çiye kta, maka kin en mayu-
wankantu kta.

11. Jehowa taku owasin Itan-
can kin he unkicipi un: Jakob
Wakantanka tawa kin he wowi-
nape unyanpi.

tanka.

9. Wicaxta itancapi kin wita-
ya mniciyapi; Abereyam ta Wa-
kantanka taoyate kin hee. Ma-
ka akan wahacanka kin hena
Wakantanka tawa. He nina
yuwankan iyeyapi.

PSAM 47.

Odowan Qora cibintku tawapi.

1. Oyate kin owasin nepe-
hdaskapa po; wicaho iyuxkin-
yan Wakantanka hoyekiya po.

2. Jehowa Iyotan Wankantu-
ya un kin he wowinihan; maka
kin owancaya he Wicaxtayatapi
tanka.

3. He wicaxta kin unkihu-
kun iyewicaye kta qa oyate kin
unsihapi kin ihukuya.

4. Makoce airpeunyanpi kin
he unkicicarnigapi; Jakob waxte
dake ciqon towaxte kin hee.

5. Hotanpi ehna Wakantanka
wankan iyaya; qa Jehowa ma-
zayahotonpi hotanin ehna.

6. Ahiyaya po, Wakantanka
idowan po; Ahiyaya po, Wica-
xtayatapi unkitawapi kin ido-
wan po.

7. Maka kin owancaya. Wi-
caxtayatapi un; wacinksamya
ahiyaya po.

8. Oyate kin owasin Wakan-
tanka iwicadaka; Wakantanka

PSAM 48.

Odowan Qora cibintku tawapi.

1. Jehowa tanka qa nina ya-
tanpi kta, Wakantanka unkita-
wapi otonwe tawa kin en qa
paha wakan kin akan.

2. Taku oiyokipiyanke çä
maka kin owancaya wowitan
kin he Ziyon paha kin hee, iwa-
ziyapa tanhan Wicaxtayatapi
tanka otonwe tawa kin han.

3. Tipi waxtexte kin ohna
Wakantanka wowinape yapi e
sdonyapi.

4. Makata wicaxta yatapi kin
mniciyapi qa hen witaya hiya-
yapi;

5. He wanyakapi qa hecen
yuxinyayapi, inihan kihdapi
qa najica hdicupi;

6. Hen kopehdapi qa yazan
hinhdapi, winorinca kokxiksuye
cin he iyececa.

7. Tarix wita wata *etanhau*
au kin hena wiyohiyanpa tan-
han tate uye cin he on wicaya-
kamdeca.

8. Token naunronpi qon he iyecen wanunyakapi, Jehowa taku owasin *Itancan* otonwe tawa kin ekta, Wakantanka unkitawapi otonwe tawa kin en; he Wakantanka ohiniyan yusuta kta.
9. Wakantanka tipi wakan nitawa kin ohna nitowaonxida kin awauncinpi ece.
10. Wakantanka niyatani pi kin maka ihanke kin hehanyan iyahdeya nicaje kin iyececa. Taku owotanna on nape nietapa kin ojudan.
11. Woyaco nitawa kin on etanhan Ziyon paha kin iyuxkin kta qa Juda cunwintku kin wacipi kta.
12. Ziyon ihdukxan mani qa ohomni ya wo, ipasotka tehan wankantuya kin hena yawa wo.
13. Conkaxke kin hena iwanyakapi qa tipi waxtexte kin ekta ewacin po, wicoicage u kte cin he owicayakidakapi kta ce.
14. Wakantanka kin de ohiniyan Wakantanka unkitawapi; unçapi kte cin hehanyan tanyan mani unkiyapi kta.
2. Ziyon iyotan wiyatpa kin he etanhan Wakantanka iyo yanpa.
3. Wakantanka unkitawapi kin u kte çä inina yanke kte xni; itokam peta ide qa ihdukxan ni na icamna kta.
4. Wankan marpiya kin kipan kta, qa maka kin nakun tao yate kin wicayaco kte cin heon.
5. Wicaxta owotanna mitawa miye en witaya u wicakiyapo, ton a woxnapi on wicotakuye micicagapi kin hena.
6. Unkan wicoowotanna tawa kin marpiya kin yaotaninpi kta; Wakantanka ixnana wayaco yanka.
7. Mitaoyate kin naron po, iwaë kta ce; Israel *oyate kin ci yaołanin* kta; Wakantanka Wakantanka nitawa kin he miye ce.
8. Nitawoxnapi qa peta woxnapi nitawa kin ohiniyan mitokam un kte cin hena on iyope ciye kte xni.
9. Yati kin etanhan tatanka wanjidän iwacu kte xni; qa tarinca tipi nitawa kin etanhan tatokadan wan *iwacu kte xni*.
10. Rewoskantuya taku itu unpi kin hena otoiyohi mitawa qa nakun wotec a paha kektopawinge akan yakonpi kin.
11. Re kin ekta taku kinyan un kin owasin sdonwaye çä taku xkanxkanpi kin hena mitawa.

12. Wotektewahda exta oci-ciayake kte xni; maka taku ohnaka ko owasin mitawa
13. Tatanka cerpi kin wate kta he; qa tatokadan we kin mdatke kta he.
14. Wopida kin Wakantanka wakiyuxna wo, qa token ehe ciqon he Iyotan Wankan un kin ecen ecakicon wo.
15. Qa iyokixicapi anpetu kin en houmakiya wo; etanhane cihdaku kta qa niye imayadowan kta ce.
16. Tuka wicaxta xicapi kin Wakantanka hewicakiya; Token on mitoope kin odake kta qa wicotakuye mitawa kin caje date kta he.
17. Woonspe xice yadake çamioie kin nihektam erpeyaya.
18. Wamanon sa wandake çehan iyowinyakiye çamioie kin ecenrapi econpi sa owicayakiya.
19. Nii kin taku xica en iye-yakiye çamioie kin he wohnaye kaga.
20. Idotanke çamioie kin nihunkawaniji ayaie çamioie kin nihun cihintku kin oxteyaha.
21. Hena hecanon tuka inina manka; iyeniceca waun kecani; tuka iyopeciye kta, qa hena niixta kin itokam ecekcen ewahde kta.
22. Tona Wakantanka aye-ktonjapi kin, he awacin po,
- okini ciyuxpaxpapi kta; kinhan tuwedan enihdakupi kte xni.
23. Woyatan woxnapi kin he mayuonihan; qa hena canku kin ohna Wakantanka tawiconi kin wanyag waye kta.

PSAM 56.

Dawid tadowan.

1. Wakantanka onximakida wo. Wicaxta kin namapce kta tuka; anpetu iyohi makize çamahdaskica.
2. Tona tóka mayanpi kin hena anpetu iyohi namapcapi kta tuka; tona warançidapi qa makizapi kin hena ota.
3. Tohan kopewahda kinhan inacipe kta.
4. Wakantanka en iye oie kin mdatan kta; Wakantanka' wacinwaya; taku wicacerpi kin ecamicon kte cin kowakipe kte xni.
5. Anpetu iyohi mioie kin aiapi qa taku xica ecamiconpi kte cin hecedan awacinpi.
6. Witaya mniciyapi qa narmansi; mioie kin wanyakapi qa minagi kin he iyapepi.
7. Woartani on ihduxpapi kta he; Wakantanka wocanniye on oyate kin kun erpewicaya wo.
8. Wahnuwi kin hena dawa. Ixtamnihانپه ایماع کین hena mini ojuha nitawa kin en oka-

xtan wo ; hena wowapi nitawa tawa kin ihukuya wowinape kin en un xni he.

9. Wakantanka mici un kin heon anpetu kin en hoyeciciye cinhan tóka mayanpi kin hekta itoheya hdicupi kta sdonwaya.

10. Wakantanka en he oie kin mdatan kta ; Jehowa en he oie kin iwadowan kta.

11. Wakantanka wacinwaya ce; Wicaxt̄i kin taku ecamicon kte cin kowakipe kte xni.

12. Wakantanka mayakonze cin yuha woyatan kin wacici yuxna kta.

13. Minagi kin wiconṭe etanhān emayahdaku ; misiha kin wanahnaye etanhān *iyacu* kte xni he ; Wakantanka itokam wiconi iyoyanpa ehna mawani kta.

PSAM 61.

Dawid tadowan.

1. Waxicahowamde cin he Wakantanka naron wo ; Wocekiye eciciye cin he anamagoptan wo.

2. Cante mayazan kinhan maka ihanke kin etanhān hoyeciciye kta ; Imnija miwankam un kin he ekta amaya wo.

3. Wowinape eiye çä konkakxe sutá kin, tóka ite kin etanhān inacipa.

4. Wakeya nitawa kin en ohinniyán wati kta ; rupahu ni-

tawa kin ihukuya wowinape waye kta.

5. Wakantanka token wa konze cin hena nayaron qa tona nicaje kinihanpi kin taku tawapi kin he airpemayaya.

6. Wicaxtayatapi anpetu tawa kin duota kta qa waniyetu kin wicoicage ota *iyohi yaye kta*.

7. He ohininiyan Wakantanka itokam yanke kta. Wowa onxida wowicake ko wiye ya ehnaka wo, hena ayuhapi kta ce.

8. Hecen nicaje kin owihanke wanin iwadowan kta ; qa token eya wakonze cin hena anpetu iyohi ecetu wakiye kta.

PSAM 63.

Dawid tadowan—Judeya rekoskan en un qehan.

1. Wakantanka Wakantanka mitawa kin he niye : Anpao he han acicite kta ; minagi kin niye on ipuza un, makoce puze çä kata, tukten mini wanice cin hen micerpi kin cantonikpani.

2. Tipi wakan kin en wanciyake ciqon he iyecen nitowaonxida qa nitowitan kin wanmdake kte rinca.

3. Nitowaonxida kin he wiconi isanpa waxte, heon miiha kin niyatán kta.

4. Hecen tohan wani kin he-

hanyan ciyawaxte kta; cajeni-yan nape ciciyugate kta.

5. Wasna qa cupe on he iye-cen minagi kin imnan kta; qa iha iyuxkinyan on mii kin ni-yatan kta.

6. Mitowinje akan ciksuya eca hanyetu ieunhan awacicin waun.

7. Omayakiye ça heon rupa-hu nitawa ohanzi kin en imdu-xkin kta.

8. Minagi kin askamya niya-hna un; nape nietapa kin he mayuza.

9. Tona minagi kin ktepi kta akitapi kin hena maka kin ihu-kuya yapi kta.

10. Maza sagye on hinrpaya-pi kta; xungidan hena yuhapi kta.

11. Tuka wicaxtayatapi kin he Wakantanka en iyuxkin kta. Tona he cajeyan konzapi kin hena iwinktapi kta. Tuka tona itonpixni kin hena i kin ohmus ehnakapi kta.

Waunrtanipi kin unyakipakin-tapi kta.

4. Tuwe yakarnige ça kiya-dan u yakiye cin he wowaxte yuha, nitahocoka kin mahan ounye kta; yati kin tipi wakan nitawa wowaxte kin iunmnani-pi kta.

5. Wakantanka ni unyanpi kin, wicoowotanna on taku wo-winihan kin unkayaduptapi kta; maka kin owihanke tanhan qa miniwanca tehan tanhan owasin wacinyanpi kin he *niye*.

6. Wicoohiki on ihduskite ça towaxake kin on re kin sutaya ehde.

7. Mini wanca irara kin amda-dedar kiya: taja irara qa oyate kin owodutaton ko.

8. Tona maka ihanke kin ekta tipi kin hena wowapetokeca nitawa kin on yuxinyayapi: Hanrana qa rtayetu ouye kin iyuxkin yakiya.

9. Maka kin wanyag yahi qa iyatahde yaye; Wakantanka ta-wakpa kin mini on ojudan kin heon nina duwaxte; wiye-ya eyahnaka eca aguyapi aicar yaya.

10. Yumdupi kin he nina duspaye ça marpajo kin amaga-ju yaya; magaju on wankadan yakage ça hinape cin he du-waxte.

11. Nitowaxte kin on omaka

1. Wakantanka Ziyon en wo-yatan anipe; token eya konzapi qon ecen ecaniconpi kta.

2. Wocekiye nayaron kin, niye en wicacerpi kin owasin upi kta.

3. Wicoie xica ohimayanpi:

kin wapaha yecaton qa nitacan-ku kin waxin xbu.

12. Rewoskan wato kin axbu qa ihdukxan paha kin iyuxkipi.

13. Wanuyanpi optaye kin hena wato wanke cin akarpapi se yakonpi qa maka omdaye kin hena wamnaheza on ojudan. Hena iyuxkinyan hotonpi qa dowanpi ece.

PSAM 67.

1. Wakantanka onxiunkidapi qa unyuwaxte po; nitohnake kin iyounyanpapi nunwe.

2. Hecen nitacanku kin maka akan sdonyapi kta, qa wiconi yakage cin he oyate kin owasin *sdonyapi kta*.

3. Wakantanka wicaxta kin niyatani pi kta; oyate kin owasin niyatani pi nunwe.

4. Oyate kin pidapi qa iyukinyan dowanpi kta; wicaxta kin owotanna wicadaco kta qa maka akan oyate kin mani wicayaye kta.

5. Wakantanka wicaxta kin niyatani pi kta; oyate kin owasin niyatani pi nunwe.

6. Maka kin taku ota aicage kta, qa Wakantanka, Wakantanka unkitawapi kin unyuwaxtepi kta.

7. Wakantanka unyuwaxtepi

kta qa maka ihanke kin owasin kokipapi kta.

PSAM 71.

1. Jehowa niye en mihdoi qa icimana wohnaye wanin waun nunwe.

2. Mahduxpe ça nitowoki-conze eciyatohan emahdaku wo; namaron qa ni mayan wo.

3. Imnija wowinape mihde wo, qa hecen en onawape kta; wani kta kemayakiye, imnija conkaxke mitawa kin he niye.

4. Wakantanka mitawa wicaxta xicapi napepi kin etahan emahdaku wo, wicaxta pemniyan un qa wawarpani dapi xni napepi kin etahan *emahdaku wo*.

5. Homakxidan hehan tanhan aciwacin waun qa wacinciya Jehowa Itancan.

6. Matonpi ehantanhan niye en aspemayaya; he niye ina cuwi kin mahan tanhan emayahdaku, ohiniyan nixnana woyatan ciya.

7. Wicota taku xica imaya-cinpi waun; conkaxke sua mitawa kin he niye.

8. Woyatan wowiyatpa antetu otoiyohi mii kin ojudan ciyuhe kta.

9. Wicarinca ehan wai kinhan erpemaye xni wo; detanhan

wanna wamaxake xni amayu-
xtan xni wo.

10. Tona xice madapi kin
hena amaiapi qa minagi icupi qa
witaya akiiapi.

11. Wakantanka wanna ayu-
xtan ce, kuwapi qa tinsa yuza
po, tuwedan ehdaku kte xni,
eyapi.

12. Wakantanka mitehanyan
içihnaké xni wo; Wakantanka
kohanna mahiyohi qa omakiya
wo.

13. Tona minagi tóka yapi
kin wixtecapi qa ohiwicayapi
nunwe; taku xica cin makiyapi
kin hena woie wicayapi qa wi-
xtecapi nunwe.

14. Niye acipe qa pipiya ci-
yatana kta.

15. Nitowokiconze kin on
woehdaku ecanon kin he anpetu
otoiyohi mii kin wooyake ye
kta, tonakapi kte cin óhiwaye
kte xni.

16. Jehowa Itancan kin to-
waxake ohna mawani kta; wo-
kiconze nitawa kin ecedan oyag
waun kta.

17. Wakantanka homakxidan
gehan womayakiyaka dehanyan;
nitookitanin kin he ociyatanin
kta.

18. Nakun wimacarinca qa pa
owancaya maska kin hehanyan
ecamon kta; Wakantanka wicoi-
cage owasin qa tona u kte cin

hena nirupahu waxake cin owa-
kiyake kte hehanyan amayuxtan
xni wo.

19. Wakantanka nitowoki-
conze kin taku owasin iwankam
un; Wakantanka taku tanka ya-
kaga tuwe kae he iyeniceca he.

20. Wowayazan wicocante
xica ota wanyag mayaya, tuka
ni mayaye çä makoce wicot-
kuni xni iwankam iyaye mayaye
kta.

21. Mayadutanka qa ake mi-
yecanpte kta.

22. Wakantanka mitawa ni-
towowicake cadowankiyapi on
icidowan kta; Israel towakanpi
kin cadowankiyapi on ciyatana
kta.

23. Mii qa minagi kici ema-
yahdaku kin de wiyxkin wado-
wan qa icidowan kta.

24. Tona taku xica cin maki-
yapi kin hena ixtecapi qa ini-
hanpi kta; nitowokiconze kin
miceji kin on ohiniyan omdake
kta.

PSAM 72.

Solomon wicaxta yatapi kagapi qa he-
han odowan kin he ahiyayapi.

1. Wakantanka woope nitawa
kin wicaxtayatapi kin qu wo;
qa nitowokiconze kin wicaxta-
yatapi cihintku kin qu wo.

2. Wooke on nitaoyate kin
wicayaco kta, nitawowidakepi

kin waxihdapi kin en owotanna kte.

3. Re kin wookiye icar ye çä paha kin oyate kin en wokiconze icar ye kte.

4. Oyate kin en waxihdapi kin owotanna kage kte; wicaxta iyotan iyekiyapi cincapi kin ewi-cahdaku kte; tona wakixdeya un kin hena wicayuwarbadan kta.

5. Tohanyan anpetu wi han-yetu wi kiciounye cin hehanyan konicipapi kta, wicoicage ye ye ciñowasin.

6. Magaju iyecen kun ye çä peji kaxdapi ake piya uye kte, maka akan magaju cistinna kin he iyececa.

7. He tohanyan un kin hehanyan wicaxta owotanna kin wawicarye kta; wookiye ota ton qa ecen hanyetu wi wanica hehanyan kta.

8. Miniwanca enounye çä ecen tokeca ehan i kta; wakpa kin etanhan ecen maka owihan-keta iyohi kta.

9. Oyate rewoskanounye ciñhena owasin itokam canpexka makehde inajin kta qa tona tóka ye ciñhena watuxekxeca yahote kta.

10. Tarxix wicaxtayatapi yakonpi qa wita ekta yakonpi ko hena taku kaipi kta; Xeba, Seba

henaozakiya wicaxtayatapi yakonpi kin taku ikce kaipi kta.

11. Wicaxtayatapi iyeye ciñowasin itokam canpexka makehde inajin kta, qa oyate kin owasin wowidake kiciun kta.

12. Wicaxta iyotan iyekiye ciñhena owasin hoyekiye kta, kinhan ehdaku kta, waxihdapi qa tona takudan ókiye xni koya.

13. Tona iyotan iyekiye çä warpanica koya onxiwicada kta, qa nagipi kin wicotakunixni etanhan ni wicaye kta.

14. Xitkihdaya hnaye wicakuwapi nagipi kin anawicakicipte kta qa ixta kin itokam wepi kin tewicarinda kta.

15. Ni un qa maza ska maza zi Xeba etanhan qupi kta, iye on ohinniyan wocekiye eyapi qa anpetu otoiyohi yuwakanpi kta.

16. Wamnaheza nape ohra ojupi unkan re kin iyehan intpa hiyeye, su icage cinhan Lebanon re can akan hiyeye ciñtate kahuhuze ciñhe iyecece kta. O-tonwe wicaxta ohnaka kin hena peji iyecen icage kta.

17. Yaonihanpi kin he ohinniyan ye kta, yatanpi kin he anpetu wi tohan un kin hehanyan suta kta, qa he iye etanhan unyuwakanpi kta, oyate kin owasin tanyan yaotaninpi kta.

18. Jehowa Wakantanka ya-wakanpi nunwe Israel ta Wa-kantanka ixnana taku okitanin pi qa waaiapi qa wawacinkta yuzapi xni, wankantuya warani-çida iapi.

19. Iye caje wowitan kin owi-hanke wanin yawakanpi nunwe; maka kin owancaya towitan kin un nunwe; hecetu nunwe.

20. Jesse cihintku Dawid wo-cekiye tawa kin ehake kin dee.

PSAM 73.

1. Israel oyate en ton a cante owotanna kin hena on Wakan-tanka wicakiciwaxte.

2. Miye misiha kin nawakta-hanhan kta kiyedan, miye kin nawaxdute kta kit an ecinyan ihan.

3. Wicaxta xica taku tawapi kin wanmdaka unkan wicaxta witkotkopike cin inawicawaki-wizi wacanmi.

4. Takudan icaxe xni ni yakonpi qa ecen täpi, waxakapi ocowasin yakonpi.

5. Wicaxta kin takudan ica-kijapi xni qa wicaxta kin om awicapapi xni.

6. Heon etanhan waraniçida-pi kin wanapin iyecen iyaye wicayapi; wokoyake wawakipa-jin oihdugepi.

7. Ixta kin wihdi iyececapi qa cantiheyapi kin owasin iyo-hipi.

8. Wawicirarapi qa wacokon-

pi qa waaiapi qa wawacinkta yuzapi xni, wankantuya warani-çida iapi.

9. Ipi kin marpiya kin ekta hdoiapi qa maka kin owancaya taku owasin aiapi, cejipi kin on.

10. Heon etanhan taoyate kin dehan yanka en hipi on cante wicaxica, mini imnahan yatke wicakiyapi.

11. Wakantanka waxaka Iyo-tan wankantuya un kin token de sdonye kta he, eyapi.

12. Dena xice cin ee wiconi kin den, woyuhu ota tonpi qa on tanyan yakonpi.

13. Ikcekcyea micante kin wakpakinte çä takudan iyaon-pepica xni nape wahdujaja;

14. Anpetu iyohi makäxtaka-pi qa hanrana eca woiyopema-yanpi.

15. De iwae kta ce, epe ci-qon, waciciyupi xni, nicinca wicoicage kin en.

16. Nakun he taku kin sdon-ye wacanmi tuka owakitpani.

17. Wakantanka waxaka tipi wakan tawa en tin imdamde çä wicaxta xicapi kin hena owi-hanke awacanmi hehanyan he-maceca.

18. Awicakehan makoce xdu-xduta en iyaye wicayaye çä te-han wankan tanhan ohinrpaye wicayaya.

19. Ecahankeya wicaktepi kin niyan erpeunyayapi he; qa na-he toketu he; taku on ṭapi qa kun tarinca oyakonpi qon en token yuxinyeya atanin xni wi-canniye yaya he.
20. Wihanmnaniqa kikktapi he iyececa, Itancan tohan yekta kinhan wootanin ihdutaninpi wowawicirara wicayaye kta.
21. Micante iyokixice çä mitawacin ekta iyaye çehan;
22. Woteca iyeцен takudan sdonwakiye xni, nitokam wa-manica iyemaceca.
23. Enitapa on emayahdaku qa ohinniyan niye en waun kta.
24. Wahokonwicayakiya on amayade çä nitowitan en emayahdaku kta.
25. Marpiya kin ekta ciyuhe cin, nakun tokeca he; maka akan nixnana on iyokipi miçiya.
26. Micante micerpi iyahna he taku xni, tuka niye imnija ciya qa micante kin ohinniyan miciyanka.
27. Tona nitehanyan iyeçiye cin hena takunipi kte xni; tona aniyuxtán kinhan hena ihang wicayaye kta.
28. Tuka miye Wakantanka ikiyadan mde cin he waxte; Jehowa Itancan kin en onawapa, qa taku econ kin owasin omdake kta.
- niyan erpeunyayapi he; qa na-kun tarinca oyakonpi qon en canniye yaya he.
2. Omnicie wanakaja tanhan yakage ciqon he kiksuya ye; Ziyon re opeyakiton qa en oun-yaye çä tawa niçkiye cin hee.
3. Mani qa kiyadan u wo, taku ihanke kin he en hiyohi wo; tipi wakan kin tóka ihang yapi.
4. Tipi wakan cokaya tóka niyanpi qon hotonpi, wiyokiye-dan tawapi ekihdepi qa wawi-wakta yapi kta on heconpi.
5. Otoiyozi can yankapi on-spe apahapi qa wanyag kiciyapi.
6. Wanna onspedan maziya-pe ahna wapagopi owasin ica-papi.
7. Tipi wakan nitawa en peta ehnakapi; wakeya nicaje on he ciqon iyupanpi qa makata erpe-yapi.
8. Cante mahan witaya, Ihang unyanpi kta, owasin ekiciyapi. Makoce kin den omnicie tipi Wakantanka tawa qon owasin rurnar yapi.
9. Taku taninyan he ciqon wanunhdakapi xni; wicaxta wokcan wanica, qa unkiyepi om yukanpi kin, tohanyan kte cin, tuwedan sdonye xni.
10. Wakantanka tohanyan tó-ka kin wowirara ye kta he; qa

tókapi kin he ohinniyan nicaje irarapi ye kta he.

11. Ninape enitapa kin takue on eyahdaku he; nimaku kin etanhan ninape ikikcu qa ihang wicaya wo.

12. Ohinniyan Wakantanka kin he Wicaxtayatapi mitawa, maka kin cokaya etanhan woe-hdaku yakaga.

13. Wanixake cin on minwanca kin yakaptuje ça unkteri pa wicayakaruga.

14. Wanmduxka otancanke pa ihang wicayaya, qa conica kin he oyate rewoaskan unpi wicayaqu.

15. Mini rdoka wakpa yurirakici durdoke ça wakpa tanka owasin oyare yaya.

16. Anpetu kin he nitawa, hanyetu kin nakun; iyoyanpa anpetu wi ko yakaga.

17. Maka owhanke kin owasin eyahnaka, mdoketu waniyetuko yakaga.

18. Tóka niyanpi kin he Jehowa nibapi kin de kiksuya wo, oyate witkotkopika nicaje irarapi.

19. Tin wakiyedan nitawa nagi kin wamanica en erpeye xni wo; iyokxicapi optaye nitawa ohinniyan awicakiktonje xni wo.

20. Wicoun nitawa kin wicahduha ye, maka kin ocowasin

otpaza akarpa wanka qa wawakipajin tipi ojudan hiyeye.

21. Tuwe kaxtag ktepidan wixtecapi on hde xni nunwe; warpaniyan iyokxicapi kin he nicaje yatanpi nunwe.

22. Wakantanka najin qa wavyeconze ciquon ikiya wo, anpetu otoiyohi witkotkoya nicaje oxtehdapi kin he kiksuya wo.

23. Nicipajinpi qa ipanpi kin he akiktonje xni wo; oqo wan niye en yuwankan icupi kin naharin ecen han ce.

PSAM 76.

Asap tadowan.

1. Juda ekta Wakantanka sdonyapi; Israel oyate kin en iye caje kin tanka.

2. Wakeya tawa kin Salem en he ça tipi tawa kin Zyon ekta.

3. Hen itazipa wanhinkpe kin yuwerwega, wahacanka mazasagye qa canripi koya.

4. Paha totoya wanke cin isanpa niye iyotan niwaxte.

5. Cante sutapi kin hena wicakipi; oixtima ixtimapi; qa wicaxta waxakxakapi kin tuwedan nape kin iyekiye xni.

6. Jakob ta Wakantanka kin niye iyopewicayaye cin on canpahmihma xuktanka ko yuxin-yayapi.

7. Niye nixnana nicinihanpi kta: Canniniye cinhan tuwe nitokam najin kta he.
8. Marpiya kin eciyatohan woyaco naron *wica* yakiya; maka kin inihan qa amdakedan ieu.
9. Tona makata warbayedan un kin owasin ni wicaye kta e Wakantanka woyaco najin qehan.
10. Awicakehan wicaxta woxihda yuhapi kin he niyatanpi kta; qa wocanniyi okaptapi kin he ayuxtan yaye kta.
11. Eya konzapi qa Jehowa Wakantanka nitawa kin en hdajuju po. Tona iye ihdukxan yukanpi kin owasin *Wakantanka* kinuhanpi kte cin he taku qupi kin kahipi kta.
12. He wicaxta itanean nagipi kin wicayutakuni kte xni; makata wicaxtayatapi kin en wownihan kin hee.
3. Wakantanka weksuye ça imanihan waun; waxicahowamdeça minagi kin yazan hindha.
4. Ixta rba xni mayaya; nina iyomakixice cin on ia owakitpani.
5. Anpetu hekta un kin hena awacanmi qa waniyetu wana-kaja kin.
6. Hanyetu eca mitadowan kin weksuya; micante kin kici wowahdakeça minagi kin nina akita.
7. Itanean kin ohiniyan erpeye kta he; qa ake wawacinkta yuze kte xni he.
8. Towaonxida kin ohiniyan enakiyapi, qa wahoyapi tawa kin wicoicage qa wicoicage he-hanyan ecetu xni he.
9. Wakantanka cantohnakapi kin akiktonja he; wocanniyi kin en towaonxida kin onakitaka he.
10. Hehan kaken epa; Mayazan kin he dee. Iyotan Wan-kan un kin nape etapa waniyetu kin hena *weksuye kta ce.*
11. Jehowa oran kin weksuye kta; awicakehan wanakaja tanhan wapetogtokeca nitawa kin weksuye kta.
12. Taku ecanon kin owasin awacanmi kta qa taku yakage cin hena omdake kta.
13. Wakantanka tipi wakan kin ohna niṭacanku wanka. Ta-

ku wakan tukte wanji e Wakan-tanka iyeen tanka he.

14. Taku Wakan taku wo-winihan kage cin he niye. O-yate kin en nitowaxake kin ya-hdaotanin.

15. Niisto kin on nitaoyate kin ni wicayaya; Jakob qa Josep cinca kin.

16. Mini kin wanniyakapi; Wakantanka mini kin wanniyakapi qa inihanpi; mini xbe cin nakun xkanxkan aya.

17. Marpiya xapa kin mini tpapsonpi; marpiya kin hotonpi; wanhinkpe nitawa kin nakun kakenken iyayapi.

18. Wakinyan nitawa kin marpiya kin ekta hoton; wakan-hdi kin maka kin iyoyanpa; maka kin hohodan qa cancan aya.

19. Miniwanca kin ohna nitacanku wanke çä oeanku nitawa kin he mini tanka kin en; qa nioye kin wanyakapi xni.

20. Nitaoyate kin optaye wan iyeen yus awicada; Mowis qa Aharon neapepi kin on.

PSAM 78.

1. Mitaoyate woope mitawa kin anagoptan po; mii kin etanh han mioie inanpe cin he noge ekta uya po.

2. Wiyacinyan mii kin wa-hdukawa kta, taku itog ehan qon he dehan omdumdece kta.

3. Unkihunkakepi taku un-kokiyakapi qa naunronpi qa sdonunyanpi;

4. Hokxiyoqopa anawicunki-rmanpi kte xni; Jehowa towitan idowanpi kta qa towaxake on taku okitaninyan econ kin tokata wicoicage yeye cin owi-cakiyakapi kta.

5. Toope kin he Jakob en kage çä woope kin he Israel en ewicahnaka; hunkake wicunyanpi cincapi kin owicakiyakapi kta e naron wicaya.

6. Wicoicage owecehan yeye cin heciya tanhan hokxiyoqopa kin sdonyapi kta; sanpa cincapi kin iwahokonwicakiyapi kta.

7. Heon Wakantanka wacinyanpi kta, Wakantanka waxaka wicoran tanka tawa kin akikton-japi kte xni, tawoahope kin tan-yan kiciyuhiapi kta.

8. Hunkake wicayapi taku econpi qon he econpi kte xni; wicoicage waraniçidapi qa hnayanpi, wicoicage kin he cantepi kin okonwanjipidan xni qa toksapepi kin Wakantanka waxaka en oitonpi xni.

9. Epraim cincapi itazipa wi-pe ko yuhapi qa okicize nakici-papi.

10. Wakantanka towicoun yakonpi qon hduha unpi xni,

toope ehna manipi kte ciqon aktapi xni.

11. Oran tanka qon akikton-japi qa taku okitaninyan econ qa wanyag wicaye ciqon he nakun.

12. Egupta makoce qa Zohan mága kin en hunkake wicayapi wicitokam taku wapetokeca econ.

13. Miniwanca yuptuje ça mini kin anog yuwitaya ehnake ça ehna iyaye wicaya.

14. Anpetu ehan marpiya xapa on awicaye ça hanyetu ehan peta on iyoyam wicaya.

15. Imnija yuptuje ça imnahan mini yatke wicakiya; repuza en xbeyata iyeceen mini kadus ya.

16. Imnija etanhon wakpadan hinanpe ye ça wakpa iyeceen mini kadus ya.

17. Heca tuka ohinniyan wakirtanipi, repuza en Otancanke kin iyoyag yapi.

18. Cantezi kin mahen Wakantanka waxake cin iyutan yanpi qa tado imnahan kidapi.

19. Wakantanka aiapi qa heyapi, Wakantanka waxaka repuza en wahna wotapi wanji en wohna ahiunkihdepi kta he.

20. Unkan imnija kin en ape ça mini kaduze ça wakpadan kin nina minicaduza. Aguyapi nahun unqupi kta okihi he; taoyate tado wicaqu kta okihi kta he.

21. Nawicaron unkan heon etanhon Jehowa cannaye cin tanka; qa Jakob peta kin aide, cannaye cin he Israel iyahde wicaya.

22. Wakantanka wicadapi xni qa woehdaku tawa kin awacinpí xni kin heon.

23. Marpiya xapa owicakiye ça marpiya tiyopa kin yuzamni;

24. Manna ahinhe wicaye ça yutapi, marpiya aguyapi wicaqu.

25. Hecen on waxakxakapi aguyapi tawapi kin otoiyohi yutapi; tado imnahan yutan hiyu wicakiya.

26. Wiyohipanya tanhan tate ouye kin yuinina qa wiyotanhantate ouye kin e yutanka.

27. Cerpi kin watuxekxeca iyeceen abomdu wicaya, xiyo kin rupahu yukanpi kin miniwanca wiyaka iyeceen okinyanpi;

28. Tawokeyapi kin ihdukxan qa owti cokaya ohinrpaye wicaya.

29. Yutapi qa wipi içiyapi; hecen on taku konpi qon ecetu wicakiya.

30. Taku cinpi qon naharin akiktonjapi xni, ipi kin naharin tado ohnakapi;

31. Wakantanka cannaye cin iyowicaki qa tona cepapi kin hena wicakte; Israel oyate etanhon wicaxta waxte ece karnir makata iyewicaya.

32. Hececa tuka ake nakun wartzanip qə tookitanin kin wi-
cadapi xni.
33. He etanhan anpetu tawa-
pi kin yuptenyedan icu, qa oma-
ka kin ix oiyokixnya iyey.
34. Wiconṭe en iyaye wicaya,
unkan hinnakaha odep; hanran
rin icicawin Wakantanka wa-
xake cin odep.
35. Wakantanka kin he imni-
ja kin ee, qa Wakantanka wa-
xake cin hee otancanke qa ope-
wicakiton kin hehan kiksuyapi.
36. Tuka ipi kin en ecahe-
conpika qa cejipi kin on Wa-
kantanka oitonpi xni.
37. Qa cante owotanna kiyu-
zapi xni, tawicoun wicaye ciqon
tanyan hduhapi xni.
38. Tuka iye qe wawacinkta
yuze cin hduhe çä xicaya oran-
yanpi wicakieicaju qa ihang
wicaye xni. Taku cantiyahde
ye kte cin ota anakipta qa towo-
xihda kin iyopte ye xni.
39. Cerpi yukanpi qon he
kiksuya, tateyanpa kin iyaya
eca icicawin ku xni ece.
40. Repuze cin en cante oki-
çunicapi kin he tona hececapi
he, rekoskan tona xitkihdapi
he.
41. Wakantanka icitakihna
iyutanyanpi qa Israel taku Wa-
kan yuhapi qon takudan sam
okihi xni, eyapi.
42. Taku nepe etanhan qon
he kiksuyapi xni; xicaya wica-
yuhapi tuka hetanhan anpetu
wan en ewicahdaku qon kiksuyapi xni.
43. Egupta en he iye taku
econ qon, qa Zohan mága kin
en taku wapetokeca econ.
44. Wakpa wakpadan ko ta-
ku we kin hececa ye çä yatke-
pica xni econ.
45. Watutka icicahiya en iya-
ye wicaye çä wicayutapi qa
hnaxka wicaktepi.
46. Waskuyeca tawapi kin
wanmduxkadan wicäqu qa torta-
napi kin psipsicadan wicäqu.
47. Can wiyyuwi tawapi kin
ahinhe çä ihang ya, qa wasku-
yeca hu wan yuhapi kin he are-
wanka on ihang ya.
48. Tawotecapi kin wasu wa-
wicäqu, qa tarinca optaye kin
wakinyan ihang wicaya.
49. Tocanniye itkonye çä he
en iyaye wicaya; tocanniye tan-
ka, woxihda, wicocante xica,
taku xica ocaje ota wicakiyu-
tanin.
50. Tocanniye canku kin hdu-
wiyyeya, nagipi kin itonwicape
xni, tawotecapi kin wiconṭe
iyahde wicaya.
51. Egupta en hokxin tokap-
papi owasin awicapa, Cam ta-
wakeya otokapa ekta wowaxake
kin.

52. Taoyate kin tarinca iye-
cen tankan inanpe wicaye ça
repuza en optaye ton awicaya.

53. Qa wohnaye wanin awi-
caya, taku ikopa wanin; tóka
wicayapi kin e miniwanca kin
on akarpe wicaton.

54. Tamakoce wakan kin en
awicai, nape etapa kin eciyat-
han re wan ohiya.

55. Wicitokam oyate owasin
nape wicakiye ça makoce kin
hena tawa wicakiye ça Israel
wicoun tawakeyapi kin ea oun-
ye wicakiya.

56. Wakantanka wankantuya
en iyutanpi qa xihda yapi qa
tawoahope kiciyuhipi xni.

57. Owotanna oranyanpi xni
qa reyata ihdoyapi, hunkake wi-
cayapi econpi qon. ix ake ecen
econpi, itazipa wicahnayan iye-
cen aptanye içiyapi.

58. Paha kin eya ece ohodapi
qa wapagopi en inawizi yapi qa
heon cante iyadeyapi.

59. Wakantanka he naron qa
ihdureyapa qa Israel oyate wa-
rte wicada xni.

60. Xilo tipi kin, iye tawa-
keya wicaxta opeya un qon erpe-
ya.

61. Towaxake kin he tóka
wicayapi kin en wayaka wicaqu,
qa tóka napepi en towitan iyaye
kiya.

62. Taoyate kin wipe iyahde

wicakiya, qa tawa wicaye ciqon
canniye wicaya.

63. Koxka ece karnir peta on
rurnar wicaya, hecen on wiko-
xka kin tuwedan hihnayanpi
xni.

64. Woxnapi kagapi kin wipe
on irpayapi, tuka wiwazica kin
ceyapi xni.

65. Hehan Itancan kin ixtima
iyececa, tuka ihdurica, mini xa
yakanpi eca wicaxta waditaka
iyakixapi ho iyece;

66. Tóka tapetepi eciyat-
han awicape ça wicakahomni,
ohinnian wowirara en iyaye
wicaya.

67. Tuka Josep tawakeya
qon erpeya, qa Epraim wicoun
karnige xni.

68. Juda tawicoun kin he kar-
niga, Ziyon re waxte dake ciqon
he.

69. Qa tipi wakan tehanwan-
kantuya kaga, maka kin ohinni-
yan wanke cin he iyece.

70. Dawid taokiye kin karni-
ga, tarinca en ounye wicakiyap
kin hetahan icu;

71. Tarinca ihduxakapi kin
etahan; Jakob taoyate qa Is-
rael tawa wicaye kta en ai qa
itokaheya un kte.

72. Qa cante kin ekta owo-
tanna toka wicakicihan qa nape
kin on wayupiyahan awicaya.

PSAM 82.

Asap tadowan.

1. Taku wakan omniciye ta-wapi kin en Wakantanka najin; qa taku wakan kin ohna wayaco ece.

2. Tohanyan ecinxniyan wa-dacopi qa wicaxta xice cin iha-wicayaktapi kta he.

3. Warpanica wamdenica ko owicakiya po: tona iyokixicapi qa icakija un kin hena owo-tanna ecawicakicon po.

4. Warpanica qa icakija unpi kin hena owicakiya po; wicaxta xicapi nape kin etanhā ewica-hdaku po.

5. Hena sdonyapi xni qa okar-nigapi xni; otpaza ehna manipi; maka kin taku akan he cin owa-sin xkanxkan aya.

6. Taku wakan kin henicapi qa owasin Iyotan Wankan un kin cinca kin he niyepi ce, eya.

7. Tuka wicaxta kin iyece-niṭapi kta; qa wicaxta itancan kin iyece-niṭapi kta.

8. Wakantanka najin qa maka kin yaco wo; oyate kin owasin tawa wicayaye kta.

PSAM 84.

Odowan Qora cihintku tawapi.

1. Jehowa taku owasin *Itancan* kin wakeya nitawa kin hena nina waxte.

2. Minagi kin Jehowa taho-coka kin cantiheye çä cantokpa-ni; Wakantanka ni un kin he micante qa micerpi kin ahotanin.

3. Zitkadan kaex tipi iyekiye çä icapxinpxincadan kin he horpi hduha, hen cinca kin ekhnake kta; Jehowa Sabayot Wicaxta-yatapi mitawa qa Wakantanka mitawa wahna woxnapi nitawa kin hee.

4. Tona yati kin ohna tipi kin hena wowaxte yuhapi, ohini-yan niyatani kta.

5. Wicaxta kin tuwe niye on waxake cin he wowaxte yuha; tona cantepi kin mahan canku kin wanka.

6. Wicaceya omdaye kin opta yapi eca minirdoka kagapi; qa kohanna magaju kin he wowaxte on akarpa.

7. Hena wowaxake etanhā wowaxake ekta yapi; Ziyon ekta Wakantanka itokam inajinpi kta.

8. Jehowa Wakantanka taku owasin *Itancan* kin wocekiye mitawa kin namakiron wo; Jakob ta Wakantanka kin anago-ptan wo.

9. Wakantanka wahacanka unkita-wapi kin wanyake çä tu-we sda yakiye çiqon he ite kin ekta etonwan wo.

10. Nitahocoka kin en anpetu wanjidān hee kektopawinge isan-

pa waxte: Mita Wakantanka ti kin tiyopa kin en imdotanke kta wacin qa wicaxta xica tawakeya kin ohna wati kta *wacin xni*.

11. Jehowa Wakantanka an-petu wi qa wahacanka kin heca; Jehowa wowaonxida wowitan ko wicaqu kta qa tona owotanna manipi kin hena taku waxte takudan ipiwicada kte xni.

12. Jehowa taku owasin *Itancan* kin wicaxta kin tuwe wacin-niye cin he wowaxte yuha.

PSAM 85.

Odowan Qora cibintku tawapi.

1. Jehowa nitamakoce kin he iyonicipi; Jakob wayaka awicayapi qon hena awicayahdi.

2. Nitaoyate wartanipi kin wicayecicajuju qa taku xica econ-pi kin he owasin akarpe yaton.

3. Wocantiyahde nitawa kin enayakiye ça wocanniye nitawa ide kin he etanhan nihduhomni.

4. Wakantanka ni unyanpi kin unyuhomni po, qa canniye-unyayapi kin he ayuxtán kiya wo.

5. Ohiniyan canniyeunyayapi kta he; wicoicage qa wicoicage hehanyan wocanteptanye nitawa kin enakiye kte xni he.

6. Ake ni unyayapi kte xni he; nitaoyate kin niye en iyuxkinpi kta.

7. Jehowa nitowaonxida kin wanyag unkiyapi qa wiconi nitawa kin he unqu po.

8. Jehowa Wakantanka taku eye kte cin he nawaron kta: Taoyate qa tona waonxida ta-wa wicaye cin hena wokiyapi owicakiye kta; tuka taku ecinxniyan kin ekta ake ihdoipi xni nunwe.

9. Awicakehan niwicaye ta-wa kin tona kokipeyahan unpi kin hena en ikiyadan un. Qa hecen unkitamakocepi kin en wowitan un kta.

10. Wowaonxida qa wowi-cake kin kici itkokicipapi; wo-owotanna qa wookiye kin i iki-ciputakapi.

11. Maka kin etanhan wowi-cake icage kta qa marpiya kin eciyatghan wicoowotanna kin kun etonwe kta.

12. Kinhan Jehowa wowaxte kin wicaqu kta, qa unkitamakocepi kin taku aicar ye kta.

13. He itokam wicoowotanna ye kta; qa iye canku ohna ye cin he en iyahe kta.

PSAM 87.

Qora cibintku tadowanpi.

1. Re wakan tawa kin ekta taku ahde he cin wanka.

2. Ziyon tiyopa kin Jehowa waxte daka, Jakob tipi kin owa-sin isanpa,

3. Wakantanka unkitawapi kin taotonwe kin niye en wotanin waxte oyakapi.
4. Tona wanmayakapi kin Rahab qa Babel on owicawakiyake kta. Wanyaka wo, Pilexet qa Turos qa Kux, hena en wicaxta kin de tonpi.
5. Qa Ziyon on kaken oyakapi kta; Wicaxta kin dee qa kae hen wicatonpi: Unkan Iyotan Wankan un kin he yusuta kta.
6. Jehowa oyate kin wowapi en wicayawa kinhan, *Wicuxta* kin de hen tonpi e *yawa kta*.
7. Dowanpi sa qa candowan-kiyapi sa qa wakoniya mitawa kin owasin niye en un.
- wanna henakeca he iyecen *dawwa*, qa haneyetu hankedan iyececa.
5. Hena minitan on iyecen okarbog iyeyaya; wowihamde wan iyecen un: Hanrana eca peji icage cin he iyececa.
6. Hanrana eca icage ca rea aya, qa rtayetu hehan kaxdapi qa xnix aya.
7. Wocanniye nitawa kin on unyutakuapi xni qa woxihda duhe cin on unyuxinyayapi.
8. Waunrtanipi kin nitokam eyahde qa taku xica narmana econkupi kin hena nitohnake iyoypa kin en.
9. Woxihda nitawa kin on anpetu unkitawapi kin enakiyapi; wicotawacin wanjidan iyecen waniyetu unkitawapi kin unkahunipi.
10. Anpetu kin waniyetu unkitawapi kin hena wikcemna zakowin, qa wakixakapi on waniyetu wikcemna xahdogan henyan unniipi kex wicowaxake kin he wicortani qa woiyokixice kin hee.
11. Wocanniye nitawa taku okihi kin he tuwe sdonya he. Wowinihan nitawa kin woxihda nitawa kin iyececa.
12. Anpetu kin tanyan unhdawapi kta e onspeunkiya po; hecen wicoksape awauncinpi kta.

PSAM 90:

Mowis Wakantanka wicaxta tawa ta-wocekiye kin..

1. Itancan wicoicage qa wi-coicage kin en wowinape unniyanpi.

2. Re kin icage xni, he itokam, qa maka taku ohnaka ko yakage xni he ehan nakun oto-kaheya wanice ca owihanke wakica Taku Wakan kin he niye.

3. Maka watuxekxeca kin ekta wicaxta kin hde wicayaye ca, Adam cincea hdieu po, eha ce.

4. Niixta kin en waniyetu kektopawinge kin hena rtanihan

13. Jehowa ake hdicu wo; tohanyan he. Wowidake wicayaye cin onxiwicakida wo. inayape kta; wowicake tawa kin he wahacanka qa maza maku akarpe kin hee.

14. Kohanna nitowaonxida kin on imna unyan po; hecen anpetu owasin unkiyuxkinpi qa piundapi kta.

15. Anpetu kin ton a en iyo-kixin unyayapi qa waniyetu kin en taku xica wanunyakapi kin hena iyacinyan pida unkiya po.

16. Nioran kin nitaokiye kin wanyag wicaya wo qa nitowitan kin hena cincapi kin.

17. Qa Jehowa Wakantanka unkitawapi towaxte kin unkiyepi en un nunwe: qa unnapipi kin taku kagapi kin he unkici-yusuta po; unnapipi kin taku yuxtan kin he Yusuta wo.

5. Hanyetu eca wokokipe on kopeyahda kte xni qa wanhin-kpe anposkan kinyan iyaye cin koya.

6. Makoxica otpaza en mani qa wokayazan xica wiyo tanhan hehan wicayutakuni xni kin hena ko.

7. Canitka tanhan kektopawinge hinrpayapi kta qa enitapa tanhan kektopawinge wikkemna exta nikiyadan u kte xni.

8. Niixta kin ecedan on ekta eyatonwe ca wicaxta xica iyun-win icupi kin he wandake kta.

9. Jehowa Iyotan Wankan un kin wowlapse mitawa kin he tipi yaya;

10. Heon takudan xica ani-hinrpaye kte xni qa wokayazan xice cin takudan yati kin ikiyadan u kte xni.

11. Ohnihde wicaye cin hena niye on econ wicaxi kta; nita-canku kin owasin ohna yus ani-yanpi kta;

12. Qa napipi kin ohna yuwankan niyuhapi kta, hecen nisiha kin inyan ibonito kte xni.

13. Mnaja qa sinterda kin akan nayajin; mnaja koxka wan-mduxka ko amayani kta.

14. Cantomakpani ce, heon etanhian ewehdaku kta; micaje

PSAM 91.

1. Iyotan Wankan un kin he wowlapse kin en tuwe iyotanke cinhan he Iyotan Waxake cin ohanzi tawa kin ihukuya wanke kta.

2. Jehowa on kaken epe kta; Wowlapse mitawa qa conkaxke mitawa qa mita Wakantanka kin hee, he wacinwaye kta.

3. Heon hmunkapi kin etanhian enihdaku kta qa makoxica kin etanhian.

4. Xun kin on akarpe niton qa rupahu tawa kin ihukuya

kin he sdonmaye çä heon wan-
kan e wahde kta.

15. Houmakiye kte cin amdu-
pte kta; iyokixicapi kin en kici
waun kta, etanhan ewehdaku qa
mduonihan kta.

16. Anpetu hanskaska kin on
imna waye kta qa niwicaye mi-
tawa kin wanyag wakiye kta.

PSAM 93.

1. Jehowa Wicaxtayatapi un
qa wootanin koyaka; Jehowa
wowaxake koyake çä he ipiyag
kiton; maka kin he sutaya
ehdepi, hecen yuhohopica xni
wanka.

2. Otokaheya wanin yaun;
oiyotanke nitawa kin he wana-
kaja tanhan sutaya hdepi.

3. Wakpa kin hena wankan
iyeiciya; Jehowa ominitan irara
kin wankan iyeiciya; ominitan-
taja kin wankan aya.

4. Jehowa wankantuya un
kin he mini tanka irara kin isan-
pa waxake çä miniwanca taja
tanka kin hena koya.

5. Woonspe nitawa kin hena
wicake rinca; Jehowa wowaxte
yati kin ohinniyan iyokipi.

PSAM 95.

1. U po, Jehowa unkahiya-
yapi kta ce; niwicaye imnija
unkitawapi kin he unkidowanpi
kta..

2. Wopida eya itohnake kin
itokam unkupi kta; odowan kin
on unkidowanpi kta.

3. Jehowa Wakantanka tanka
qa Wicaxtayatapi tanka, taku
wakan kin owasin iwankam-
un.

4. Iye nape kin ohna maka-
mahentuya kin yukan; re tehan
wankantuya un kin he nakun-
tawa.

5. Miniwanca kin he tawa,
iye kaga nakaex, qa iye nape-
kin maka puze cin icar ya.

6. U po, ohoundapi qa pam-
hdedan unkanpi kta; Jehowa-
icar unyanpi kin he itokam can-
pexka makehde inaunjinpi kta-
ce.

7. Wakantanka unkitawapi
kin he iye; oyate won wicakiye
çä tarin wanuyanpi iye nape
wicayuhe cin hena unkiyepi.
Anpetu kin de en he ho kin na-
yaronpi kinhan;

8. Nicantepi kin ihduteripi
xni po, Meriba ekta econpi qon
iyecen qa rewoskan makoce kin
en anpetu iyutan yanpi qehan.

9. Hehan nihunkakepi kin-
iyutan mayanpi qa mayukcan-
aye çä mioran kin wanyakapi.

10. Waniyetu wickemna topa-
hehanyan wicoicage kin he iyo-
kixin mayanpi; qa hecen eya;
Oyate kin de cantepi kin ekta

ohinniyan hnunipi qa mitacanku
kin sdonyapi xni.

11. Hehan cantemaptanye çä
wowicake eciyatohanhan, Okirap-
pi mitawa kin en ipi kte xni,
kewicawakiya.

PSAM 96.

1. Odowan teca wan Jehowa
kahiyaya po; maka kin owanca-
ya Jehowa idowan po.

2. Jehowa idowanpi qa caje
kin yawaxte po; niwicaye tawa
kin anpetu iyohi oyaka po.

3. Ikcewicaxta kin ekta towi-
tan kin ieyanpaha po; qa oyate
kin owasin en wowapetokeca
econ kin koya.

4. Jehowa he tanka qa tan-
kaya yatanpi kte; taku wakan
owasin iwankam kinihani kta.

5. Oyate kin taku wakan ta-
wapi hena takuxnixni; tuka Je-
howa mapiya kin kaga.

6. He itokam woyuonihan qa
wowiyatpa un; tipi wakan tawa
kin ohna wowaxake qa wowaxte
yanka.

7. Oyate kin token wicowazi
kin Jehowa wowitan qu po,
wowaxake Jehowa kicu po.

8. Jehowa caje wowitan kin
he kicu po: woxnapi wan aupi
qa tahocoka kin timahen u po.

9. Tipi wakan waxte kin
ohna Jehowa ohoda po; maka

kin owancaya he itokam inihan
po.

10. Ikcewicaxta kin ehna,
Jehowa Wicaxtayatapi un ce,
eya po; maka kin nakun sutaya
ehdepi, hecen yuhohopica xni.
Oyate kin owotanna wicayaco
kta.

11. Marpiya kin iyuxkinpi
qa maka kin pida kta; miniwan-
ca kin irara kta qa taku ohnaka
koya.

12. Måga kin iyuxkin kte,
taku ohnaka koya; hehan ta-
xkoju kin owasin nakun iyuxkin
kta;

13. Jehowa itokam. Wanna
u, maka kin yaco u ce: Wicaxta
kin owotanna wicayaco kta qa
oyate kin wowieake hduhe cin
eciyatanhan.

PSAM 97.

1. Jehowa Wicaxtayatapi un,
heon maka kin iyuxkin kta qa
wita ota kin hena pidapi kte.

2. Marpiya xapa otpaza kici
ihdukxan hiyeya; Wicoowotan-
na qa woyaco kin oiyotanke ta-
wa kin akan he cin hena ee.

3. He itokam peta ide ye çä,
ihdukxan ton a tóka yapi kin rur-
nar wicaya.

4. Tawakanhdì kin maka kin
iyoyanpa; maka kin de wanyake
ça cancan hinhdha, Jehowa ito-
hnake kin on.

5. Jehowa itokam paha kin canxin iyeceñ xdopi; maka kin ocowasin Itancan itohnake kin on.

6. Wicoowotanna tawa kin he marpiya kin oyakapi qa iye towitan kin he oyate kin owasin wanyakapi.

7. Tona taku wakagapi kin ohodapi qa takuxnixni kin on iwinkta içiyapi kin hena owasin wixtecapi nunwe. Taku wakan owasin he itokam makata erpeiçiya po.

8. Ziyon naron qa iwinkta; Jehowa woyaco nitawa kin hena on Juda cunwintku kin iyuxkinpi.

9. Jehowa maka kin ocowasin iwankam wankantuya yaun; taku wakan owasin iwankan tehan wankantuya yaun.

10. Tona Jehowa waxte yadapike cin taku xica xice daka po. Tona waonxida nagipi kin tanyan wicahduhe çä wicaxta xicapi nepe kin etanhan ewicahdaku ece.

11. Wicaxta oran waxte kin hena iyoyanpa owicakicijupi qa tona cante owotanna kin hena wouiyuxkin owicakicijupi.

12. Tona oran niwaxtepi kin Jehowa on iyuxkinpi qa wopida eya po, wicoowotanna tawa kiksuyapi kin on.

Odowan.

1. Odowan teca wan Jehowa kahiyaya po. He taku wowinuhan. Iye nape etapa qa isto wakan kin on ohiya.

2. Jehowa niwicaye tawa kin ohdaka; qa toowotanna kin I-keewicaxta kin itokam hdaotan-in.

3. Israel ti kin on wowaon-xida qa wowicake tawa kin hena kiksuya; Maka ihanke kin owasin Wakantanka unkitawapi wi-coni *kage cin* wanyakapi.

4. Maka kin owancaya iyuxkinyan Jehowa yatan po: Hotankakiya hotaninpi qa iyuxkinpi qa idowan po.

5. Candowankiyapi on Jehowa ahiyaya po: Candowankiyapi qa dowanpi ho kin on.

6. Mazayahotonpi tanka qa cotanka yajopi kin on Jehowa Wicaxtayatapi kin itokam iyuxkinyan yahoton po.

7. Miniwanca kin he irarakte, taku ohnaka ko; maka kin tona ounyanpi kin hena koya *iyuxkinpi kte*.

8. Wakpa kin nepe hdaskapapi kta qa re kin hena witaya iyuxkinpi nunwe;

9. Jehowa itokam. He maka kin yaco u ce; wicoowotanna on wicaxta kin wicayaco kte çä

wowicake hduha oyate kin *wicayaco* kta.

PSAM 100.

Wopida Odowan.

1. Maka kin ocowasin Jehowa hoyekiya iyuxkinyan hotan in po.

2. Wopida yuha Jehowa oho da po; itokam odowan ahiyaya u po.

3. Jehowa he ixnana Wakan tanka e sdonya po. Iye unka gapi, unkiye unkiçicagapi xni; taoyate qa tarin wanuyanpi won wicakiye cin hena unkiyepi.

4. Wopida yuha tatiyopa kin en u po, qa tahocoka kin wowitan yuha timahen *u po*. Wopida eciyapi qa caje kin yawaxte po.

5. Jehowa he waxte; towaon xida kin he owihanke wanica, qa wovicake tawa kin he wicoicage qa wicoicage hehanyan un.

PSAM 103.

Dawid tadowan.

1. Minagi kin Jehowa idowan wo, qa taku miye mahan un kin ocowasin, iye caje wakan kin *yawaxte wo*.

2. Minagi kin Jehowa idowan wo, qa iye oran waxte kin owasin akiktonje xni wo.

3. He wayartani kin owasin

nicicajuju qa waniyazan kin owasin asni niyan.

4. Wicotakunixni etanhan nitaniya kin ehdaku qa wowaon xida wowaxte ko *watexdag* nicateon.

5. Faku waxte kin on nii kin imna niyan, hecen wanmdi iye cen piya konixka.

6. Tona xicaya wicakuwapi kin hena owasin on Jehowa wi coowotanna qa woyace wicaki caga.

7. Iye tacanku kin Mowis sdonye kiye çä iye oran kin Israel cincapi kin *owicakiyaku*.

8. Jehowa waonxida qa waxte, tehan canteptanye xni qa wawacinkta yuza tanka.

9. Ohiniyan iyopewicaye kte xni qa wocantepanye ohiniyan hduhe kte xni.

10. Waunrtanipi kin hena eciyatohan ecaunkiconpi xni qa taku xica econkupi kin hena on unqupi xni ece.

11. Marpiya kin maka kin iwankam yanke cin he iye cen towaonxida kin tona kokipeyahan un kin hena en tanka.

12. Wiyohiyanpa tanhan wi yorpeyata ekta iyahdeya hehan yan waunrtanipi kin yutokan iyeunkiciciyapi.

13. Ate yapi wan iye cinca kin cantowicahnake cin he iye-

cen tona kokipeyahan unpi kin
Jehowa onxiwicakida ece.

14. Token unkagapi kin he
sdonye çä watuxekxeca heunca-
pi kin he kiksuya.

15. Wicaxta taanpetu kin he-
na peji iyececa; tinta peji rca
kin he iyecen rca aya.

16. Tateyanpa kin he iwan-
kam iyaya, unkan tanin xni iya-
ye çä tukten icage cin he ake
tohini sdonye kte xni.

17. Tuka Jehowa towaonxida
kin he otokahe wanice çä owi-
hanke wanica, tona kokipeyahan
unpi kin hena iyahdeya qa woo-
wotanna tawa kin he cinca sanpa
cincapi kin hena en.

18. Tona wicotakuye kin ki-
ciyuhipi qa tona tawoahope kin
kiciksuyapi qa ecen econpi kin
hena.

19. Jehowa marpiya kin ekta
oyotanke kin ekihde qa tokiconze
kin owancayaounye.

20. Ohnideniyanpi waxakxa-
kapi kin Jehowa yatan po; iye
tawoahope kin ecen oyapapi qa
oie he kin anayagoptanpi ece.

21. Obe tawa kin owasin Je-
howa yatan po, tona taokiye ni-
yanpi qa iye tawacin kin ecen
ecanonpi kin.

22. Taku kage cin owasin
Jehowa yatan po, tokiconze kin
owancaya: Minagi kin Jehowa
idowan wo.

PSAM 111.

Ja yatan po.

1. Wicaxta owotanna witaya
yukanpi qa mniciyapi kin en mi-
cante ocowasin on Jehowa mda-
tan kta.

2. Jehowa taku kage cin hena
tanka, tona en iyuxkinpi kin he-
na owasin awacinpi ece.

3. Iye oran kin woyounihian
qa wowitan; toowotanna kin he
owihanke wanica.

4. Taku wowinihan econ kin
hena kiksuye wicaya; Jehowa
waonxida qa wacantkiya.

5. Tona iye kokipapi kin he-
na taku yutapi wicaqu ece: Wi-
cotakuye tawa kin ohiniyan ki-
ksuye kta.

6. Taku wowaxake on kage
çin hena taoyate kin wicakipa-
zo; oyate toktokeea wicayuhe
wicakiye kta heon.

7. Iye nape oranye cin hena
womicake qa woyaco kiu hee;
tawoahope kin owasin wicaka.

8. Hena ohiniyan qa owihan-
ke wanin sutaya un; womicake
qa wicoowotanna en econpi ece.

9. Iye taoyate kin opewica-
kiton; Wicotakuye tawa kin
owihanke wanin sutaya ehde.
He caje kin wakan qa wowini-
han.

10. Jehowa wokokipe kin he
wicoksape tokaheya kin he. To-
na ecen econpi kin hena owasin

woksape waxte yuhapi. Wotitan tawa kin ohiniyan un.

PSAM 112.

Ja yatan po.

1. Wicaxta kin tuwe Jehowa kokipeyahan un qa tawoahope kin en nina iyuxkin kin he waxte yuha.

2. He cine a kin maka akan waxakxakapi kta; ton a ewotanna un kin wicowazi tawapi kin yuwaxtepi kta.

3. Tipi tawa kin ohna woyuhqa qa wiwicajica yukan; qa too-wotanna kin he ohiniyan un kta.

4. Wicaxta owotanna kin on otpaze cin en iyoyanpa ahinan-pa. Waonxida qa wawacinkta yuzu tanka owotanna koya.

5. Wicaxta waxte kin he wan-onxida qa owicaqu ece; taku tawa kia wacinksamya hduxtan kta.

6. He ohiniyan pahohoxni un kta. Wicaxta owotanna wokiksuye kin ohiniyan ye kta.

7. Wotanin xice ikope kte xni; Jehowa wacinyan un, hecen cante kin okonwanjidan.

8. Cante kin sutaya un qa t-kudan ikope kte xni; toka yapi kin wanwicayake cin hehan-yan.

9. He wapamni qa warpani-capi kin wicaqu ece; oran owo-

tanna kin owihanke wanice kta. Iye he kin wowitan on wankan iceage kta.

10. Wicaxta xice cin he wan-yake kta qa iyokixice kta; hidakinskize ca skan aye kta. Wicaxta xica tawacin kin awihnuuni kta.

PSAM 113.

Ja yatan po.

1. Tona taokiye niyanpi kin Jehowa yatan po; Jehowa caje kin yatan po.

2. Detanhao hiniyan Jehowa caje kin yawaxtepi kta ce.

3. Wi hinanpe cin hetanhan qa wi hiyaye cin hehanyan Jehowa caje kin yataapi kte.

4. Jehowa oyate kin owasin wiciwankam wankantuya yanke ca towitan kin marpiya kin iwan-kam un.

5. Jehowa Wakantanka unkita-wapi kin wankan ounye cin he tuwe iyececa he.

6. Marpiya maka ko wanyake kta e on ihduhukuya.

7. He warpanica kin watuxekkeca etanhan yuwankan ehda-ku, qa tuwe wicakix un kin he tacesdi ejupi kin etanhan icu.

8. Wicaxta itancean kin om ehnake kta, qa taoyate wicaxta tankinkinyanpi kin om, heon hecon.

9. Winorinca cinca ton xni

kin he tipi yuhe kiye çä cinca
tonpi kin en iyuxkiu kiya ce.
Jehowa yatan po.

PSAM 115.

1. Jehowa, unkkiyepi xni, unkkiyepi xni ce, tuka nicaje kin
wowitan qu wo, nitowaonxida
qa wovicake nitawa kin hena
on.

2. Wakantanka tawapi kin to-
ki un he, tokeca Ikcewicaxta kin
heyapi he.

3. Tuka Wakantanka unkita-
wapi kin marpiya kin ekta yanke
ça token iyokipi kin hecen econ
ece.

4. Hena wakagapi tawapi kin
maza ska qa maza ska zi kin
heca, tuku wicaxta nape on ka-
gapi kin hee.

5. I yukanpi tuka iapi xni;
ixta yukanpi tuka wawanyakapi
xni.

6. Noge yukanpi tuka wan-
ronpi xni; pogé yukanpi tuka
takudan omnanpi xni.

7. Nape yukanpi tuka on ta-
kudan icupi xni; siha yukanpi
tuka manipi xni, qa dote kin on
iapi xni.

8. Tona kage cin hena iye-
cecapı qa tona wacinye cin hena
koya.

9. Israel Jehowa wacinyan
wo, he owicakiye çä wahacanka
tawapi kin hee.

10. Aharon ti kin Jehowa wa-
cinyan wo, owicakiye çä wahacan-
ka tawapi kin hee.

11. Tona Jehowa kokipeya-
han yaunpi kin Jehowa wacin-
yan po; owicakiye çä wahacan-
ka tawapi kin he iye.

12. Jehowa unkiksuyapi qa
unyuwaxtepi kta; Israel tiyohna-
ka kin wicayuwaxte kta; Aha-
ron tiyohnaka kin wicayuwaxte
kta.

13. Tona Jehowa kokipeya-
han unpi kin cistinpidan tankin-
kinyanpi ko wicayuwaxte kta.

14. Jehowa nina niyuotapi
kta, niyepi qa nicincapi kin.

15. Jehowa marpiya maka ko
icar ye cin he niyuwaxtepi ce.

16. Marpiya, marpiya kin he-
na Jehowa tawa qa maka kin
wicaxta cincapi kin wicaqu.

17. Tona çapi kin hena Jeho-
wa yatanpi xni qa tona inina
makoce kin ekta kun iyayapi
kin.

18. Tuka unkiye detanhan o-
hiniyan Jehowa unkidowanpi
kta. Jehowa yatan po.

PSAM 116.

1. Jehowa hoyewakiye cin
namakiron, heon waxte waki-
daka.

2. Noge on namakiron heon
anpetu mitawa kin hehanyan ho-
ywakiye kta.

3. Wiconṭe wokakije kin aohdute mayanpi, qa Hades wayazan kin imacupi; wicokakije iyokixicapi ko iyewaya.
4. Hehan Jehowa caje kin hoyewakiya; Jehowa ceciciya ce; Minagi kin emahdaku wo.
5. Jehowa waonxida qa owo-tanna; Wakantanka unkitawapi kin wawacinkta yuza.
6. Tona wacinton xni kin he-na Jehowa awanwicayaka; warpaniyan waun unkan iye oma-kiya.
7. Minagi kin hdicu qa oziciya wo, Jehowa tanyan ecamicon ce.
8. Wiconṭe kin etanhā minagi kin emayahdaku; miixta kin ixtamnihanpe kin etanhā, qa misiha kin wanahaye wanin *mayaya*.
9. Wicani makoce kin en Jehowa itokam mawani kta.
10. Wicawada heon iwa. Nina makakija.
11. Imanihan waun qehan kaken epa; Wicaxta kin owasin itonpixni sa.
12. Jehowa tanyan ecamicon kin owasin on taku itkom waqu kta he.
13. Wiconi wiyatke kin iwaeu kta qa Jehowa caje kin hoyewakiye kta.
14. Token eya wakonze cin he nakaka Jehowa ecawecon kta, taoyate kin owasin wicito-kam.
15. Jehowa ixta kin en tona owotanna un tawa wicaye cin hena ṭapi kin he terika.
16. Jehowa, awicakehan wowidag mayaya; nitaokiye qa winyan wowidag yaye cin ci-hintku kin he miye; makaxkapi kin mayakiduxka.
17. Wopida woxna kin waci-ciyuxna kta qa Jehowa caje kin hoyewakiye kta.
18. Token eya wakonze cin he nakaha Jehowa ecawecon kta, taoyate kin owasin wicito-kam.
19. Jehowa tiyocoka kin en, qa Jerusalem niye mahen Jehowa yatan po.

PSAM 117.

1. Oyate kin owasin Jehowa yatan po; wicaxta hiyeye cin owasin he idowan po.
2. Unkiyepi kin en towaon-xida kin he tanka. Jehowa wocicake tawa kin he owihanke wanica. Jehowa yatan po.

PSAM 119.

ALEP.

1. Tona canku kin ohna ecedan un qa Jehowa toope kin opapi kin hena woxaxte yuhapi.
2. Tona tawoonspe yuhapi

kin hena wowaxte yuhapi, qa cante ocowasin on akitapi ece.

3. Hena taku xica econpi xni; Jehowa tacanku kin omanipi.

4. Nitawoonspe kin tanyan ope unyaxipi.

5. Tokin mitacanku kin nitoope kin on owotanna kagapin.

6. Nitawoonspe kin owasin awacami kinhan imaxtece kte xni.

7. Tohan woyaco owotanna nitawa kin owakarnige cinhan hehan cante owotanna hduha ciyatana kta.

8. Nitoope kin hena owape kta; ohinniyen amayuxtan xni wo.

BET.

9. Koxka kin token tacanku kin tpakinte kta he : Nioie kin eciyatohan awakicin kin heon.

10. Micante ocowasin on acicita; nitawoahope kin wanuni xni nunwe.

11. Nioie kin micante kin mahen emiçihnak; hecen niye en wacicirtani kte xni.

12. Jehowa niye wowaxte duha; woonspe nitawa kin onspe makiya wo.

13. Nii woyaco kin hena owasin miiha kin on omdaka.

14. Wohuya owasin en *iyuzkinpi* kin he iyeen wotanin

waxte nitawa canku kin ohna imduxkin.

15. Woonspe nitawa kin awacin waun qa nitacanku kin he ekta ewacami kta.

16. Nitoope kin hena en iyuxkin miçiye kta; qa nioie kin awektonje kte xni.

GIMEL.

17. Nitaokiye kin tanyan ecakicon wo ; hecen wani qa nioie kin owape kta.

18. Miixta kin miciyuzamni wo; kinhan nitoope kin en taku wowinihan kin wanmdake kta.

19. Maka kin en unhdaka waun; nitawoahope kin anamakirbe xni wo.

20. Minagi kin woyaco nitawa kin ohiniyan cantokpani kin heon ahdaskicapi.

21. Waranicidapi kin iyope-wicayakiya; tono nitawoahope opapi xni kin hena yaxicapi.

22. Waaiaapi qa irarapi kin yutokan iyemiciciya wo : wotanin waxte nitawa kin he yuha waun.

23. Wicaxta itancanpi kin hena iyotankapi qa amaiapi ; tuka nitaokiye nitoope kin awacin yanka.

24. Taku daotanin kin he wiwiyuxkin mitawa qa waonspekiya mitawa kin hee.

DALET.

25. Minagi kin watuxekxeca

en askamya un; nioie kin eciya-tanhan ni mayan wo.

26. Mioran kin owhdaka unkan namayaron; nitoope kin onspe makiya wo.

27. Wooke nitawa canku kin he iyukcan mayan wo: hecen nioran wowinihan kin hena omdake kta.

28. Iyokixicapi on minagi kin ixtamnihanpe au: Nioie kin eciyatohanhan waxag mayan wo.

29. Itonpixni canku kin he imakieu wo: nitoope kin ion-ximada wo.

30. Wowicake canku kin he wakarnige ça woyaco nitawa kin mitokam ewahde.

31. Taku odake cin hena su-taya mduza; Jehovah ixten maye xni wo.

32. Nitawoahope canku kin ohna waimnanke kta; micante kin tanka mayakage cinhan.

HE.

33. Jehovah nitoope canku kin onspe makiya wo: owihanke kin ekta iyahdeya mduhe kta.

34. Wicoksape maqu wo, nitawoahope kin owape kta ce; Han, micante kin ocowasin on awacami kta.

35. Nitawoahope canku kin omani makiya wo; hena en imduxkin.

36. Token odake cin hena

ekta ewacin mayan wo; qa wahduhahapi kte cin-en *iyaye maye* xni wo.

37. Taku ecinxniyan miixta kin ekta etonwe xni mayan wo; nitacanku kin en ni mayan wo.

38. Nitaokiye konicipe cin he en nioie kin kiciyusuta wo.

39. Amaiapi kowakipe cin he yutokan iyemiciciya wo; woyaco nitawa kin hena waxte.

40. Wanyaka wo, woonspe nitawa kin cantowakpani; nitowotanna kin on ni mayan wo.

WA.

41. Jehovah nitowaonxida kin he miye en mau nunwe; qa ni-wicaye nitawa kin he koya, nioie kin heon.

42. Hecen tuwe taku amicage cin he amdupte kta; nioie kin wacinwaye cin heon.

43. Qa mii kin etanhan nioie wieake cin icimana ehdaku xni wo; woyaco nitawa kin wacin-yan waun.

44. Hecen nitawoahope kin ohiniyan owihanke wanin owape kta.

45. Wicowoyake nitawa kin hena awakita, heon tankaya mawani kta.

46. Daotanin kin hena wicayatapi kin wicitokam omdake ça imaxtece kte xni.

47. Qa nitawoahope waxte

wadake cin he en iyuxkin mi-
çiye kta.

48. Qa nakun nitawoahope
waxte wadake cin hena ekta
nape mdugate çä nitoope kin
awacami kta.

ZAYIN.

49. Taku nitaokiye kin eya-
kiye cion he kiksuya wo; he
en ape mayaya.

50. Nioie kin ni mayan; iyo-
makixica eca he wacintonhnag
mayan ece.

51. Tona waranicidapi kin
hena ohiniyan imararapi *tuka*
nitawoahope kin amduxtan
xni.

52. Jehowa nitawoyaco wa-
nakaja kin hena weksuye çä
wacintonhnag mayan.

53. Wowinihan imacu, wica-
xta nitawoahope kin ayuxtanpi
kin heon.

54. Unwicahdaka tipi mitawa
kin ohna nitoope kin hena
awahimdamde.

55. Jehowa hanyetu icunhan
nicaje kin weksuye çä nitoope
kin opeya waun.

56. Woonspe nitawa kin
awacami kin heon etanhon he-
maceca.

CET.

57. Woyuha mitawa kin Je-
howa hee; nioie kin yuha waun
kta, epa.

58. Micante ocowasin on ni-

ite kin icewakiya; nioie kin
eciyatanhan onximakida wo.

59. Mitacanku kin wahdu-
kcan qa misiha kin nitoope kin
ekta iyewakiya.

60. Nitawoahope kin owape
kta e inawarni qa mdutehan
xni.

61. Wicaxta xica ozuye kin
hena makipi; tuka nitawoahope
kin awektonje xni.

62. Woyaco owotanna nita-
wa kin hena on hanye cokaya
hehan imdotanke çä wopida
eciciye kta.

63. Tona konicipapi qa ni-
toope opapi kin hena owasin
koda mayanpi.

64. Jehowa maka kin nitowa-
onxida kin on ojudan; woonspe
nitawa kin onspe makiya wo.

TET.

65. Jehowa nioie eciyat-
han nitaokiye kin tanyan eca-
yecon.

66. Wowiyukcan waxte wo-
sdonye ko onspe makiya wo :
Nitawoahope kin hena wica-
wada.

67. Makakije xni kin he ito-
kam wanuni; tuka nakaha nioie
kin mduha.

68. Niye niwaxte qa tanyan
ecanon; nitoope kin he onspe
makiya wo.

69. Tona wamnacidapi kin
hena taku itonxni amicagapi;

tuka micante kin ocowasin on woope nitawa kin owape kta.

70. Iye cantepi kin wasna iyecen cepa; *tuka* nitawoahope kin en imduxkin.

71. Makakije cin heon tanyan waun; nitoope kin onspe miçiciye kta.

72. Nii woahope kin he maza ska zi qa maza ska kektopawinge ota isanpa mdawa.

YOD.

73. Ninape kin icar maye çä makaga; onspe makiya wo, nitawoahope kin sdonwaye kta ce.

74. Tona konicipapi kin hena wanmayakapi kinhan iyuxkinpi kta; nioie kin ape waun kin heon.

75. Jehowa woyaco nitawa kin hena owotanna e sdonwaya; qa wovicake eciyatohan kakix mayaya.

76. Ceciciya ce, nitowaonxida kin he micanpta nunwe; nitaokiye token eyakiye ciqon he iyecen.

77. Nitowaonxida kin miye en mau nunwe, hecen wani kta; nitoope kin wavyuxkin waya.

78. Tona waranicidapi kin hena ixtecapi kte; hena taku xni on ecinxniyan ecamiconpi, *tuka* nitoope kin awacami kta.

79. Tona konicipapi qa watanin waxte nitawa sdonyapi kin hena miye en maipi nunwe.

80. Nitoope kin en micante kin ocowasin un nunwe; heon imaxtece kte xni.

KAP.

81. Niwicaye nitawa kin on minagi kin atakuni xni aya; nioie wacinwaya.

82. Iyae cin on miixta kin amdeze xni aye çä, Tohan wacintonhnag mayaye kta he, epace.

83. Wojuhu wan xota en *otkeyapi* kin hemaceca; *tuka* nitoope kin awektonje xni.

84. Nitaokiye anpetu tawa kin tonaka he: Tona xicaya makuwapi kin hena tohan wicadaco kta he.

85. Waranicidapi kin woramicapi; he nitawoahope kin eciyatohanhan xni.

86. Nitawoahope kin owasin wovicake kin hee; xicaya makuwapi, niye omakiya wo.

87. Maka akan mayutakuni xni *cini*, *tuka* nitoope kin amduxtan xni.

88. Nitowaonxida kin on nimayan wo; hecen nii yaotanin kin mduhe kta.

LAMED.

89. Jehowa ohinniyan marpiya kin ekta nioie kin sutaya un.

90. Wicoicage qa wicoicage kin hehanyan wovicake nitawa

kin yanka; maka eyahde kin he nahahr ecen han.

91. Hena anpe dehan ecen han, wicayeconze cin he iyecen; owasin wowidag yaya.

92. Nitawoahope kin wowi-yuxkin waye xni unkanx makakije cin on matakuni kte xni tuka.

93. Nitoope kin ohinniyen awektonje kte xni; hena on ni mayaya.

94. Tawa mayaye ein, ni mayan wo; nitoope kin awakita.

95. Wicaxta xicapi kin maktepikta e iyamapepi; tuka wotanin waxte nitawa kin awacami kta.

96. Woyuxtangowasinkinwanmdaka; nitawoahope kin he ohdakinyantanka rinca.

MEM.

97. Nitawoahope kin nina waxte wadaka; anpetu osansan he awacami ce.

98. Tona tokamayanpi kin hena isanpa ksam mayaya; nitawoahope kin ohiniyan mici un kin heon.

99. Tona waonspekiya mdu-he cin hena owasin isanpatanyan wimdukcan; taku odake cin hena awacincwaunkinheon.

100. Wicarincapi kin hena sam iyeya owakarniga; nitoope kin owape cin heon.

101. Nioie kin owape kte ein heon cangu xice cin owasin etanhmisihakin ewehdaku.

102. Wooke nitawa kin amduxtan xni; niye onspe mayakiye cin heon.

103. Micaka kin ekta nioie kin he skuye wadaka; qa mii kin ohna turmaga canhanpi kin isanpa skuya.

104. Wooke nitawa kin on owakarnige ca heon cangu iton-xni kin owasin xice wadaka.

NUN.

105. Misihakin en nioie kin petijanjan qa mitacankukinohniyoyanpa kin hee.

106. Woyaco owotanna nitawa kin hena owape kta ce, eya wakonze ciqon ecen ecamon kta.

107. Nina makakija; Jehovah nioie kin on ni mayan wo.

108. Jehovah ceciciya ce, mii on ciyatankinhe waxtedaka wo, qa woyaco nitawa kin onspe makiya wo.

109. Minagi kin ohinniyen minape kin ohna un; tuka nitawoahope kin awektonje xni.

110. Wicaxta xicapi kin wi-hmunke emakipapi, tuka nitoope kin wanuni xni.

111. Taku odake cin hena taku airpemayanpi kin iyecen ohiniyan yuha waun.

112. Nitoope kin ohiniyan micante kin ecen econ kta e on

ekta ewacami, owihanke kin hehanyan.

SAMEK.

113. Wicotawacin xice cin hena xice wadaka, tuka nitawoahope kin waxte wadaka.

114. Wowinape qa wahacanka mitawa kin he niye; nioie kin wacinwaya.

115. Tona xicaya ecanonpi kin amayuxtan po; Wakantanka mitawa tawoahope kin owape kta.

116. Nioie kin on najin makiya wo; hecen wani kta; qa ape waun kin heon imaxtece kte xni.

117. Omakiya wo, tanyan waun qa ohiniyan nitoope kin awacami kta.

118. Tona nitoope kin etanhun nunipi kin hena owasin iha-wicayakta xni; hena itonpixni kin wohnaye kin hee.

119. Reginca iyecen tona xi-capi kin owasin maka kin ayu-xtan wicayakiya; heon etanhandaotanikin hena waxte wadaka.

120. Kocicipa, heon micerpi kin inihan; nitawoyaco kin hena kowakipa.

AYIN.

121. Woyaco qa wicoowotanna kin ecen ecamon; tona amaiapi kin hena en amayuxtan xni wo.

122. Taku waxte on nitaoki-

ye kin iciya wo; waraniçidapi kin hena amaiapí xni nunwe.

123. Niwicaye nitawa kin oixtomaxnija; qa wicoowotanna wicoie kin hena on.

124. Nitowaonxida kin on nitaokiye kin ecakicon wo; qa nitoope kin onspe makiya wo.

125. Nitaokiye kin he miye; woksape maqu wo, taku odake cin hena sdonwaye kta ce.

126. Jehowa wanna dehan ecanon kta; nitawoahope kin ecetu xni yapi.

127. Heon nitawoahope kin waxte wadaka, maza ska zi qa maza ska zi ecedan kin isanpa.

128. Heon nitoope owasin ocowasin owotanna wadaka; itonpixni canku kin owasin xice wadaka.

PE.

129. Taku tona odake cin hena wowinihan, heon minagi kin opeya un.

130. Nioie oyakapi kin he iyoyam wicaya; tona ksapapi xni kin onspe wicakiya ece.

131. I wahdukawa qa waniya; nita woahope kin nina cantowakpani.

132. Tona nicaje kin waxte dakapi kin ecawicayecon ece qon iyecen amatonwe çä onxi-makida wo.

133. Nioie kin on mioye kin ecetu makiya wo; qa taku xice

cin owasin ohimaye kte cin iyo-
ki xni wo.

134. Wicaxta waaiapi kin etanhan emahdaku wo; hecen nitoope kin yuha waun kta.

135. Niite kin on nitaokiye kin iyoyam ya wo; qa woope nitawa kin onspe makiya wo.

136. Miixta kin etanhan mini wakpadan kaduza; nitawoahope opapi xni kin heon etanhan.

TZAPI.

137. Jehowa oniowotanna qa woyaco nitawa kin hena hecetu.

138. Nitawoahope econ unyaxipi kin hena wicoowotanna qa wowicake.

139. Oranwako kin he mayutakuni xni; tona tóka mayanpi kin hena nioie akitonjapi kin heon.

140. Nioie kin ecedan rinca, heon nitaokiye kin waxte daka.

141. Macistina qa xice madapi, *tuka* nitoope kin hena awektonje xni.

142. Nitooowotanna kin he wicoowotanna owihanke wanica; qa nitoope kin he wowicake.

143. Iyowicakixice çä wicokakije mahiyahde; tuka nitawoahope kin hena wowiyuxkin mitawa kin hee.

144. Niye taku odake cin he na owotanna; woksape maqu wo, hecen wani kta ce.

QOP.

145. Micante kin ocowasin on hoyewakiya; Jehowa namaron wo, nitoope kin he owape kta.

146. Houciciya ce, ni mayan wo; taku odake cin hena mduhe kta.

147. Anpao kin itokam wekta qa cewakiya ce; nioie kin he en ape manka.

148. Miixta kin anpao kapeya unpi; nioie kin awacami kte cin heon.

149. Nitowaonxida kin on miho kin namakiron wo; Jehowa woyaco nitawa kin on ni mayan wo.

150. Tona taku xica akitapi kin hena kiyadan upi; hena e nitoope kin itehanyan unpi.

151. Jehowa niye kiyadan yaun qa nitawoahope kin owasin wowicake kin hee.

152. Taku odake cin hena ohiniyan sutaya eyahde, he wanakaja tanhan sdonwaya.

REX.

153. Onmaxike ein he awacin qa emahdaku wo; nitawoahope kin awektonje xni.

154. Imakiye çä emahdaku wo; nioie kin on ni mayan wo.

155. Niwicaye cin he wicaxta xicapi kin wicitehanyan yan-ka; nitoope akitapi xni kin heen.

156. Jehowa nitowaonxida kin hena ota; woyaco nitawa kin on ni mayan wo.

157. Tona xicaya makuwapi qa tóka mayanpi kin hena ota; tuka taku odake cin he amduxtan xni.

158. Wartanipi sa kin wan-wicamdale çä iyomakixica; nioie kin opapi xni kin heon.

159. Nitoope kin token wate wadake cin he awacin wo; Jehowa nitowaonxida kin on ni mayan wo.

160. Nioie otokahe kin he wowicake, qa woyaco owotanna nitawa kin hena owasin owihan-ke wanica.

XIN.

161. Wicaxta itancanpi kin takudan on etanhan xni onxiya makuwapi; tuka micante kin nioie kokipeyahan un.

162. Nioie kin on nina imdu-xkin, tuwe woyuha ota iyeye cin he iyececa.

163. Itonpixni kin he xice wadake çä warte wada xni qa nitawoahope kin he waxte wadaka.

164. Anpetu otoiyohi xakowin akihde ciyat; woyaco owotanna nitawa kin on.

165. Tona nitawoahope wate dakapi kin hena wookiye tanka qa taku en ibotopi kin takudan yuhapi kte xni.

166. Jehowa wiconi nitawa kin he ape waun qa nitawoahope kin ecen ecamon.

167. Taku odake cin hena minagi kin ope çä nina waxte wadaka.

168. Mitacanku kin owasin nitokam wanka, heon nitoope qa token odake cin hena yuha waun.

TAW.

169. Jehowa houciciye cin he nikiyadan u kiya wo; nioie kin eciyatohan onspe makiya wo.

170. Wocekiye epe cin nitokam u kiya wo; nioie kin on ecetu mayan wo.

171. Nitoope kin onspe mayakiye cinhan miihakin odowan oyake kta.

172. Nioie kin on miceji kin ie kta; nitawoahope kin owasin owotanna.

173. Ninape kin omakiye kte; nitoope kin hena iyomakipi.

174. Jehowa wiconi nitawa kin he cantowakpani; qa nitawoahope kin he wowiyuxkin waya.

175. Minagi kin ni mayan wo, niyatán kta ce; woyaco nitawa kin hena omakiyapi-nunwe.

176. Tarin wanuyanpi watanin xni kin he iyecen wanuni;

nitaokiye kin okide wo; nita-
woahope kin akiktonje xni
waun.

PSAM 121.

Iyadipi Odowan.

1. Paha kin ekta miixta on
wankan ewatonwe kta heciya
tanhan omakiye cin u ce.

2. Jehovah marpiya maka ko
kage cin he etanhan omakiye
cin *u kta*.

3. He nisihā kin ricache kte
cin iyowinkiyē kte xni; tuwe
awanniyake cin he rba kte xni.

4. Wanyaka wo, tuwe Israel
awanhdake cin he rba kte xni
qa ixtinbe kte xni.

5. Jehovah waawanhdake ni-
tawa kin; enitapa tanhan ohanzi
nitawa kin Jehovah hee.

6. Anpetu icunhan anpetu wi
kin axpan niye kte xni, qa han-
yetu icunhan hanyetu wi kin
kiuniniye kte xni.

7. Jehovah taku xica owasin
etanhan enihdaku kta; ninagi
kin Jehovah ehdaku kta.

PSAM 122.

Iyadipi odowan, Dawid tawa.

1. Jehovah ti kin ekta itawan-
kanhde unyanpi kta ce emakiya-
pi qehan imduxkin.

2. Jerusalem nitatiyopa kin
mahan unsihapi kin iyahanpi.

3. Otonwe wan tipi icikiki-
yedan he cin he iyeceen Jerusa-
lem kagapi.

4. Hèciya wicowazi kin ya-
pi, Ja wicowazi tawa, Israel
waayatanin kin hee; Jehovah ca-
je kin yatanpi kte cin heon.

5. Hen woyaco oiyotanke kin
hdepi, Dawid tiyohnaka oyo-
tanke tawapi kin hena.

6. Jerusalem tawookiye kin
he icekiya po; tona waxte nida-
pi kin hena wápiya unpi kta.

7. Conkaxke nitawa kin ma-
hen wookiye un kte, ça tipi
waxtexte nitawa kin mahan wo-
waxte un nunwe.

8. Mihunkawanji qa mitako-
da kin hena on etanhan, Niye
en wookiye un nunwe, epe kta.

9. Jehovah Wakantanka unki-
tawapi tipi kin on etanhan tan-
yan yaun kte cin awakite kta.

PSAM 125.

Iyadipi Odowan.

1. Tona Jehovah wacinyanpi
kin hena Ziyon paha kin iyece-
capi; tohini pahoho kte xni qa
ohiniyan ecen he kta.

2. Jerusalem ihdukxan paha
hiyeye cin he iyeceen Jehovah
taoyate kin wicidukxan un, de-
tanhan owihanke wanica.

3. Wicaxta xica cansakadan
tawapi kin wicaxta waxte tamá-

ga kin en wanke kte xni; *hececa*
unkanx wicaxta waxte kin taku
xica en nepe yekiye kta naceca
tuka.

4. Jehowa tona waxte kin he-
na tanyan ecawicakicon wo, qa
tona cante owotanna kin hena.

5. Qa tona iye canku oxki-
xkeya wanke cin ekta icunom
yapi kinhan hena Jehowa war-
tanipi sa om awicaye kta; tuka
Israel *oyate* kin wookiye *yuha-
pi kta*.

PSAM 126.

Iyadipi Odowan.

1. Jehowa Ziyon ake wayaka
hdicu yaye çehan tona wiha-
mnani kin iyeuncecapi.

2. Hehan irapi on i unkoju-
pidan qa uncejipi kin odowan
on: Hehan Ikcewicaxta kin he-
yapi; Jehowa taku tanka ecawi-
cakicon ce.

3. Jehowa taku tanka ecaun-
kiconpi kin heon unkiyuxkin-
pi.

4. Jehowa wayaka hdicu un-
yan po, wakpadan okaga tanhan
wanke cin iyececa.

5. Tona ceya wojupi kin he-
na odowan ahiyaya mnayanpi
kta ce.

6. Tuwe ceya ye çä su ka-
dada erpeya aye cinhan he awi-
cakehan iyuxkinyan ku qa par-
tapi kiñ qin aku kta.

PSAM 128.
Iyadipi Odowan.

1. Tuwe Jehowa kokipe çä
tacanku kin olina mani kin he
wowaxte yuha.

2. Ninape oran kin etanhan
wayate kta, cante niwaxte qa
wápiya yaun kta.

3. Nitawin can iyuwi wan
yati kin icahda he çä waskuyeca
aicage cin he iyececa; qa nicinca
kin wahna wotapi nitawa ihdu-
khan, can wihi on kagapi kin
iyececapa kta.

4. Wanyaka wo, wicaxta kin
tuwe Jehowa kokipe cin hecen
yuwaxtepi kta.

5. Ziyon etanhan Jehowa ni-
yuwaxte kta; qa Jerusalem wo-
waxte kin wandake kta, ni yaun
kin hehanyan.

6. Han, nicinca sanpa cinca-
pi kin wanwicayahdake kta.
Israel tanyan un nunwe.

PSAM 133.

Iyadipi odowan, Dawid tawa.

1. Wanyaka wo, hunkawan-
jin kiciyapi okonwanjidan wita-
ya tipi kin he waxte ce.

2. Ihepi waxte pa kin aka-
xtanpi qa putin hin, Aharon pu-
tin hin kin iyohi qa wokoyake
upi kin akagohan hiyaye cin he
iyececa.

3. Hermon acu kin he iyece-
ca, Ziyon re kin ahinhe cin hee;

héciya Jehowa wowaxte kin iwashowicaya, owhanke wanin wiconi kin hee.

PSAM 134.

Iyadipi Odowan.

1. Iho po, tono Jehowa ookiye niyanpi, tono hanyetu icuhan Jehowa ti kin en nayajinpi kin owasin Jehowa yatan po.

2. Tipi wakan kin ohna nape kiyugatapi qa Jehowa yawaxte po.

3. Jehowa marpiya maka ko icar ye*cin he Ziyon eciyatihan niyuwaxte kta.

PSAM 137.

1. Babulor wakpa kin icahda, hen unkiyotankapi qa Ziyon un-kiksuyapi qa hehan unceyapi.

2. He ohna corwanjica kin en candowankiyapi unkitalwapi kin otkeunyanpi.

3. Hen tono wayaka unkahdapi kin hena odowan wan oyake unxiqi qa tono iyuxkinyan unyutakunipi xni kin hena, Ziyon tadowan kin on unkidowan po, *unkekiciyapi*.

4. Makoce tokeca en Jehowa tadowan kin token unkahiyaya-pi kta he.

5. Jerusalem aciktonje cinhan nape mietapa kin akiktonja nun-we.

6. Ciksuye xni kinhan miceji micaka kin en askapa nunwe; wowiyuxkin tokaheya mitawa kin isanpa Jerusalem waxte wadake xni kinhan.

7. Jehowa Edom cinca kin kiksuya wo, Jerusalem taanpetu kin en. Hena kaken eyapi, Yujuju po, taku akan he cin yujuju po.

8. Babulon cunwintku yutakunixni aye kte cin, token ecaunyeconpi kin he iyecen tuwe ecanicon kte cin he wowaxte yuha.

9. Tuwe hokxiyoqopa nitawa kin iwicacu qa inyan iyapa wicakate cinhan hee wowaxte yuhe kta.

PSAM 138.

Dawid tadowan.

1. Micante kin ocowasin on ciyatana kta; taku wakan kin wicitokam icidowan kta.

2. Tipi wakan nitawa kin ektakiya mduwinte kta, qa nitowaonxida wowicake nitawa ko on nicaje kin mdataan kta; nioie kin he nicaje kin ocowasin iwan-kam iyeyaya.

3. Anpetu kin en hoyeciciye çehan namayaron qa minagi kin ekta wowaxake on waxag mayaya.

4. Jehowa maka akan wicaxyatapi kin owasin niyatani

kte; Jehowa towitan kin he tan-ka, heon etanhan.

5. Jehowa tehan wankantuya un kex tona onxiicidapi kin hena awicatonwan ece, tuka wamnaiçidapi kin hena itehan-yan sdonwicaya.

6. Woiyokixice en mawani exta nimayaye kta; tona tóka mayanpi wocanniye kin ekta nape ye yakiye çä ninape etapa kin emahdaku kta.

7. Taku mitawa kin Jehowa yuecetu kte; Jehowa nitowaon-xida, kin owihanke wanica, taku ninape kage cin he erpeye xni wo.

wedan minagi kin wacin en yuze xni.

5. Hehan Jehowa hoyecici-ya; kaken epa, Wowinape mi-tawa qa woyuha mitawa kin he niye ce, wicani makoce kin en.

6. Hoyeciciye cin he anama-goptan wo, nina iyomakixica; tona xicaya makuwapi kin etanhan emahdaku wo; hena waxa-kapi qa miye e wamaxake xni.

7. Wicakaxka tipi kin etanhan minagi kin ehdaku wo, nice-aje kin mdatan kta ce. Tona waxte kin hena mihindukxan yukanpi kta. Niye tanyan eca-miyecon kte cin heon etanhan.

PSAM 142.

David tadowan.

Makordoka oti mahen un qehan woce-kiye eye ciu he dee.

1. Maho kin on Jehowa hoyewakiya; maho kin on Jehowa wocekiye ewakiya.

2. He itokam iwaе cin wapapson qa itokam makakije cin owasin owahdaka.

3. Miye mahen minagi kin ahdaškicapi qehan mitacanku kin sdonyaya; canku omawani kin he en wihamunke wan narmana emakipapi.

4. Ematapa tanhan ewatonwe çä wawanmdaka tuka tuwe sdonmaye kte cin wanica. Wo-winape kin makitanin xni. Tu-

PSAM 145.

Woyuonihan odowan, Dawid tawa.

1. Wicaxtayatapi Wakanta-ka mitawa ciyuonihan qa nice-aje kin mdatan kta, ohiniyan owihanke wanica.

2. Anpetu iyohi ciyawaxte kta, qa owihanke wanica nice-aje kin iwadowan kta.

3. Jehowa he tanka qa tanka-ya yatanpi kta, qa tanka kin he wopteca xni.

4. Wicoicage warji wicoicage tokeca en nioran kin idowanpi kta, qa taku tanka yakage cin hena oyakapi kta.

5. Wowitan woyuonihan tan-ka nitawa kin caje mdate kta, qa nioie wowinihan kin hena koya.

6. Nioran wowinihan qa wakake cin he *wicaxta* kin cajeya-tapi kta; nitanka kin he oindake kta.
7. Nitowaxte tanka wokiksu-ye kin he ijehan oyakapi kta; qa nitoo-wotanna kin idowanpi kta.
8. Jehowa wawacinkta yuze çä wacantkiya, wacinko xni qa towaonxida kin he tanka.
9. Owasin en Jehowa waxte qa towaonxida kin he iye oran kin owasin iwankam un.
10. Jehowa taku yakage cin owasin niyatani kta, qa wica-xta waonxida nitawa kin hena inidowanpi kta.
11. Nitokiconze wowitan kin cajeyatapi kta, qa nitowaxake kin on iapi kta.
12. Hecen *Wakantanka* oran waxake çä tokiconze wowitan tanka kin wicaxta cincapi kin owicakiyakapi kta.
13. Nitokiconze kin he wokiconze owihanke wanica, qa wicaduhe cin he wicoicage qa wicoicage owasin hehanyan.
14. Tona ricahanpi kin hena owasin Jehowa owicakiye çä tona pamahdedan unpi kin hena owasin pa yuwankan iwicacu.
15. Taku ixta yuke cin owasin ekta enitonwanpi, qa taku yutapi iwicayacinyan wicayaqu ece.
16. Nape yahdumdaye çä taku ni un kin owasin imna wicayaya.
17. Tacanku kin owasin ohna Jehowa owo-tanna un qa oran kin owasin en waonxida.
18. Tona Jehowa hoyekiya-pi kin hena owasin wicikiyedan un; tona awicakehan hoyekiya-pi kin hena.
19. Tona kokipeyahan un kin hena token wacinpi kin owasin ecetu wicakiciciye kta; qa hoyekiyapi kin nawicaron qa ni wicaye kta.
20. Tona Jehowa waxte da-kapi kin hena owasin awanwi-cahdaka ece, tuka tona xicapi kin hena owasin wicayutakuni kte xni.
21. Jehowa yatanpi kin mii kin cajeyate kta; qa wicacerpi kin owasin iye caje wakan kin owihanke wanin yawaxtepí nunwe.

PSAM 147.

1. Jehowa yatan po. Wakantanka unkitawapi kin odo-wan kahiyayapi kin he waxte; he oiyokipiya yatanpi kin he waxte.
2. Jehowa Jerusalem piyake çä Israel *oyate* enanakiya iyayapi qon hena ake wicahdu-witaya.
3. Tona cante kicaksapi kin

hena okizi wicaye çä iyokixicapi
kin owasin aparta.

4. He wicanrpi kin tonakeca
kin yawa qa cajepi kin owasin
cajeyata.

5. Itancan unkitawapi kin he
tanka qa nina waxaka; token
okarnige cin he yawapica xni.

6. Tona warbayedan un kin
hena Jehowa yuwankan iwickacu,
qa wicaxta xice cin hena makata
erpewicaya.

7. Wopida yuha Jehowa ido-
wan po; candonwankiyapi on
woyatan Wakantanka unkitawa-
pi kin kahiyaya po.

8. He marpiya kin marpiya
xapa on akarpa qa magaju kin
maka kin kicage çä re kin peji
aiciar ya.

9. Woteca kin wo wicaqu qa
nakun kangi cinca kin hotonpi
kinhan.

10. Xuktanka waxake cin he
en iyuxkin xni qa wicahuha kin
hena iyokipi xni.

11. Tona Jehowa kokipapi
qa towaonxida kin ape yukanpi
kin hena Jehowa waxte wica-
daka.

12. Jerusalem Jehowa yatan
wo; Zyon Wakantanka nitawa
kin idowan wo.

13. He nitatiyopa can ihupa
kin yusuta qa mahen nicinca kin
wicayuwaxte.

14. Nihdukxan wookiye kage

çä aguyapi cepe cin he on oju-
dan niyan.

15. Maka kin ekta toope kin
u xi; iye oie kin dus inyanka.

16. Tarinca wanuyanpi hin
kin iyecen wa hinhe kiye, çä
rewanke kin carota iyecen ka-
mdemden erpeya.

17. Oyaptapi kin iyecen wasu
tawa kin hiyu ya; osni tawa kin
itokam tuwe najin okihi he.

18. He iye oie kin hiyu ye
çä hena skan iyeya; tateyanpa
uya eca mini apaxbog iyaya
ece.

19. Iye oie kin Jakob wanyag
kiye, çä toope tawoyaco ko
Israel *oyate kin wicakipazo*.

20. Oyate tokeca hecen eca-
wicakicon xni qa woyaco tawa
kin hena sdonyapi xni. Jehowa
yatani po.

1. Jehowa yatan po. Ma-
rriya kin eciyatohan Jehowa
yatani po. Wakantanka yatan
po.

2. Ohnihde niyanpi kin owa-
sin yatan po; wicobe tawa kin
owasin yatan po.

3. Anpetu wi hanyetu wi ko
Jehowa yatan po; iyoyanpa wi-
canrpi kin owasin he yatan po.

4. Marpiya marpiya kin *Je-
howa* yatan po; qa marpiya kin
iwankam mini kin nakun.

5. Hena Jehowa caje kin yatanpi nunwe. Iye hecen eya unkan hena icaga;
6. Qa nakun hena ohinniyan sutaya ehde. Taku konze cin he ecetu xni aye kte xni.
7. Unkteri qa miniwanca owasin maka kin etanhan Jehowa yatan po.
8. Peta, wasu, wa, minibozan ko, qa tate ibomdu kin Wakan-tanka tawacin kin ecen ecanon;
9. Reyaka qa paha owasin; can waskuyeca aicage cin qa rante kin owasin;
10. Woteca qa wanuyanpi kin owasin; wamanica qa taku kinyan un kin:
11. Maka akan wicaxta tapis qa oyate kin owasin; wicaxta itancan qa wicaxta wayaco maka ohnaka kin owasin:
12. Koxka wikoxka ko; wicarinca hokxiyoqopa ko;
13. Hena owasin Jehowa caje kin yatanpi kte. He caje kin heceden tanka qa towitan kin marpiya maka ko iwankam un.
14. Iye taoyate he kin yuwankan iyeya; Israel cincapi, oyate wan ikiyadan un kin, wicaxta waonxida tawa ko hena wowitan kin hee. Jehowa yatan po.

WOOTANIN WAXTE

L U K A Q A J A N,

OWAPI QON HENA EEP;

MATOROTA QA PSINCINCA OKAGAPI.

THE

G O S P E L S

OF

L U K E A N D J O H N,

IN THE DAKOTA LANGUAGE;

T R A N S L A T E D

BY MR. G. H. POND AND MR. JOSEPH RENVILLE, SR.

Published by the American Board of Commissioners for Foreign Missions.

CINCINNATI:

KENDALL AND BARNARD, PRINTERS.

1843.

WAKANTANKA Cinhintku makata hi qehan woartani on te içiye çä he kajuju kta e on hi. Taoyate iye wartanipi kin etanhewicahdaku qa ni wicaye kta on hi qa hecen **Jesus** eciyapi. Caje kin he hecen kapi.

Jesus maka omani qehan token wawicayazan kin asni wicaye çä t̄api kin ni wicaye çä iye kakix içiye çä te cin on token wi-coni kage çä ake kini qa marpiya ekta kihde cin hena wicaxtam Woniya Wakan eciyatohan oyakapi qa Wowapi Wakan en kagapi.

Ehantahan waniyetu topa he elan Markos owa qon he niçupi. Nakaha ake nom yaotaninpi kin duhapi kta. Token wanyakapi qa naronpi qa sdonyapi kin he unkokiyanpi; qa yaotaninpi kin he wicaka sdonunyanpi. Wanikiya unkitawapi kin he Jesus ee. Hecedan wacinunyanpi kta ce.

Wakantanka Ate unyanpi Wootanin Waxit̄e nitawa unyawapi kinhan ixta mdes unkiyapi qa cante unkiyuzamni po; nioie kin awacim unyanpi qa wiconi unqu po. Marpiya ekta nanke cin nietapa kin en unkiyotankapi qa ohinniyan unniyatani kte. Hecetu nunwe.

WOOTANIN WAXTE

LUKA OWA QON.

THE GOSPEL BY LUKE,

IN THE DAKOTA LANGUAGE;

TRANSLATED BY G. H. FOND, ESQ.

WICOWOYAKE 1.

1. Otokahe kin ehantahan
wicota taku ixta on wanyakapi,
qa wicoie oyakapi, qa unkix ta-
ku kin henan unqupi qon he
epi;

2. Taku kin henan unkiyo-
peyapi un qa awicakehan wica-
undapi kin, he iye yazuncaya
yaotaninpi:

3. Unkan he on etanhan mix
eya, taku kin henan owasin oto-
kahe rince cin ehantahan eca
owakarnige cin on etanhan, Te-
yopile iyotan yaun kin, nix he-
han yahdaheya ociciwa ehan
waxtewadaka ce;

4. Hecen taku onspeniciyapi
qon henan wicaka e sdonyakiye
kta ce.

5. Herod Juda wicaxtayatapi

qon he ni un qehan, wawayuxna
wan Zacariyas eciyapi kin, Abi-
ya optaye kin hetanhan; qa ta-
wicu kin ix Aharon cunwintku
kin hetanhan: unkan Elisabet
eciyapi.

6. Unkan henan sakim Wa-
kantanka itokam owotanpidan,
qa Itancanka woahope qa wico-
ope tawa kin henan owasin tan-
yan omanipi.

7. Unkan Elisabet hokxin
yuhe xni un, qa hecen cinca ni-
capi; unkan sakim wannan kan-
pi.

8. Unkan optaye Zacariyas
etanhan kin he wawayuxnapi
wicoran kin he iye wannan Wa-
kantanka itokam ecen econ kta
eca,

9. Iye Itancanka tipi wakan

tawa kin en tin iyaya ca, waa-zintonpi ece econ kta e wawa-yuxnapi wicoran kin ekta ka-gapi.

10. Unkan waazintonpi icun-han, oyate kin owasin itankan wacekiya hiyeye.

11. Unkan Itancanka wahoxiye wakan tawa kin wanji *Zacariyas* ekta hi, qa ahna waazintonpi kin etapa eciyatohanhan hinajin.

12. Unkan *Zacariyas* he wan-yake çehan, wacin iyokixice, çawakokipe.

13. Tuka wahoxiye wakan kin heciya; Wakokipe xni wo, *Zacariyas*; wocekiye nitawa kin he wannan naronpi ce; qa nitawin Elisabet hokxidan wan ni-ciyuhe kta ce, qa Jan eya caje-date kte.

14. Unkan wowiyuxkin, wopida ahna yaton kta ce, qa tonpi kin on wicota iyuxkinpi kte.

15. Qa iye Itancanka kin itokam tanka kta ce; unkan minixa qa miniwakan takudan yatke kte xni ce; qa hunku itpi kin etanhantx Woniye Wakan on ojудан kta ce.

16. Unkan iye Israel cinca kin etanhantx ota Itancanka Wakantanka tawapi kin ekta wicayuhomni kte.

17. Unkan Elias woniye woxaxake ahna tawa kin he yuha

he itokam ye kta ce, qa atewicayapi cincawicayapi kin kici can-te wicayuokunwanjidan, qa wanaronpi xni kin henan owantan-nan unpi wicoksape kin ekta wicayuhomni kta ce; qa oyate wan iihduxtanpi Itancanka kin wiyaya kicihnake kta ce, eya.

18. Unkan *Zacariyas* wahoxiye wakan kin heciya; Wan-nan wimancarinca, qa mitawin wannan kan ce; hecen taku on de sdonwakiye kta he? eya.

19. Unkan wahoxiye wakan kin waayupte, çä heciya; Gabi-yel, Wakantanka itokam najin kin he miye ce; unkan ociciye, çä wootanin waxte kin de sdotkiyeciciye kta e umanxipi.

20. Unkan inyun, mioie tohan iyehantu kinhan yuecetupi kte cin de wicayada xni kin on etanhantx tohan yuecetupi xni kin hehanyan, ie xni, qa iapi okitpaniyan yaun kta ce, eya.

21. Unkan oyate kin *Zacariyas* ape hiyeye, çä tehan tipi wakan kin en ohna yanke cin on etanhantx inihanpi.

22. Unkan tankan hdicu qehan, owicakiye kte cin okitpani: unkan namwicakicawin, qa ie xni un; on etanhantx tipi wakan kin ohna taku wakan wanji wanyaka e iyukcanpi.

23. Unkan wicoran econ kin

he wanna ecen yuxtan qehan, iye ti kin ekta kihda.

24. Unkan anpetu kin henan iyohakam tawicu Elisabet hokxin itpihnaka; unkan wi zaptan hehanyan inarbe, ça heya;

25. Anpetu wan en Itancanka kin ahimantonwe çehan, decen ecamicon, qa wicaxta kin opeya woienhde *waton* qon he erpe-mankiya ce, eya.

26. Unkan wi kin ixakpe qehan, wahoxiye wakan Gabiyel he e Wakantanka etanhan yexipi; unkan Galila *makoce* kin ekta, otonwe wan Nazaret eciyapi kin en,

27. Wikoxka wan wicaxta wan Josep eciyapi Dawid wicowazi kin hetanhan kin he he yuze kte; unkan he e ekta u: unkan wikoxka kin Mari eciyapi.

28. Unkan he yanke ci en wahoxiye wakan qon hi, qa heciya; Hiwo, tanyerin ecaniconipi kin, Itancanka kin nici un ce: winorinca kin opeya niye niywaxtepi ce, eya.

29. Unkan wikoxka kin he wanyake çehan, oie kin on inihan, qa he taku ke kta hecinhan he awacin.

30. Unkan wahoxiye wakan qon heciya; Mari, wikope xni wo: Wakantanka ekta wowaxteiyeniçiya ce.

31. Unkan inyun, hokxin itpiyahnaake kta ce, qa hokxidan wan yaton kta ce, qa JESU eyakiye kte.

32. Unkan iye tanka kta ce, qa Iyotan wankantu kin he Cihintku eciyapi kta ce; qa atkuku Dawid oyanke tawa kin he Itancanka kin Wakantanka hduhekiye kte.

33. Qa Jakob ti kin he ohinian idake kta ce; qa wawidake cin he okiciwihanke kte xni ce, eya.

34. Unkan Mari wahoxiye wakan qon heciya; De token on iyeceu kta he? wicaxta sdonye xni waun ce, eya.

35. Unkan wahoxiye wakan qon waayupte, ça heciya; Woniye Wakan kin en niu kta ce, qa Iyotan wankantu towaxake kin he anihanzi kta ce, qa hecen on taku wakan wanji yaton kte ein, he Wakantanka Cihintku eciyapi kte.

36. Unkan inyun, Elisabet içepanxiyaye cin, he wakanka tuka ix eya wannan hokxin itpihnaka ce, qa hokxin yuhe xni eciyapi qon, he wannan wi kin de ixakpe:

37. Wakantanka kin ekta takudan okitpani kte xni ce, eya.

38. Unkan Mari heya; Itancanka ookiyemanye cin wanmanyaka ye, nioie kin iyecen

ecamanonpi nunwe, eya. Unkan wahoxiye wakan qon Mari erpeya kihde.

39. Unkan Mari nadjin, qa koyaran makoce roxki kin, Juda otonwe wan ekta ya:

40. Unkan Zacariyas ti kin en tin iyaye, çä Elisabet okiya.

41. Unkan Elisabet *Mari* ia naron qehan, itpi mahen hokxiyopa kin xkehanhan; unkan Elisabet Woniye Wakan on ojudan.

42. Unkan hotankakiya heya; Winorinca opeya niye niyuwaxtepi, qa niitpi kin etanhan icage kte cin he yuwaxtepi ce.

43. Qa Itancanka mitawa hunku kin he ekta manhi kte cin de tokiyatanhan u hun?

44. Inyun, iyaé cin noge kin iyorpemanye çehan, wancake miitpi kin mahen hokxiyopa wowiyuxkin kin on xkehe.

45. Unkan tuwe wicada qon he yuwaxtepi: Itancanka kin taku eciye cijon henan ecen yutanpi kta ce, eya.

46. Unkan Mari heya; Mitaniya kin he Itancanka kin yatan ce;

47. Qa minagi kin he Wakanntanka wanikiya mitawa kin en iyuxkin ce.

48. Taokiye kuya un kin ekta shimantonwan on etanhan in-yun, detanhan wicoicage kin

owasin yuwaxtepi emankiyapi kta ce.

49. Tuwe waxake cin he taku rinca ecamicon; unkan caje kin wakan ce.

50. Tonan kokipapi kin henan wicoicage oiyahdedheya onxiwakida ece.

51. Iye isto kin on wowaxake econ ce; witantanpi kin henan taku cante mahen wacinyuzapi kin he en wicaoyumdeca.

52. Waxakxake oyanke twapi kin etanhan kun hdicuwicayé, çä kuya unpi qon henan wankan wapa awicaya.

53. Wotektehdapi kin henan taku waxtexte on imnahanwicaye, çä wijicapi kin ix cokakadan tokan yewicaxi.

54. Iye towaonxida kin he kiksuye, çä Israel ookiyece cin he ikiya ce;

55. Hunkakewicunyañpi, A-beraham cinca kici, henan ohinniyan oie wicakicaton qon he iyececa ce, eya.

56. Unkan wi yamni hehanyan cen Mari Elisabet om ti; qa hehan iye ti kin ekta kihda.

57. Unkan Elisabet cincatón kte cin wannan iyehantu; unkan hokxidan wan ton.

58. Unkan ikiyedan unpi, içepanku ko Itancanka kin Elisabet ninan onxida naronpi; unkan om iyuxkinpi.

59. Unkan anpetu ixahdogan qehan, hokxiyopa kin ohomni baxpapi kte ahi; unkan atkuku Zacariyas caje kin he icajekiyapi.

60. Unkan hunku kin itkom heyä; Hiya hecetu xni; Jan eciyapi kta ce, eya.

61. Unkan heciyapi; Takuwicayaye cin tuwedan hecen eciyapi xni ce, eyapi.

62. Unkan atkuku kin ix token eya cajeyate kta hecinhan, he iyuteya iwangapi.

63. Unkan ahna wowapi kagapi wan da, qa Caje kin Jan ee ce, eya owa. Unkan owasin inihanpi.

64. Unkan hecehnannan Zacariyas i kin yukawapi, qa ceji kin kiyuxkapi; unkan ie, ça Wakantanka yatan.

65. Unkan okxan tipi kin owasin wikopapi: unkan iapi kin denan owasin Juda roxki kin, owanceaya yaotaninpi.

66. Unkan tonan naronpi qon owasin cante mahan awacin unpi, qa Hokxiyopa kin de toketu kta hwo? eyapi. Unkan Wakantanka nepe kin *hokxiyopa* kin kici un.

67. Unkan atkuku Zacariyas Woniye Wakan kin on ojudan; unkan waayate, ça heyä;

68. Itancanka Wakantanka Israel tawa kin, he taoyate kin

wannan wicahiyohi, qa opewi cakiton, on etanhaw yawaxtepi nunwe:

69. Taokiye Dawid ti kin en wanikiyapi he wan yuwankan eunkicihdepi ce:

70. Iye waayate tawa ipi kin eciyatohanhan, maka kin tokarin icage cin ehantahan oie kiton kin henan iyecetu ce:

71. Hecen tókaunyanpi qa unkiyuxepi kin henan napépi kin etanhaw niunkiyapi kta ce;

72. Wowaonxida hunkake-wicunyanpi cajewicakiyate ciqon, he ecen econ kta ce, qa wokiyapi wakan tawa kin he kiksuye kte;

73. Aheraham ateunyanpi kin he taku wakanyan eciye ciqon he he e kta ce;

74. Decen ecaunkiconpi kte; Tókaunyanpi napépi kin etanhaw unkiyuxpapi kinhan, hecen wokokipe codan,

75. Iye itokam tohan unniipi kin hehanyan, wicoowotannan wicoecetu ahna yuha ahounpapi kte.

76. Unkan niye, hokxiyopa, Iyotan wankantu waayate tawa kin eniciyapi kta ce; Itancanka ite kin itokam de, ça tacanku kin he wiyyaya yecihde kta ce;

77. Qa taoyate wicoran xica wicakicicajujupi kin eciyatohanhan

wowanikiye wosdonye kin wi-
cayaqu kte;

78. Wakantanka unkitawapi
kin wowaonxida rince cin on
wankanta tanhan anpaq hiyoun-
hipi kin he eciyatohan ce;

79. Qa hecen otpaza qa wi-
coṭe ohanzi ehna iyotankapi kin
henan iyyoyamwicaye kta ce, qa
unsihapi kin wowaxte ocanku
kin ohna unkayapi kta ce, eya.

80. Unkan hokxiyopa kin
icage, çä tawacin kin waxaka
aya; unkan Israel en taniniyiye
kte cin hehanyan, makoskan en
ece un.

WICOWOYAKE 2.

1. Unkan he ehan Kesar Yu-
gustus maka kin owancaya *wi-
caxta* kin owicawapi kta e ki-
cunza.

2. Kureniyus Suriya *makoce*
yuhe cin he ehan tokarin *owica-
wapi* kin de kagapi.

3. Unkan owasin toketken
tonwanyanpi qon *owicawapi* kta
e ektakta kipi.

4. Unkan Josep ix Dawid
wicowazi kin he etanhan on ix
eya Galila *makoce* kin en Na-
zaret otonwe kin hetanhan ye,
çä Juda *makoce* kin en Dawid
otonwe Betlehem eciyapi kin,
he ekta ki:

5. Mari tawicuye kte cin he

om owapi kte. Unkan *Mari*
cincaton kte cin wannan iye-
hantu.

7. Unkan cihintku tokapa kin
he he ehan ton, qa timahen owi-
cakanpi xni on etanhan, xinan
wan on hduskite, çä wanuyanpi
en wotapi wan en ohnaka.

8. Unkan makoce kin he en
tarincaska awanwicayakapi kin
heca hanyen optaye tawapi kin
awanwicahdakapi.

9. Unkan inyun, Itancanka
wahoxiye wakan tawa kin wica-
hiyohi; unkan Itancanka wooki-
tanin kin kaohomni iyojanjanwi-
caya; unkan ninan wikopapi.

10. Unkan wahoxiye wakan
kin hewieakiya; Wikopapi xni-
po: qa inyun, wopida tanka wo-
otanin waxte oyate kin owanca-
ya eeen ye kte cin, he eca hoxi
cicahipi ce.

11. Anpedehan Dawid otonwe
kin en, Wanikiye wan nicitonpi
ce, Kristos Itancanka kin he e ce.

12. On sdonyayapi kte cin he
de e ee; Hokxiyopa kin xinan
on yuskitapi, qa wanuyanpi en
wotapi wan en ohna wanka iye-
yayapi kta ce, eya.

13. Unkan ihnuhannan mar-
piya ekta unpi kin etanhan wi-
cota wahoxiye wakan qon om
hiyeye, çä Wakantanka yatanpi,
qa heyapi;

14. Iyotan wankantu kin ekta

Wakantanka okitaninyan un, qa maka kin akan wicokiciuwaxte qa wicaxta kin tanyan cante wi-cakiyuzapi nunwe, eyapi.

15. Unkan wahoxiye wakan-pi qon marpiya kin ekta erpeya wicakiyahdapi qehan, tarincaska awanwicayakapi kin hekiciyapi; Betlehem ekta unyanpi, qa taku hiyohi qa Itancanka kin sdonye-unkiyapi kin de wanunyakapi kta ce, eyapi.

16. Unkan koyaran upi, qa Josep Mari kici, qa hokxiyopa kin wanuyanpi en wotapi wan-en ohna wanka iyeyapi.

17. Unkan wanyakapi qehan, hokxiyopa kin on iapi naronpi qon, he owancaya yaotaninpi.

18. Unkan tarincaska awan-wicayakapi taku yaotaninpi kin he tonan naronpi qon owasin ini-hanpi.

19. Tuka taku kin denan owasin Mari cante mahan awa-cin un.

20. Unkan tarincaska awan-wicayakapi taku naronpi qon henan owasin iyeceu wanyakapi qehan, kihdapi, qa taku na-ronpi qa wanyakapi kin henan owasin on Wakantanka yaoni-hanpi, qa yatanpi: taku naronpi qon he iyeceu.

21. Unkan wannan anpetu ixahdogan qehan, hokxiyopa kin ohomni baxpapi qehan, JESU

eciyapi: naharin itpihnakapi xni qehan, wahoxiye wakan qon heceneya caxton.

22. Moxe wicoope kage ciqon he Mari ope, ca ihduwakaxote xni; qa anpetu *hecon yanka* wannan henakeca qehan, Itancanka kin *hokxiyopa kin* qupi kta e Jeruxalam ekta hdoupi.

23. Itancanka wicoope tawa kin en, Tonan tokapapi kin he-nan owasin wica ca Itancanka wakanyan tawa ce, eciyapi kta ce, eya owapi qon he iyeceu.

24. Qa nakun wawayuxnapi kte; Itancanka wicoope tawa kin en, Wakiyedan tawanjidan, qa ix wakiyedan cinca nopa wa-wicayuxnapi kta ce; eyapi qon he e *opapi*.

25. Unkan inyun, Jeruxalam en wicaxta wan Simon eciyapi; unkan he wicaxta owotannan qa wacekiya un, qa Israel woki-canpte kin he ape un: unkan Woniye Wakan kin kici un.

26. Unkan *wicaxta kin* he te xni, ecen Itancanka Kristos tawa kin he wanyake kta e Woniye Wakan kin sdołkiyeya.

27. Unkan he Woniye kin on tipi wakan kin en tin hiyu; unkan hunkake kin hokxiyopa Jesu en hdoupi, qa wicoope kin ecen ecakiconpi kte çehan,

28. Simon *hokxiyopa* ado-

ksohan yuze, ça Wakantanka yawaxte, qa heya;

29. Itancanka kin, nioie kin iyecen, nitaokiye kin wannan waxteyaken iyayeyaya ce:

30. Qa wowanikiye nitawa oyate kin owasin wicitokam wi-yaya yehnake cin, he miixta kin on wanنان wanmdaka ce;

31. Ojanjan wan oyate kin aojanjanwicaye kte cin, qa ni-taoyate Israel wookitanin kin, he he e ce, eya.

32. Unkan hokxiyopa taku eciyapi kin henan on hunku Mari Josep kici inihani.

33. Unkan Simon wicayawate, qa hunku Mari heciya; In-yun, Israel en wicota ricahanpi, qa ake inajinpi kte cin on hokxiyopa kin de ehdepi ce, qa nakun wopapetokeca ienhdepi kte cin ee kta ce;

34. Qa nakun eqex mazasag-ye wan on nitaniya kin canipapi kte; qa hecen wicacanteoze ota yuotaninpi kta ce, eya.

35. Unkan waayate wanji Anna eciyapi, Panuwel cuwintku, qa Axer wicowazi kin he etanhian: unkan hihnaton kin etanhian waniyetu xakowin he-hanyan, hihnaku kici un; tuka hehan wannar wakanka rinca.

36. Unkan he wannan wi-zice; unkan waniyetu wikce-mian xahdogan qa sanpa topa

cetu: unkan he tipi wakan kin en ece un, qa wote xni yankapi wocekiye ahna on Wakantanka ahopa.

37. Unkan he hehantudanrin en u, qa ix eya Itancanka kin yatan, qa Jeruxalam en tonan opewicakitonpi kin ape unpi kin henan owasin Jesu cajewicaki-yata.

38. Unkan Itancanka-wicoope tawa kin owasin ecekcen yutanpi qehan, Galila *makoce* kin en iye otonwe tawapi Nazaret eciyapi kin, he ekta kihdapi.

39. Unkan hokxiyopa kin icage, ça woniye kin en waxaka aye, ça wicoksape kin on ojudan: unkan Wakantanka tow-a-xte kin he kici un.

40. Unkan woacaxin wotapi ca, *Jesu* hunkake kin waniyetu towanakeca Jeruxalam ekta ipi ece.

41. Unkan Jesu wannan waniyetu akenopa qehan, wotapi wicoran kin ecen econpi, qa Jeruxalam ekta ipi.

42. Hecen wannan enakiyapi qehan, hdiyakupi; tuka hokxiyopa Jesu hekta Jeruxalam en yanka; tuka Josep hunku kici sdotkiyapi xni.

43. Ptaya hdapi kin en opa ecinpi, qa kiwankapi: unkan ta-kwicayapi sdotkiciyapi ko wic-ehna okidepi.

44. Unkan iyekiyapi xni qehan, Jeruxalam ekta ake icicawin akin ipi.
45. Hecen yamni can, unkan tipi wakan kin en ohna waon-spekiyapi kin wicacokam waanawicagoptan, qa wiwicawanryanka iyekiyapi.
46. Unkan wacin ksape cin qa waayupte cin tonan naronpi qon owasin inihansi.
47. Unkan wanhdakepi qehan, inihansi: unkan hunku kin heciya; Cinx, tokeca ce decen unkoyakirandapi he? inyun, niyate kici wacin iyokixinya ocide ce, eya.
48. Unkan hewicakiya; Token on omanyadepi he? Atewaye cin wicoran tawa kin he ito owecepi kta e sdonyayapi xni he? eya.
49. Unkan taku ewicakiye cin he okarnigapi xni.
50. Hecen om hde, çä Nazaret ekta ki, qa waanawicakigo-ptan un. Unkan hunku kin wicoie kin denan owasin cante mahen yuha un.
51. Unkan Jesu ksape çä hanska aya; unkan Wakantanka ekta wicaxta kin ko ekta waxtedapika.
- kezaptan, qa Pontiyus Pilatus Juda yuhe, çä Herod Galila yuhe, çä sunkaku Pilipos ix Ituriya Taconitis ahna yuhe, çä Lusani-yus Abilene yuha,
2. Qa Annas Kayapas kici wawayuxnapi itancanpi qon he ehan, makoskan kin ekta Zaci-riyas cihintku Jan he Wakantanka oie kin hiyohi.
3. Unkan he Jordan kahdaya makoce wanke cin he owancaya ecen u, qa wicoran xice wicaki-cicajujupi kte cin on wicoiyo-pe-içkiye baptizapi kin he oyaka.
4. Waayate Esayas oie wo-wapi kin en owápi qon he iye-cetu; unkan he hecen owapi; Itancanka kin ohna ye kte cin he wiwaya kichhnakapo qa tacanku kin he kiciyuowotanpo.
5. Kaksiza owasin ojuyapi, qa reyaka paha ko owasin ka-hukun iyeyapi kta ce, qa pakxi-khan kin henan yuowotanpi, qa ocanku tartage cin henan yu-mdayapi kta ce;
6. Qa wicacerpi kin owasin Wakantanka wowanikiye kin wanyakapi kta ce; makotahedan kin ekta tuwe eya niyan, eya owapi qon he e ce.
7. Unkan wicota Jan wica-baptiza kte ekta ahi qon, henan hewicakiya; Wamduxka wicoi-eage kin, nix Woxitkihdä u kte

WICOWOYAKE 3.

1. Unkan Tiberiyus Kesariwicadake cin en waniyetu iya-

cin he etanhan napapo; tuwe e kin tuwedan wakokipe kicagapi eniciyapi he?

8. Hecen wicoiyopeiçiyen yecen waskuyeca icaryapo, qa cante mahen, Aberaham ateun-yanpi kin he e ce; ecinpi xnipo; qa heciciyapi ce; Inyan kin de-nan etanhan Aberaham cinca ki-cage kte cin Wakantanka okihi ce.

9. Unkan ix eya onspe kin wannan canhuta kin en ayapi ce; qa hecen can kin tonan wa-skuyeca waxtexte aicage xni kin, henan owasin kawankapi, qa petan erpeyapi ece, eya.

10. Unkan oyate kin wiwan-gapi, qa heciyapi; Hecen unkix token unranpi kta? eyapi.

11. Unkan waayupte, çä he-wicakiya; Tuwe ordorda nopa yuha hecinhan, tuwe nice cin uman qu kta ce; qa tuwe woyu-te ton hecinhan, ix eya ecen econ kta ce, eya.

12. Unkan wamnayanpi kin ix eya hehan Jan wicabaptiza kte en ahi, qa heciyapi; Waon-spekiye cin, unkix token unran-pi kta? eyapi.

13. Unkan hewicakiya; Wa-kicunzapi kin isanpa kicapi xni-po, eya.

14. Unkan akicita kin ix eya wiwangapi, qa heciyapi; Qa unkix token unranpi kta? eyapi. Unkan hewicakiya; Wicaxta

kin tuwedan wakokipe kicagapi xnipo, qa tuwedan oitonxniyan en ayapi xnipo; qa iniciyuwin-pi kin isanpa awacinpí xnipo, eya.

15. Unkan oyate kin owasin wakta hiyeye cin on etanhan wi-caxta owasin cante mahen he-cinpi; Kristos he Jan ee, qa ix ee xni; uman tukte iyecetu he-cinhan? ecinpi.

16. Unkan Jan waayupte, çä owasin hewicakiya; Miye mini on cibaptizapi; tuka wanji mikapeya waxaka u ce, he iye tahan-kpan kin weciyuxke kte cin iye-mancece xni ce: iyex Woniye Wakan peta ahna on nibaptiza-pi kte:

17. He iye wicaduge nape ohna hduhe, çä owanke tawa kin tanyan hduska kta ce; qa aguyapi su kin he tpahi, qa can-wohnaka kin en okihnaké kta ce; tuka ha kin e peta kasni pica xni wan on rurnarye kta ce, eya.

18. Unkan wahokonwicakiye cin en taku toktokeca nakun ota oyate kin owicakiyaka.

19. Unkan Herod wicaxtaya-tapi kin, sunkaku tawicu Herodiyas he e, qa taku toktokeca wicoran xice kage cin, henan on Jan Herod iyopeya.

20. Unkan Herod ake iyotan akicage, çä kaxka wicahnakapi

tipi kin en ohna Jan kaxka knaka.

21. Unkan oyate kin owasin wicabaptizapi qon he ehan, Jesu ix eya baptizapi; unkan wacekiye çehan, marpiya kin nardog hihde:

22. Unkan Woniye Wakan kin tanton wakiyedan karya kunu, qa *Jesu* en iyahani; unkan marpiya kin eciyatohan wicaho wan u, qa heya; Micinkxi wxtewakidake cin he niye ce, qa tanyan iyomanyakipi ce, eya.

23. Unkan Jesu ix hehan wannan waniyetu wikkemnan yamni cetu; unkan Josep cihintku kin he e ecinpi; unkan Heli etanhan *Josep icaga*;

24. Heli ix Matata etanhan *icaga*; Matata Lewi etanhan, Lewi Melci etanhan, Melci Janna etanhan, Janna Josep etanhan,

25. Josep Matatiyas etanhan, Matatiyas Amos etanhan, Amos Naum etanhan, Naum Esli etanhan, Esli Naga etanhan,

26. Naga Mahat etanhan, Mahat Matatiyas etanhan, Matatiyas Semi etanhan, Semi Josep etanhan, Josep Juda etanhan,

27. Juda Jan etanhan, Jan Resa etanhan, Resa Zorobabe etanhan, Zorobabe Salatiye etanhan, Salatiye Neri etanhan,

28. Neri Melci etanhan, Mel-

ci Adi etanhan, Adi Kosam etanhan, Kosam Elmodam etanhan, Elmodam Er etanhan,

29. Er Jose etanhan, Jose Eliyezer etanhan, Eliyezer Joram etanhan, Joram Matata etanhan, Matata Lewi etanhan,

30. Lewi Simon etanhan, Simon Juda etanhan, Juda Josep etanhan, Josep Jonan etanhan, Jonan Eliyakim etanhan,

31. Eliyakim Meleya etanhan, Meleya Mena etanhan, Mena Matata etanhan, Matata Natan etanhan, Natan Dawid etanhan,

32. Dawid Jese etanhan, Jese Obed etanhan, Obed Boz etanhan, Boz Salmon etanhan, Salmon Nason etanhan,

33. Nason Aminadab etanhan, Aminadab Aram etanhan, Aram Esrom etanhan, Esrom Pares etanhan, Pares Juda etanhan,

34. Juda Jakob etanhan, Jakob Isak etanhan, Isak Abraham etanhan, Abraham Tara etanhan, Tara Nacor etanhan,

35. Nacor Saruc etanhan, Saruc Ragu etanhan, Ragu Pelek etanhan, Pelek Heber etanhan, Heber Sala etanhan,

36. Sala Kanan etanhan, Kanan Arpaxad etanhan, Arpaxad Sem etanhan, Sem Nowe etanhan, Nowe Lamec etanhan,

37. Lamec Matusala etanhan,

Matusala Enok etanhan, Enok Jared etanhan, Jared Malale etanhan, Malale Kanan etanhan,

38. Kanan Enos etanhan, Enos Set etanhan, Set Adam etanhan, Adam Wakantanka etanhan.

WICOWOYAKE 4.

1. Unkan Jesu Woniye Wakan on ojudan; unkan Jordan eciyatohanhan hdi: unkan Woniye kin makotahedan kin ekta iaya-yea.

2. Unkan anpetu wikkemnan topa hehanyan wakanxice wawiyutanye. Unkan anpetu kin henan en takudan yute xni; tuka iyohakam wotektehda.

3. Unkan wakanxice cin heciya; Wakantanka Cihintku kin he niye hecinhan, Inyan kin de aguyapi hihda wo, eya wo, eya.

4. Unkan Jesu itkom heciya; Aguyapi ecedan on wicani kte xni ce; tuka Wakantanka oie kin owasin on wicani kta ce, eya owapi ce, eya.

5. Unkan wakanxice cin pahan tehan wankantu akan iaya-ye, ça wancake makoce oyate kin owasin kipazo.

6. Unkan wakanxice cin heciya; Wicowaxake qa wicookitanin kin denau owasin miye yuhemankiyapi ce, qa tuwe wa-

ein kinhan waqu kte; hecen henan ciçu kta ce.

7. Hecen nix mitokam makata erpeniçiye cinhan, owasin nitawa kta ce, eya.

8. Unkan Jesu itkom heciya; Satan, mitapetepa tanhan ya wo: Itancanka Wakantanka nitawa kin, he iye itokam makata erpeniçiye kta ce, qa iye ixnannan ahoyape kta ce, eya owapi ce, eya.

9. Unkan Jeruxalam ekta ahi, qa tipi wakan inkpa kin akan ehde, qa heciya; Wakantanka Cihintku kin he niye hecinhan, hetahan kun erpeçiye wo.

10. Qa wohoxiye wakan tawa kin henan niyuhewicakiye kta ce:

11. Qa napepi kin ohna yuwankan niyuzapi kta ce; qa hecen tukten inyan kin en sihakin ibonito kte xni ce, eya owapi ce, eya.

12. Unkan Jesu itkom heciya; Itancanka Wakantanka nitawa kin he wawiyutanyaye kte xni ce, eyapi ce, eya.

13. Unkan wakanxice cin wawiyutanye kin owasin ecen yuxtan qehan, tonan can ayutan iyaya.

14. Unkan Jesu Woniye wicowaxake kin on Galila en hdi; unkan ihdukhan makoce wanke cin owancaya okitanin.

15. Unkan omniciye tipi ta-wapi kin en ohnahnan waonspe-kiya; unkan owasin yuonihanpi.

16. Unkan Nazaret en *Jesu* icaryapi qon he ekta hdi; unkan eya oran qon ake ecen econ, qa anpetu wakan ca, omniciye tipi kin en tin iyaye, ça wowapi yawa kta e najin hiyaya.

17. Unkan woayate Essays wowapi tawa kin he qupi. Unkan yumdaye çehon, decen owapi kin iyeya.

18. Itancanka Woniye kin he amanun, on etanhān warpanicapi kin wootanin waxte owi-cawakiyake kta e sdamanyanpi ce; cante psakawahanpi kin he-nan asniwicawaye, ça ixtagon-gapi kin ekicetuwigawaye, ça wayaka unpi kin wokiyuxke owicawakiyake, ça karderdeca-pi kin henan wicawakimduxke,

19. 'Ca Itancanka kin omaka wanji iyokipi kin he mdaotanin kta e umanxipi ce; eya owapi kin, he *yawa*.

20. Unkan wowapi kin ecen eyaku, qa ookiye kin he kieu, qa iyotanka. Unkan omniciye tipi kin ohna hiyeye cin owasin *Jesu* opartapi.

21. Unkan hewicakiya; An-petu dehan wowapi kin de yu-ecetupi, qa nix nayaronpi ce, eya.

22. Unkan owasin *Jesu* yao-

taninpi, qa wowaonxida oie ena-peye cin henan on inihani. Unkan heyapi; Josep cihintku kin he de e xni he? eyapi.

23. Unkan hewicakiya; Awicakehan iapi kin de eccn eman-yakiyapi kta ce; Niye pejihuta wicaxta kin, asniiçiya wo: Ka-pernaum ekta token ecanon na-unronpi kin, makoce nitawa kin den nakun ecen econ wo: ehapi kta ce, eya.

24. Unkan heya; Awicake-han heciciyapi ce, Waayatapi kin tuwedan iye tamakoce kin en iyowinkiyapi xni ce.

25. Tuka awicakehan hecici-yapi ce, Eliyas ni un qehan, waniyetu yamni sanpa wi xakpe hehanyan marpiya kin natakapi; unkan makoce kin owancaya wicaakiran rince ciqon he ehan, Israel en wiwazice ota ya-konpi:

26. Tuka Sidon *makoce kin* en Sarepta otonwe kin ekta wi-norinca wan wiwazice heca; un-kan hecedan ekta Eliyas yexipi.

27. Nakun Elija ni un qehan, lepros ereca ota Israel en yakon-pi; tuka hetanhān Naman Su-riya wicaxta kin he ixnannan yuskapi ce, eya.

28. Unkan omniciye tipi ohna hiyeye ciqon henan naronpi qehan, owasin xihdapi rinca;

29. Unkan najin hiyayapi,

qa otonwe kin itankan iyayeyapi, qa paha akan otonwe hdapi kin he matete ekta ayapi, qa kun erpeyapi kte.

30. Tuka Jesu wicacokam iyopte, çä kihde.

31. Unkan Galila *makoce kin* en Kapernaum otonwe kin he ekta hi, qa anpetu wakan ca, waonspewicakiya ece.

32. Unkan oie kin wicowaxake kicica; qa hecen waonspekiye cin on inihanpi.

33. Unkan wicaxta wakanxice xapa woniye kin yuha heca wan, omniciye tipi kin en ohna yanka; unkan he hotankakiya hoyeya;

34. Unkan heya; Jesu Nazaret etahan kin, unkayuxtano; token ecaunkiciconpi kta he? owihanke unyyayapi kta he? niye tuwe kin sdonwaya ce; Wanji Wakan Wakantanka etahan kin *he niye ce, eya*.

35. Unkan Jesu kixice, çä heciya; Ininan un, qa wicaxta kin etahan tankan hinapa wo, eya. Unkan wakanxice cin wicaxta qon wicacokam erpeye çehan, etahan tankan hinapa; tuka ksuweye xni.

36. Unkan owasin inihanpi, qa hekiciyapi; De taku oie ka? wicookihi wicowaxake ahna on woniye xape cin owicakiya ca, tankan hinapapi ece, eyapi.

37. Unkan ihdukxan makoce wanke cin owanceaya *Jesu* okitanin.

38. Unkan omniciye tipi kin etahan hdicu, qa Simon ti kin en tin iyaya. Unkan Simon kunku kin he tancan wicakata ececa rinca; unkan on Jesu cekiyapi.

39. Unkan en inajin, qa tan-can kata kin he kixica; unkan asni hihde: unkan hecehnannan nadin hiyaye, çä waowicakiya.

40. Unkan wi iyaya cor, woyazan ocaje ota on wicayazan tonan wicayuhapi qon, henan owasin *Jesu* ekta awicahipi: unkan nape kin ota awicahnake, çä asniwicaya.

41. Unkan wakanxice cin ix eya ota wicota etahan tankan hinapapi, qa heya niyanpi; Wakantanka Cihintku Kristos he niye ce, eyapi. Unkan Kristos he e kin sdocapi kin on etahan wicakixice, çä iapi kte cin iyo-wicaki xni.

42. Unkan wannan anpao hinape çehan *Jesu* tokan iyáye, çä makotahedan ekta ya; unkan oyate kin odepí, qa *yanke cin* ekta ahi, qa erpeya iwicayaye kte cin iyanaptapi.

43. Unkan hewicakiya; Wakantanka wawidake cin he otonwe toktokeca nakun ohnahna

mdaotanin kte on etanhan uman-xipi ce, eya.

44. Unkan Galila makoce kin en omniciye tipi ·hdépi kin, henan ohnahna wayaothanin.

WICOWOYAKE 5.

1. Unkan oyate kin Wakan-tanka oie kin naronpi kta e *Jesu* aohduteyapi qehan, Genesaret mde kin icahda inajin.

2. Unkan mde kin icahda wata nopa wanka e wanyaka; tuka hokuwapi kin ix wannan tokan iyayapi, qa ho kin hduja-ja yankapi.

3. Unkan wata uman Simon tawa qon he en ope, çä kitannan canan wapa iyotang xi. Unkan *Jesu* iyotanke, çä wata kin etanhan oyate kin waonspewica-kiya.

4. Unkan wannan ayaxtan qehan, Simon heciya; Mini xbe kin ekta ekicipa wo, qa ho kin mini oiyorpeya wo, eya.

5. Unkan Simon waayupte, çä heciya; Waonspekiye cin, hanyetu osan rtaunnipi; tuka takudan unktepí xni; takomni, nioie kin on ho kin iyorpewaye kta ce, eya.

6. Unkan heconpi qehan, hogan utkannan yuzapi; unkan ho kin papsakapi.

7. Unkan tawaxitkupi wata uman en opapi qon henan nam-

wicakicawinpi; hecen en upi, qa owicakiyapi kte: unkan upi, qa wata qon napin ojukiyapi rinca unkan iyujimnannan hi-yeeye.

8. Unkan Simon Petros he wanyake çehan, Jesu hupahu kin en makata erpeiçiye, çä heya; Wicaxta wicoran xice hemanca ce on etanhan Itancanka kin, erpeya imanyaya wo, eya.

9. He iye qa tonan om un qon henan hogan yuzapi kin on etanhan owasin inihanpi.

10. Unkan Jakob qa Jan Zebede cihintku kin henan iyos Simon tawaxitkuwicaya; unkan ix eya inihanpi. Unkan Jesu Simon heciya; Wikope xni wo, detanhan wicaxta kin wicaduze kta ce, eya.

11. Unkan wata qon hutata ahdihunipi qehan, owasin erpekiyapi, qa *Jesu* iyahna yapi.

12. Unkan *Jesu* otonwe wan en un qehan, wicaxta wan lepros ececa rinca; unkan he *Jesu* wanyake çehan, ite kin maki-puskin erpeiçiye, çä cekiye, çä heya; Itancanka kin, yacin kin-han, manyaduska kte cin oya-kihi ce, eya.

13. Unkan nape yekiye, çä yutan, qa heya; Wacin ce: ska un wo, eya. Unkan wancake lepros ececa qon asni hihde.

14. Unkan Jesu heciya; Tu-coran xice cin henan nicicajuju-wedan okiyake xni wo; tuka pi ce, eya.
wawayuxna kin ekta ye, ça wanyagiçiya wo; qa wicayuska-pi kte cin on Moxe token econ wicaxi qon he ecen econ wo; he-cen he woyaotanin yuhapi kta ce, eya.
15. Unkan he on iyotan *Jesu* tankaya okitanin : unkan wico-kcota ie naronpi, qa wayazan-pike cin asniwicaye kta e en ahi.
16. Unkan ieuonpa makota-hedan ekta *Jesu* ye, ça wace-kiya.
17. Unkan anpetu wan waon-syekiya ican, Parise qa wicoope onspekiyapi Galila makoce otonwe kin owasin, qa Juda qa Jeruxalam henakiya etanhán en ahi kin, henan eepi en iyotankapi: unkan Itancanka wowaxake kin asniwicaye kta e en un.
18. Unkan inyun, wicaxta kin owinja ohna wicaxta ranyan wanji yuha upi, qa ti mahen aipi, qa Jesu itokam ehdepi kte akitapi.
19. Unkan wicota kin on to-ken en aipi kte xni e wanyaka-pi qehan, tipi akan inajinpi, qa keyapi kin eciyatohan cokaya Jesu itokam kun hiyuyapi.
20. Unkan wicadapi kin he *Jesu* wanyake çehan, *ranye* ciqan he heciya; Wicaxta, wi-
- coran xice cin henan nicicajuju-pi ce, eya.
21. Unkan wowapi kagapi Parise kici waakinicapi, qa he-yapi; De tuwe ce waienhdepi kin ecen eya he? Wakantanka kin he ixnannan wicoran xice wicakicicajuju okihi, qa tuwe tokeca ecin okihi kta he? eyapi.
22. Tuka tawacinpi kin he Jesu iwicayukcan qehan, itkom hewicakiya; He taku e cante mahan ayakinicapi he?
23. Wicoran xice nicicajujupi ce, qa ix Najin, qa mani wo: eyapi kte cin henan uman tukte waxakadan he?
24. Tuka wicaxta Cihintku kin he ix maka akan wicoran xice wicakicicajuju kte cin okihi e sdonyayapi kte; *eye*, ça ranye ciqon he hehan heciya; Hecici-ya ce, Najin, qa nitowinja kin he yuwankan ehdaku, qa yati kin ekta hda wo, eya.
25. Unkan waneake wicitokam najin hiyaye, ça akan wanke ciqon he ehdaku, qa iye ti kin ekta hde, ça Wakantanka yatan.
26. Unkan owasin inihanpi, qa Wakantanka yatanpi; unkan wikopapi rince, ça heyapi; Wi-coran nakaka toktokeca wānuṇ-yakapi ce, eyapi.
27. Unkan taku kip denap

iyohakam hetanhan *Jesu* ye, ça wamnayanpi kin heca wanji Lewi eciyapi wamnayanpi oyanke kin en iyotankahan yanka e wanyaka; unkan heciya; Miyanha u wo, eya.

28. Unkan owasin ayuxtan, qa najin hiyaye, ça iyahna ya.

29. Unkan Lewi iye ti kin en wohanpi tanka *Jesu* kicaga; unkan wamnayanpi kin ix wicota, qa toktokeca nakun en opeya wotapi kte iyotankapi.

30. Unkan wowapi kagapi wicayuhapi qa Parise kin henan *Jesu* waonspewicakiye cin wicakigepi, qa heyapi; Tokeca ce wamnayanpi qa wicoran xicapi kin henan om wayatapi, qa wadatkanpi he? eyapi.

31. Unkan *Jesu* waayupte, ça hewicakiya; Zanipi kin henan pejihuta wicaxta wicakuwapi kte cin he hecetu xni ce; tuka wayanzanpi kin henan eepi ce.

32. Owotanpidan kin henan wicoiyopeiçkiye kin ekta wicakice wahi xni ce; tuka wicoran xicapi kin henan eepi ce, eya.

33. Unkan heciyapi; Tokeca ce Jan waonspewicakiye cin henan ijehan wote xni yankapi, qa woçekkiye kagapi, qa Parise waonspewicakiyapi kin ix eya *ecen econpi*; tuka niye nitawa kin henan e wotapi, qa wayatkanpi he? eyapi.

34. Unkan hewieakiya; Hinaton ti kin en unpi kin tawicuton kin he ix eya opeya wi-caun ehantahan, wote xni yan-kapi kte wicayakagapi kte cin oyakihipi he?

35. Tuka anpetu wanji en tawicuton kin he ewicakiciyakupi kte cin he hiyohi kta ce; kinhan hecen wote xni yankapi kta ce, eya.

36. Unkan *wiyacinpí wanecen ewicakiya*: unkan *heya*; Wicaxta kin tuwedan xinan teca oxpa xinan tanike en akihdagye xni ce; *heconpi kinhan* teca qon ix eya yurdeca ece, qa oxpa teca etanhan qon he tanike cin kicica xni ece.

37. Qa nakun wicaxta kin tuwedan minixa teca kin ojuha tanike cin wan en ohnaka xni ece; *heconpi kinhan* minixa kin skepe kta ce, qa ojuha kin atakuni kte xni.

38. Tuka minixa teca kin he ito ojuha teca en ohnakapi kta ce, qa sakim yutuhanpi ece.

39. Ix eyaqe wicaxta kin tuwedan minixa tanike wannan yatke, ça hehan hinankaha teca cin xni ce; Tanike cin eex waxte ce, eya ece, eya.

WICOWOYAKE 6.

1. Unkan anpetu wakan tokahuya inopa qehan, *Jesu* woju-

pi kin iyoopte iyaya; unkan waonspewicakiye cin ix wahu-wapa yuksapi qa napopabagapi, qa yutapi.

2. Unkan Parise kin etanhan wanjikxi hewicakiyapi; Tokeca ce anpetu wakan kin en taku iyowinwicakiyapi xni kin he eca ecen econonpi he? eyapi.

3. Unkan Jesu awicayupte, çä heyä; Dawid qa tonan om un qon henan wotektehdapi qehan, *Dawid* token econ qon he e kax dawapi xni he?

4. He Wakantanka tipi tawa kin en tin iyaye, çä aguyapi taninyan ehnakapi qa wawayuxnapi kin iye ixnannan hetanhan yutapi kte cin iyowinwicakiyapi qon he eca icu, qa yute, çä om unpi qon henan ix eya hetanhan wicaqu qon *he waka ce, eya.*

5. Unkan hewicakiya; Wicaxta Cihintku kin he iye anpetu wakan kin nakun on *Itancanka ce, eya.*

6. Unkan anpetu wakan tokeca wan; unkan Jesu omniciye tipi kin en tin iyaye, çä waonspekiya: unkan wicaxta wan nape kin etapa eciyatohan xnia ja e en yanka.

7. Unkan wowapi kagapi qa Parise kin henan anpetu wakan icunhan asniye kta hecinhan he awanyakapi; qa hecen taku iyanpapi kte akitapi.

8. Tuka tawacinpí kin he *Jesu* sdonwicaya; unkan wicaxta nape xnije cion he heciya; Najin, qa cokaya inajin wo, eya. Unkan najin hiyaye, çä en inajin.

9. Unkan Jesu hewicakiya; Mix ito taku wanji iciwangapi kta ce; Anpetu wakan ca, wavyuwaxtepi, qa ix wayuxicapi? wanikiyapi, qa ix waçeyapi kte cin tukte ecen econpi kte iyowinwicakiyapi he? eya.

10. Unkan itanihdukxan owasin awicatonwe çehan, wicaxta qon heciya; Nape kin ye-kiya wo, eya. Unkan ecen econ: unkan nape kin uman kin iyekicetu.

11. Unkan xinhdapi rince, çä iye iyakitedan Jesu token eackiconpi kta hecinhan he iwdakapi.

12. Unkan anpetu kin henan en Jesu reyaka wan ekta wacekiya i; unkan hanyetu osan Wakantanka cekiya yanka.

13. Unkan wannan anpa qehan, waonspewicakiye cin wicakico, qa etanhan akenopa wicahdarnige, çä Wahoxiyapi ewicakiya.

14. Simon he Petros nakun eya caxton qa he sunkaku kin Ande, Jakob qa Jan, Pilipos qa Bartolomi,

15. Mateyu qa Tomas, Jakob

Alpeyu cihiniku qon qa Simon Zelotes eciyapi,

16. Qa Judas Jakob sunkaku kin, qa Judas Iskariot, *Jesu* wiyopeye *cín* he ~~ce~~ iho henan eepi.

17. Unkan henan om kundicu, qa tinta kin en hdinajin; unkan waonspewicakiye optaye kin qa Juda owancaya qa Jerusalam, qa mde kahdaya Turos qa Sidon, henakiya etanhān wicota rinca henan *Jesu ie naronpi*, qa wayazanpi kin henan asnipi kte en ahi.

18. Qa woniye xapa on kakkijapi kin henan *ix eya opapi*; unkan ix eya asnipi.

19. Unkan *Jesu* etanhān wicowaxake hinape, çä owasin asniwicaye *cín* on etanhān wicota rince ciqon owasin yutanpi kte akitapi.

20. Unkan waonspewicakiye *cín* awicatonwe, çä heya; Niwarpanicapi kin nix niywaxtepí ce; Wakantanka wawidake *cín* he niye nitawapi ce.

21. Dehan wotekteyahdapi kin nix niywaxtepí ce; imnahanniyapi kta ce. Dehan yaceyapi kin nix niywaxtepí ce; iyarapi kte.

22. Wicaxta kin xicenidakapi, qa yuiyog iyayeniyapi, qa iennihdepi, qa wicaxta Cihintku kin on nicajepi kin taku *wanji*

xice iyacinyan tankan erpeniyanpi kinhan, niywaxtepí ce.

23. Anpetu kin he en wiuyukinpo, qa wopida on xkehanhanpo; inyun, marpiya kin ekta wowiyuwin tanka niciyankapi ce; atewicayapi kin ix eya iyeцен waayatapi qon wicakuwapi.

24. Tuka winijicapi kin nix woteri niciyankapi ce! wotekteyahdapi kta ce. Dehan iyarapi kin nix woteri niciyankapi ce! waxinhda yaceyapi kta ce.

25. Winipipi kin nix woteri niciyankapi ce! wotekteyahdapi kta ce. Dehan iyarapi kin nix woteri niciyankapi ce! waxinhda yaceyapi kta ce.

26. Tohan wicaxta owasin tanyan eniciyapi kinhan, woteri niciyankapi ce! atewicayapi kin waayate wicakapi xni qon ecenewicakiyapi ce.

27. Tuka naron dukanpi kin heciciyapi ce, Tókaniyanpi kin wacin en wicayuzapo, qa niciyuxepi kin henan tanyan ecawicakiconpo;

28. Niyaxicapi kin wicawayaxtepo, qa wawicanksiya nicuwapi kin cewicakiciciyapo.

29. Qa tuwe iyora kin sani en anipe cinhan, uman eciyatihan kipazo wo; qa tuwe xina inicieu kinhan, ordorda kin nakan terinda xni wo.

30. Qa wicaxta kin tonan taku nicidapi kin oto wicaqu wo; qa

tuwe woyuha iniciu kinhan, kica xni wo.

31. Qa wicaxta kin token ecaniconpi yacinpi kin, he iyeцен ecawigakieconpo.

32. Wacin en niyuzapi kin henan wacin en wicaduzapi qeyax, *hetanhān* tukte ecin wopida yatonpi ka? wicoran xicapi kin tonan wacin en wicayuzapi kin ix eyaqe itkom wacin en wicayuzapi ece.

33. Qa tanyan ecaniconpi kin henan taku waxte ecawigacyeconpi qeyax, *hetanhān* tukte ecin wopida yatonpi ka? eex wicoran xicapi kin ix eya ecen econpi.

34. Qa ake niçupi kta kecانipи kin henan owicayaqupi qeyax, *hetanhān* tukte ecin wopida yatonpi ka? wicoran xicapi kin ix eya wicoran xicapi kin owi-caqupi qa iyacinyan wicakicupi kta kecinpi.

35. Tuka niyepi kin тókaniyanpi kin wacin en wicayuzapo, qa waxte kin ecen econpi, qa waowicaqupo, qa ake taku niçupi kta kecinpi xnipo; qa wowiyu-win tanka niciyankapi kta ce, qa Iyotan wankantu kin he iye cincaniyanpi kte; he iye pidapi xni qa xicapi kin henan ex can-tewicakiya ece.

36. Hecen Niyatepi kin ix token waonxida kin nix eya he iyeцен waonxidapo.

37. Wayaxicapi xnipo, qa niyaxicapi kte xni: waowakiyepi xnipo, qa owaniciyepi kte xni: wakicicajujupo, qa nicicajujupi kte. • •

38. Wicaqupo, qa niçupi kta ce; wiutapi waxte qa paotinza-pi qa paipuskiecipi qa apaxboka, hecen wicaxta kin maku kin en niçupi kta ce. Wiutapi on widutapi kin he e on winicieiyutapi kta ce, eya.

39. Unkan wiyacinpı wan ecen ewicakiya: *unkan heyas*; Ixtagongapi kin he ix ixtagon-gapi kin napata yusawicayapi kte cin okihipi he? sakim oxko-ka-pa kin en iyorpeiçiyapi kte xni he?

40. Waonspekiyapi kin he waonspekiye cin itokapa xni ce; tuka tonan wannan tanyan waonspewiçakiyapi kin, henan owasin waonspekiye cin iyeceeapi kta ce.

41. Unkan tokeca ce nisunka ixta kin ohna sukaza *cistinan* yanke cin he wandaka; tuka niye niixta kin ohna eankaga wan-ke cin he iyahdukcan xni he?

42. Qa ix, Misunka, sukaza *cistinan* ixta ohna niyanke cin he ito ciciyuxdoke kta; qa icun-han niye niixta kin ohna eankaga wan-ke cin he wanyahdake xni kinhan, token ecin ehe kta he? Wanayakirbe cin, nix tokaheya

cankaga ixta ohna niwanke cin he ito tokan erpeya wo; qa he han hinakaha nisunka ixta kin

ohna sukaza *cistinan* yanke cin he yeciyuxdoke kte cin mdesya wandake kta ce.

43. Can wanji waxte ca, waskuyeca xice icarye xni; qa na-kun can wanji xica ca, waskuyeca waxte icarye xni.

44. Can owasin waskuyeca kin on sdocapi ece: wicaxta kin taspanhu kin etanhan suken pahipi xni, qa ix eya tokahu kin etanhan hastanhanka pahipi xni.

45. Wicaxta wanji waxte ca, cante woyuha waxte kin etanhan taku waxte icarya ece; qa wicaxta wanji xica ca, cante woyuha xice cin etanhan taku xice icarya ece: wicacante taku iyakiçuya ohnaka kin he etanhan i kin eci-yatanhan enapeya ece, eya.

46. Unkan tokeca ce Itancanka, Itancanka, emanyakiyapi, tuka iwae cin ecen ecanonpi xni he?

47. Tuwe ekta manhi, qa mioe naron, qa ecen econ kin he tuwe kicica hecinhan he ito ocicyakapi kta ce.

48. Wicaxta wan tipi kaga; unkan temahentu *maka* qe, çä oahehde kin imnija wan akan ehde: unkan minitan aye çehan, wakpa kin tipi kin he en ninan-rin mini kaduza; tuka imnija a-

kan ehdepi kin on etanhan kahuhuze kte okitpani: iho he e kicica ce.

49. Tuka tuwe naron tuka ecen econ xni kinhan, wicaxta wan oahehde codan maka akan tipi kaga; unkan tipi kin he en ninanrin wakpa *mini* kaduza; unkan hecehnannan jujuwahe: unkan tipi kin he woatakunixni tanka; unkan he iyececa ce, eya.

WICOWOYAKE 7.

1. Unkan oyate naron hiyeye cin en *Jesu* iapi kin denan owasin wannan ecen yaxtan qehan, Kapernaum en i.

2. Unkan akicita opawinge wicayuhe cin wanji taokiye kin wanji terikedaka; unkan he wazyanke, çä wannan te kte.

3. Unkan he wannan Jesu on naron qehan, Juda wicarincapi kin henan *Jesu* ekta yewicaxi, qa u, qa taokiye kin asniye kte cin he icekiya.

4. Unkan wannan Jesu ekta hipi qehan, awicakehan cekiypa, qa heyapi; Wicaxta decayecon kte cin he ecen ecakiconpi kte iyececa ce:

5. He iye unkoyatepi kin wacin en wicayuze, çä omniciye tipi wanji unkicagapi ce, eyapi.

6. Unkan Jesu henan om ya. Unkan wannan tipi kin itehan

xni qehan, akicita opawinge wi-
cayuhe ciqon he ix kodawicaye
ein henan *Jesu* ekta yewicaxi,
qa heciya; Itancanka kin, nagi-
yeiçiye xni wo, wati kin an tin
yahidu kte cin iyemancece xni
ce:

7. He on etanhan miye kin
ekta cihi kte nakun iyemanceca
niçida xni; tuka wicoie kin he-
cedan ecen eya wo, qa mitaokiye
kin asni kta ce.

8. Mix eya wicaxta wan wi-
cookihi ihukuya hnakapi kin he-
manca ce; qa mihukuya akicita
wicamduha ce: unkan wanji.
Ya wo, ewakiya ca, ya ece; qa
wanji tokeca, U wo, *ewakiya*
ca, u ece; qa mitaokiye kin,
Decon wo, *epa* ca, ecen econ
ece.

9. Unkan *Jesu* henan naron
qehan, waxtedake, ça ihdumho-
mni, qa iyahna unpi qon hewi-
cakiya; Heciciyapi ce, Israel
kaex en wowicada nisko. tanka
iyewaye xni ce, eya.

10. Unkan yewicaxipi qon
icicawin tiyata kipi qehan, wa-
yazanke ciqon he wannan asni
iyeyapi.

11. Unkan ianpetu qehan, *Je-*
su otənwe wan Nain eciyapi
kin en i; unkan waonspewica-
kiye cin etanhan ota qa oyate
ota henan om yapi.

12. Unkan otonwe tiyopa kin

he ikiyedan wannan ehan i qe-
han, inyun, wicaxta wan ta tan-
kan aupi; hunku kin wiwazice
heca, unkan cihinku hecedan.
Unkan otonwe kin etanhan wi-
cota opapi.

13. Unkan Itancanka kin he
wanyake çehan, onxida, qa Ceye
xni wo, eciya.

14. Unkan canakiyuhipi kin
en u, qa yutan. Unkan akiyu-
hipi qon ix owanji najinpi. Un-
kan heyä; Koxka, bosdan yanka
wo eciciya ce, eya.

15. Unkan te ciqon iyotanke,
ça ia. Unkan hunku kin kieu.

16. Unkan owasin ninan wi-
kopapi, qa Wakantanka yatanpi
qa heyapi; Waayate wanji tanka
unkiyopeyapi icaga ce, qa Wa-
kantanka taoyate kin wannan
wieahiyohi ce, eyapi.

17. Unkan Juda *makoce* qa
okxan makoce wanke cin owan-
caya he yaotaninpi.

18. Unkan Jan waonspewi-
cakiye cin taku kin denan owa-
sin *Jan* okiyakapi.

19. Unkan Jan waonspewi-
cakiye cin etanhan nopa wicaki-
co, qa *Jesu* ekta yewicaxi, qa
heya; Tuwe u kte ciqon he ni-
ye, qa ix wanji tokeca unkapipi
kta he? eya.

20. Unkan wicaxta kin henan
wannan *Jesu* ekta hipi qehan,
heyapi; Jan Wabaptiza kin he

nanke cin ekta unkuxipi, qa he-
ya ce; Tuwe u kte ciqon he ni-
ye, qa ix wanji tokeca unkapepi
kta he? eya ce, eyapi.

21. Unkan hehantudanrin wa-
yazankapi, qa makoxice ececapi,
qa woniye xikxice ececapi he-
nan wicota *Jesu* asniwicaye, çä
ixtagongapi kin heca ota tonwe-
wicaya.

22. Unkan hehan *Jesu* waa-
yupte, çä hewicakiya; Hdapo,
qa taku token wandakapi qa na-
yaronpi kin henan Jan okiyaka-
po. Ixtagongapi kin henan ton-
wanpi, qa huxtepi kin ix manipi,
qa lepros ececapi kin ix wica-
yuskapi, qa nogetpapi kin ix
wanaronpi, qa t̄api kin ix kini-
wicakiyapi, qa warpanicapi kin
ix wootanin waxte kin he owi-
cakiyakapi.

23. Qa tuwe miye on xinhda
xni kin he yuwaxtepi ce. *Iho*
henan oyakidakapi kta ce, eya.

24. Unkan Jan wahoxiyapi
tawa kin wannan kihdapi qehan,
Jesu Jan ke, çä oyate kin hewi-
cakiya; He taku ca makotahe-
dan ekta wanyag yaipi ka? Ce-
dihu wan tate kahuhuza he heca
he?

25. Tuka taku e wanyag yaipi
ka? Wicaxta wanji wokoyake
panpannan koyaka he heca he?
Inyun, tonan waxtexteyaken wa-
koyakapi, qa tantanyan nipi kin

henan wicaxtayatapi tipi kin en
ece unpi ce.

26. Tuka taku e wanyag yai-
pi ka? Waayate wan *he heca*
he? Han, eciciyapi, qa he waa-
yate wan ikapa rinca ce.

27. Inyun, wahoxiye mitawa
kin he nitokam yewaxi ce; qa
nitokam canku kin wiyyaya nic-
hde kta ce; eya owapi qon he
Jan kapi ce, eya.

28. Heciciyapi ce, Winorinca
eciyatanhan wicatonpi kin tuwe-
dan waayate wanji Jan Waba-
ptiza kin kape xni ce; tuka Wa-
kantanka wawidake cin en wanji
iyotan cistinan kin he he kapa
ce, eya.

29. Unkan oyate kin qa wa-
mnayanpi kin tonan naronpi qon
owasin Wakantanka yaowotan-
pi, qa Jan wicabaptiza qon en
opapi.

30. Tuka Parise kin wicoope
aiapi kin kici Wakantanka wo-
wahokonkiye kin en iyapatoiç-
yapi, qa Jan wicabaptiza xni.

31. Unkan Itancanka kin he-
ya; Wicaxta wicoicage kin de
taku e iwicamdacin kta he? qa
taku iyececapi he?

32. Xiceca iciyopekieiyapi
kin en iyotankapi, qa hoyekici-
yapi qa heyapi; Unniciyajopi,
tuka wayacipi xni; waxinunni-
cihdapi, tuka yaceyapi xni ce,
eyapi kin he iyececapi ce.

33. Jan Wabaptiza kin he ix aguyapi yute xni, qa minixa yatke xniyan u; unkan Wakanxice wanji yuha ce, ehapi.

34. Wicaxta Cihintku kin he iye wote, çä wayatkeyaken u; unkan, Inyun wicaxta wan wotesa, qa minixa yatkesa, qa wamnayanpi kin qa wicoran xicapi kin henan kodawicaya ece, ehapi.

35. Tuka Wicoksape cinca kin henan owasin *Wicoksape* yaowotanpi ce, eya.

36. Unkan Parise wanji Jesu kico. Unkan Parise ti kin en tin iyaye, çä wote kte iyotanka.

37. Unkan otonwe kin en winorinca wicoran xice heca wanji Jesu Parise ti kin en wota yankee cin he he sdoca, unkan inyan opiye ihepi ohna yuha en hi;

38. Qa Jesu tapete patanhan siha kin en ceya najin, qa ixta minihanpi kin on siha kiciyuja ja, qa paha kin on kicipakinta ca, siha kin ikiciputake, çä ihepi qon on sdakiciciya.

39. Unkan Parise *Jesu* kico qon he wanyake çehan, cante mahen hecin; Wicaxta kin de waayata heca unkan, winorinca yutan kin he winorinca tokeca kin he sdotkiye kta tuka ce; wicoran xice he heca ce, ecin.

40. Unkan Jesu waayupte, çä heciya; Simon, taku eoiciye

kte mduha ce, eya. Unkan heyga; Waonspekiye cin, ecen eya wo, eya.

41. *Unkan heyga*; Wicaxta wan wicaxta nopa oicazo wicaqu; unkan uman maza ska opawinge zaptan kicu xni, qa uman kin ix wikcemnan zaptan *kicu xni*.

42. Unkan taku on hdajujupi kte cin yuhapi xni qehan, wancake sakim wicakicicaju ce. Hecen uman tukte iyotan watedake kta hecinhan he ecen eya wo; eya.

43. Unkan Simon waayupte, çä heyga; Uman, ota kicicaju qon he e nuce epea ce, eya. Unkan heciya; Tanyau idukcan ce, eya.

44. Unkan *Jesu* winorinca qon ekta ihduhomni, qa Simon heciya; Winorinca kin de wandaka he? Yati kin en wahi, unkan mini on siha *wahdūjaja* kte manyaqu xni ce; tuka iye kin ixta minihanpi kin on siha manyujaja, qa paha kin on pakinta ce.

45. Imanyaputake xni; tuka winorinca kin de wahi kin ehanthan siha imanputaka ayaxtan xni ce.

46. Pa kin wihdi on sdamanyaye xni; tuka winorinca kin de ihepi on siha sdamanyan ce.

47. Heceen on heciciya ce,

Wicoran xice ota qon henan kicicajujupi ce; ninan waxtedaka ce, eya.

48. Unkan hehan winorinca qon heciya; Wicoran xice cin henan nicicajujupi ce, eya.

49. Unkan om wota yankapi qon henan cante mahan hecinpi; De tuwe ca wicoran xice nakun wicakicicaju he? ecinpi.

50. Unkan *Jesu* winorinca qon heciya; Wicayada kin he niniyan ce; waxteyaken hda wo, eya.

WICOWOYAKE 8.

1. Unkan he iyohakam *Jesu* otonwe tankinkinyan otonwe cikciqadan ko owasin iyaza un, qa wootanin waxte Wakantanka wawidake cin ahna yaotanin: unkan akenopapi qon om unpi.

2. Unkan winorinea wanjikxi woniye xice ececapi qa wayazanpika tuka asniwicayapi, Mari Magdalen eciyapi tanean kin etanhān wakanxice xakowin hinapapi qon,

3. Qa Herod waawanyagkiye Cuza *eciyapi* kin, he tawicu Joanna, qa Susanna, toktokeca ota, hēnan woyuha on *Jesu* wakiyapi.

4. Unkan wicota mniciyapi, qa otonwe oto etanhān *Jesu* ekta ahi qehan, wowiyacinyan woyaka:

5. *Unkan hey;* Woju heca wanji taku su kin oju iyaya. Woju, unkau apa canku icaħda hinrpaya; unkan naatinqapi, qa marpiya okinyanpi kin temyapi.

6. Unkan apa imnija wan ahinrpaya; unkan uye çehan, spaye xni on wancake xnija.

7. Unkan apa wapepeka ehnahna hinrpaya; unkan wapepeka opeya uye, ça aoṭinsya.

8. Unkan apa ix maka waxte ahinrpaya; unkan uye, ça opawingege suton, eya. Unkan henan hecekcen eye çehan, heyaniyan; Tuwe noge winaron yukan hecinhān, naronpo, eya.

9. Unkan waonspewicakiye cin wiwangapi, qa heciyapi; Wiyacinpi kin de toketu he? eyapi.

10. Unkan hey; Niyepi kin Wakantanka wawidake woanarbe kin henan oyakarnigapi kte niçupi; tuka tokan kin ix wiycinpi *wicaqupi* ce: hecen wawanyakapi kex wanyakapi kte xni, wanaronpi kex okarnigapi kte xni, eya.

11. Unkan wiycinpi kin he de e ce, eya; Taku su kin he Wakantanka oie kin ee ce.

12. Tonan wannan naronpi, qa hehan wiċadapi kte xni, qa niwicakiyapi kte xni, e wakanxice en u, qa wicoie cante mahan owicakijupi qon he yutokan

eyaku kin, henan ix canku ica-hda qon eepi ce.

13. Tonan wicoie naronpi, qa iyuxkinyan icupi; tuka hutkan nicapi, qa cistiyedan wicadapi, qa wowiyutan u ca, ayuxtan iyayapi kin henan imnija *ahinrpaye* ciqon eepi ce.

14. Tonan wannan naronpi, qa hehan tokiya yapi, qa wiconi kin de woawacin kin, qa wowijice, qa wowiyuxkin kin, henan on aotinzapi; qa hecen tanyan sutonpi xni kin henan wapepeka ehna hinrpaye ciqon eepi ce.

15. Unkan tonan wannan wicoie naronpi ca, cante waxte qa owo-tannan mahan yuha unpi, qa wacintankaya sutonpi kin henan maka waxte *ahinrpaye* ciqon eepi ce, eya.

16. *Unkan heyä*; Wicaxta kin tuwedan petijanjan wan ide-ye, ca wakxica wan iyahdapxiyan erpeye xni, qa nakun owin-ja wan ordateya ehnake xni ece; tuka petijanjan ihupa wan akan ehde kta ce; hecen tonan en ipi kinhan, ijanjan kin wanyakapi kte.

17. Taku anarmanpi qa yutaninpi kte xni wanica ce: qa nakun taku yutanin xniyan hnaka-pi qa yutaninyan eyakupi kte xni wanica ce.

18. Hecen on toketken wana-yaronpi hecinhan he itonpapo:

tuwe kaxta wayuhe cin he wa-upi kta ce; qa tuwe kaxta wayuhe xni kin he taku yuha sece cin he ex ikikcupi kta ce, eya.

19. Unkan hunku qa hunkawan-jitku kin henan hehan *Jesu* ekta hipi: unkan wicota kin he on toka kiyadan upi xni.

20. Unkan okiyakapi, qa heyapi; Nihun qa nihunkawanji tankan najinpi, qa wannihdake kte cinpi ce, eyapi.

21. Unkan waayupte, çä he-wicakiya; Wakantanka oie naronpi, qa ecen econpi kin denan, ina qa mihunkawanji eepi ce, eya.

22. Unkan anpetu wan en *Jesu* waonspewicakiye cin om wata wan en opa; unkan hewicakiya; Mde akasanpa unyanpi kta ce, eya. Unkan canan eyaya.

23. Unkan xina watopekiyapi qehan, *Jesu* ixtibe: unkan tate wan inde kin en u; unkan wata kin mini ojudan, unkan tapi kte rinca.

24. Unkan *Jesu* ekta hipi, qa yuricapi, qa heyapi; Waonspekiye cin, Waonspekiye cin, untakunipi kte xni ce, eyapi. Unkan najin hiyaye, çä tate taja ko kixica: unkan amdakedan.

25. Unkan hewicakiya; Wicayadapi kin he tukte e he? eya. Unkan wikopapi, qa inihanpi,

qa hekiciyapi; De taku wicaxta *kukux* en iwicayayapi kte cin ka? tate mini kici ee kax okiya ca, anagoptanpi ece, eyapi.

26. Unkan Galila itakasanpa Gadaren tamakocepi kin en ipi.

27. Unkan ren ihe çehan, wicaxta wannakaja tanhan wakanxice yuhe, çä wokoyake koyake xni, qa tuktedan tipi oti xni, tuka wicaxta hnakapi kin en ece un kin, heca wan otonwe kin eciyatohanhan *Jesu* itkokipa.

28. Unkan he *Jesu* wanyake çehan, hoyeye, çä itokam makata erpeiçiye çä hotankakiya heyä; *Jesu Wakantanka* iyotan wankantu kin he Cibintku kin, token ecaunkicicon kta he? Ceciciya ce, kakixmanye xni wo, eya.

29. *Jesu* woniye xape cin wicaxta kin etanhon wannan hinape xi e heyä. He ijehan *wicaxta* kin he yuza ece: unkan mazajcicicariia on kaxkapi siha ko parta hnakapi; tuka wicaxke kin yupsapsake çä, wakanxice makotahedan ekta iyayeya ece.

30. Unkan *Jesu* wiwange, çä heyä; Token eniciyapi he? eya. Unkan wakanxice ota tanmahen ipi on etanhon, *Wiota emankiyapi* ce; eya.

31. Unkan *mini* xbe cin ekta yewicaxi kte xni keya cekiyapi.

32. Unkan re kin en *kukux* ota ptaya wiran hiyea: unkan

kukux en iwicayayapi kte cin he Jesu iyowinwicakiye kta keya cekiyapi; unkan iyowinwicakiya.

33. Hecen wakanxice cin wicaxta kin etanhon tankan hinapapi, qa *kukux* kin en iwicayayapi; unkan optaye maya rinca wan en apamahde ninanrin naxdog iyayapi, qa mde kin en iyorpeiçiyapi, qa minin täpi.

34. Unkan taku econpi kin he *kukux* wowicaqupi qon wanyakapi qehan, nakipapi, qa otonwe qa ihdukxan *makoce wanke* cin ekta ohdag kipi.

35. Unkan taku econpi qon he wanyag ai, qa *Jesu* ekta ahi, qa wicaxta wakanxice etanhon hinapapi qon he oge ton, qa tawacin ekicetu, qa *Jesu* siha kin en iyotankahan yanka wanyakapi; unkan wikopapi.

36. Unkan tonan he wanyakapi qon, ix eya wicaxta wakanxice tawayapi qon he *Jesu* token asniye ciqon he owicakiyakapi.

37. Unkan ihdukxan Gadaren tamakocepi kin owancaya taku econpi qon he naronpi qehan, owasin ninan wikopapi on etanhon *Jesu* cekiyapi, qa tokan yexipi. Unkan wata kin en okipe, çä icicawin kihda.

38. Unkan wicaxta etanhon wakanxice hinapapi qon he *Jesu*

kici un kta keya cekiya. Tuka Jesu hdexi, qa heya;

39. Niye yati kin ekta hde, çä Wakantanka taku rinca ecanicon kin he yaotanin wo, eya. Unkan kihde, çä Jesu taku rinca ecakicon qon he etonwe owan-caya ohdaka.

40. Unkan Jesu hdi qehan, oyate kin iyowinkiyapi kte owasin ape hiyeye.

41. Unkan inyun, wicaxta omniciye tipi idakapi kin heea wanji Jairus eciyapi; unkan he u, qa Jesu siha kin en makata erpeiçiye, çä cekiye, çä iye ti kin ekta yexi:

42. He cunwintku wanjidan waniyetu akenopa cetu; unkan he wannan te kte wanka. Tuka Jesu ekta ye cin hepiya oyate kin aohduteyapi.

43. Unkan winorinca wan wannan waniyetu akenopa he-hanyan we au, qa taku yuha owasin pejihuta wicaxta on wannan hdusota; tuka hecen tuwedan asniye kte okitpani:

44. Unkan he e Jesu tapete patanhau u, qa wokoyake opapon kin he yutan: unkan wancake we au qon he anapta.

45. Unkap, Tuwe manyutan he? Jesu eya. Unkan ówasin ihdatokanpi qehan, Petros qa tonan kiei unpi qon henan he-yapi; Waonspekiye cin, wicota

kin aohduteniyanpi, qa aotinsniyanpi; tukax, Tuwe e manyutan he? eha he? eyapi.

46. Unkan Jesu heya; Tuwe manyutan ce; wicowaxake kin emantanhan iyaya ce, eya.

47. Unkan winorinca qon wannan inarbe kte xni e wanhake çehan, cancanyan u, qa Jesu itokam makata erpeiçiye, çä oyate kin owasin wicitokam, yutan unkan wancake asni qon he okiyaka.

48. Unkan heciya; Cunx, cante waxte wo; wicayada kin he asniniyan ce: waxteyaken ya wo, eya.

49. Unkan Jesu iahan cor, omniciye tipi idaka, ti kin eci-yatanhan tuwe u, qa omniciye tipi idake cin he heciya; Waonspekiye cin nagiyeye xni wo; nincunkxi wannan ta ce, eya.

50. Tuka Jesu he naron, unkan waayupte, çä heciya; Wikope xni wo, wicada wo, qa hecehnannan asni kta ce, eya.

51. Unkan tipi kin en tin hi-yu qehan, wicaxta kin tuwedan tin ye kte iyowinkiye xni; Petros, Jakob, Jan, qa wikoška atkuku hunku kici henannan en kipi.

52. Unkan owasin aceyapi, qa waxinhda enapeyapi; tuka, Ceyapi xnipo; te xni ce, ixtibe hecehnannan ce, eya.

53. Unkan wannan ṣa sdocapi nakax, *Jesu* wowirayapi.

54. Unkan owasin tankan iyayewicaye, ḷa napata yuze, ḷa kipan qa heya; Wikoxka najin wo, eya.

55. Unkan nagi kin kiyorpa-ya; unkan wancake nadjin hiya-ya: unkan *Jesu* wo qu wicaxi.

56. Unkan hunkakeku kin inihanpi: tuka taku eeon kin he tuwedan okiyake xni wicaxi.

WICOWOYAKE 9.

1. Unkan *Jesu* waonspewica-kiya akenopapi qon henan wi-taya wicakico, qa wicowaxake, wakankiee owasin wiciwankam qa wawayazan asniyanpi, kte hecen wicaqu.

2. Unkan Wakantanka wawi-dake ein he oyakapi kta, qa wayazankapi kin asniwicayapi kte yewicaxi.

3. Unkan hewieakiya; Ici-mayanipi kte ein on eansagye, qa wojuhadan, qa waneya, qa mazaska takudan eyakupi xnipo; qa nakun ordorda nomnom yuhapi xnipo.

4. Qa tuktetu kaxta tipi wan en yaipi kinhan, hen ece yankapo, qa hetanhan iyopte yapo.

5. Qa tuwe kaxta iyowinnici-yapi xni kinhan, otonwe kin-he inayapapi kinhan, nisihapi wa-

tuxekxeca onistakapi kin he ex katatapo; qa he wicayaotanin kta ce, eya.

6. Unkan iyayapi, qa otonwe iyaza yapi, qa wootanin waxte oyakapi, qa owancaya waasniyanpi.

7. Unkan Herod wicaxtaya-tapi kin he ix *Jesu* taku econ kin owasin naron; unkan, Jan kini ce, apa eyapi.

8. Qa apa ix, Elias hi ce, eya-pi, qa apa tokeea ix, Wannakaja waayatapi qon henan etanhwanji kini ce, eyapi, on etanhwanji token wacin yuza tanin xni.

9. Unkan Herod heya; Jan pa kin he bawaksa ce; tuka de tuwe ca on taku decekceca na-waron he? eya. Unkan he wan-yake kta cin.

10. Unkan wahoxiyapi kin henan wannan hdipi qehan, taku token econpi kin owasin *Jesu* okiyakapi. Unkan *Jesu* ewicahdaku, qa narmannan icuonpa otonwe wan Betsaida eciyapi makoskan tawa kin he ekta i.

11. Unkan oyate kin sdocapi qehan, ihakam eyaya: unkan *Jesu* iyowinwicakiye, ḷa Wakantanka wawidake cin he iwo-wicakiyake, ḷa tonan wayazankapi kin henan asniwicaya.

12. Unkan wannan rtayetu aye çehan, akenopapi qon upi,

qa heciyapi; De makotahedan ekta unyakonpi ce; hecen wico- ta kin tokan yewicaxi wo: he- cen otonwe qa ihdukxan makoce wanke cin henan ektakta yapi; qa taku yutapi oicidepi, qa iwan- kapi kta ce, eyapi.

13. Tuka hewicakiya; Niye wo wicaqupo, eya. Unkan he- yapi; Oyate denakeca woyute opewicakicaton unyanpi xni ehantahan, aguyapi zaptan qa hogan nopa henannan unhapi ce, eyapi.

14. Wicaxta kektopawinge zaptan ecetupi naka *heyapi*. Unkan waonspewicakiye cin he- wicakiya; Wikcemnan zaptan- ptapta iytang wicakiya- po, eya.

15. Unkan ecen econpi, qa owasin iytang wicakiyapi.

16. Unkan aguyapi zaptan qa hogan nopa qon henan *Jesu* icu, qa yawaxte, qa yuxpaxpa, qa waonspewicakiye cin wicaqu; qa iye oyate kin wicitokam ewi- cakicihnakapi kte.

17. Unkan owasin wotapi, qa wipipi: unkan oxpaxpa iwica- kiciyaye cin he pahipi; unkan etanhan makanopiye akenopa *ojuyapi*.

18. Unkan *Jesu* ixnannan wacekiya yanke çehan, waonsp- wicakiye cin henan om yankapi: unkan wiwicawange, ça heyap-

Miye mantuve oyate kin keya- pi lie? eya.

19. Unkan waayuptapi, qa heyapi; Jan Wabaptiza *hee ce; eyapi*; qa apa ix, Elias *hee ce, eyapi*; qa apa tokeca ix, Wan- nakaja waayatapi qon henan etanhan wanji kini ce; eyapi ce, eyapi.

20. Unkan hewicakiya; Qa nix mantuve kehapi ka? eya. Unkan Petros waayupte, ça he- ya; Kristos Wakantanka etan- han kin *he niye ce, eya*.

21. Unkan ninan owicakiye, ça wicaxta kin tuwedan okiyake xni wicaxi, qa hey;

22. Wicaxta Cihintku kin taku otakiya on ito iytanhan iyekkiye kta ce, qa wicaxta to- kapapi, qa wawayuxnapi itan- canpi, qa wowapi kagapi kin henan reyata iyeyapi, qa teyapi kta ce: unkan anpetu iynamni kinhan kini kta ce, eya.

23. Unkan owasin hewicaki- ya; Tuwe miyahna u wacin kinhan, waipiicida, qa anpetu otoiyohi cansusbeca kin kiçin, qa miyahna u kta ce.

24. Tuwe kaxta wiconi kin hduhe wacin kinhan, togerpeki- ye kta ce; tuka tuwe kaxta miye on wiconi kin togerpekiye cin- han, he e hduhe kta ce.

25. Wicaxta togerpeiçiya, qa ix tokan erpeyapi heca wanji

maka kin eca owancaya ohičiye
çeyax, taku ecin on tanyan un
kta he?

26. Tuwe kaxta miye, qa mi-
oie kin wowixtenmanye cinhan,
wicaxta Cihintku kin he iye, qa
Atkuku, qa wahoxiye wakan
waxtepi kin henan wookitanin
tawapi kin he tohan yuha li-
kinhan, ix eya *wicaxta kin* he
wowixtenye kta ce.

27. Tuka awicakehan hecici-
yapi; Den najinpi apa Wakan-
tanka wawidake cin he tohan u
wanyakapi xni kin hehanyan
tapi kte xni ce, eya.

28. Unkan wicoie kin denan
iyohakam anpetu xahdogan ce-
tu, unkan *Jesu Petros*, Jan, Ja-
kob henan ewicayaku, qa wa-
cekiye kte paha wan ekta i.

29. Unkan wacekiye cor, ite
kin tokeca hihde, çä wokoyake
kin ska qa wiyatpatpa.

30. Unkan inyun, *wicaxta*
nopa kici wohdakapi: unkan
Moxe Elias kici henan eepi:

31. Henan wokitaninyan hi-
najinpi, qa *Jesu Jeruxalam* ekta
te cin he iwohdakapi.

32. Unkan Petros, qa om un-
pi qon henan ninan ixtimapi:
unkan kiktapi qehan, *Jesu* wo-
okitanin kin, qa wicaxta nopa
om najinpi qon henan wanya-
kapi.

33. Unkan *wicaxta nopa qon*

Jesu erpeya iyayapi cor, Petros
heciya; *Waonspekiye cin, den*
unkanpi e waxte ce, qa tipi
yamni ito unkagapi ktace; wan-
ji niye nitawa kta ce, qa Moxe
wanji tawa, qa Elias wanji tawa
kta, eya. Unkan taku eye cin
sdotkiyece xni.

34. Unkan heyat ican, ma-
rpiya wan en u, qa aohanziwica-
ya: unkan wikopapi.

35. Unkan marpiya qon etan-
han wicaho wan hinape, çä heyat;
Micinkxi waxtewakidake cin he
de e ce; he anagoptanpo, eya.

36. Unkan wicaho qon atanin
xni qehan, *Jesu* ixnannan najin.
Unkan iye iyakitedan he yuha
unpi, qa taku wanyakapi qon
anpetu kin henan en wicaxta
kin tuwedan okiyakapi xni.

37. Unkan ianpetu qehan,
paha qon eciyatohan wannan
hdipi ca, oyate ota *Jesu* itkoki-
papi.

38. Unkan inyun, wicota kin
etanhah wicaxta wanji heyat ni-
yan; *Waonspekiye cin, ceciciya*
ce, micinkxi kin atonwan wo;
micinca hecedan ce:

39. Unkan inyun, woniye
wan yuza eca, ihnuhanan xica-
howaya ece; qa yurderdeca, qa
hecen minitaga apaxdiya, qa
onxiya kuwa, qa kiton se ayu-
xtan ece.

40. Unkan waonspewicayaki-

ye cin cewicawakiye, ça napeye wicawaxi; tuka okitpanipi ce, eya.

41. Unkan Jesu waayupte, ça heyä; Wicoicage wowicada codan, qa icuonpa un kin de tohan kinhan om ciunpi, qa iyotanhanyemayakiyapi kta he? Nicinca kin den hdou wo, eya.

42. Unkan u kin hepiya, wakanxice cin makata erpeye, ça yurderdeca. Unkan Jesu weniye xape cin kixice, ça hokxiyopa kin asniye, ça atkuku kin kieu.

43. Unkan Wakantanka to-waxake rince cin on owasin inihanpi. Tuka *Jesu* taku token econ qon on owasin inihanpi ican, waonspewicakiye cin he-wicakiya;

44. Wicoie kin denan noge oiyorpeyapo; wicaxta Cihintukin he wicaxta kin nepe oiyorpewicayapi kta ce, eya.

45. Tuka iapi kin he okarnigapi xni, qa anawicakirmanpi; qa hecen iyukcanpi xni: unkan wicoie kin on iwangapi kte cin itonpapi.

46. Unkan *waonspewicakiye cin* wanji tukte iyotan kte cin he hdokinicapi.

47. Unkan tawacinpí kin he *Jesu* iwicayukcan; unkan hokxiyopa wanji icu, qa iye iyokihe ehde, qa hewicakiya;

48. Tuwe kaxta hokxiyopa kin de micajeyan eyaku kinhan, he miye e emanyaku ce; qa tuwe kaxtamiye emanyaku kinhan, he umanxi kin he e eyaku ce: hecen wanji tukte nicistinpidan kin he e tanka kta ce, eya.

49. Unkan Jan waayupte, ça heyä; Waonspekiye cin, tuwe nicajeyan wakanxice napewicaya wanunyakapi, unkan den ounpapi xni kin on etanhantenerindapi ce, eya.

50. Unkan Jesu heciya; Terindapi xnipo; tuwe unkipajinpi xni kin he unkicicapi ce, eya.

51. Unkan *Jesu* wankan eyakupi kte cin he wannan iyehantu qehan, Jeruxalam ekta ye kte rinca.

52. Unkan kohan wahoxiyapi kin heca yewicaxi. Unkan yapi, qa Samariya wicaxta tonwanyanpi kin wanji en ipi, qa *Jesu* wiwaya wakicihnakapi.

53. Unkan *Jesu* Jeruxalam ekta ye kta sece cin on etanhantener Samariya wicaxta otonwepi kin en u kte cin iyowinkiyapi xni.

54. Unkan waonspewicakiye cin Jakob Jan kici he wanyakapi qehan, heyapi; Itancanka kin, Elias econ qon he iyecen unkix econkupi, qa marpiya kin eciyatohan peta kun u, qa rurnarwicaye unxipi kte wacanni ka? eyapi.

55. Unkan ihduhomni, qa wicakixice, çä heya; Tawacin toniketupi kin sdonyakiyapi xni ce.

*56. Wicaxta Cihintku kin wicaxta kin ɣewicaye kte on hi xni ce; tuka niwicakiye kte e on hi ce, eya. Unkan otonwe wan tokeca ekta yapi.

57. Unkan canku ohna yapi ican, tuwe heciya; Itancanka kin, tokiya kaxta de cinhan ciyahna mde kta ce, eya.

58. Unkan Jesu heciya; xongidan kin waxon tonpi, qa marpiya okinyanpi kin henan wahorpi tonpi, tuka wicaxta Cihintku kin iyex pa kin tukten iwanke kte cin es kax yuhe xni ce, eya.

59. Unkan *Jesu* wanji tokeca heciya; Miyahna u wo, eya. Tuka heya; Itancanka kin, ate ito tokaheya wakire mde kte cin iyowinmankiya wo, eya.

60. Unkan Jesu heciya; 'Tapi kin ɣa wicayuhapi kin he iye henan wicakirapi kta ce; tuka niye kin ye, çä Wakantanka wawidake cin he yaotanin wo, eya.

61. Unkan wanji tokeca nakan heya; Itancanka kin, ciyahna waun kta ce; tuka ito tokaheya wahde, çä wati kin ohnayankapi kin henan ehake wanwicawahdake kte cin iyowinmankiya wo, eya.

62. Unkan Jesu heciya; Wicaxta kin tuwe mariyumuwan nan yuze, çä hehan hinankaha hakikta kinhan, he Wakantanka wawidake cin en ope kte cin iyecece xni ce, eya.

WICOWOYAKE 10.

1. Unkan taku kin henan iyo-hakam, Itancanka kin toktokeca wilcemnan xakowin cajewicayate, çä iye otonwe tonan ekta ye kte cin, qa tokiya kaxta ekta ye kte cin, henan kohan ektakta nomnom yewicaxi.

2. Hecen hewicakiya; Awicakehan woksapi kin tankaya, tuka rtanipi kin e tonannan ce; he on etanhian woksapi Itancan kin, he iye rtanipi kin heca woksapi kin en yewicaxi kte cin he icekiyapo.

3. Yapo; inyun, tarincaska xonktokeca wicehna unpi kin, he iyeцен yecixipi ce.

4. Mazaska opiye, qa wojuhadan, qa hanpa henan yuha yapi xnipo; qa tahepi wicaxta kin tuwedan okiyapi xnipo.

5. Qa tuktetu kaxta tipi wan en tin idadapi kinhan, tokaheya, Wicowaxte tipi kin den un nuwe, eyapo.

6. Qa wicowaxte cihintku kin en un kinhan, wicowaxte nitawapi kin en iyahe kta ce; qa en

un xni kinhan, en nicihdipi kta ce.

7. Qa tipi kin he en ece yan-kapo: rtani kin he wowiyuwin kicupi kin he hecetu ce; he on etanhan taku token niçupi kin he ece yutapo, qa yatkanpo.

Tiyaza yapi xni po.

8. Qa tuktetu kaxta otonwe wan en yaipi qa iyowinniciyapi kinhan, taku enicihnakapi kin he ece yutapo.

9. Qa wayazanka en unpi kin henan asniwicayapo, qa heyapo; Wakantanka wawidake cin he kiyadan nihiyohipi ce, eyapo.

10. Qa tuktetu kaxta otonwe wanji en yaipi qa iyowinniciyapi xni kinhan, otonwe kin he canku kin en hdipo, qa heyapo;

11. Nitaotonwepi watuxekxe-ca ounikapapi kin he e kax itkom unnicicatatapi ce; tuka Wakantanka wawidake cin he kiyadan nihiyohipi kin he sdotkiyapo, eyapo.

12. Tuka heciciyapi ce, Antepetu kin he en otonwe kin he teriya un kte cin he Sodom aoptenya un kta ce, eya.

13. *Unkan ake heyas*; Corazin woteri niciyanka ce! Bet-seda woteri niciyanka ce! niye-pi kin en wicoran xakxakeca econpi qon henan Turos qa Sidon henan en ecen econpi un-kanx, iye wanankaja xinanwo-

juha on kagapi heca inpi, qa carota ohna iyotankahan iyope-içiyapi kta tuka ce.

14. Tuka wayacopi kin ekta niye teriya yaunpi kte cin he Turos Sidon kici aoptenya unpi kta ce.

15. Qa niye Kapernaum, yuwankah marpiya ekta anianpi kin, kuya wakanxice tipi kin ekta iyaye niyanpi kta ce, eya.

16. *Unkan hewicakiya*; Nix tuwe ananigoptanpi kin, he miye e anamangoptan ce; qa nix tuwe wartenidapi xni kin, he miye e wartemanda xni ce; qa mix tuwe wartemanda xni kin, he umanxi kin he e warteda xni ce, eya.

17. Unkan wikkemnan xakowinpi qon wopidaya hdipi, qa heyapi; Itancanka kin, nicaje kin eciyatohanhan wakanxicapi kin iyepi kax anaungoptanpi ce, eyapi.

18. Unkan hewicakiya; Marpiya kin eciyatohanhan wakanhdi hinrpaye cin he iyece Satan hinrpaya wanmdaka ce.

19. Inyun, wicowaxake ciçupi ce; qa hecen wamduxka kin qa skorpion henan awicayahani kta, qa tika kin tokerin waxakapi kin he isanpa ciçupi kta ce; qa tokerinca exta takudan ksusweniyanpi kte xni ce.

20. Takomni, woniye kin henan ananigoptanpi kin he on

etanhān xni, tuka marpiya kin
ekta caje oniwapi kin he ex on
iyuxkinpo, eya.

21. Unkan he ehan Jesu cante
mahen iyuxkin, qa heya; Ate,
marpiya maka ahna on Itanca-
ka *yaun* kin, niye taku kin de-
nan ksapapi, qa wayupikapi kin
henan anawicayakirbe, çä hokxi-
yoqopa kin heca sdonyewicaya-
kiye cin, he pidamanyakiya ce;
he Ate iyonicipi on etanhān he-
cetu rinca nunwe, eya.

22. Atewaye cin he taku owa-
sin yuhemankiya ce; Cihintku-
yapi kin he tuwe kin wicaxta
kin tuwedan sdoce xni; Ateyapi
kin he iye ixnannan *sdotkiya*
ce; qa Ateyapi kin he tuwe kin
he Cihintkuyapi kin iye qa ix-
tonan owicakiyake kte cin he-
nannan *sdocapi* ce, eya.

23. Unkan waonspewicakiye
cin ekta ihduhomni, qa narman-
nan heya; Taku wandakapi kin
henan wicaxta tonan wanyakapi
kin henan yuwaxtepī.

24. Heciciyapi ce, Waayata-
pi kin wicaxtayatapi ko ota taku
wandakapi kin henan wanyak
cinpi, tuka wanyakapi xni; qa
taku nayaronpi kin he naron
cinpi, tuka naronpi xni, eya.

25. Unkan inyun, wicoope
aiapi kin heca wanji najin hiya-
ye, ca wawiyutanye, çä heciya;
Waonspekiye cin, token ecamon

qa owihanke wanin wiconi ohi-
miçiyē kta he? eya.

26. Unkan Jesu heciya; Wi-
coope en toketken owapi ka?
Toketken dawa he?

27. Unkan waayupte, çä he-
ya; Itancanka Wakantanka nita-
tawa kin he nicante kin ocowa-
sin, qa nitaniya wakan ocowa-
sin, qa nitowaxake kin ocowa-
sin, henakiya on *token oyakihi*
hecen waxteyadake kta ce; qa
niye token *wacin* en niçihduza
hecinhan, he iyecen nikiyedan
unpi kin *wacin* en *wicaduze* kta
ce, eya.

28. Unkan Jesu heciya; Tan-
yan waadupta ce; ecen econ qa
yani kta ce, eya.

29. Tuka iye ihdaowotannan
wacin, unkan Jesu heciya; Un-
kan mikiyedan un kin he tuwe
hecinhan? eya.

30. Unkan Jesu waayupte, çä
heya; Wicaxta wan Jeruxalam
etanhān ye, çä Jerico ekta iyaya;
unkan wamanupisa kin wicehna
iyaye çehan, wokoyake kin kipi,
qa taopi, qa tecajeyan erpeyapi.

31. Unkan wawayuxnapi kin
heca wanji wanur hiyaya; un-
kan wanyakake çehan, uman eci-
yatohan hiyaya.

32. Unkan Lewite heca wanji
ix eya hehan i qehan, atonwe,
qa uman eciyatohan hiyaya.

33. Tuka Samariya *wicaxta*

heca wanji icimani un; unkan *wicaxta* wanke cin en hi: unkan wanyake çehan, onxida,

34. Qa en i, qa oo kin pakirte, çä wihdi minixa ahna en okatxtan ca, iye taxonke kin akan yankekiye, çä tipi wan en ahi, qa yuha yanka.

35. Unkan ihanrannan wannan ye kte çehan, mazaska nopa akan ehdaku, qa tipi tawa kin he qu, qa heciya; Yuha yanka wo, qa de isanpa tonan yahdusote cin waku kinhan ciçu kta ce, eya.

36. Iho hecen henan yamnipi kin, wamanupisa wicehna iyaye ciqon he tukte wanji ikiyedan un idukean ka? eya.

37. Unkan, Wanji onxida qon he e ce, eya. Unkan *Jesu* hehan heciya; Ye, çä iyacinyan econ wo, eya.

38. Unkan wannan iyoptapi ican, otonwe wan en *Jesu* i; unkan winorinca wan Marta eciyapi: unkan he iye ti kin en *Jesu* tin kico.

39. Unkan Marta tankaku wan Mari eciyapi: unkan ix eya *Jesu* siha kin en iyotanke, çä oie kin naron *yanka*.

40. Tuka Marta e ninan taku ota ecakicon, qa *Jesu* ekta hi, qa heciya; Itancanka kin, mixnanan taku ecamon kte mitanka erpeye imanyaye cin he en ewa-

canni xni he? hecen omankiye xi ye, eya.

41. Unkan *Jesu* waayupte, çä heciya; Marta, Marta, taku ota yakicande wacanni, qa on nagiyeniçiya ce:

42. Tuka taku wanjidan *on tanyan unpi* ce; qa Mari ix oxpa waxte kin he wannan karniga ce, qa tuwedan ikikcu kte xni ce, eya.

WICOWOYAKE 11.

1. Unkan *Jesu* tukten wacekiya yanka, unkan ayaxtan ca, waonspewicakiye cin wanji heciya; Itancanka kin, Jan waonspewicakiye cin henan cekiyapi onspewicakiye ciqon, nix eya iyecen onspeunkiyapo, eya.

2. Unkan hewicakiya; Wacekayakiyapi kinhan, kaken eyapo; Ateunyanpi marpiya ektnanke cin, nicaje wakan nunwe. Wawiyadake cin hiyohi nunwe. Marpiya kin ekta nitawacin econpi kin, he iyecen maka akan econpi nunwe.

3. Anpetu otoiyohi woyute kin unqupo.

4. Qa wicoran xice cin henan unkicicajuju miye; unkix eya tonan xicaya unkokiranyanpi kin henan owasin wicunkicieajujupi ce. Qa wowiyutanye kin en unkayapi xnipo; tuka taku xice

cin etanhan unkiyuxpapo, eyapo, eya.

5. Unkan hewicakiya; Niyepi kin wanji tuwe kodayayapi, qa hanye cokaya ekta yaipi, qa heyakiyapi; Koda, aguyapi yanmni omanqu wo:

6. Mitakoda wanji icimani hi, tuka takudan yunwakiye kte mduhe xni ce, ehapi kinhan,

7. Hehan iye timahen tanhan waayupte, çä heye kta he? Nagiyemanye xni wo; tiyopa wannan natakapi, qa micinca om mahen imunka ce: nawajin, qa ciçukte owakitpani ce, eye kta he?

8. Heciciyapi, He kodaniyanpi kin on etanhan najañ, qa niçupi xni qeyax, ninan yakitanpi kin he on etanhan najañ, qa tonan yacinpi kin henan niçupi kta ce.

9. Qa heciciyapi, Wadapo, qa waniçupi kta ce; waakitapo, qa waiyeyayapi kta ce; *tiyopa* katotopo, qa niciyurdokapi kta ce.

10. Tonan wadapi kin, henan *owasin* wawicaqupi ece; qa tuwe waakita ca, waiyeya ece; qa tuwe *tiyopa* katoto kinhan, kiciyurdokapi kta ce.

11. Niyepi kin wanji nicinca yukanpi, qa aguyapi nicidapi ehan, inyan wan yaqupi niceca he? qa ix hogan da kinhan, wamduxka wan yaqupi niceca he?

12. Qa ix witka wanji da e-

han, skorpion heca wanji yaki-pazopi niceca he?

13. Hecen nix nxicapi kin, nicincapi taku waxtexte wicaya-qupi kte cin he onnispepi'ehantanhan, ix iyotan marpiya Ateyayapi kin tonan Woniye Wakan kidapi kinhan wicaqu kta ce, eya.

14. Unkan *Jesu* wakan xice wanji tankan iyayeya, unkan ia okitpani. Unkan wakan xice cin wannan tankan hinapeçehan, ia okitpani qon hehan ia; unkan oyate kin inihanpi.

15. Tuka apa heyapi; Beelzibub wakanxice itancan kin he eca eciyatohanhan wakanxice napewicaya ce, eyapi.

16. Qa apa toktokeca ix hnayanpi kta e, Marpiya eciyatohanhan wwapetokeca *Jesu* kidapi.

17. Tuka tawacinpí kin he *Jesu* sdonwicaya, unkan hewicakiya; Wowawidake tonan yuakipapi kicipajinpi kin henan owasin atakunixni aya ece; qa tipi wanji yuakipam kicipajin ca, jujuwahan ece.

18. Qa Satan ix eyayuakipam kicipajin ehantohanhan, wowawidake tawa kin he token ecin ecen he kta he? Beelzibub wakanxice itancan kin he eca eciyatohanhan wakanxice napewicawayakahepi kin he on etanhan *hepa ce*.

19. Unkan miye Beelzibub eciyatohan wakanxice napewicawaya ehantahan, niye nici-napi kin henan tuwe eciyatohan napewicayapi he? hecen iyepi kin niciyukcanpi kta oe.

20. Tuka miye Wakantanka napcupe kin on wakanxice napewicawaya ehantahan, Wakantanka wawidake ein he awica-kehan niihiyohipi ce.

21. Wicaxta wan waxake çawi-pe ton ti awanhdake cinhan, hecen woyuha tawa kin waxteya hiyeya ece.

22. Tuka wanji ikapeya waxake tatpe hi, qa ktedan kinhan, tawipe wacinkiye ciqon he iki-ku ca, waki ece.

23. Tuwe miciica xni kin he mankipajin, qa tuwe kici mici-wapahi xni kin he wayumdeca ece.

24. Woniye xapa wanji wicaxta wan etahan wannan hinapa ca, puspuze ein iyooptepe ya wooziiyiye akin mani ece; tuka iyeye xni ca, heyat ece; Wati etahan wahinawape ci-qon he ekta ake ito wahde kta ce, eya ece.

25. Unkan en hdicä, wannan kahintapi qa ayucopi iyekiya ece.

26. Ca, hecen toki ye, çawi-nye toktokeca iye kin isanpa wicaxtapiñni xakowin ewic-ya-

ku, qa henan en yapi, qa otipi: hecen wicaxta kin he otokahe kin isanpa oehake kin ekta xicaya *un ece*, eya.

27. Unkan henan hecekcen eya icän, wicota kin etahan winorinca wan heciya; Wicitpi etahan inicage cin, qa aze dazoke cin henan yuwaxtepi ce, eya niyan.

28. Unkan *Jesu* heyat, Han, tuka tonan Wakantanka oie kin naronpi, qa ecen econpi kin he-nan ex wicayuwaxtepi ce, eya.

29. Unkan oyate kin wannan kata himniciyapi qehan, hewicakiya; Wicoicage kin de xica ce: wowapetokeca akitapi, tuka wowapetokeca takudan wicaqupi kte xni ce; Jonas waayate ciqon wowapetokeca kin hecedan.

30. Ninewi oyate kin Jonas wowapetokeca yuhapi qon, he iyecen wicoicage kin de wicaxta Cihintku kin wowapetokeca yuhapi kta oe.

31. Woyaco kin ekta itokaga wicaxtayatapi winorinca qon he wicoicage kin de itkom nawicajin, qa wicayakunze kta oe: he iye makoce owihanketa tanhan Solomon wicoksape kin naron hi; unkan inyun, wanji Solomon ikapa den un ce.

32. Woyaco kin ekta Ninewi wicaxta kin henan wicoicage kin de om nawicajinpi, qa wicaya-

kunzapi kta ce; he iye Jonas wowicakiyake cin on iyopeiçiyapi; unkan inyun, wanji Jonas ikapa den un ce.

33. Wicaxta kin tuwedan petijanjan wannan ideya ca, namanan ehde xni, qa ix ohna wi-yutapi kin wanji iyahdapxinyan hnake xni; tuka petijanjan ihupa wan akan ehde ece: qa hecen tonan en hipi kinhan ojanjan kin wanyakapi kte.

34. Wicatancan ijanjan kin he wicixta kin ee ce; hecen niixta kin hecetuwanjica ca, ix eya nitancan kin owancaya ijanjan ojudan ece: tuka niixta kin xica ca, nitancan kin ix eya otpaza ojudan ece.

35. Hecen ijanjan en niun kin he otpaze kte xni e wakta wo.

36. Hecen nitancan kin owancaya ijanjan ojudan, qa tuktadan oxpa otpaze xni ehantahan, petijanjan wan yerya ide iyoyamnyan kin he iyecen nitancan kin owancaya ijanjan ojudan kta ce.

37. Unkan heya cor, Parise kin wanji *Jesu* kico: unkan en i, qa wote kte iyotauka.

38. Unkan *Jesu* wote xni itokam ihdujaja xni kin he Parise qon wanyake çehan, inihan.

39. Unkan Itancanka kin heciya; Niye Parise kin miniya-

tkan wakxica ko, akapatohan duskapi; tuka mahenta tanhan wakipi, wicoran xice ahna on onijupidan.

40. Winitkotkopike cin, akapatohan un kin he tuwe kaga hecinhan, he ix mahan un kin nakun kage xni he?

41. Tuka yatonpi kin etanhon taku wicaqupi kin he ex econpo; qa taku owasin nici-skapi kta ce.

42. Tuka niye Parise kin, nix peji ocaje owasin etanhon iwikcemnanmn wicayaqupi; tuka wicoecetu Wakantanka waxtedakapi kin ahna acayakxinpi kin he on woteri niciyankapi ce! denan ito ecen ecanonpi kte cin he hecetu, qa uman kin aduxtanpi kte xni tuka ce.

43. Niye Parise kin omniciye tipi oyanke tokapa, qa iciyopekiciyapi kin en wayuonihan-yan oniciyapi kte cin henan waxteyadakapi kin he on woteri niciyankapi !

44. Wowapi kagapi, qa Parise wanaiçirmanpi kin, nix wicaxta hnakapi akapatohan tanin xni hiyeye ca wicaxta kin sdoce xni ecen amanipi kin he nicecapi kin on etanhon woteri niciyankapi ce ! eya.

45. Unkan hehan wicoope aiapi kin heca wanji waayupte, ca heciya; Waonspekiye cin,

hecen eha ca, unkix eya ienun-yahdepi ce, eya.

46. Unkan *Jesu* heya; Wicoope aiapi kin, nix eya waqin qinpi terike qinwicayakiyapi; tuka niyepi kin napsukaza wanjidan kax on waqin kin dutanpi xni kin on etanhan woteri niciyankapi ce ! eya

47. Waayatapi wicahnakapi kin henan niye yakagapi, qa atewicayayapi kin ix henan wicaktepi kin on etanhan woteri niciyankapi ce !

48. Atewigayayapi oranyanpi qon iyowinwicayakiyapi e awi-cakehan nihduotaninpi ce ; he ye henan wicaktepi e wicaka, qa niye wicaxta hnakapi kin wicayecagapi ce :

49. Heon ix eya Wakantanka toksape kin heya ; Waayatapi qa wahoxiyapi heca ekta yewicawaxi kta ce; unkan apa wicaktepi, qa onxiya wicakuwapi kta ce :

50. Hecen maka kagapi kin ehantahan waayatapi we pa-psunpi kin he owasin wicoicage kin de iwicawangapi kte.

51. Abel we kin hetanhan uye, çä Zacarias tipi wakan ahna wayuxnapi kin en okitahedan iyatakuninxni qon, he we kin oiyahdeya awicakehan heciciyapi ce, He wicoicage kin de iwicawangapi kta ce.

52. Niye wicoope aiapi kin, nix wosdonye iyurdoka yutokan edakupi, qa niye ohna idadapi xni, qa tonan ohna iyayapi kte cin henan anawicayaptapi kin on etanhan woteri niciyankapi ce ! eya.

53. Unkan henan hecekeen ewicakiye çehan, Parise kin *Jesu* taku ota eyekiyapi kta e ninanrin nagiyeyapi :

54. He *Jesu* iypepi, qa taku enapeye cinhan hecen yukam eyakupi, qa uyaonpapi kte.

WICOWOYAKE 12.

1. Unkan icunhan wicota rinca akicihanpi kta hecen ahimniyiye çehan, *Jesu* waonspe-wicakiye cin henan hewicakiya; Ito tokaheya Parise onaporye tawapi kin he itonpapo; wana-içmanpi kin he e ce.

2. Taku akarpetonpi qa yuzamnipi kte xni wanica ce : qa nakun taku anarmanpi qa yuotaninpi kte xni wanica ce.

3. Hecen otpaza ehna taku token ehapi kin he anposkantuya naronpi kta ce; qa onarbe tipi kin ohna wicanoge kin en token ehapi kin 'he tipi akan ieyanpahapi kta ce.

4. Qa kodamanyayapi kin, nix heciciyapi ce; Wicatancan ktepi qa sanpa takudan okihipi

xni kin henan kowicakipapi
xnipo.

5. Tuka tuwe koyakipapi kte
cin he ito kanyehan ociciyakapi
kte: 'Tuwe wicakte, qa hehan
wakanxice tipi kin en erpewica-
ya okihi kin he eca kokipapo :
han, He eca kokipapo, eciciya-
pi ce.

6. Zitkadan zaptan mazaska
nopa iyopewicayapi xni he? qa
Wakantanka henan wanjidan
kax akiktunje xni.

7. Tuka niyepi kin paha ee
kax owasin niyawapi ce. Hecen
wikopapi xnipo; zitkadan ota
isanpa niyawapi ce.

8. Qa nakun heciciyapi ce;
Tuwe kaxta wicaxta kin wicito-
kam miye mayaotanin kinhan,
wicaxta Cihintku kin Wakantanka
wahoxye wakan tawa kin
henan itokam *wicaxta kin* he
yaotanin kta ce.

9. Tuka tuwe wicaxta kin
wicitokam miye wicamanda xni
kinhan, Wakantanka wahoxiye
wakan tawa kin henan itokam
wicaxta kin he wicadapi kte
xni ce.

10. Qa tuwe kaxta wicaxta
Cihintku kin itkom wicoie wan-
ji eciye cinhan, kicicajupi kte;
tuka tuwe Woniye Wakan wa-
xtehda kinhan, kicicajupi kte
xni.

11. Unkan omniciye tipi kin

en anihipi, qa wicaxtayatapi
wicowaxakxake ko ekta *anihipi*
kinhan, toketken waadutapi kte
cin he awacinpi xnipo.

12. Woniye Wakan kin he
iye hehantudanrin tokeiken eha-
pi kta nicece cin *onspeniciyapi*
kta ce, eya.

13. Unkan wicota kin etan-
han wanji heciya; Waonspekiye
cin, misunka woyuha yuakipam
apa mix maqu kta keciya wo,
eya.

14. Unkan heciya; Wicaxta
kin, niwankam wiyükcan qa
wapamni *manyaduhapi* kte cin
tuwe mankaga he? eya.

15. Unkan hewicakiya; Wa-
kłapo, qa wakonpi kin itonpapo;
taku iyakiçuya tonpi kin on
wicanı xni ce, eya.

16. Unkan wiယacinpi wan
ecen ewicakiya, unkan heya;
Wicaxta wan wijica, unkan ta-
maga kin taku ota icarya:

17. Unkan cante mahen he-
cin; Waimicage cin tukten we-
linake kte cin mduhe xni ce;
hecen token waran kta hwo ?
ecin

18. Unkan heya; E, kaken
e ecamon kte; Tankan wopiyewe-
waye cin henan wahdujuju, qa
tanktakaya wakage, çä waimi-
cage cin, qa woyuha mitawa kin
henan owasin en owehnake

kta ce.

19. Qa mitaniya wakan kin kin tokeca ecin en ewacannipi hewakiye kte; Howo, mitaniya he ?
taku onota yehnake cin he wan- niyetu ota oiyahde kta ce; ito oziiçiye, çä wote, çä wayatke, çä wiyxkin wo, eya.
20. Tuka Wakantanka heci- ya; Winitkotkoke cin, hanyetu kin de nitaniya wakan kin inici- cupi kta ce: hecen wayehnake cin hena hehan tuwe tawa kta he? eya.
21. Tuwe woyuha kihnakatuka Wakantanka ekta wijice' xni kin he he kicica ce, eya.
22. Unkan waonspewieakiye cin hewicakiya; Hecen on heci- ciyapi ce, Yanipi kin on taku yatapi kte cin, qa ix tancan kin taku kodakapi kte cin, henan en ewacinpí xniipo.
23. Wicani kin he woyute ikapa ce; qa wicatancan kin he ix wokoyake ikapa ce.
24. Kangi kin henan iwica- yukeanpo; he iye wojupi xni, qa woksapi xni, qa wopiye ni- capi: unkan Wakantanka henan wo wicuqu ece. Warupakoza kin isanpa niyawapi xni he?
25. Qa niyepi kin awacinpí kin on wicixpa wanjidan kax nihduhanskapi wanji oyakihipi ka?
26. Iyotan cistinan kin he oyakihipi xni ehantahan, uman
27. Peji rca kin henan toke- tken icaga hecinhan he iyukcan- po. Henan rtanipi xni, qa wa- kahmunpi xni; tukax, Solomon tokerin okitanin exta denan wa- koyakapi kin iye hecen wako- yake xni, eciciyapi ce.
28. Hecen Wakantanka peji anpedehan magata hiyeya, qa heyakecinhan petan erpeyapi kin he e kax wokoyake qu ehantahan, kitannan wicayada- pi kin, nix iyotan wokoyake niçupi kte xni he?
29. Qa taku yatapi qa dat- kanpi kte cin he ihnihdapi xni- po; qa nakun waceñunhdaya wacin yuzapi xniipo.
30. Maka oyate kin henan owasin hecen ihnihdapi ece; qa nix henan codan yaunpi kte pica xni e niyatepi kin sdotkiya ce.
31. Tuka Wakantanka wa- widake cin he ex ihnihdapo; qa taku kin denan owasin koya niçupi kte.
32. Optayedan kin, wikipapi xniipo. Ateyayapi wawidake cin he nix niçupi kta e iyokipi ce.
33. Taku yatonpi kin he wi- yopekiyapo, qa warpanicapi kin wawicaqupo, qa wojuhakukaka aye kte xni qa marpiya ekta woyuha owihanke aye kte

xni hehan oiçidepo: heciya wa-
manusa tuwedan kiyadan u xni,
qa wamduxka kin wayuxicapi
xni.

34. Woyuha tukten niciyan-
kapi hecinhan, ix eya nicantepi
kin en un kta ce.

35. Ipiyagkiton unpo, qa pet-
ijanjan kin ideyahan ekihdепо:

36. Qa wicaxta wicayuhapi
kin wicayuhe cin he kiciyuzapi
kin eciyatohan hdi kte cin ape
hiyeya, qa hecen ku, qa tiyopa
hdatoto kinhan, wancake kici-
yurdokapi kte; iho henan iye-
wicacensa unpo.

37. Wicayuhe cin hdi kin-
han, ookiye kin tonan wakta
unpi iyewicakiye cin, henan wi-
cayuwaxtepi ce; awicakehan he-
ciciyapi ce, Wicayuhe cin iye
ipiyagkiton, qa ookiye kin henan
wote kte iyotangwicakiye, çä u,
qa owicakiye kta ce.

38. Hecen inopa waktapi kin
iyehan hdi, qa ix iyamni wakta-
pi kin iyehan *hdi*, qa ecen *econ*
yanka iyewicakiye cinhan, ooki-
ye kin henan wicayuwaxtepi ce

39. Qa de sdonyapo; Tipi
tawa kin wamanusa kin tohan
hi kte cin sdotkiya unkanx, wa-
kta yanke çä ti kin kiciyurdokapi
kte cin he anawicapte kta tuka
ce.

40. He on nix eya wiwaya
yankapo; wicaxta Cihintku kin

he tohan awacannipi xni kin
iyehan u kta ce, eya.

41. Unkan Petros hehan *Jesu*
heciya; Itancanka kin, wiycinpi
kin de unkixnannan unkoyaki-
dakapi, qa ix owasin wicayaka
he? eya.

42. Unkan Itancanka kin he-
ya; Ookiye wanji waawanyagki-
yapi kin he wayupike, çä oki-
ksape cinhan, yuhe cin tiwahë
kin yuhekiye kta ce; qa hecen
iyehanhanyan wowicaqu ece kte
cin he tukte e hecinhan?

43. Itancan kin ku, qa taoki-
ye wanji hecen econ yanka iye-
kiye cinhan, he e yuwaxtapi ce.

44. Awicakehan heciciyapi
ce; Taku token tawaye cin he
owasin yuhekiye kta ce.

45. Tukax, ookiye kin he
cante mahan, Itancan kin tehan
hdi kte xni ce, ecin, qa wicao-
okiye qa winyanookiye kin he-
nan awicape, çä wote, çä waya-
tke, çä witkoiçiye cinhan,

46. Ookiye kin he anpetu wan
yuhe cin hdi ape xni, qa sdotkiye
xni hehan hdi, qa kicakse, çä
waceçunhdapi kin henan opeya
unkiye kte.

47. Qa ookiye wanji yuhe cin
tawacin kin sdoca tuka wiwaya
içihnake xni, qa ecen econ xni
kinhan, he ota apapi kta ce.

48. Tuka tuwe sdoce xni
kinhan, he ix apapi kte cin iye-

cen oranyan exta tonannan apa-ju kta ce, ehapi: unkan ecetu pi kta ce. Tuwe taku ota qupi ece. kinhan, he e taku ota iwangapi kte; qa wicaxta kin tuwe taku ota yuhekiyapi ca, he iyotan ota kicapi kta ce.

49. Peta kin maka akan iya-yewaye kte wahi ce; qa wan-nanx ideyapí ehantahan toke-tken wacanmi kta he?

50. Tuka baptizapi wanji on maubaptizapi kta ce; qa he to-han mieiyutanpi xni kin he-hanyan cantowatpani ce.

51. Maka akan wicowacin en kiciyuzapi wicawaqu kte wahi kecannipi ka? Hiya, eciciyapi ce; wicooyumdeca kin he ex ee kta ce.

52. Detanhan tokata yeye cin tipi wanjidan zaptan otipi kta ce, qa oyumdecapi kte; uman eciyatghan nopapi, qa uman kin ix yamnipi hecen kici kici-pajinpi kta ce.

53. Atkuku kin he iye cihin-tku kin ix atkuku kin kipajin kta ce; qa hunku kin ix cunwin-tku kin kipajin, qa cunwintku kin ix hunku kin kipajin kta ce; qa kunku kin ix takoxku kin kipa-jin, qa takoxku kin ix kunku kin kipajin kta ce, eya.

54. Unkan nakun oyate kin hewicakiya; Wiyorpeyata tan-han marpiya wanji wankan u-wandakapi ca, wancake, Maga-

ju kta ce, ehapi: unkan ecetu ece.

55. Qa itokaga tate uya ca, Odidite kta ce, ehapi: unkan ecen hiyohi ece.

56. Wanaiçirmanpi kin, nix marpiya ite kin maka ko idukcanpi kte cin oyakihipi; tuka tokeca ecin nakaha kin idukcanpi xni?

57. Han, niye cinka tokeca ce wicoecetu kin idukcanpi xni he?

58. Tókaniyan kin kici wi-coope awanyake cin ekta de cin-han, niyuxpapi kte cin tahepi akita rinca wo; okini he wiyu-kean kin ekta niçu, qa wiyükcan kin ix *kosanta* akicita kin ekta niçu, qa hecen kaxka nihnakapi nunce.

59. Heciciyace, Sukaza ehake rince cin he tohan yecu xni kin hehanyan hetanhan yahdicu kte xni ce, eya.

WICOWOYAKE 13.

1. Unkan en opapi qon apa Pilatus Galila wicaxta heca wepi kin woxnapi kici icicahiye ci-qon, he *Jesu* okiyakapi.

2. Unkan *Jesu* waayupte, çä hewicakiya; Henan hecen eca-wicaonpi kin on etanhan Galila wicaxta kin henannan wicoran xicapi ecannipi he?

3. Hiya, eciciyapi ce; tuka niyepi kin iyopeničiyapi xni ehantahan, nix eya owasin iye-cen nitakunipi kte xni ce.
4. Qa ix Siloam conkaxke akexahdogan awicahinrpaye, çä wicakte qon, Jeruxalam en unpi qon henannan iyotan wicoran xicapi ecannipi he?
5. Hiya, eciciyapi ce; tuka niyepi kin iyopeničiyapi xui ehantahan, nix eya owasin iye-cen nitakunipi kte xni ce, eya.
6. Unkan wiyacinpí kin de nakun ecen ewicakiya; Wicaxta wan hastanhanka iyuwi maga tawa kin en suken can wanji oju; unkan en waskuyeca ode hi, tuka ogedan wanyake xni.
7. Unkan hastanhanka iyuwi maga kicanye cin he heciya; Can kin de ekta omaka yamni wannan waskuyeca ode wahí, tuka ogedan wanmdake xni ce, kawanka wo, tokeca ecin maka yuxagya han he? eya.
8. Unkan waayupte, çä heci-ya; Itanean kin, omaka kin de nakun ayuxtán wo, ecen ohomni maka waqe, çä watukekxeca wahnake kta ce:
9. Qa hehan waskuyeca icar-ye cinhan, hecen waxte kta ce; qa hecon xni kinhan, hinankaha hehan yahdawanke kta ce; eya ce, eya.
10. Unkan anpetu wakan icunhan Jesu omniciye tipi kin ohna waonspekiye çehan,
11. Inyun, winorinca wan waniyetu akexahdogan hehan yan wayazanke, çä tancan kin wannan pako icu, qa toka ihdu-owotanan xni unkan he en opa.
12. Unkan Jesu he wanyake çehan, kico qa heciya; Winorinca, waniyazanke cin etanh-niciyuxkapi ce, eya.
13. Unkan napé kin ahnaka, unkan wancake owotannan icu, qa Wakantanka yaonihan.
14. Unkan anpetu wakan icunhan Jesu waasniyan kin on etanh-niciyuxkapi ce, unkan waayupte, çä oyate kin hewicakiya; Wicaxta kin rtanipi kte cin anpetu xakpe yukan ce; hecen anpetu kin henan en upo, qa asniniyanpi kta ce; tuka anpetu wakan icunhan upi xnipo, eya.
15. Unkan Itancanka kin waayupte, çä heciya; Nix wanani-çirbe cin, anpetu wakan icunhan xonktanka, qa ix xonka xonxon-nan nitawapi kin henan owasin wicayakihduxkapi, qa' mini yatkewicakiyapi kin ekta awicada-pi xni he?
16. Unkan winorinca kin de Abraham cunwintkuwicaye cin wanji ee; unkan inyun, Satan wannan waniyetu akexahdogan hehanyan kaxka hnaka ce; he

ex anpetu wakan icunhan ito ki-yuxkapi kte xni niceca he? eya.

17. Unkan henan hecen eye-çehan, kipajinpi qon owasin ixtecapi; unkan wokitaninyan taku econ qon henan owasin on iyuxkinpi.

18. Unkan *Jesu* hey; Wakantanka wawidake cin he taku e imdacin kta he?

19. Sinape sukaza wanji iye-ceca ce: He wicaxta wan ieu, qa maga tawa kin en iyorpuya; unkan ieage, çä can tanka aya; unkan marpiya okinyanpi kin adetka kin en wahorpi kagapi, eya.

20. Unkan ake hey; Wakantanka wawidake cin he taku e imdacin kta he?

21. Winorinca wan onaporye ieu, qa *aguyapi* mdu iyutapi yamni en ohna anarman; unkan owasin ecen napoge cin he iye-ceca ce, eya.

22. Unkan *Jesu* otonwe qa otonwe ciqadan iyaza ye, çä waonspekiya: unkan Jeruxalam etkiya ya.

23. Unkan tuwe heciya; Itancanka kin, niwicakiyapi kte cin henan tonnannanpidan hecinhan? eya. Unkan hewicakiya;

24. Tiyopa cistiyedan kin he ohna yapi kte rincapo; hecici-yapi ce, Ohna yapi kte akitapi, qa okitpanipi kte cin ota ce.

25. Tipi tawa kin tohan wan-nan najin hiyaye, çä tiyopa kin ecen ikikcu, qa itankan nayajinpi, qa tiyopa yakatotopi, qa Itancan, Itancan, unkiciyurdoka mi-ye, ehapi; qa iye waayupte çä, Tonitanhanpi kin sdonwaye xni ce eniciyapi kinhan, hinankaha hehapi kta ce;

26. Nanke cin en wauntapi, qa waunyatkanpi ce; qa nix ocanku unkiławapi kin ohnahna waonspeyakiye ciqon, ehapi kta ce.

27. Tuka iye heye kta; Tonitanhanpi kin sdonwaye xni, eciciyapi ce; wicoecetu xni yakagapi sa kin, owasin mitanhayapo ito, eye kta ce.

28. Aberaham, Isak, Jakob, qa waayatapi kin owasin, henan Wakantanka wawidake cin en opapi tohan wandakapi, qa ni-yepli kin tankan iyayenianpi kinhan, wicaceya hihdakokokapi ahna yuke kta ce.

29. Wiyohiyanpata, wiyorpe-yata, waziyata, itokaga, henakiya eciyatohan au, qa Wakantanka wawidake cin en hiyotankapi kta ce.

30. Unkan inyun, ehake yakonpi kin henan etanhon tokaheyapi kta ce; qa tokaheyapi kin henan etanhon ehake yakonpi kta ce, eya.

31. Unkan anpetu kin he

ehan Parise kin etanhān tuwewe icunhan wote kte tin iyaya; un-
Jesu ekta hipi, qa heciyapi; kan Parise kin awanyag kuwa-
 Tankan ye, çä detanhān ya wo; pi.

Herod nikte kta ce, eyapi.

32. Unkan hewicakiya; Ya-
 po, qa xongidan kin he heciya-
 po; Anpetu kin de, qa heyake-
 cinhan inyun, wakanxice nape-
 wicawaye, çä waasniwaye kta ce;
 qa iyamni anpetu kinhan, man-
 yuceetupi kta ce, *eya ce*, eyapo.

33. Takomni, anpetu kin de,
 qa iyamni anpetu kin hehanyan
 ito mawani kta ce; ecax Jeruxa-
 lam itankan waayate wanji te
 kte pica xni ce.

34. Jeruxalam, Jeruxalam,
 waayatapi kin henan wicayakte,
 qa niye ekta uwicaxipi qon he-
 nan inyan on wicayakiinpi ce;
 ecaijehan anpao hotonnan wan
 rupahu kin ordateya cinca kin
 wicatpahi kin, he iyeceñ niye
 nicinca kin wicacicipahi kta, tu-
 ka yacinpi xni.

35. Inyun, yatipi kin tuwe-
 dan ohna yanke xni erpeniciyapi
 ce. Unkan awicakehan hecici-
 yapi ce; Tuwe Itancanka kin
 cajeyan u kin, he yawaxtepi
 nunwe; tohan ehapi xni kin he-
 hanyan wanmanyadakapi kte
 xni ce, eya.

WICOWOYAKE 14.

1. Unkan *Jesu* Parise itancan
 wanji ti kin en anpetu wakan

icunhan wote kte tin iyaya; un-
 kan Parise kin awanyag kuwa-
 pi.

2. Unkan inyun, wicaxta wan
 dropsi ececa *Jesu* itokam yan-
 ka.

3. Unkan Jesu wicoope aiapi
 kin, qa Parise kin henan hewi-
 cakiya; Anpetu wakan icunhan
 waasniyanpi kte cin iyowinwi-
 cakiyapi he? eya.

4. Unkan ininan hiyeya. Un-
 kan *Jesu* wicaxta qon eyaku, qa
 asniye, çä hdexi.

5. Unkan waayupte, çä hewi-
 cakiya; Niyepi kin wanji tatan-
 ka qa ix xonka xonxonnan ya-
 tonpi, qa anpetu wakan icunhan
 makordoka wan ohinrpaye cin-
 han, wancake hdicuyakiyapi xni
 naceca he?

6. Unkan ayuptapi kte cin
 okitpanipi.

7. Unkan wicakicopi kin he-
 nan oyanke tokapa kin he ece
 karnigapi *Jesu* wanyake çehan,
 wiyacinpi wan ecen ewicakiye,
 çä heya;

8. Tuwe tohan kiciyuzapi kin
 ekta nicopi kinhan, oyanke to-
 kapra kin en iyotanke xni wo;
 okini nikapeya kinihanpi wanji
 kicopi nunce:

9. Kinhan, sakim nicopi kin
 he u, qa, Wicaxta kin de kiyu-
 kan wo, eniciye cinhan, hehan
 hinankaha wowixtenya oyanke

hakakta kin he e ekta idotanke
kta ce.

10. Tuka nicopi kinhan ye,
ça oyanke hakakta kin en iyo-
tanka wo; hecen nico kin he to-
han u kinhan, Koda, wankan
wapa ya wo, eniciye kta ce; he-
cen om wota idotanke cin henan
niyuonihanpi kte.

11. Tuwe kaxta ihduwankantuya
kinhan, he e yuhukun iya-
yeyapi kta ce; qa tuwe ihduhu-
kuye cinhan, he e yuwankantuya
ayapi kta ce, eya.

12. Unkan hehan kico qon he
heciya; Tohan wiyotanhan wo-
tapi, qa ix rtayetu wotapi yakage
cinhan, kodawicayaye, ça nihun-
kawanji, qa takuwicayaye cin,
qa nikiyedan wijinya unpi kin,
henan wicakico xni wo; ix ake
okini nicopi, qa hecen nicicaju-
jupi nunce.

13. Tuka wotapi wan yakage
cinhan, warpanicapi, qa huha
ksawahani, qa huxtepi, qa ixta-
gongapi kin, henan wicakico
wo;

14. Qa niywaxtepi kta ce:
henan nicicajujupi kte cin oki-
tpanipi nakax, owothanpidan kini-
pi kte ein ekta nicicajujupi kta
ce, eya.

15. Unkan opeya wota yan-
kapi kin etanhan wanji Jesu he-
nen hecen eya naron qehan, he-
ciya; Wakantanka wawidake cin

en tuwe aguyapi yute kta hecin-
han he e yuwaxtepi ce, eya.

16. Unkan hehan Jesu heci-
ya; Wicaxta wan rtayetu wotapi
wan tanka kage, ça wicota wi-
cakico.

17. Unkan wannan wotapi
kte cin iyehantu qehan, taokiye
kin hewicakiye kte yexi; Upo,
taku owasin wannan wiyaya hi-
yeya ce, eye kte.

18. Unkan owasin okunwan-
jidan ihdatokanpi. Tokaheya
kin he heciya; Maka oxpa ope-
watton, qa ito wanhdag mde kta
ce: ceciciya ce, owape kte xni
ce, kecanmankin wo, eya.

19. Unkan wanji tokeca he-
ya; Tatanka tazaptlan opewaton
ce; ito iwicahdute mde kta ce:
ceciciya ce, owape kte xni ce,
kecanmankin wo, eya.

20. Unkan wanji tokeca akex
heya; Winorinca wan mduza ce;
hecen wau kte cin owakitpani
ce, eya.

21. Unkan hecen ookiye qon
ku, qa yuhe cin eyapi kin ece-
keen okiyaka. Unkan hinanka-
ha tipi tawa kin xinhda, qa tao-
kiye qon heciya; Koyaran wo,
qa otonwe canku kin ekta ye, ça
warpanicapi kin, huha ksawa-
hani, huxtepi, ixtagongapi kin,
henan den awicau wo, eya.

22. Unkan ookiye qon heya;
Itancan kin, ehe cin he wannan

ecen econpi ce; tuka naharin
okan ce, eya.

23. Unkan Itancan kin ooki-
ye qon heciya; Ocanku rince
cin, qa marinataka ektakta ye,
ça uwicakiya wo, hecen wati kin
ojudan kta ce.

24. Heciciya ce; Wicakicopi
qon wanjidan kax wowahe cin
etanhon oxpadan yutapi kte xni
ce, eya.

25. Unkan wicokcota *Jesu* om
yapi; unkan ihduhomni, qa he-
wicakiya;

26. Tuwe ekta manhi, qa at-
tuku, hunku, tawieu, cinca,
sunkaku, tawinortin kin, henan
qa iye ni kin he ex koya xice-
kida xni ehantahan, waonspe-
wicawakiye cin wanji ee kta
exta okitpani ce.

27. Qa tuwe kaxta cansusbeca
kin kiçin, qa miyahna u xni
ehantahan, waonspewicawaki-
ye cin wanji ee kta exta okitpani
ce.

28. Niyepi kin wanji conka-
xke yakagapi kte kecannipi e-
hantahan, ito tokaheya idotan-
kanpi, qa yahduxtanpi kte ciñ
mazaska iyenan yatonpi hecin-
han, he iyahdukeanpi xni niceca
he?

29. Hecanonpi xni kinhan,
okini oahehde kin he wannan
eyahnakapi, qa yahduxtanpi kte
ciñ oyakitpanipi kinhan, tonan

wanyakapi kinhan owasin inira-
pi, qa heyapi nunc;

30. Wicaxta kin de taku kage
kta tuka hecen hduxtan kte ein
okitpani ce, eyapi kte.

31. Qa nakun wicaxtayatapi
wan wicaxtayatapi tokeca azuye
kte cinhan, ito tokaheya iyotanke,
ça iye *wicaxta* kektopawinge
wikcemnan wicayuhe cin henan
wicaxta kektopawinge wikcem-
nan nopa om econpi okihipi
kta hecinhan he ikiksape xni ni-
ceca he?

32. Qa okihipi kte xni kinhan,
hecen naharin icitehanyan yan-
kapi kin *kohan* tuwe ekta yexi,
qa kiciyuwaxte xi ece:

33. Iho he iyecen niyepi kin
tuwe taku token yuhe cin owasin
tpagan xni ehantahan, waon-
spewicawakiye cin wanji ee kta
exta okitpani ce.

34. Miniskuya e waxte ce;
tuka miniskuya woskuye kin en
un xni ehantahan, taku ecin on
skuya kagapi kta he?

35. Mágá qa watuxekxece
paha kin umannan on *waxte* xni
ce; tuka tankan erpeyapi ece.
Tuwe noge winaron yukan he-
cinhan naronpo, eya.

owasin *Jesu ie* naronpi kta e
kiyadan ahi.

2. Unkan Parise kin qa wo-
wapi kagapi kin, henan wakige-
pi, qa heyapi; Wicaxta kin de
wicoran xicapi kin heca ewica-
yaku, qa om wota ece, eyapi.

3. Unkan Jesu wiyacinpí kin
de ecen ewicakiya;

4. Unkan heya; Niyepi kin
wanji tarincaska opawinge wica-
duhapi, qa wanji nicitaninpi xni
kinhan, hecen wikcemnan na-
pciwanka qa sanpa napciwanka
kin, henan makotahedan kin en
awicayahduxtanpi, qa tanin xni
qon he e tohan iyeyakiyapi xni
kin hehanyan oyakidepi xni ni-
ceca he?

5. Qa tohan wannan iyeyaki-
yapi kinhan, wiyxkinyan hiye-
te akan ayakionpi ece.

6. Qa wannan tiyata yakipi
ca, kodaniyanpi, qa nikiyadan
unpi kin, henan witaya wicaye-
copi, qa hewicayakiyapi ece;
Mici iyuxkinpo, tarincaska man-
kitanin xni qon he wannan iye-
wakiya ce, ehapi ece.

7. Iho he iyececa wicoran
xice wanjidan kax iyopeiçiya
eca, on marpiya ekta iyuxkinpi
kta ce; qa wikcemnan napci-
wanka qa sanpa napciwanka
owotannan, qa iyopeiçiyapi kte
cin iyecece xni unpi kin, henan
on iyecece iyecece iyecece xni ce.

8. Qa nakun winorinca tuwe
mazaska wikcemnan yuhe, çä
wanji togerpekiye cinhan, hecen
petijanjan ideye, çä tipi kin ka-
hinte, çä tohan iyekiye xni kin
hehanyan okide xni niceca he?

9. Qa tohan wannan iyekiya
ca, kodawicaye cin, qa kiyadan
unpi kin, henan witaya wicaki-
co, qa heya ece; Mici iyuxkin-
pe; oxpa togerpewakiye ciqon
he wannan iyewakiya ce, eya
ece.

10. Iho he iyececa, Wicoran
xicapi kin heca wanjidan kax
iyopeiçiya ca, on Wakantanka
wahoxiye wa'an tawa yukanpi
kin en iyuxkinpi ece, eciciyapi
ce, eya.

11. Unkan heya; Wicaxta
wan cihintku nopa:

12. Unkan hakakta kin he a-
tkuku kin heciya; Ate, woyuha
mitawa kte cin he mieu wo, eya.
Unkan woyuha kin yuakipam
wicaqu.

13. Unkan iyohakam anpetu
tonannan, unkan cihintku hakak-
ta qon he owasin witaya tpahi,
qa itehanyan makoce wan ekta
icimani ya: unkan heu xiran
oranyanpi kin on taku yuhe cin
owasin hdutakunixni.

14. Unkan owasin wannan
hdusote çehan, makoce kin he
en wicaakiran rinca; unkan hi-
nankaha wicakija.

15. Unkan makoce kin hen qa mazanapcupe wan nape kin unpi kin wanji ti kin ekta i, qa en iyekiyapo, qa hanpa ohekiom yanka: unkan he maga kin ekta kukuxe wo wicaqu kte yexi.

16. Unkan kukuxe woyute kin he ex on wipiçiye wacin; tuka tuwedan wicaxta kin woqu xni.

17. Unkan wannan içiksuye çehan, heyä; Ate tancan opewicaton kin heca tonan wicayuha hwo? qa henan aguyapi iyakiçuya yuhapi; tuka miye qe wotechtehdapi kin on atakunixni amanyan ce.

18. Ito nawajin, qa ate ekta wahde, çä hewakiye kta ce; Ate, marpiya itkom qa niye nakun nitokam xicaya owaranmda ce:

19. Qa detanhan cincamanyaye kte cin iyemancece xni ce; tancan opewicayaton kin he ex wanji iyececa mankaga wo, epe kta ce, eya.

20. Unkan najin hiyaye, çä atkuku kin ekta ki. Naharin itehan ku atkuku kin wanhdaka; unkan onxikida, qa iyang ye, çä poskin hduze, çä itputaka.

21. Unkan cihintku kin heciya; Ate, marpiya itkom, qa niye nitokam xicaya owaranmda ce, qa detanhan cincamanyaye kte cin iyemancece xni ce, eya.

22. Tuka atkuku taokiye kin hewicakiya; Xinan iyotan waxte kin he eca aupo, qa inkiyapo;

en iyekiyapo, qa hanpa ohekiyapo;

23. Qa ptejincadan cemyapi kin he den akupo, qa ktepo; qa wauntapi, qa unkiyuxkinpi kta ce:

24. Micinkxi kin de ta, unkan kini ce; tanin xni, unkan iyeyapi ce, eya. Unkan hinankala iyuxkinpi.

25. Unkan cihintku tokapa qon he magata un; unkan tikiyadan ku ca, dowanpi qa wacipi naron.

26. Unkan ookiye wanji kipan, qa toketken he kapi hecinhah he iwanga.

27. Unkan heciya; Nisunka hdi; unkan ni un, qa zaniyan hdi kin on etanhan niyate ptejincadan cemyapi qon he kikte ce, eya.

28. Unkan hecen xinhda, qa tin kihde wacin xni: hecen atkuku qon tankan hiyu, qa cekiya.

29. Unkan atkuku qon itkom heciya; Inyun, waniyetu ota wannan waociciye, çä iyaç cin tohini kawape xni ce; tukax, kodawicawaye cin om imduxkin kta e tohini tacincadan wanji manyaqu xni ce:

30. Tuka nicinkxi witkowinpi kin om woyuha nitawa kin temniciye cin de hdi ca, wancake

ptejincadan cemyapi kin he ye-
cicaña ce, eya.

31. Unkan heciya; Cinx,
ohiniyan mici yaun, qa taku
token mduhe cin henan niye
nitawa ce.

32. Nisunka kin de ṫa, unkan
kinice: tanin xni, unkan iyeyapi
kin on etanhan ito cante un-
waxtepi, qa unkiyuxkinpi kte
cin he hecetu ce, eya ce, *Jesu*
eya.

• WICOWOYAKE 16.

1. Unkan *Jesu* waonspewi-
cakiye ein nakun hewicakiya;
Wicaxta wijica wan; unkan *wi*,
caxta wan waawanyagkiya:
unkan he yuhe cin woyuha kin
yutakuninxni ce, keya okiyakapi.

2. Unkan kico, qa heciya;
De toketu ka? taku eniciyapi
nawaron kin de? waawandake
ein he ito ohdaka wo; henake-
xta aduxtan kta ce, eya.

3. Unkan waawanyake cin
he hehan cante mahan hecin;
Token waran kta hwo? waaw-
andake cin he manyuhe cin
imicicu ce: unkan marqapi kin
owakitpani, qa timantayapi kin
he imaxteca ce.

4. E, kaken e ecamon kta
ce; qa hecen reyata iyemanyan-
pi kinhan, tipi kin en tin hiyu-
mankiyapi kta ce, ecin.

5. Unkan hecen yuhe cin
tonan ikicazopi qon owasin wi-
cakico, qa tokaheya kin he he-
ciya; Manyuhe cin tonan naharin
yecu xni he? eya.

6. Unkan, Wihiyi iyutapi
opawinge ce, eya. Unkan he-
ciya; Koyarannan wowapi ni-
tawa kin ehdaku, qa iyotanke,
ca wikkemnan zaptan e okiwa
wo, eya.

7. Unkan wanji tokeca hehan
heciya; Qa nix tonan naharin
yecu xni he? eya. Unkan,
Aguyapisu iyutapi opawinge
ce, eya. Unkan heciya; Wo-
wapi nitawa kin ehdaku, qa wi-
kemnan xahdogan e okiwa wo,
eya.

8. Unkan waawanyake oran
owotannan xni kin he okiksanya
econ kin on etanhan Itancan kin
yaonihan: ecax maka kin de
cincawicaye cin iwicacage cin
en iyoyanpa cincawicaye cin
isarpa ksapapi ce.

9. Unkan heciciyapi ce; Wo-
yuha owotanna xni kin on ta-
waxitku içicagapo; hecen tohan
niye oniçihipi xni kinhan, iye
tipi owihanke kte xni en tin
hiyuniciyapi kta ce.

10. Tuwe taku iyotan cistinan
on wicaka hecinhan, he e taku
ota nakun on wicaka ce; qa
tuwe taku iyotan cistinan kin on
owotannan xni hecinhan, he e

taku ota kin nakun on owotan-nan xni ce.

11. Hecen woyuha owotan-nan xni kin he on wi ayakapi xni ehantahan, wicake cin he tuwe ecin yuheniciyapi kta he?

12. Qa wicaxta tokeca wanji taku tawa kin on wicayakapi xni ehantahan, niye nitawapi kin he e tuwe ecin niçupi kta he?

13. Ookiye kin tuwedan yuhe cin nopa wao *wicakiye* kte cin okitpani ce; uman kiyuxe, qa uman kin ix wacin en yuze kta ce: qa ix uman ihakta, qa uman kin ix wartedaxni kta ce: Wakantanka qa mammon, henan sakim waoyakiyapi kte cin oya-kitpanipi ce, eya.

14. Unkan Parise wakonpi kin, henan hecekcen naronpi; unkan *Jesu* wowirayapi.

15. Unkan hewicakiya; Wicaxta kin wicitokam ihdaowotanpidan kin he niyepi ce; tuka Wakantanka nicante ozepi kin he sdonniyanpi ce: ecax wicaxta kin ekta taku taku rinca dapi kin, he e Wakantanka warteda-xni ce.

16. Jan *hi* qon hehanyan wicoope, qa waayatapi henan *yukan*; tuka hehantahan Wakantanka wawidake cin he oya-kapi; unkan wicaxta owasin en opapi kte rinca.

17. Wicoope oowa kin wan-jidan kax ecetu xni hihda e te-rika ce, qa marpiya maka ko tokan iyaye kte cin he ex aopte-tu ce.

18. Tuwe kaxta tawicu erpe-kiye, çä wanji tokeca yuze cin-han, he e inakicirmanpi kin ecen econ ce: qa hihnaku erpekiye cion, he tuwe kaxta yuze cin-han, he *nakun* inakicirmanpi kin ecen econ ce, eya.

19. Unkan *ake heyas*; Wicaxta wanji wijica, unkan woko-yake stan, qa miniruha zibzipe-dan heca ece koyake, çä anpetu owasin tanyan un.

20. Unkan wicaxta warpanica Lazaros eciyapi tancan *owanca-ya* rdirdi ca, he tatiyopa kin en eonpapi:

21. Wicaxta wijica ahna wotapi tawa kin etanhan oxnaxna hiurpaye cin, henan yunkiyapi kta hecin? ahna xonka kin en ahi, qa ordirdi kin sdipapi.

22. Unkan warpanica kin *ta*; unkan wahoxiye wakan kin heca Abraham maku kin en ayapi. Wicaxta wijica qon ix eya *ta*; unkan rapi.

23. Unkan wakanxice tipi kin en kakix yanke çehan, wan-kan etonwe, çä tehan tanhan Abraham wanyaka; unkan maku kin ohna Lazaros yanka.

24. Unkan *heya niyan*; Ate

Aberaham, onximankida wo, qa Lazaros napsukaza inkpa kin mini eu oputkan, qa ceji mankasni kte uxi wo; oide kin de ohna mankakija ce, eya.

25. Tuka Aberaham heciya ; Cinx, yani qon ekta taku waxtex-te duha; unkan Lazaros taku xikxice yuha he kiksuya wo; tuka dehan nakaha iye kin ki-canptapi, qa nix kakixniyanpi ce.

26. Kokta unkiyotahedan kaksiza wan tanka hdepi ce; qa hecen tonan deciyatanhan niye ekta ye wacinpi kex, okitpanipi ce; qa nakun heciyatohan den ekta unhipi kta *kex* okitpanipi ce, eya.

27. Unkan heya ; Hecece cinhan, ate, ceciciya ce, ate ti kin ekta yexi wo :

28. Misunka zaptan ce; henan wowicakiyake kta ce ; ix eya okini wokakije kin den upi nuncce, eya.

29. Unkan Aberaham heciya; Moxe qa waayatapi kin, henan wicayuhapi ce; henan ex anawicagoptanpi xta xni, eya.

30. Unkan heya ; Hiya, ate Aberaham, tapi kin eciyatohan wanji ekta wicai unkanx, iyope-iciyapi kta tuka ce, eya.

31. Unkan heciya; Moxe qa waayatapi kin, henan anawicagoptanpi xni ehantahan, tapi

kin eciyatohan wanji kini qeyax, nakun wicadapi kte xni ce, eya ce, eya.

WICOWOYAKE 17.

1. Unkan hehan *Jesu* waonspewieakiye cin hewicakiya ; Wonahnaye kin u kte xni picaxni ce ; tuwe eciyatohan he u kinhan, he e woteri kiciyanka ce !

2. Denan cikcistinpidan kin tuwe wanji nahnayan kaga hecinhan, he inyan wiyükpan wanji tahu kin en napinkiyapi, qa miniyowanca kin oiyorpeyapi unkanx, eex waxte kta tuka ce.

3. Itoniçipapo ; Nisunka xicaya ecanicon kinhan kixica wo, qa iye iyopeiçiyepi cinhan, kiciecajuju wo.

4. Qa xakowin akihde anpetu wanjidan xicaya ecanicon, qa xakowin akihde anpetu wanjidan niye ekta ihduhomni, qa iyopemiçiyapi ce, eniciye cinhan, hecen yecicajuju kta ce, eya.

5. Unkan wahoxiyapi kin henan heyapi ; Itancanka kin wicaundapi kin he unkiciyusampa miye, eyapi.

6. Unkan Itancanka kin heya; Sinape sukaza wan iyeцен wiçayadapi unkanx, suksamın can kin de, Hutę ihdumnan, qa mihiyowanca kin en oiciju wo,

eyakiyapi ehan, ananigoptanpi kta tuka ce.

7. Niyepi kin wanji nitaokiyemaka yendum, qa ix wanuyanpi wiranwicakiya yanka duhapi, qa tokexta maga kin eciyatohan hdi kinhan, Howo, ye, ca wote kte iyotanka wo, ehapi niceca he?

8. Kaken eex ehapi kte xni he? Taku yutapi kin wiyyaya micihnaké, ca ipiyagkiton, qa omankiya wo; qa mix tohan wawate, ca wamatke cinhan, iyohakam nix ito wayate, ca wadatke kta ce, ehapi nuncé.

9. Hecen ookiye kin he token econ yaxipi kin, ecen econ on etanhán, Pidamayakiya ce, eyakiyapi kta he? Hepce xni ce, eya.

10. Nix eya iyeцен taku token econ nixipi kin, owasin ecen duxtanpi kinhan, heyapo; Ookiye wakamnapi xni kin heuncapi ce; ecen iconkupi nicece cin he econkupi ce, eyapo, eya.

11. Unkan Jesu Jeruxalam ekta ye çehan Samariya qa Galila cokaya iyopta.

12. Unkan otonwe wan en i çehan, wicaxta wikcemnan lepros ececapı itkokipapi, qa itehan hinajinpi:

13. Un'kan heyapi; Jesu Wonspekiye cin, onxiunda miye, eya niyanpi.

14. Unkan wanwicayake çehan, hewicakiya; Wawayuxnapi kin ekta wicayapo, qa wan-yagiçiyapo, eya. Unkan yapi kin tahepi asnipi.

15. Unkan wanji wannan asni sdo'kiye çehan, ihdamna, qa hotankakiya Wakantanka yaonihan:

16. Qa *Jesu* siha kin en ite kin makipuskin erpeiçiye, ca, Pidamanyakiya ce, eciya. Unkan Samariya wicaxta kin he heca.

17. Unkan *Jesu* waayupte, ca heya; Wikcemnan asnipi xni he? tuka napciwanka kin henan tokiya unpi he?

18. Wakantanka yaonihan kte hdipi kin, twedan iyeyapi xni ce; oyate tokeca etanhán kin de ixnaka ce, eya.

19. Unkan heciya; Najin, qa iyaya wo, wicayada kin he asniniyan ce, eya.

20. Unkan Parise kin ix Wakantanka wawidake cin he tohan hiyohi kta hecinhan, he *Jesu* iwangapi qehan, waayupte, ca hewicakiya; Wakantanka wawidake cin he wowanyake on hi xni ce.

21. Qa nakun, Inyun, de e ce! qa ix, Ka e ce! eyapi kte xni ce: wanyakapo, Wakantanka wawidake cin he mahan niunpi ce. eya.

22. Unkan waonspewicakiye he e rinca en marpiya kin eciyacincin hewicakiya; Anpetu wan tanhan peta, mazakan noge iyuhiyo kta ce, qa wicaxta Cihintku anpetu tawa kin wanji wintapi kin ahna hinbe, çä wanyag yacinpi tuka wandakapi owasin owihankewicaya.
23. Qa, Den wanyakapo! qa ix, Kan wanyakapo ! eniciyapi kta ce ; wiciyahna yapi xnipo, qa owicapapi xnipo.
24. Wakanhdì marpiya ihukuya tokiyatanhan wiyatpa u, qa marpiya ihukuya uman eciyatanhan iyahde kin, he wicaxta Cihintku anpetu tawa kin en iyecece kta ce.
25. Tuka ito tokaheya taku ota on iyotanhan iyekiye kta ce, qa wicoicage kin reyata iyekiypì kta ce.
26. Unkan Noe anpetu tawa qon en toketken wanke ciqon, he iyeцен wicaxta Cihintku anpetu tawa kin en wanke kta ce.
27. Noe wata kin en okipe ciqon anpetu kin hehanyan wotapi, qa wayatkanpi, qa tawicuttonpi, qa hihnatonpi ; unkan minitan qon u, owasin owihankewicaya.
28. Qa nakun Lot anpetu tawa qon en ix eya iyecece, wotapi, qa wayatkanpi, qa wope-tonpi, qa wiyopeyapi, qa woju-pi, qa ticagapi;
29. Tuka Lot Sodom etanhan tankan hinape ciqon anpetu kin
30. Wicaxta Cihintku kin yuotaninpi kte cin anpetu kin he en iyecece kte rinca ce.
31. Anpetu kin he en tuwe tipi kin akan yanke, çä tawarpayeca kin timahen hiyeye cinhan, kun ku, qa ehdaku xni wo; qa tuwe magata un kinhan, ix eya *tiyata* ku xni wo.
32. Lot tawieu qon he kiksuyapo.
33. Tuwe kaxta oni kin hdutehan akite cinhan, togerpekiye kta ce; qa tuwe kaxta oni kin togerpekiye cinhan he e hdutehan kta ce.
34. Heciciyapi ce, Hanyetu kin he en nopa owinja wanjidan akan wankapi, qa uman eyakupi, qa uman kin ix erpeyapi kta ce.
35. Nopa akiptan wokpan yankapi, qa uman eyakupi, qa uman kin ix erpeyapi kta ce.
36. Nopa magata unpi, qa uman eyakupi, qa uman kin ix erpeyapi kta ce, eya.
37. Unkan itkom heciyapi ; Itaneanka kin, tuktetu ka ? eyapi. Unkan hewicakiya : Tukten tancan wanka ca, hen wamdi kin kawitaya imniiçiyapi ece, eya.

WICOWOYAKE 18.

1. Unkan wiyacinpi wan ecen ewicakiye, çä heyä; Wicaxta kin ito ohiniyan wacekiyapi, qa iyakiçonipi kte xni ce.

2. Otonwe wan en wicoope iyukcan wanji un; unkan Wakantanka kokipe xni, qa nakun wicaxta kin en ewicatonwe xni.

3. Unkan otonwe kin he en wiwazice wanji un; unkan wicoope iyukcan kin ekta hi, qa heyä; Mankipajin kin he tomiciçon ye, eya.

4. Unkan tokaheya econ wacin xni; tuka ocim cante mahen heyä; Wakantanka kowakipe xni, qa nakun wicaxta kin en ewicawatonwe xni qeyax,

5. Wiwazice kin de nagiemanye cin on etanhan ito toweciçon kta ce; okini ohini hecetuke u kinhan, wacin iyokixinmanyan nuncce, eya.

6. Unkan Itancanka kin heyä; Wicoope iyukcan oran owotanan xni ie cin he naronpo.

7. Unkan Wakantanka tonan wicakarnige, çä anpetu hanyetu ko cekiyapi kin, henan tehan towicakiciçon xni qeyax, ocim econ kte xni he?

8. Heciciyapi ce, Ihnuhan-nanrin towicakiciçon kta ce. Takomni, wicaxta Cihintku kin he tohan hi kinhan, maka akan wowicada iyeye kta he? eya.

9. Unkan apa iye oran owo-tannan içidapi, qa tokan kin wartewicadapi xni kin, henan wiyacinpi kin de ecen ewicakiya;

10. Wicaxta nopa tipi wakan kin en wacekiya ipi; unkan uman Parise, qa uman kin ix wamnayanpi kin heca.

11. Unkan Parise kin ixnan-nan najin, qa wacekiye, çä heyä; Wicaxta tokan kin wakipisa, qa oran owotanpidan xni, qa inakieirmanpi kin ecen econpisa kin iyemancece xni; qa wamnaye cin de ee kax iyemancece xni kin on etanhan Wakantanka pidamanyakiya ce.

12. Miye anpetu wakan okitahedan nopa akiranmiçiye, çä taku token tawawaye cin owa-sin etanhan iwikcemnanmaan wicawaqu ece, eya.

13. Unkan wamnaye cin ix itehanyan inajin, qa ixta ee kax wankan marpiya kin ekta ikikeu xni; tuka makü kin öhna aiçipe, çä heyä; Wakantanka wicoran manxica ce; onximanda wo, eya.

14. Heciciyapi ce, Ehake kin de iyex yaowotanpidan tiyatiki, qa uman qon he e xni ce: qa tonan ihduwankantuya kinhan, henan owasin yuhukun iyayewicayapi kta ce; qa tuwe ihduhukuye cinhan, he e yuwan-kan ayapi kta ce, eya.

15. Unkan hokxiyoqopa kin nakun *Jesu* wicayutan kta e kahipi; tuka waonspewicakiye cin he wanyakapi qehan, wicakixicapi.
16. Tuka *Jesu* wicakico, qa heya; *Hokxiyoqopa* kin ekta manhipi kte cin iyowinwicakiyapo, qa terindapi xnipo; *Wakantanka* wawidake cin he heca etanhane ce.
17. Awicakehan heciciyapi ce, Tuwe kaxta hokxiyoqopa wanji iyececa *Wakantanka* wawidake cin icu xni ehantahan, toketu kaxta en ope kte xni ce.
18. Unkan *wicaxta* iwicadake cin wanji wiwange, çä heya; *Waonspekiya* waxte kin, token ecamon, qa owihanke wanin wiconi ohimiçiye kta he? eya.
19. Unkan *Jesu* heciya; Tokeca ce waxte emanyakiya? wanjidan waxte ce; he *Wakantanka* ee.
20. Woahope kin henan sdon-yaya: Inakicirmanpi kin econ xni wo. Tinwicakte xni wo. Wamanu xni wo. Tuwedan eitonxniyan en aye xni wo. Niyate nihun kici ohowicakida wo, eya.
21. Unkan heya; Macistinan ehantahan henan owasin aho-wapa ce, eya.
22. Unkan *Jesu* henan naron qehan, heciya; Taku wanji naharin iyotpaniyan *yaunce*; taku token yaton kin henan owasin wiyopekiye, çä warpanicapi kin wicakipamni wo; qa marpiya kin ekta woyuha duhe kta ce; qa miyahna u wo, eya.
23. Unkan he nakiron qehan, wijica rince cin on etanhane wacincin iyokixica rinca.
24. Unkan ninan wacin iyo-kixice cin he *Jesu* wanyake çehan, heya; Wowijice tonpi kin henan *Wakantanka* wawidake cin en yapi kte cin terika ce:
25. Qa wicaxta wijica wanji *Wakantanka* wawidake cin en ye kte cin terika, qa kamel heca wanji tanhinxpaciqadan ordoka kin ohna ye kte cin eex aoptetu ce, eya.
26. Unkan tonan he naropni qon heyapi; Hecen tuwe ecin ni kta he? eyapi.
27. Unkan heya; *Wicaxta* kin ekta taku econ pica xni kin, he *Wakantanka* econ pica ce, eya.
28. Unkan Petros heya; Inyun, unkix taku owasin untpaganpi, qa niyahna unyakonpi ce, eya.
29. Unkan hewicakiya; Awicakehan heciciyapi ce, *Wicaxta* kin tuwe ti kin, qa hunkakewicaye cin, qa hunkawanjitku, qa tawicu, qa cinca, henan wanja

Wakantanka wawidake cin on tpgan kinhan,

30. He e henan iyakapeya taku ota dehan nakaha yuze kta ce, qa tokata kin ekta qwhanke wanin wiconi yuze kta ce, eya.

31. Unkan akenopapi qon ewicayaku, qa hewicakiya; In-yun, Jeruxalam ekta unyanpi, qa waayatapi qon wicaxta Ci-hintku kin on tokeiken owapi qon, owasin ecen yutanpi kta ce:

32. Qa he oyate tokeca wica-qupi kta ce; qa ixtenyapi, qa wawicanksiksiya kuwapi, qa atagoxapapi kta ce:

33. Qa kapsinpintapi qa te-yapi kte; unkan anpetu iyamni kinhan, kini kta ce, eya.

34. Unkan ecaca okarnigapi xni, qa oie kin de anawicaki-rmanpi, qa toketken kapi kin sdocapi xni.

35. Unkan Jerico ikiyedan wannan u qehan, wicaxta wan ixtagonge canku icahda wadada yanka.

36. Unkan wicota ahiyaye cin he naron qehan, he token kapi hecinhan he iwanga.

37. Unkan Jesu Nazare etanhkin he eca hiyaya ce, eya okiyakapi.

38. Unkan heya niyan; Jesu Dawid cihintku kin, onximanda wo, eya.

39. Unkan tokahanpi qon kixicapi, qa ininau yanke *xipi*; tuka he on iyotan, Jesu Dawid cihintku kin, onximanda wo, eya niyan.

40. Unkan Jesu inajin, qa *Wicaxta* kin he mankaupo, eya: unkan wanana kiyadan u qehan wiwange, ca heya;

41. Token ecacion kte yacin ka? eya. Unkan heya; Itancanka kin, watonwe kta *wacinc* ce, eya.

42. Unkan Jesu heciya; Tonwan wo, wicayada kin he niniyan ce, eya.

43. Unkan wancake tonwe, ca *Jesu* iyahna hiyu, qa Wakantanka yaonihan: unkan oyate kin he wanyakapi qehan, owasin Wakantanka yatanpi.

WICOWOYAKE 19.

1. Unkan Jesu Jerico en i, qa etoopteya ya.

2. Unkan inyun *wicaxta wan Zakeyus* eciyapi; unkan wamnayapi itancan kin he e: unkan wijica.

3. Unkan Jesu tuwe kin he-cinhan he wanyak akita; tuka tancan ptecedan nakax, wicota kin on toka okini xni.

4. Unkan tokata iyang ye, qa sukamore can wan *Jesu* ecen ye kte cin, wanyake kta e he adi.

5. Unkan Jesu wannan ehan qa ku kta e, makoce wan itehan i qehan, wankan etonwe, ca ekta ya.
 wanyaka; unkan heciya; Zake-
 yus koyerannan kun ku wo, qa
 anpetu kin de yati kin en ito
 manke kta ce, eya.
6. Unkan koyeran, qa kun
 ku, qa iyuxkinyan iyowinki-
 ya.
7. Unkan he wanyakapi qe-
 han, owasin iapi, qa heyapi;
 Wicaxta wan wieoran xice om
 wote kte iyaya ee, eyapi.
8. Unkan Zakeyus najinhan
 inajin, qa Itancanka kin, inyun,
 woyuhu mitawa kin hanke he-
 cen warpanioapi kin wicawaqu,
 qa wicaxta kin tuwe oitonxniyan
 taku iwecciu hecinhan, topa
 akihde wecu kta ce, eya.
9. Unkan Jesu heciya; Abe-
 raham cincawicaye cin he wanji
 ee, on etanhon anpetu kin de
 wanikiyapi kin tipi kin de hiyo-
 hi ce.
10. Qa wicaxta Cihintku kin
 taku atakunixni qop, ha akite,
 ca nikiye kta e hi ee, eya.
11. Unkan henan hecekcen
 naronpi qehen, Jesu wannan Je-
 ruxalam ikiyedan un, qa Wa-
 kantanka wawidake cin he wan-
 nan kohannan hiyohi kta ecinpi
 kin, on etanhon wiyacinpi wan
 ecen ewicakiya.
12. Unkan heya; Wicaxta
 ihdawa wan wowawidake ton,
- qa ku kta e, makoce wan itehan
 mnna wicayuhe cin, henan wi-
 cakico, qa mazaska wikcemnan
 wicaqu, qa hewicakiya; Tohan
 wahdi xni kin hehanyan wope-
 tonpo, eya.
13. Unkan taokiye wicce-
 yus koyerannan kun ku wo, qa
 anpetu kin de yati kin en ito
 manke kta ce, eya.
14. Tuka taoyate kin warte-
 dapi xni, qa tuwe iyahna yexipi,
 qa heyapi; Wicaxta kin de un-
 kidakapi kte uncinpi xni ce,
 eyapi.
15. Unkan wowawidake ton,
 qa hdi qehan, taokiye mazaska
 wicaqu qon, henan wopetonpi
 kin on tonan wannan hdamnanpi
 hecinhan, he sdotkiye kta e,
 Wicakicopo, eya.
16. Unkan tokaheya kin he
 u, qa heya; Itancan kin, maza-
 ska wan nitawa qon, he wannan
 mazaska wikcemnan kamnan ce,
 eya.
17. Unkan heciya; Hao, oo-
 kiye niwakte ce; taku tonannan
 rinca on wicayake cin on etan-
 han, ito otonwe wikcemnan ida-
 ka wo, eya.
18. Unkan iyokihe kin he u,
 qa heya; Itancan kin, mazaska
 wan nitawa qon, he wannan ma-
 zaska zaptan kamnan ce, eya.
19. Unkan ix eya heciya; Nix
 otonwe zaptan idaka wo, eya.
20. Unkan wanji tokeca u,
 qa heya; Itancan kin, inyun,

mazaska wan nitawa wanapin
ohna yuha waun kin, he de e ce;

21. Qa wicaxta nixake cin,
on kocicipa ce; taku eyahnake
xni kin, he ece edaku; qa wo-
yaju xni kin he ece duksa ce,
eya.

22. Unkan heciya; Ookiye
winicaxtaxni kin, nii kin eex
eciyatanhan ciyukcan kta ce;
Wicaxta manxake, çä taku ewe-
hnake xni kin he ece emdaku,
qa wowaju xni kin he ece mdus-
ksa e sdonyaya ce.

23. Hecen tokeca ce mazaska
mitawa kin he iciyopekiciyapi
kin en ade xni he? qa hecen wa-
ku kin ekta mitawa kin akam
wicaqupi kin ahna weca kta tu-
ka ce.

24. Unkan hen najinpi kin
henan hewicakiya; Mazaska he
ikikcupo, qa mazaska wikce-
mnan yuha cin he e qupo, eya.

25. Unkan heciyapi; Itancan
kin, he wannan mazaska wikce-
mnan yuha ce, eyapi.

26. Qa heciciyapi ce, Tonan
taku yuhapi kin, henan owasin
wawicaqupi kta ce; qa tuwe wa-
yuhe xni kinhan, taku yuhe cin
ee ikikcupi kta ce.

27. Tuka t'kamanyanpi iwi-
cawadake kte cinpi xni qon he-
nan den awicakupo, qa mitokam
wicaktepo, eya ce, eya.

28. Unkan Jesu hecen eye
çehan, tokata ye, çä Jeruxalam
etkiya ya.

29. Unkan Betpage, qa Beta-
ni en paha wan Oliwe eciyapi
kin, he wannan ikiyedan ehan i
qehan, waonspewicakiye cin e-
tanhan nopa yewicaxi, qa hey;

30. Niyotakunzapi otonwe
wanke cin en yapo, qa tokaheya
en yaipi kinhan, xonkeincadan
tohini tuwe akan yanke xni ka-
xka hdepi wan iyeyayapi kta ce;
kiyuxkapo, qa akupo.

31. Qa, Tokeca ce yakidu-
xkapi he? tuwe eniciyapi kin-
han, Itancanka kin de ito cin ce,
e heconkupi ce, eyapo, eya.

32. Unkan yewicaxi qon ecen
yapi; unkan ewicakiye ciqon
iyecetu iyeyapi.

33. Unkan xonkeincadan ki-
yuxkapi ican, tawayapi qon he-
wicakiyapi; Tokeca ce he yakidu-
xkapi he? eyapi.

34. Unkan, Itancanka kin he
de ito cin ce, eyapi.

35. Unkan Jesu kahdipi; un-
kan wokoyake kin xonkeincadan
airpeyapi, qa Jesu akan yanke-
kiyapi.

36. Unkan Jesu ye cin tahepi
canku ohna wokoyake kin hdu-
mdayapi.

37. Unkan ikiyedan Oliwe
paha kin apamahde iyayapi kin
hehan wannan i qehan, waon-

spewicakiya wicota qon, owasin wicowaxake wicoran wanyakapi qon owasin on etanhan hinankaha iyuxkinpi, qa hotankakiya Wakantanka yatanpi, qa heyapi;

38. Wicaxtatayatapi Itancanka kin cajeyan u kin, he yuwaxtepi ce. Marpiya kin ekta wowaxte, qa iyotan wankantuya kin ekta wookitanin un nunwe, eyapi.

39. Unkan Parise wicota kin en opapi qon apa heciyapi; Waonspekiye cin, waonspewicakiye cin wicakixica wo, eyapi.

40. Unkan *Jesu* waayupte, çä hewicakiya; Heciciyapi ce, Denan ininan hiyeya unkanx, inyan kin wancake enapeyapi kta tuka ce, eyapi.

41. Unkan wannan ikiyedan u, qa otonwe wanyake çehan, aceye, çä heyapi;

42. Niye kin anpetu nitawa kin de ex en taku on niwaxte kte cin he sdonyakiye çex! tuka wannan icimanan ixta on wanyahdake kte xni ce.

43. Kaken hiyonih ikti ce; Tokaniyanpi kin nihdukxan maka qapi, qa okxan niyankapi, qa ohomni ohiniyan anapte nanijinpi kta ce;

44. Qa makata erpeniyanpi, niceinca onihnakapi kin henan koya, qa inyan nopa icitakihna wanke xniyan erpeniyanpi kta

ce: nihiyohipi tuka sdonyakiye xni kin he on etanhan kta ce, eya.

45. Unkan tipi wakan kin en tin iyaye, çä tonan ohna wiopreyapi, qa wopetonapi qon, henan tankan hinapewicakiye, çä hewicakiya;

46. Tipi mitawa kin he wacekiye tipi heca; tuka niye owanupi yakagapi ce, eya owapi ce, eya,

47. Unkan anpetu iyohi tipi wakan kin ohna waonspekiya. Tuka wawayuxnapi itancanpi,

qa wowapi kagapi, qa oyate kin en wicaxta ihdawapi kin, henan *Jesu* teyapi kte akitapi:

48. Tuka oyate kin owasin oie naronpi kte rince cin on etanhan, token ranpi nun tanin xni,

WICOWOYAKE 29.

1. Unkan anpetu kin henan wanji en *Jesu* tipi wakan kin ohna oyate kin waonspewicakiye, ca wootanin waxte kin he oyake çehan, wawayuxnapi itancanpi, qa wowapi kagapi, qa wicarincapi kin, henan ekta ahi,

2. Qa okiyapi, qa hecleyapi; Tukte wicookihi on denan decekcen ecanon ka? qa wicookihi kin de tuwe e niçu hecinhan, unkokiyakapo, eyapi,

3. Unkan itkom hewicakiya; Mix eya taku wanji iciwangapi kta ce; qa amanyuptapo:

4. Jan wicabaptiza qon, he marpiya kin eciyatohan, qa ix wicaxta kin eciyatohan, he uman tukte hecetu ka? eya.

5. Unkan iye iyakitedan iapi, qa heyapi; Marpiya kin eciyatohan ce, unkeyapi kinhan, Kinhanx, tokeca ce wicayadapi xni? eye kta ce;

6. Tuka wicaxta kin eciyatohan ce, unkeyapi kinhan, oyate kin Jan waayate heca e wicadapi nakax, iye owasin inyan on unkiinpi kta ce, eyapi.

7. Unkan waayuptapi, qa, Tokiyatanhan kin ecen unkoyakapi kte cin unkokitpanipi ce, eyapi.

8. Unkan Jesu hewicakiya; Mix eya tukte wicookihi on deenan decekeen ecamon kin nakun ociciyakapi kte xni, eya.

9. Unkan wiyacinpí kin deecen ewicakiya: Wicaxta wan hastanhanka iyuwi maga wan oju, qa markicanyanpi kin heca owicaqu, qa makoce wan itehan ekta ye, qa tehan en un kte.

10. Unkan wannan iyehantu qehan, taokiye wanji hastanhanka iyuwi maga waskuyeca kin etahan qupi kta e, markicanyanpi qon ekta yexi; tuka markicanyanpi qon kaxtakapi, qa cokadan hdexipi.

11. Unkan ake taokiye wanji tokeca yexi; unkan ix eya kaxtakapi, qa xikxicaya kuwapi, qa cokadan hdexipi.

12. Unkan akex iyamni wanji yexi; unkan ix eya taopi, qa tankan iyayeyapi.

13. Unkan hastanhanka iyuwi maga tawa kin heya; Token waran kta hwo? Micinkxi waztewakidake cin, he eca yewaxi kta ce: okini he wanyakapi kinhan, yuonihanpi nuncce, eya.

14. Tuka markicanyanpi kin he wanyakapi qehan, iye iyakitedan iapi, qa heyapi; Tawaye kte cin he de e ce; hopo, unktepí kta ce; qa hecen unkix tawa-uyanpi kta ce, eyapi.

15. Hecen hastanhanka iyuwi maga itankan iyayeyapi, qa ktepí. Hecen hastanhanka iyuwi maga tawa kin toketken ecawicaon kta he?

16. Ito ku, qa markicanyanpi kin henan owihankewicaye, çä hastanhanka iyuwi maga kin he tokan wicaqu kta ce, eya. Unkan he naropí qehan, heyapi; Hecetu xni ce, eyapi.

17. Unkan Jesu awicatonwe çehan, heya; Tipi kagapi kin inyan reyata iyeyapi qon, he eca wannan okarmin kin itancan kin ee ce:

18. Qa tuwe kaxta inyan kin he ahinrpaye cinhan, karurugapi

kta ce; qa ix inyan kin tuwe kaxta ahinrpaye cinhan, he e pamdu kta ce, eya owapi qon, he toketken kapi ka hecinhan? eya.

19. Unkan wawayuxnapi itancanpi, qa wowapi kagapi kin, henan he ehan *Jesu* iyarpayapi kta cinpi; tuka oyate kin kowicakipapi: wiyacinpi ecen eye cin, he iye wicaka e sdotkiyapi.

20. Unkan awanyag kuwapi, qa wanjikxi iye owtannan kunzapi, qa *Jesu* iwanyakapi kte yewicaxapi; hecen oie kin iyarpayapi, qa wookihi kin en quipi kte.

21. Unkan henan wiwangapi, qa heyapi; Waonspekiye cin, niye tanyan iyae, çä waonspeyakiya ce; qa tuwedan en eyatonwe xni: tuka Wakantanka ocanku tawa kin he awicakehan onspewicayakiya e sdonunniyanpi ce.

22. Iho Kesar wamnayanpi kin unqupi, qa ix unqupi kte xni, uman tukte hecetu hecinhan? eyapi.

23. Unkan wayupiya hnaye wacinpi kin, he *Jesu* iwicayukean, qa hewicakiya; Tokeca ce manyahnayanpi he?

24. Mazaska ito wanji mankipazopo. Akan owapi, qa wakagapi kin de tuwe tawa he? eya. Unkan ayuptapi, qa helyapi; Kesar tawa ce, eyapi.

25. Unkan hewicakiya; Kesar taku tawa kin henan Kesar kicupo, qa Wakantanka taku tawa kin henan Wakantanka kicupo, eya.

26. Unkan oyate kin wicitokam oie kin iyarpayapi kte cin okitpanipi, qa waayupte cin, he on inihanpi, qa ininan hiyeye.

27. Unkan Saduke wicakini kte cin he wicadapi xni kin, heca tuwewe en upi, qa wiwangapi, qa heciyapi;

28. Waonspekiye cin, Moxe wowapi unkicagapi qon he dece-tu; Wicaxta kin tuwe hunkawan-jitku tawicuton, qa cinca nice ecen te cinhan, iye hunkawan-jitku tawicu qon hduze, çä cinca icarkiciciye kta ce, eya owa ce, eyapi.

29. Unkan hecen hunkawan-jinkiciyapi xakowin: unkan tokaheya qon he tawicuton, qa cinca nice ecen ta.

30. Unkan iyokihe qon he hehan hduza; tuka cinca nice ecen ta.

31. Unkan iyamni qon hduza; qa xakowinpi qon owasin hecen hduzapi, qa ecen tapi; unkan cinca nicapi.

32. Unkan ehakedan winorinea ix eya ta.

33. Iho hecen wicakini kte cin ekta xakowin hduzapi qon,

henan tukte wanji tawapi kta
he? eyapi.

34. Unkan Jesu waayupte,
ça hewicakiya; Maka kin de
cinca kin tawicutonpi, qa hihna-
tonpi:

35. Tuka tonan makoce kin
he en opapi kte cin, qa wicače
cin etanhan kinipi kte niceca
wicadakapi kin henan tawicu-
tonpi xni, qa hihnatonpi xni
ece:

36. Qa nakun ake wicače kte
pica xni; tuka henan wahoxiye
wakan kin om akidewicacecapi
ce; qa wicakini kin he henan
cinca kin on etanhan Wakantanka
cincawicaya ce.

37. Unkan wicače cin henan
kiniwicakiyapi kte cin, he Moxe
kaex canjuraka kin ekta niciya-
otaninpi; Abraham Wakantanka
tawa, qa Isak Wakantanka ta-
wa, Itancanka kin eciye cion, he
ehan.

38. Qa ṭapi kin henan Wa-
kantanka kin tawapi xni; tuka
ni unpi kin henan tawapi ce: qa
owasin iye on nipi ce, eya.

39. Unkan wowapi kagapi
kin wanjikxi hehan heciyapi;
Waonspekiye cin, tanyan eha
ce, eyapi.

40. Unkan he iyohakam wi-
wangapi kte cin tuwedan tawa-
ṭece xni.

41. Unkan hewicakiya; He
token on Kristos Dawid cihintku
eciyapi he?

42. Odowan wowapi kin en
Dawid iye rinca hey; Itancanka
kin Itancanka mitawa kin heci-
ya; Mietapa kin akan imanyo-
tanka wo,

43. Ecen tókaniyanpi kin he-
nan siha oahe cicage kta ce, eya
ce, eya.

44. Hecen Dawid Itancanka
eciya; hecen token on cihintku-
ye kta he? eya.

45. Unkan hehan oyate owa-
sin naron hiyeye cin en, *Jesu*
waonspewicakiye cin hewicaki-
ya;

46. Wowapi kagapi kin iton-
wicapapo; he iye xinan hanska-
ska in omanipi, qa iciyopekici-
yapi kin en owicakiyapi, qa
omniciye tipi kin oyanke toka-
pa, qa wotapi kin en ohehdepi
tokapa kin, henan hecekcen
cipi:

47. Qa wawizice tipi kin
temyapi, qa tokan wanyakapi
kte cin on wocekiye kin yate-
hanhanpi ece, henan ix iyotan
teriya wicakunzapi kta ce, eya.

wicaqupi kin erpeya ayapi wan-yaka.

2. Unkan wiwazice warpanica wanji, ix eya kaxpapidan nopa en erpeya e wanyaka.

3. Unkan hey; Awicakehan heciciyapi ce, Wiwazice warpanica kin de ixnannan ota en erpeya ce.

4. Denan owasin taku iwicakiciyaye cin, he e Wakantanka taku qupi kin en erpekiyapi ce; tuka *wiwazice* taku ton xni kin, ix taku on ni kte yuha owasin en erpekiya ce, eya.

5. Unkan apa ix tipi wakan kin inyan waxtexte, qa taku wicaqupi kin on ayucopi kin, he cajeyatapi qehan, hey;

6. Anpetu hiyohi kta ce, qa en taku wandakapi kin denan inyan nopa icitakihna wanke xniyan erpeyapi kta ce, eya.

7. Unkan wiwangapi, qa he-yapi; Waonspekiye cin, tohan kinhan henan hecetu kta he? qa henan hecetu kte cin wannan iyehantu ce taku on sdotkiyapi kta he? eyapi.

8. Unkan hey; Ihnuhan ni-hnayanpi kin; qa ota micajeyan upi, qa, Kristos he miye ce, qa wannan ecadan iyehantu kta ce, eyapi kte; tuka hecen wiciyahna yapi xnipo.

9. Tuka okicize owodutaton-pi ko cajeyatapi nayaroni pi kin-

han, nihinciyapi xnipo; qa ite tokakeya henan hecekcen hiyohi kta ce, tuka owihanke kin hin-yanrinke kte xni ce, eya.

10. Unkan hehan hewicaki-ya; Oyate kin iyakipam kicipa-jinpi kta ce:

11. Qa otakiya maka kin ni-nan xkanxkan, qa wicaskiran, qa makoxikxice, qa wokokipe wowanyake, qa marpiya kin eciyatohan wowapetoktokeca, henan hecekcen yuke kta ce.

12. Tuka taku kin denan owasin itokaptu micaje kin on etahan iyanirpayapi, qa xicaya nicuwapi, qa omnikiye tipi, ka-xka wicahnakapi tipi ko en ani-yanpi, qa wicaxtayatapi wicaxta iwicadakapi kin ko wicitokam anianpi kta ce:

13. Qa he oniyakapi kta ce.
14. Hecen icantekiçonpo; qa toketken waaduptapi kte cin he kanyehan awacinpi xnipo.

15. Qa wicai wan wicoksape ahna ciçupi kta ce; qa hecen tokaniyanpi kin tuwedan toka iennihdepi kte xni, qa iyakape-nianpi kte xni ce.

16. Qa hunkake wicayayapi, qa hunkawanjin wicayayapi, qa takuwicayayapi, qa koda wicayayapi kin, henan e wiyopeniyanpi kta ce; qa apa teniyanpi kagapi kta ce:

17. Qa micaje kin on etahan

wicaxta kin owasin niciyuxepi kta ce.

18. Tuka paha kin wanjidan kax awinitukapi kte xni ce.

19. Wacinnitankapi kin on nitaniya wakanpi kin hduhapo.

20. Jeruxalam ihdukxan ozuye yankapi wandakapi kinhan, ihangyapi kte cin he wannan kiyadan e sdonyapo:

21. Kinhan, tonan Juda en unpi kinhan reyaka kin ekta najcapo; qa tonan cokaya unpi kinhan tankan inapapo; qa okxan makoce wanke cin tonan en yakonpi kinhan en kipi xnipo.

22. Tokiçonpi anpetu kin henan ee ce; qa hecen taku token owapi qon henan owasin ecen yuxtanpi kta ce.

23. Tuka anpetu kin henan en tonan ihduxakapi qa tonan hokxin azinwicakiyapi kin henan woteri wicakiciyanke kta ce! qa maka kin akan wokakije tanka wanke kta ce; qa wocan- niye oyate kin de awicaun kte.

24. Qa mazasagye ope kin on wankahanpi kta ce; qa oyate kin owasin ektakta wayaka awi-cahdapi kta ce; qa oyate tokeca Jeruxalam naañinzapi kte, ecen oyate tokeca kin taku iye-wicakicihanu kta ce, eya.

25. Qa wi, qa hanyetuwi, qa wicarpi kin, henan ektakta wocan- wapetoktokeca yuke kta ce;

qa maka akan oyate kin yazan-hda, qa wicotoketu tanin xni, hecen yuke kta ce; qa minio-wanca otaja kin sa wanke kte:

26. Qa wicaxta kin kopa, qa maka akan taku hiyohi kte cin he ape hiyeye cin, henan on cante toki wicayanka tanin xni kta ce; qa marpiya wowaxake kin hu-huzahae kte.

27. Qa hehan wicaxta Ci-hinaku kin marpiya wan ahna wicowaxake, qa wicookitanin tanka, henan yuha u wandakapi kta ee.

28. Qa denan decekceen aye cinhan, pa yuwankan icupo, qa wankan etonwanpo; qa openi-citonpi kin he wannan kiyadan u ce, eya.

29. Unkan wiycinpi wan ecen ewicakiya: Suken can, qa can kin owasin, henan wanya-kapo;

30. Canwapa para ca, mdo-ketu wannan ikeyedan niye cin-ka wandakapi, qa sdonyayapi ece.

31. Iho he iyececa taku kin denan iyececu wandakapi kinhan, Wakantanka wawidake cin he wannan kiyadan un e sdonyapo.

32. Awicakehan heciciyapi ce, Wicoicage kin de tokan iyaye xni, ecen owasin iyece-tu kta ce.

33. Marpiya kin maka ahna henan token econpi, qa *Jesu* tokan iyaye kta, tuka mioie kin teyapi kte cin he akitapi, qa e tokan iyaye kte xni ce.

34. Unkan itoniçipapo; okini tukten wotapi, qa witkopi, qa wiconi kin de awacinpí kin, henan on nicantepi kin niyuxakapi nunce; qa hecen sdonyakiyapi xni ecen anpetu kin he nihiyohipi kte.

35. Maka ite kin akan yakonpi kin owasin wohmuke wan iyecen wicahiyohi kta ce.

36. He on ohiniyan waktapo, qa wacekiyapo; hecen taku hiyohi kte cin denan owasin icuom idadapi, qa wicaxta Cihintku kin itokam nayajinpi kte cin iyececa niyawapi kta ce, eya.

37. Unkan anposkantuya tipi wakan kin en ohna waonspekiya; unkan hanyetu qehan, tan kan hdicu, qa paha wan Oliwe eciyapi kin en yanka.

38. Unkan harannan rinca oyate kin owasin *Jesu* oie nar onpi kta e tipi wakan kin en ahi.

WICOWOYAKE 22.

1. Unkan aguyapi naporyapi xni yutapi woacakxin eciyapi kin, he wannan ecadan iyehantu kte.

2. Unkan wawayuxnapi itancanpi, qa wowapi kagapi kin,

henan token econpi, qa teyapi kte cin he akitapi, qa oyate kin kowicakipapi.

3. Unkan akenopapi qon etanhā wanji Judas Iskariot eciyapi; unkan he e Satan tan can mahen iyaya.

4. Unkan he toki ye, çä wayayuxnapi itancanpi, qa akicita itancanpi kin, henan om wohdaka; unkan token econ, qa *Jesu* wicaqu kte cin he kapi.

5. Unkan iyuxkinpi, qa mazaska qupi kta keciyapi.

6. Unkan wicada, qa wicota qon en unpi xni ican, *Jesu* wi caqu kte akita.

7. Unkan aguyapi naporyapi xni, qa woacakxin ito ktepi kte cin wannan iyehantu.

8. Unkan Petros, qa Jan heniyos *Jesu* yewicaxi, qa heya; Yapo, qa woacakxin kin wiaya unkicihnakapo, qa untapi kta ce, eya.

9. Unkan heciyapi; Tukten wiyyaya unhnakapi kte yacin ka? eyapi.

10. Unkan hewicakiya; Oton we kin en yaipi kinhan, inyun, wicaxta wan wakixkokpa mini ohnaka yuha itkonicipapi kta ce: iho hecen iye tukten tin kihde cinhan, iyahna yapo.

11. Qa tipi tawa kin heyakiyapi kta ce; Waonspekiye cin heniciya ce; Wotapi tipi ohna

woacakxin kin he waonspewica-
wakiye cin om wate kte cin he
tukte e he? eya ce, ehapi kta
ce;

12. Kinhan, wankan tipi
wan tankaya, qa ayucopi e nici-
pazopi kta ce; hen wiyaya hn-
kapo, eya.

13. Unkan yapi, qa toketken
ewicakiye ciqon ecen iyeyapi:
unkan woacakxin kin wiyaya
hnakapi.

14. Unkan wannan iye hantu
qehan, Jesu wahoxiyapi akeno-
pa qon om iyotanka.

15. Unkan hewicakiya; Man-
kakije kte cin he itokamya wo-
cakxin kin de untapi kte cin
ninan wacin qon.

16. Qa heciciyapi ce; Tohan
Wakantanka wawidake cin ekta
yuecetupi xni kin, hehanyan
detanhan ake wate kte xni ce,
eya.

17. Unkan miniyatkan kin
he icu, qa wopida wocekiye
ecen eye, ca hey; De icupo,
qa kicipamnipo.

18. Qa heciciyapi ce, Wa-
kantanka wawidake cin he tohan
hiyohi xni kin, hehanyan ha-
stanhanka iyuwi waskuyeca
hanpi kin etanhan mdatke kte
xni ce, eya.

19. Unkan aguyapi kin ieu,
qa wopida wocekiye ecen eye,
ca yuxpaxpa, qa wicaqu, qa

hey; Mitancan niyepi kin on
wicaqupi kin, he de e ce: de
miksuya econpo.

20. Unkan miniyatkan kin
ix eya wotapi iyohakamya *wica-
qu*, qa hey; Mawe niyepi kin
on papsunpi kin, en okodakiciye
teca kin, he miniyatkan kin de
ee ce.

21. Tuka inyun, wi yopeman-
ye kte cin he nape kin abna
wotapi kin akan miciun ce.

22. Unkan wicaxta Cihintku
kin token kicunzapi qon ecen
iyopta e wicaka; tuka tuwe he
wi yopeya hecinhan he wicaxta
kin woteri kiciyanka ce! eya.

23. Unkan hinankaha iye
iyakitedan tukte wanji hecon kte
cin he ikiciwanr yeyapi.

24. Unkan tukte wanji iyo-
tan yawapi kte cin he nakun
kdokinicapi.

25. Unkan hewicakiya; Oyate
kin wicaxtayatapi wicayuhapi
kin henan ix iwicadakapi, qa
tonan wicookihiya owicakiran-
yanpi kin henan oranwaxtepi
ewicakiyapi ece.

26. Tuka nix henicecapi kte
xni; tuka niyepi kin ekta tukte
wanji tokapa kinhan, he e ha-
kakta kin iyecece kta ce.

27. Wota yanke cin, qa wa-
yutankiyapi kin, henan uman
tukte iyotan hecinhan? wota
yanke cin he e xni he? tuka ni-

cipi waun kin wayutankiyapi
kin he om iyakidecen waun ce.

28. Wawayutanmanyapi kin
en kici manunpi kin he niyepi
ce.

29. Qa Atewaye cin he wo-
wawidake wan manqu kin, he
iyecen ciçupi.

30. Qa hecen wowawidake
mitawa kin en ahna wotapi mi-
tawa kin ekta wayatapi, qa' wa-
datkanpi kta ce; qa wicaxtaya-
tapi oyanke kin heca akantkan
iyotankapi, qa Israel wicoun
akenopapi kin, henan wicadaco-
pi kta cc, eya.

31. Unkan Itancanka kin
heya; Simon, Simón, Satan ni-
yuhe, çä aguyapisu iyecen ni-
yucan kta ecin tuka ce.

32. Tuka wicayada kin he
iyotpani kte xni e cecicieciya ce;
qa tohan nix niyuhomnipi kin-
han, nihunkawanji wicahduwa-
xaka wo, eya.

33. Unkan *Simon* heciya;
Itancanka kin, kaxka wicahna-
kapi tipi wicoṭe ko en nici mde
kta e wiyyaya waun ce, eya.

34. Unkan heya; Petros he-
ciciya ce, Anpetu kin de anpao
hotonnan hoton xni, ecen yamni
akihde sdonmanyaye ciñ he ana-
yakirbe kta ce, eya.

35. Unkan hewicakiya; Ma-
zaska ojuhá, qa' wojuhadan, qa
hanpa, henan codan yecixipi

qon ehan, taku wanjidan kaz
iniciyotpanipi he? eya. Unkan,
Hiya, eyapi.

36. Unkan hehan hewicaki-
ya; Tuka nakaha tuwe mazaska
ojuha ton kinhan, ehdaku kta
ce; qa wojuhadan nakun: qa
tuwe mazasagye nice cinhan,
wokoyake tawa kin wiyopeki-
ye, çä heca wanji opeton kta
ce.

37. Qa heciciyapi ce, Wico-
ran xicapi kin heca opeya ya-
wapi ce, eya owapi qon, he ito
miye kin en ecen yuxtanpi kta
ce; qa miye kin on taku kin
henan ito ecetu kta ce, eya.

38. Unkan heyapi; Itancanka
kin, wanyaka wo, de mazasagye
nopa ce, eyapi. Unkan hewi-
cakiya; Henakeca ce, eya.

39. Unkan tankan hdicu, qa
Oliwe paha kin ekta i ece qon,
he ake ekta ya; unkan waonspe-
wicakiye cin ix iyahna yapi.

40. Unkan wannan ehan i
qehan, hewicakiya; Wowiyu-
tanye kin en idadapi kte xni e
cekiyapo, eya.

41. Unkan wicicuonpa inyan
ekta erpeyapi kin hehan cen i;
unkan canpexka makehde yan-
ke, çä wacekiye, çä heya;

42. Ate hecen nitawaciñ he-
cinhan, miniyatkan kin de mi-
ciyutokan wo; tukax, miye mi-
tawacin kin he e xni ce, niye

nitawacín kin he e ecen econpi
nunwe, eya.

43. Unkan wahoxiye wakan
kin heca wanji marpiya kin eci-
yatohan hiyohi, qa yuwaxaka.

44. Unkan ninanrin yazanhda
gehan, iyotan wokitanyan wace-
kiya: unkan temni kin he we
oxbuye tankinkinyan makata
hinrpaya se eccea.

45. Unkan wacekiye cíqon
hetahanhan wannan nájin hiyaye,
ça waonspewicakiye cin en wi-
cahdi qehan, wacin iyokixicapi
kin on ixube hiyeya iyewicaki-
ya.

46. Unkan hewicakiya; To-
keca ce nixtimapi? nájingo, qa
wacekiyapo; okini wowiyutanye
kin en idadapi nuncé, eya.

47. Unkan iahan ican, inyun,
wicota; unkan akenopapi kin e-
tanhan wanji Judas eciyapi qon,
he eca wicitokam u, qa Jesu
iputake kta e kiyadan hiyohi.

48. Tuka Jesu heciya; Judas,
wicaxta Cihintku kin he oiputa-
ke wan eciyatohan wiyopeyaye
kta he? eya.

49. Unkan Jesu om unpi qon
henan taku toketu kte cin he
wannan wanhdakapi qehan, he-
ciyapi; Iiancanka kin, mazasag-
ye kin on waaunpapi nun he?
eyapi.

50. Unkan wanji wawayuxna
itancan taokiye wanji ape, ça

etapa kin eciyatohan noge kin
kaxpa.

51. Unkan Jesu waayupte, ça
heya; Hehan iyowinwicakiya-
po, eye, ça noge kin yutan, qa
asnian.

52. Unkan hehan Jesu wawa-
yuxnapi itancanpi, qa tipi wakan
kin en itancanpi, qa wicaxta to-
kapapi en au qon, henan hewi-
cakiya; Mazasagye can ko yuha
wamanusa wanji tatpeyapi se
yaupi he?

53. Anpetu iyohi tipi wakan
kin ohna opeya ciunpi qon ehan,
tuwedan nape kin itkom hiyu-
manyakiyapi xni; tuka dehan
nakaha kin he niye nitawapi, qa
otpaza wowaxake kin, eya.

54. Unkan yuzapi, qa yus-
ayapi, qa wawayuxna itancan ti
kin ekta ayapi. Unkan Petros
itehan ihakam ya.

55. Unkan itankan tipi kin en
cokaya cetipi, qa ptaya iyotan-
kapi qehan, Petros ix eya wice-
hna iyotanka.

56. Unkan petkahda iyotan-
kahan yanka ca, wikoxka wan
wanyake, ça opakirte, ça heya;
Wicaxta kin de ix eya he kici
un tuka ce, eya.

57. Unkan anakirbe, ça, Wi-
norinca kin he sdonwaye xni ce,
eya.

58. Unkan iecadan wanji to-
keea wanyaka; unkan heya; Nix

eya henitanhan ce, eya. Unkan Petros heya; Wicaxta kin, hemantahan xni ce, eya.

59. Unkan hetanhan wihiyedan wancadan hdi hehanyan cen; unkan *ake* wanji tokeca awicakehan yaṭinze, ça hey; Galila wicaxta kin he de heca ce on etanhan awicakehan ix eya he he kici un tuka ce, eya.

60. Unkan Petros heya; Wicaxta kin, token ehe cin sdonwawaye xni ce, eya. Unkan hecenhnannan iahan ican, anpao hotonnan hoton.

61. Unkan Itancanka kin ihduhomni, qa Petros atonwan. Unkan Itancanka kin, Anpao hotonnan hoton xni, ecen yamnai kihde anamanyakirbe kta ce, eciye ciqon, oie kin he kiksuya.

62. Unkan Petros tankan kihde, ça ninanrin ceya.

63. Unkan wicaxta Jesu yusyankapi qon henan ix *Jesu* irarapi, qa apapi.

64. Unkan ite kin wannan askarpetonpi qehan, ite kin ohna apapi, qa wiwangapi, qa heyapi; Waayata wo; he tuwe ca anipa he? eyapi.

65. Qa taku toktokeca *nakun* ota iikom waoxtehdaya eciyapi.

66. Unkan wannan anpao qehan, oyate kin en tonan tokapapi, qa wawayuxnapi itancanpi, qa wowapi kagapi kin, henan

mniičiyapi, qa wohdakapi kin en *Jesu* yusayapi,

67. Qa heyapi; Kristos he niye hecinhan unkokiyakapo, eyapi. Unkan hewicakiya; Ocičiyakapi exta wicayadapi kte xni ce.

68. Qa wiciwangapi exta amanyaduptapi kte xni, qa amanyaduxtanpi kte xni ce.

69. De iyohakam wicaxta Cihintku kin Wakantanka towaxake etapa kin eciyatohan akan iyotanka wandakapi kta ee, eya.

70. Unkan owasin heyapi; Hecen Wakantanka Cihintku kin he niye he? eyapi. Unkan hewicakiya; He miye kehapice, eya.

71. Unkan heyapi; Iye i kin eciyatohan unkiyepi rinca wanan naunronpi ce; hecen tokeca ecin sanpa wayaotaninpi unko-depi kta he? eyapi.

WICOWOYAKE 23.

1. Unkan wicota kin owasin najin hiyayapi, qa Pilatus kaya-pi.

2. Unkan hinankaha wiyaon-papi, qa heyapi; De oyate kin owicayuxice, ça Kesar wamnayanpi qupi kin he tirinda iyeunyanpi ce; unkan iye Kristos, wicaxtayatapi wan heca keiçiya ee, eyapi.

3. Unkan Pilatus wiwange, çä heya; Juda Wicaxtayatapi kin he niye he? eya. Unkan ayupte, çä heya; Niye ecen eha ce, eya.

4. Unkan Pilatus wawayuxnapi itancanpi, qa oyate kin henan hewicakiya; Wicaxta kin de taku oihduxice iyewaye xni ce, eya.

5. Unkan hecen iyotan wohitipike, çä heyapi; Oyate kin o-wodutatonwicaya ece, qa Galila etanhan Juda makoce kin owan-caya dehan oiyahdeya waonspekiya ece, eyapi.

6. Unkan Galila cajeyatapi Pilatus naron qehan, heya; Wicaxta kin de Galila wicaxta kin heca he? eya.

7. Unkan Herod taoyate kin hetanhan e Pilatus wannan sdoce çehan, wancake Herod ekta iuya-yea. Herod ix eya he ehan Jeruxalam en un.

8. Herod Jesu on taku ota naron on etanhan wannan wan-nakaja tanhan wanyake kta cin nakax, wanyake çehan, ninan iyuxkin; qa taku wakan wanji econ wanyake kta kecin.

9. Unkan otakiya wiwanga; tuka takudan ayupte xni.

10. Unkan wawayuxnapi itancanpi, qa wowapi kagapi kin, henan en inajinpi, qa wohitiya wiyaonpapi.

11. Unkan Herod ozuye wicaxta wicayuhe cin om takuda xni, qa irara kuwa, qa xinan wan ayucopi in kiye, çä ake Pilatus ekta iyayeya.

12. Unkan anpetu kin he en Herod Pilatus kici kiciyuwaxtepi; he itokamya tókakiciyapi.

13. Unkan Pilatus wawayuxnapi itancanpi, qa itancanwicakiyapi, qa oyate kin henan witaya wicakico qehan, hewicakiya;

14. Wicaxta kin de oyate kin owicayuxice wan iyacinyan manyakahipi; unkan nitokam iwanmdaka, tuka inyun, wiwayaonpapi kin he iyececa takudan xica iyewaye xni ce.

15. Hiya, Herod nakun ekta yecixipi; unkan inyun, te kte cin iyececa takudan ecakicon xni ce:

16. Hecen wakapsinpsinte, çä wakimduxke kta ce, eya.

17. Wotapi kin he ican, toketu kaxta wanji wicakiciyuxke kta naka heya.

18. Unkan owasin okunwan-jidan heya niyanpi; De tokan aya wo, qa Baraba he e unkici-yuxka miye, eyapi.

19. Unkan he otonwe kin en wokipajin kage, çä tinwicakte on etanhan kaxka wicahnakapi tipi kin en ohnakapi.

20. Unkan hecen Pilatus Jesu

kiyuxke wacin on ake ecen ewi-
cakiya.

21. Tuka heya niyanpi; Ici-
pawer okatan miye, icipawer
okatan miye, eyapi.

22. Unkan ake iyamni hewi-
cakiya; Tokeca ce tukte ecin
taku xica econ he? On etan-
han te kte cin iyececa takudan
iyewaye xni ce; hecen waka-
psinpsinte, ca wakimduxke kta
ce, eya.

23. Unkan hotankakiya kitan-
pi, qa icipawer okatanpi kta e
kapi; unkan iye hopi kin wa-
wayuxnapi itancanpi kici *Pila-*
tus iyakapeyapi.

24. Unkan kapi qon ecen e-
conpi kta e Pilatus kiconza.

25. Unkan wokipajin kage,
ca tinwicakte qon, he e wicaki-
ciyuxke, ca iye tawacinpí kin
ecen econpi kta e Jesu wicaqu.

26. Unkan tokan yus ayapi
qehan, Kurene wicaxta wan Si-
mon eciyapi makoce kin eciya-
tanhan u; unkan he yuzapi, qa
censusbeca kin he Jesu iyahna-
gin kta e airpeyapi.

27. Unkan oyate kin wicota-
rinca winorinca ko iyahna yapi,
qa waxinhda aceyapi.

28. Tuka Jesu ihduhomni, qa
hewicakiya; Jeruxalam cunwin-
tukuwicaye cin, miye amanceya-
pi xniwo; tuka niyepi kin aiçi-

ceyapo, qa nicincapi kin awica-
kiceyapo.

29. Qa inyun, anpetu kin hi-
yohi kta ee, qa en heyapi kta;
Hokxin yuhapi xni, qa wicitpi
tohini cinceton xni, qa aze tohi-
ni waazinkiyapi xni kin, henan
wopida ce, eyapi kte.

30. Unkan hehan hinankaha
reyaka kin heciyapi kte; Unka-
hinrpayapo, qa paha kin, Unka-
karlapo, eciyapi kta ce.

31. Qa can teca wan denan
decekcen econpi ehantahan, can
xeca wan token econpi kta ce?
eya.

32. Unkan wicoran xicapi to-
ttokeca nopa nakun wicaktepi
kta e Jesu kici yus awicayapi.

33. Unkan wicupahu eciyapi
kin wannan ehan ipi qehan, hen
Jesu icipawer okatanpi, qa wi-
coran xicapi qon henan uman
Jesu etapa wapatohan, qa uman
kin ix catka wapatohan nakun
icipawer owicakatanpi.

34. Unkan Jesu hehan heya;
Ate wicakicicajuwo; taku tokonpi
kin sdotkiyapi xni ce, eya.
Unkan oeconnan eciya-
tanhan wokoyake kin pamnipi.

35. Unkan oyate kin oparta-
najin hiyeye. Unkan Itancan-
wicakiyapi ix eya henan kici
Jesu irarapi, qa heciyapi; Tok-
kan niwicaya ece qon, Kristos
Wakantanka karnige cin he .

hecinhan, iye niiçiya exta xni, eyapi.

36. Unkan akicita kin ix eya irarapi, qa en au, qa miniskuya kipazopi, qa heyapi;

37. Juda wicaxtayatapi kin he niye hecinhan, niiçiya wo, eyapi.

38. Unkan iwankaptu owapi kin he Greek, Latin, Hebrew, henakiya oowa kin on owapi: unkan, JUDA WICAXTAYA-TAPI KIN HE DE E CE, eya owapi.

39. Unkan wicoran xicapi o-wicakatanpi qon, uman Jesu xikxicaya taku eciye, ça hey; Kristos he niye hecinhan, nix niiçiya wo, qa unkix *nakun* ni-unyanpo, eya.

40. Tuka uman qon ilkom kixice, ça hey; Wokunze kin he e rinca en oyapa ce; unkan Wakantanka koyakipe xni he?

41. Qa unkiye kin hecetu e-een ecaunkonpi qa unkoran qon he owotannan hdaju unkiyapi; tuka wicaxta kin de takudan e-einxniyan econ xni ce, eciya.

42. Unkan he eca Jesu heciya; Itancanka kin, wówawidake nitawa kin en yahdi kinhan, miskuya wo, eya.

43. Unkan Jesu heciya; Awicakehan heciciya ce, Anpetu kin dehan wicowaxte makoce kin en mici yaun kta ce, eya.

44. Unkar hehan wannan wi-yotanhān hehantu cen; unkan witakinyan yanke cin hehan-yan makoce kin owancaya aotpa-za.

45. Qa wi kin otpas ieu, qa tipi wakan kin en miniruha on-naptan kin he eokaya okinarde-ca.

46. Unkan Jesu hotankakiya hoyekiye, ça hey; Ate ninape en ohna minagi kin ocihnaka ce, eya: unkan hecen eye çehan, ta iyaya.

47. Unkan akicita opawinge wicayuhe cin he toketken econ-pi qon he wanyake çehan, Wakantanka yaonihan, qa hey; Awicakehan wicaxta owotannan he de heca ce, eya.

48. Unkan oyate kin witaya he wanyag ahi qon, henan owas-in toketken econpi qon henan wanyakapi qehan, maku kin ohnahna aiçipapapi, qa kihda-pi.

49. Unkan Jesu sdonwicaye cin henan owasin qa winorinca Galila eciyatohanhan iyahna unpi qon itehan inajinpi, qa henan apartapi.

50. Unken inyun, wicaxta wan wahokonwicakiya heca Josep eciyapi, wicaxta waxte qa owotannan;

51. He iye kin wakicunzapi, qa oranpi qen wicawicada xni.

Arimatiya, Juda otonwe tawapi kin etanhan inyan kin he wanwanji he hetanhan, unkan ix nan tokan paptanyanpi iyeyapi. eya Wakantanka wawidake cin he ape un.

52. Unkan he eca Pilatus e-kta i, qa Jesu tancan kin kida.

53. Unkan kun eyaku, qa miniruhaska opazunte, çä imnija kardokapi wicaxta hnakapi wan en ohnaka: unkan he itokaptu tohini wicaxta kin tuwedan en ohnaki xni.

54. Unkan anpetu wanji en wiyyaya wahnakapi ece qon he anpetu qon ee; unkan anpetu wakan kin he wannan kiyadan u.

55. Unkan winorinca Galila eciyatohan om unpi qon henan ix eya iyahna yapi, qa wicaxta hnakapi kin qa tancan kin token hnakapi qon henan wanyakapi.

56. Unkan henan kihdapi, qa pejihuta waxtemnan ihepi ko wiyyaya hnakapi: unkan woahope kin ashopapi, qa anpetu wakan okirpapi.

WICOWOYAKE 24.

1. Unkan anpetu wakan isanpa anpetu kin hanranan rinca; unkan pejihuta waxtemnan wiyyaya hnakapi qon he wicaxta hnakapi kin ekta yuha upi; unkan toktokeca *nakun* om upi.

2. Unkan wicaxta hnakapi

3. Unkan mahan ipi, tuka Itancanka kin Jesu tancan kin he iyeyapi xni.

4. Unkan on token iyukcanpi tanin xni qehan, inyun, wicaxta nopa wokoyakepi kin wiyatapta icauda nawicajinpi.

5. Unkan kokipapi, qa ite kin makipuskin pamahdedan erpeiciyapi qehan, hewicakiyapi; Tokeca ce tapti kin wicehna niun kin ayakatapi he?

6. Den un xni; tuka kini ce. Naharin Galila en un qon ehan toketken eniciyapi qon he kiksuyapo.

7. Heya ce; Wicaxta Cihintku kin wicaxta xice napeci kin en ito qupi kta ce, qa icipawer okatanpi kta, qa anpetu iyamni kinhan kini kta ce, eya ce, eyapi.

8. Unkan oie qon kiksuyapi.

9. Unkan wicaxta hnakapi kin etanhan kihdapi, qa akewanji qon henan umanpi ko owicakiyakapi.

10. Unkan wahoxiyapi kin henan hecekcen owicakiyakapi qon, henan Mari Magdalén, qa Joana, qa Mari Jakob hunku qon, qa toktokeca om unpi qon henan eepi.

11. Unkan oiepi kin ikcekek-

ya hitonkakanpi kin iyececa da-kapi, qa wicawicadapi xni.

12. Unkan hecen Petros na-jin hiyaye, çä wicaxta hnakapi kin ekta iyangye, çä eokasin qe-han, miniruha wokoyake qon henan ixnannan ehnakapi wan-yaka; unkan henan hecekcteu kin on, Denan toketu hwo! ecin qa kihde.

13. Unkan anpetu kin he en henan etanhan nopa Jeruxalam etanhan maka iyutapi wikee-mnan xakpe hecetu cen, otonwe wan Emaus eciyapi ekta yapi.

14. Unkan taku hiyohi kin denan owasin kici iwohdakapi.

15. Unkan wohdakapi, qa iyukcan awacinpí ican, Jesu iye rinca kiyadan u, qa om wicayá.

16. Tuka ixta on iyekiyapi kte xni wicayapi.

17. Unkan hewicakiya; Ma-yanipi ican, kici woyahdakapi, qa iyonyiyakapi kin de toketu he? eya.

18. Unkan uman Kleopas eci-yapi qon he waayupte, çä heci-ya; Jeruxalam en yaun xni ce dehan en taku hiyohi kin denan sdonyaye xni he? eya.

19. Unkan hewicakiya; Taku ka? eya. Unkan heciyapi; Je-su Nazaret etanhan he e ce; he waayate heca, qa Wakantéka oyate kin ko itokam wicoie wi-coran ahna on waxaka tuka ce.

20. Unkan he wawayuxnapi itancanpi qa itancanwicunkiyapi kin kici te kunzapi, qa icipawer okatanpi ce.

21. Tuka Israel opewicakiton kte cin he e unkix unkecinpi tuka; ahna heconpi kin wannan ehantahan anpetu kin de iya-mni ce.

22. Qa nakun ptaya unkanpi kin etanhan winorinca wanjikxi hanrannan rinca wicaxta hnakapi kin ekta ipi; unkan inihanun-yapi.

23. Unkan tancan kin iyeyapi xni qehan, kipi, qa, heyapi; Wahoxiye wakan kin heca makun wanwicunyakapi; unkan, Ni ce, eyapi ce, eyapi.

24. Unkan om unkanpi kin wanjikxi wicaxta hnakapi kin ekta ipi, unkan winorinca oya-kapi qon iyececa rinca iyeyapi: tuka iye kin wanyakapi xni ce, eyapi.

25. Unkan hewicakiya; Wi-nitkotkokapi, qa waayatapi kin taku oyakapi qon henan owasin wicayadapi kte cin cante nihun-kapi xni ce!

26. Kristos dena decekcen ito kakije, çä wokitanin tawa kin en ye kte cin he hecetu xni niceca he? eya.

27. Unkan hecen Moxe e tokaheya, qa hehan waayatapi owasin iye kin on wowapi ka-

gapi qon henan owasin wicaki-
ciyaaxdaya.

28. Unkan otonwe ekta yapi
qon he wannan ikiyedan ehan
ipi qehan, iye sanpa ye wacin
kunza.

29. Tuka iyakapeyapi, qa
heyapi; Om unyankapo; wan-
nan rtayetu aya ce, qa wi kin
kuceyedan yanka ce, eyapi. Un-
kan en i, qa om yanke kte.

30. Unkan om wota yanke
çehan, aguyapi eyaku, qa yawa-
xte, qa yuxpaxpa, qa wicaqu.

31. Unkan ixta kin wicakici-
yukawapi; unkan iyekiyapi: un-
kan atanin xni iyaya.

32. Unkan hekiciyapi; Can-
ku kin ohna wounkiyake, çä
wowapi kin unkiciyuzamni qon
ehan, cante kin unkata xni he?
eyapi.

33. Unkan ocowasin najin
hiyayapi, qa Jeruxalam ekta ki-
pi, qa akewanji kin qa tonan om
unpi qon henan witaya yankapi
iyewicayapi, qa heyapi.

34. Itancanka kin ehanqon
kini ce, qa Simon wannan wan-
yaka ce, eyapi.

35. Unkan canku kin ohna
toketketu qa, aguyapi yuxpaxpa
kin on iyekiyapi qon, henan he-
cekeen owicakiyakapi.

36. Unkan hecen eyapi ican,
Jesu iye rinca wicacokaya hina-

jin, qa hewicakiya; Wicowaxte
om niunpi nunwe, eya.

37. Unkan inihapi, qa koki-
papi, qa wanagi wan wanyakapi
kecinpi.

38. Unkan hewicakiya; To-
keca ce iyonicixicapi he? qa to-
keca ce cante mahan taku ceñun-
yahdapi?

39. Minape misiha ko de mi-
ye rinca e wanmanyakapo: man-
yutantanpo, qa wanyakapo; ce-
rpi huhu ko waton wandakapi
kin wanagi wan iycen ton xni
ce, eya.

40. Unkan hecen eye çehan,
nape siha ko wicakipazo.

41. Unkan wowiyuxkin kin
on naharin wicadapi xni, qa,
Toketu hwo! ecinpi qehan, he-
wicakiya; Den taku yutapi du-
hapi he? eya.

42. Unkan hogan oxpa cegu-
guyapi torinaga canhanpi oxpa
ahna qupi.

43. Unkan icu, qa wicitokam
yuta.

44. Unkan hewicakiya; Na-
harin om ciunpi qon ehan, wi-
coie ociciyakapi qon he de e ce;
Moxe wicoope tawa, qa waaya-
tapi, qa odowan kin, henakiya
en miye on taku token owapi
qon owasin ecen yuxtanpi kta
ce, eya.

45. Unkan hehan wookarnige

kin wicakiciyuzamni, qa hecen wowapi kin okarnigapi kte.

46. Unkan hewicakiya; Kaken owapi, qa Kristos kaken kijke, çä anpetu iyamni kinhan kini kte cion he hecetu ce.

47. Qa hecen iye cajeyan wi-coiyopeiçiye qa wicoran xice wicakicicajupi kin henan Jeruxalam en tokaheya, qa hehan oyate kin owasin rin ecen yao-taninpi kte.

48. Qa taku kin denan wan-yakapi kin he niyepi ce.

49. Unkan inyun, Atewaye cin taku iwahowieaye cion he eca ueiciciyapi kta ee: tuka to-

han wankanta tanhan wicowa-xake yuheniciyapi xni kin, he-hanyan Jeruxalam otonwe kin en ece yankapo, eya.

50. Unkan tankan Betani he-hanyan awicaya: unkan wicakiyugate, çä wicayawaxte.

51. Unkan wicayawaxte cor, yutokan ewicakiciyakupi, qa wankan marpiya kin ekta ayapi.

52. Unkan wakanyan ohadapi, qa wopida tanka yuha Jeruxalam ekta kipi;

53. Qa ohiniyan tipi wakan kin en ohna ece hiyeye, çä Wakantanka yatanpi, qa yawaxtepi. Hecetu nunwe.

WOOTANIN WAXTE
JAN OWA QON HE DEE.

THE GOSPEL OF JOHN,

IN THE DAKOTA LANGUAGE;

Translated from the French,

BY MR. JOSEPH RENVILLE, S.R.

WICOWOYAKE 1.

- | | |
|---|---|
| 1. Otokahe ekta Wicoie kin
hœ; Wicoie kin he Wakantanka
kici un, qa Wicoie kin he Wa-
kantanka kin ee. | on taku owasin iye eciyataghan
wowicada kta. |
| 2. Otokahe ehantanhan naja-
Wakantanka kici un kin hee. | 8. Iyoyanpa kin he iye xni,
tuka iyoyanpa kin he yaotanin
kta e u xipi. |
| 3. He eciyataghan taku owa-
sin kagapi qa taku kin tokan
tanhan takudan kagapi xni. | 9. Iyoyanpa rincake cin hee,
wicaxta owasin toka wicatonpi
ehantanhan iyoyanpa wicaye
cin hee. |
| 4. Wiconi kin iho hee. Wi-
coni kin he wicaxta iyojanjan
kin iho hee. | 10. Iyoyanpa kin he oyate
owasin en un qa Iyoyanpa kin
he oyate owasin wicakaga tuka
oyate kin sdonyapi xni. |
| 5. Iyoyanpa kin hee otpaze
cin en omdesya un tuka otpaze
cin he iyowinkiyapi xni. | 11. Tipi tawa kin ekta wica-
hi tuka iyowinkiyapi xni. |
| 6. Wicaxta wan Jan eeiyapi
e Wakantanka wakiconze ça u
xi. | 12. Tona iyowinkiyapi kin
hena Wakantanka cinca wicaya
yakonpi kta e okihi wicaya, ton-
ye caje wicadapi kin hena. |
| 7. Hi kin he wayuotanin hi,
iyoyanpa kin oyake kta, hecen | 13. We eciyataghan wicaton-
pi xni, qa nakun wicaxta tawa- |

cin kin eciyatohanhan xni; Wa-he, eciyapi. Eliya he niye he, kantanka tawacin kin heeedan eciyapi. Tuka. He miye xni, eciyatohanhan wicatonpi. ake eya. Wicaxta wokcan kin

14. Wicoie kin he wicacerpi henica he. Tuka ake, Hiya, kagapi, unkiyepi kin en ouyne; eya. wowicake waxteya un. Wootanin tawa kin wanunyakapi, wootanin kin he Cihintku ixnana icaga Atkuku eciyatohanhan u kin he iyececa.

22. Qa, Ecin tuwe niye kta, eciyapi: Tuwe deciya unkuxipi hecinhah hoxi wicunkakipi kta e heunniciyapi, qa tuwe niye atayedan he.

15. Jan taku yaotanin kin he he ka, Wake ciqon he dehantu; mihektam u kin he iye iyotan, he iye wakan.

16. Oxungye woxwaxte on wicowaxte he iye eciyatohanhan unkiye owasin unkicupi.

17. Wokiconze kin he Mowis wicaqu, tuka wowicake woxwaxte kin he Jesus Mesiya wicaqu.

18. Tohini Wakantanka kin tuwedan wanyakapi xni; tuka Cihintku ixnana icaga Atkuku maku ohna un kin he sdonye unkiyapi.

19. Jan wootanin waxte oya-ke ciqon wanna dehantu; Jerusalem etahanhan Juda oyate Wo-xnapi kagapi Lewi wieaxta ko ekta ye wicaxipi qa, he tuwe kin oihdake xipi.

20. Tuka Jan hee oihdake xni qa wohdake wicakiya; Mesiya he miye xni, eya wowicakiyaka.

21. Unkan, Ecin tuwe niye

he, eciyapi. Eliya he niye he, Tuka. He miye xni, ake eya. Wicaxta wokcan kin

23. Unkan, Rewoskan wica-bo hotanin kin he miye, Jehowa canku tawa kin yumdaya wo, Esayas wicaxta wokcan eye ci-qon hee.

24. Tona he en u wicaxipi qon he hen Parisiyan hetanhampi.

25. Ecin tokiyatohanhan baptem wicayaqu he; Mesiya he niye xni, kehe, çä, Eliya he niye xni, kehe, çä, wicaxta wokcan kin he niye xni, kehe cin; hen tokiyatohanhan yaka he.

26. Unkan Jan hecen ewicakiya; Miye mini on baptem wi-cawaqu, tuwe nayajinpi kin cokaya najin tuka sdonyayapi xni;

27. He iye iyotan tuka mihektapa tanhan hi, tanhanpe kin wakiyuxdoke kta exta owakihi xni.

28. Hena taku kin Betabara Jordan wakpa kin icahda econ-pi, he en Jan baptem wicaqu.

29. Anpetu iyokihe hehan

Jesus Jan najin kin etkiya u qa Jan wanyaka unkan hecen eya, Wakantanka amnos tawa kin hee, he oyate wartanipi tokan erpeye kte cin ee.

30. He wake ciqon hee; Wicaxta wakan wan iyotan mihektam hi kta ce, epe ciqon wanna hee.

31. Mix eya sdonwaye xni tuka mini on baptem wicawaqu wahi, Juda oyate ekta yuotaninpi kta e hecamon.

32. Hehan ake Jan kaken yaotanin, Marpiya kin eciyatangan Woniya qon he eca wakiyedan optaye karya kulkiya u he wanmdaka qa hiyahdeye ça hinajin.

33. He tuwe kin sdonwaye xni tuka mini on baptem wicaqu maxi qon he omakiyaka; Tohan marpiya kin eciya'anhan Woniya kin kulkiya ye ça tuwe iyahdeye cinhan he iye Wokonze Wakan on baptem wicaqu kta.

34. He wanmdaka e on mdaotanin ; Wakantanka Cihintku kin hee.

35. Ihankayetu hehan Jan taokiye nom om en najin,

36. Jesus omani wanyaka, unkan, Wakantanka Cihintku qon dee, eya.

37. Unkan taokiye kin napin Jesus cajeyan ie cin he naronpi qa Jesus ihakam yapi.

38. Jesus icicawin iyokipta, unkan ihakam yapi, unkan ihdamna qa, De taku ayakitapi he ewicakiya. Unkan ix, Itancan tutke en yati he, eyapi.

39. Upi qa taku wanyaka po, ewicakiya. Unkan kici hdapi, tutke en ounye cin ehan ipi unkan ehan wiyotanhan inaxdoka qa hetanhan anpetu kin he ihuniyan kici en yakonpi.

40. Andre, Simon Inyan sunkaku he umä ee Jan ie naronpi qa Jesus ihakam yapi.

41. Unkan Andre Simon Inyan cincu qon he tokaheya wanyaka unkan, Mesiya he sdayapi eyapi kin iyeunyanpi, eya okiyaka.

42. Qa Jesus ekta ai; unkan Jesus wanyake ça, Jona cihintku Simon niye ce, eciya; Kepas eniciyapi kta he Inyan eyapi, eciya.

43. Ihankayetu kin hehan Jesus Galile heciya ya, unkan Pilipos wanyaka, unkan, Mihamak u wo eciya.

44. Pilipos Betsada hetanhan, nakun Andre Simon kici hetanhampi.

45. Pilipos Natanael akipa unkan heciya, Mowis wokonze en owa qon, qa wicaxta wokcan cajeyatapi qon he wanna iyeunyanpi, unkan Josep cihintku Jesus Nazaren etanhian qon hee.

46. Nazaren etanhan taku waxte wanji u naceca he, Nataael eya. Unkan Pilipos, U qa wanyaka wo, eciya.

47. Jesus Natanael u kin wanyaka unkan, Israel wicaxta rincaka wan dee, wicahnaye wanin un, Jesus eya.

48. Unkan Natanael hey, Tokiyatanhan sdonmayaya he. Unkan Jesus hey, Pilipos nico qon he itokam can ihukuya nayan qon hen wanciyaka.

49. Unkan Natanael hey, Itancan Wakantanka Cihintku Juda oyate Wicaxtayatapi kin he niye.

50. Unkan Jesus, Can ihukuya nayan wanciyaka epa, unkan heon wicayada, eex nakun tokata taku tanka wandake kta, eciya.

51. Qa nakun heciya, Wowi cake, wowicake eciyatohan heciciyapi, Tokata marpiya kin yuzamnipi qa Wakantanka taokiye kin wankantkiya yapi qa ake kuntkiya upi qa Wicaxta Cihintku kin en himniciye kta e wandakapi kta.

WICOWOYAKE 2.

1. Anpetu iciyamni kin hehan Galile makoce en otonwe wan Kana eciyapi hen kiciyuza pi omniciye kagapi; Jesus hunku en opa.

2. Jesus nakun taokiye om en kicopi.

3. Unkan mini xa owasin hdarepapi unkan Jesus hunku kin, Mini xa wanna henakeca, cihintku eciya.

4. Unkan Jesus, Winorinca icitolianyan unyakon he, eciya, naharin iyemicihantu xni.

5. Unkan hunku kin wayutan wicakiyapi, He.tokerin eniciyapi owasin ecen ecom, ewicakiya.

6. Inyan wakixkokpa xakpe en han, he ohna Juda oyate ihdujajapi kta e hdepi.

7. Jesus hena ke çä, Mini ojudan okaxtan po, ewicekiya. Unkan ojugjudan okaxtanpi.

8. Hehan, Onge etanhan icupi qa tipi kin den itancan kin hekaya po, Jesus ewicakiya. Unkan ecen econpi.

9. Tipi en itancan, onge yatkan unkan he mini tuka mini xa icar yapi kin uta (he tokiyatanhan kin sdoneye xni tuka wayutan wicakiyapi mini akupi qon hena sdonyapi) unkan itancan kin tawicu ton qon kico.

10. Qa heciya, Wicaxta eca mini xa waxteka tokaheya yatke wicakiye ciqon qa hehan aoptetu ehake yatke wicakiye ciqon; niye togye ecanonke, aoptetu kin e tokaheya yatke wicayakiye çä waxte kin he ehake yatke wicayakiya.

11. Galile maikoce kin hen Kana otonwe he en Jesus toka taku wapetokeca econ qa wan-yag wicaya; en tokaheya taoki-ye kin taku inihan wicaya econ, he tawootanin kin ee; unkan hehan taokiye kin yukcanpi qa wicadapi.

12. Hehan hunku sunkaku taokiye ko owasin om Kaperna-um en i qa en anpetu tonana un.

13. Anpetu wan en Juda oyate woxnapi ece kin he wanna kiyedan, heon etanhan Jerusalem heciya Jesus i.

14. Unkan tipi wakan kin en wicaxta kin eya tatanka tarinca wakiyedan ko wiopewicakiyapi qa maza ska ko tokiyopeki-ciapi wanyaka.

15. Unkan Jesus icapsinte cikciqadan yugaga wan kage çä on awicape çä tankan iyewicaya, tarinca tatanka ko, qa maza ska tokiyopekiciyapi qon ix owasin kada iyeya qa can wahna wotapi akan heconpi kin he nakun paa-hdapxinyan erpeya.

16. Qa wakiyedan wiyopeya-pi kin ix, Dena owasin tankan iyeya po, qa Ate ti kin de wope-ton tipi kagapi xni po, ewica-kiya.

17. Unkan taokiye kin wo-wapi en kagapi qon he kiksuya-pi, Yati owakiye cin he maya-pote.

18. Unkan Juda oyate, Toki-ya tanhan he oyakihi qa hecanon he, eciyapi.

19. Unkan Jesus, Tipi wakan kin de kawanka po, qa anpetu iciyamni kinhan ake ekicetu wa-ye kta, ewicakiya.

20. Waniyetu wicemna topa qa sam xakpe hehanyan tipi kin de kagapi qa yuxtanpi qon, niye nakaha anpetu iyamnina ekicetu yaye kta, kehe cin; Juda oyate kin eciyapi.

21. Tipi wakan eye cin he iye tanean kin he içica.

22. Hehan iyohakam ta tuka ake ekicetu unkan hehan taokiye kin wowapi wakan en wicoie kagapi qon qa iye atayedan ie cin koya kiksuyapi qa wicadapi.

23. Jerusalem en woxnapi i-cunhan en taku wapetokeca econ unkan ota wicadapi, Jesus en.

24. Tuka Jesus owasin sdon-wicaye cin heon etanhan wacin-wicaye xni.

25. Wicaxta kin tokecapi kin hena owasin sdonwicaye cin he etanhan tuwedan waakiciyatanim ein xni.

WICOWOYAKE 3.

1. Wicaxta wan Parisiyan oyate etanhan Nikodemos eciyapi, Juda oyate itancanpi kin he wanji ee.

2. Hanyetu wan Jesus yanke cin en i qa, Itancan Wakantanka eciyatohan wakonze wanspekiye cin he niye sdonunniyanpi, eciya: Wapetogya nioran kin tuwedan hecen okihi xni, he etahan.

3. Unkan Jesus, Wowicake wowicake eciyatohan heciciya, Wicaxta kin teca ni en tonpi xni kinhan marpiya kin wanyake kte xni, eya.

4. Wicaxta kin kan ehantanhan token ecin teca ni en tonpi kta he, Nikodemos eya; Ake hunku tezi kin mahen kihde çä ake teca ni en tonpi kta he token okihi kta he.

5. Unkan Jesus, Wowicake wowicake eciyatohan heciciya, Wicaxta kin Woniya qa mini eciyatohan tonpi xni kinhan marpiya ekta tin iyaye kte xni, eya.

6. Tuwe wicacerpi on tonpi kin he wicacerpi, qa tuwe Woniya kin eciyatohan tonpi kin he woniya.

7. Taku eciciye cin de ihnuhan niyuxinyaye cin, Detanhan teca ni en nitonpi kta e he waka.

8. Tateyanpa kin toki yatanhan cin eca eciyatohan ipogan eca oqo kin he nayaron tuka tokiya tanhan u kin qa tokiya ye cin he sdonyaye xni. Wicaxta

Woniya kin eciyatohan tonpi kin owasin hècetu.

9. Hena taku kin tokiya tanhan okihipica he, Nikodemos eya.

10. Juda oyate etanhan wonspekiye cin henica, he token de oyakihi xni he, Jesus eciya.

11. Wowicake wowicake eciyatohan, taku unkeyapi kin de unkonspepi e he unkeyapi, Jesus eya; Taku wanunyakapi kin dena unkoyataninpi tuka wounyataninpi kin ayaktapi xni.

12. Taku maka kin detanhan ociciyakapi kin wicayadapi xni, marpiya kin ekta taku ociciyakapi kinhan hee token wicayadapi kta he.

13. Naharin tuwedan marpiya kin ekta i xni, tuwe marpiya kin eciyatohan kuntkiya u qa hi kin he Wicaxta kin Cihintku kin hee, naharin nakun marpiya kin ekta yanka.

14. Rewoskan wanmduxka Mowis wankan ehde kin he iycen Wicaxta kin Cihintku kin wankan ehdepi kta.

15. Heon tuwe awacin kinhan owihanke kte xni, qa owihanke wanin wiconi yuhe kta.

16. Wakantanka oyate kin cantewicakiya heon Cihintku ixnana icage cin wicaqu qa tuwe awacin kinhan owihanke kte

xni, owihanke wanin wiconi yu-
he kta.

17. Wakantanka Cihintku kin
oyate wicaqu kin heon wicayaco
qa owihanke wicaye kta e hecon
xni, heon wicani kta e hecon.

18. Tona he wicadapi kinhan
wicayacopi kte xni tuka tona he
wicadapi xni kinhan hena wanna
wicayacopi, Wakantanka kin
Cihintku caje wicadapi xni kin
he etaphan.

19. Wicayacopi kin he kake-
tu; Oyate kin iyoyanpa en wica-
hiyohi tuka wicaxta kin otpaza
e cinpi qa iyoyanpa e cinpi xni,
wicoran xicapi kin heon.

20. Tuwe taku xica econ kin
he iyoyanpa xice daka, iyoyan-
pa ikiyedan u xni, eran iyope-
yapi kte cin heon.

21. Tuwe wowicake eciya-
tanhan oranye cin he iyoyanpa
kin en u, oran yuotaninpi kta
Wakantanka eciyatohanhan oranye
cin heon.

22. Hetanhan Juda makoce
héciya Jesus taokiye om ya, qa
en om un, qa baptem wicaqu.

23. He icunhan Jan Enon
Salim ikiyadan baptem wicaqu,
hen mini ota kin he etanhan.
Unkan baptem wicaqupi kta e
etkiya aye.

24. Hehanyan naharin Jan
kaxkapi xni.

25. Taku hdokinicapi Juda

oyate wicaxta Jan taokiye om,
baptem wicaqu kin he icartag-
ya.

26. Unkan Jan taokiye kin
Jan en ipi qa, Jordan wakpa ka-
hda tuwe kici nayajin qa daota-
nin qon he wanna baptem wica-
qu, unkan owasin en ece iyopta-
pi, Jan eeiyapi.

27. Tuwedan takudan sdonye
kte xni, wankan tanhan taku
qupi kin hecedan taku kin sdonya,
Jan eya.

28. Mesiya kin he miye xni
ce, epa nainayararonpi, tuka he
itokam u maxepi, Jan eya.

29. Tuwe tawicu ton kin he
hihna yanpi kin hee, hihna yan-
pi takodaku kin en taninyan ana-
goptan najin qa hihna yanpi ho
kin nina iyuxkin. Taku imdu-
xkin wanna iyecetu.

30. He iye nina icage ça mi-
ye ecetu xni amaye kta.

31. Tuwe wankan tanhan hi
kin, he taku, owasin iwankam
ounye. Tuwe maka etanhan hi
kin, he maka etanhan qa maka
kin iyeeenya oie kiton. Tuwe
marpiya kin, eciyatohanhan hi kin
he taku owasin un iyotan.

32. Taku wanyake ça taku
naron kin he owasin yaotanin
tuka taku yaotanin kin tuwedan
wicada xni.

33. Taku yaotanip kin he tu-

we wicada kinhan Wakantanka
wicake cin yaotanin.

34. Wakantanka tuwe u xi
kin he Wakantanka oie oyaka;
Wakantanka Wowakan kin iyu-
ta qu xni, ocowasin qu.

35. Atkuku kin Cihintku wa-
xte kidake ça he etanhan taku
owasin tawa kiya: Cihintku ya-
pi kin he tuwe awacin kinhan
owihanke wanin wiconi yuhe
kta; tuwe Cihintku kin he awa-
cin xni kinhan owihanke wanin
wiconi wanyake kte xni qa Wa-
kantanka wocanniye tawa kin
wanna aunye.

WICOWOYAKE 4.

1. Parisiyan hecen naronpi,
Itancan kin taokiye ota içicaga
qa baptem ota wicaqu. Jan econ
qon sam iyeya econ, unkan Itan-
can kin ix nakiron.

2. Jesus iye atayeden baptem
wicaqu xni, taokiye kin hee he-
conpi.

3. Unkan Judeya makoce a-
yuxtan qa Galile heciya e ki.

4. Samariya he en acanku
ya.

5. Qa otonwe wan Sukar eci-
yapi Samariya makoce en, Josep
en ounye kta e Jakob atkuku qu
qon he ikiyedan.

6. Jakob miniowe tawa kin
he etu Jesus mdokiye hda qa

miniowe kin he ahankeya iyo-
tanka. Anpetu kin he en wiyo-
tanhe cin hehantu.

7. Samariya oyate etanhan
winorinca wan mini huwe hi,
unkan Jesus, Mini maqu wo,
eciya.

8. He icunhan taokiye kin
otonwe kin ekta taku yutapi ope-
ton iyayapi.

9. Winorinca Samariya oyate
etanhan qon hecen eya, Juda
wicaxta kin henica, Samariya
oyate kin hematanhan he tokeca
e mini mayakida he. Juda oya-
te Samariya oyate kici takudan
ikicitukapi wanice ciqon.

10. Wakantanka wowakte e-
canicon kin de sđonyakiya un-
kanx, niye mini yakida kta tuka,
kinhan mini wiconi niçu kta tu-
ka. Jesus winorinca eciya.

11. Mini kin de temahentuya
hiyeya qa takudan on edaku kte
xni, tokiya tanhan mini wiconi
edaku kta he, winorinca kin eya,
Itancan kin ke ça;

12. Jakob ate unyanpi mini
kin de etanhan yatkan qa cincea
kin owasin nakun qa tawanu-
yanpi ko, Jakob hecon qa mini-
owe kin de unqupi qon niye ini-
yotan he.

13. Unkan Jesus, Tuwe mini
kin de etanhan yačke cin nakun
ipuza kta;

14. Qa tuwe mini waqu kte

cin etanhan yatke cin icimana ipuza kte xni. Mini yatkanpi kta wicawaqu kin he owihanke wanin wiconi iyahdeya kaduze kta, eya.

15. Unkan winorinca kin, Itancan mini kin he etanhan maqu, hecen imapuza kte xni qa nakun icimana mini kin de huwe wahine kte xni, eya.

16. Unkan, Niihna kico ya wo qa den kici hi wo, Jesus eya.

17. Tuka, Miihna kin wanica, winorinca kin eya. Niihna wanica kehe cin he hecetu eecen eha ce, Jesus eya.

18. Niihna zaptan tuka eha-ke hihna yaye cin de nakun ni-tawa xni, Jesus eya.

19. Itancan, wicaxta wokean kin henica imdukcan, winorinca kin eya.

20. Hunkake wicunyanpi paha kin de en ohoundapi kte eyapi, qa nix Juda oyate, Jerusalem en Wakantanka ohoundapi kta, ehapi.

21. Anpetu wan u ce, paha kin de en ohoyadapi kte xni qa Jerusalem nakun en ohoyadapi kte xni; winorinca, wicamada wo hena hecetu kte, Jesus eya.

22. Taku ohoyadapi kin he sdonyayapi xni tuka hecanonpi ce. Unkiye taku ohoundapi kin he sdonunyanpi ce. Juda oyate heciyatohan wiconi u kin hee.

23. Anpetu u kin he wanna hiyohi, tona wowicake eciyatohan ohodapi kin hena woksape wowicake eciyatohan Ate yapi kin ohodapi kta. Ate yapi kin he hecen woohodapi kta eye cin hee.

24. Woksape kin he Wakan-tanka kin ee; tona ohoda kinhan hena woksape wowicake eciyatohan ohoda kta.

25. Mesiya Sdayapi eyapi kin hi kta, tohan hi kinhan taku kin hena owasin unkokiyakapi kta e sdonwaya, winorinca kin eya.

26. Mesiya he miye e ociciya ce, Jesus eya.

27. He incunhan taokiye en hdipi, unkan winorinca wan ki-ci okiciciya wanyag inajinpi unkan yuxinyayapi. Tuka wan-jidan, He tokeca e kici iya he, eciyapi xni.

28. Hena hecetu unkan winorinca kin wakixkotpa erpeya kihde çä otonwe kin ekta ki.

29. Wicaxta kin wanyag u miye, oyate owasin ewicakiya. Mesiya hee seca ce. He naka tanina taku ecamon qon owasin sdonye çä omiciyaka ce, winorinca kin eya.

30. Unkan oyate kin otonwe kin etanhan tankan enanpa qa Jesus najin kin en ai.

31. He icunhan taokiye kin, Itancan wota wo, eciyapi.

32. Taku yutapi wan wata tuka sdonyayapi xni, Jesns ewi cakiya.

33. Hakam tuwe wo kahi naceca ce, taokiye kin ekiciyapi.

34. Unkan Jesus heya, Tuwe u maxi kin he tawacin opeya token oranye maxi he taku wate cin ee.

35. Ehake wi topa kinhan taku mnaunyanpi kta ce, ehapi. Tuka mix kaken epa, Wankan etonwanpi qa mága kin owasin wanyaka po, wanna owasin ska qa mnayanpi kin wanna iye-hantu.

36. Tuwe taku mnaye cin he iyakiçuya ikiciyawapi kta, he owihanke wanin wiconi waskuyeca mnaye kta, hecen on tona woju qa mnakiye cin hena wi-yuxkin mnayanpi ce kta.

37. Wanji woju qa wanji mnayan, eyapi qon dee e wicakapi.

38. Niye rtayanipi xni tuka wamnayanpi he econ ciipi. Apa rtanipi unkan he rtanipi kin en niye oyapapi.

39. Winorinca kin, Token ecamon qon owasin omiciyaka ce eye ciqon heon wicaxta Samariya oyate otonwe kin he en ota Mesiya hee kin wicadapi.

40. Qa Samariya oyate Jesus en hipí qa cekiyapi, iye tipi kin

en un xipi. Unkan en nonpa can un.

41. Ia naronpi kin hehan ota Mesiya en wicadapi.

42. Taku odake cin he etanhān wicaundapi kin hee xni, unkix eya naunronpi, Mesiya hee qa oyate wanikiye kte cin hee e sdonunyanpi, winorinca kin eciyapi.

43. Inonpa can hehan Galile heciya hda.

44. Jesus iye atayedan hdaotanin, Wicaxta wokcanke cin he iye tamakoce ekta ohodapi xni, keya.

45. Galile he en i unkan Jerusalem en i kin he ehan taku econ wanyakapi kin heon etanhān tanyan iyowinkiyapi qa omnickiye kagapi kin oyate en ipi hena on etanhān koya.

46. Galile en Kana otonwe kin en Jesus heci i eya mini ikceka mini xa icar ye ciqon hetu. Unkan he en wicaxta itancan kin he wanji cihintku wayazanka en un, Kapernaum hetanhān wicaxta.

47. Wicaxta itancan kin he Jesus Judeya makoce hetanhān qa Galile hen hi naron heon etanhān, Jesus i kin en i qa cekiyapi, cihintku wayazanke cin te kte cin he asni ye xi.

48. Taku wóyaka wapetokeca

wandəkapi xni kex wicayadapi xni ece, Jesus eya.

49. Unkan wicaxta itancakin, Itancan kuntkiya u wo, micinkxi te xni kin en itokam.

50. Unkan, Hunktiya wo, nicinkxi kin tokidan yazan xni ce, Jesus eya. Unkan wicaxta kin Jesus ie cin wicada qa ekta hda.

51. Tiyatakiya hda unkan wicaxta wowidake wicayuhe cin awicakipa unkan, Nicinkxi kin tokidan yazan xni ce, eya okiciyakapi.

52. Wi kin tohan yanka hehan tokidan yazan xni he, eya iwicawanga. Unkan, Rtanihan wiyotanhā kitanna inaxdoke cin hetanhā tokidan yazan xni, eyapi.

53. Unkan hokxidan wayazanke cin atkuku kin rtanihan wi kin hehan yanke çehan Jesus heciye ciqon hehantu e kiksuya. Tiyochnaka tawa kin iye koya wicadapi.

54. Jesus Judeya makoce etanhā Galile icicawin en hdi, wapetokeca oranye cin he icinonpa kin he hee.

WICOWOYAKE 5.

1. Hehan iyohakam Juda oystate omniciye wan kagapi he icunhan Jesus Jerusalem he en i.

2. Jerusalem en tarinca wanuyanpi tiyopa kin he en ikiyadan mini kiwitayapi Betesda eciyapi zaptankiya aohanziya hdepi.

3. Aohanziya hdepi kin he en ihukuya wicaxta wayazanka ota, huxte, ixta gonga, taçaka ko ota en makan hiyeya, mini xkanxkan ape hiyeya.

4. Wakantanka taokiye wan he en hi eca mini kin he xkanxkan ya cee. Tokiya yazan kin owasin tohan mini kin he xkanxkan eca tuwe tokaheya en iyorpeiçiya eca asni ece.

5. Wicaxta wan he en wanka, waniyetu itopa xahdogan hehan tanhan wayazanka.

6. Wicaxta kin he makata wanka, wanakaja tanhan wayazanka Jesus wanyaka; Anisni yacin he, eciya.

7. Mini kin xkanxkan kex tuwedan en iyorpemaye xni, wicaxta wayazanke cin Itancan kin eciya; En mde kta kex mitokam tuwe tokeca en iyeiciya ece.

8. Najin qa owinja kiçin qa mani wo, Jesus eciya.

9. Unkan wicaxta kin akisni qa owinja kin ehdaku qa mani. He anpetu wakan icunhan.

10. Wicaxta asni yanpi qon he, Anpetu wakan icunhan owinja yeçin kin he tokiyatihan

hecen ecanon he, Juda oyate ahdeyapi; Wakantanka kici aki-eciyapi.

11. Tuwe asni maye cin he, Owinja kiçin mani wo, emakiya, ewicakiya.

12. He wicaxta kin tuwe he, Owinja kiçin qa mani wo, eni-ciya he, eciyapi.

13. Wicaxta asni yanpi kin he tuwe asniye cin he sdonye xni. He icunhan wicota en ehna Jesus iyaye çä icunom iyaya.

14. Hehan iyohakam tipi wakan en wicaxta kin he Jesus wanyaka, unkan, Icimana wrtani xni wo, okini ake taku wanji xica sanpa tanka iyanihde nun ce, eciya.

15. Unkan wicaxta kin he kihde çä, Tuwe asniye cïqon he Jesus ee, Juda oyate owicaki-yaka.

16. Heon etanhán Juda oyate Jesus kuwa ayapi, anpetu wakan icunhan waasniye cin heon etanhán te yapi kta e heconpi.

17. Unkan, Ate naharin rtani he etanhán mix eya rrawani Jesus ewicakiya.

18. Unkan Juda oyate hehan iyotan Jesus te yapi kta sanpa akitapi, anpetu wakan botica qa nakun Wakantanka atayeden dan Ate ya keiçiyé cin he-on etanhán hehan iyotan wocant-

ahdeyapi; Wakantanka kici aki-decen ihdawa kin heon.

19. Unkan Jesus hewicakiya; Wowicake wowicake eciyat-anhan heciciyapi, Cihintku yapi kin takudan iye cinka hecon xni; Ate ye cin taku kaga wan-yaka eca hehan ix eya iyecen kaga.

20. Wakantanka Cihintku kin waxte kidake cin heon taku econ kin hena owasin onspekiya qa nakun eex taku tokata sanpa tanka econ wandakapi kta, kin-han taku iwandakapi qa ini-nihanpi kta.

21. Wakantanka tuwe ta kex ni ye çä wiconi wicaqu ece he etanhán Cihintku kin ix tona in kinhan ni ye çä wiconi wica-qu kta.

22. Wakantanka iye tuwedan yaco kte xni, Cihintku kin wo-yaco qu.

23. He etanhán owasin Wakantanka token ohodapi hecin-han he iyecen Cihintku kin oho-dapi kta. Tuwe Cihintku kin ohoda xni kin he Atkuku u xi kin he nakun ohoda xni.

24. Wowicake wowicake eci-yatanhan heciciyapi, Tuwe mi-oie kin anagoptan kin he qa u maxi kin he awacín kinhan owi-hauke wanin wiconi yuhe kta qa woyaco en i kte xni, wanna wi-conje etanhán wiconi ekta e i.

25. Wowicake wowicake e-
ciyatanhān heciciyapi, Anpetu
wan u qon wanna hi, wicaxta ḫa
tona Wakantanka Cihintku ho
kin de naron kta, qa tona naron
kinhan hena ni kta.
26. Wakantanka iye cinka
wiconi hduha, he etanhan Ci-
hinku kin ix iye cinka wiconi
hduhe kta e qu.
27. Qa nakun wowaxake wo-
yaco kin he nakun Cihintku qu,
Wicaxta kin Cihintku kin e heon
etanhan.
28. Ihnuhan hena ininihanpi
kin do; anpetu wan u qa hi kta
ce, wicaxta wicarapi kin owasin
Wakantanka Cihintku ho naron-
pi kta.
29. Kinhan tona wicoran wa-
xte econ kin hena hninanpapi
qa wiconi on ikicagapi kta qa
tona wieoran xica econ kin hena
ix hninanpapi qa wicotakuni xni
on ikicagapi kta.
30. Miye cinka taku ecamon
owakitpani, taku mdaco kin hena
taku nawaron kin heciya tanhan,
qa taku mdaco kin hena heeetu.
Miye mitawacinc he owakide xni,
tuwe u maxi kin he tawacinc o-
wade.
31. Miye mihdaotanin kin he
awacinpica xni.
32. Wanji tokeca mayaotanin
kin hee awacinpapi kta.
33. Janounye cin ekta ye
- wicayaxipi; unkan taku yaota-
nin kin wowicake kin hee.
34. Wicaxta kiciyaotaninpi
kin he awakite xni; hena on
yanipi kta e heciciyapi.
35. Jan he peta ijanjan oran-
ko qa okitanin, unkan ecadan
iyoyanpa kin he kohanna iyu-
xkinpi yacinpi.
36. Miye taku mayaotanin
kin he Jan tawa kin sam iyeya
tanka. Ate wicoran maqu hena
iyecetu iyokihi makiye ḫa wi-
coran ecamon kin hena mihdaotanin
kia hee.
37. Ate u maxi kin he [ma-
hdaotanin. Tohini itohnake
wandakapi xni qa ho nayaronpi
xni.
38. Qa oie kin en niunpi xni,
tuwe u xi kin he wicayadapi
xni.
39. Wowapi kin en akita po,
he en iyececa ce, heciya tanhan
owihanke wanin wiconi duhapi
kta hecanipi, hena mayaotanin
kin ee.
40. Tuka miye en mayaupi
yacinpapi xni qa owihanke wanin
wiconi duhapi kte xni.
41. Wicaxta ekta mitawootanin
kin awecite xni.
42. Wakantanka taku iyokipi
kin he en niunpi xni e sdon-
waya.
43. Ate cajeyan wahi tuka
iyowinmayakiyapi xni, tuwe iye

caje atayeden hduha hi kin hee iyowinyakiyapi kta.

44. Niye iyakitedan nitawo-otaninpi kin ayecitapi qa Wakantanka eciyatohanhan wootanin kin ayakitapi xni, he token on wicayadapi kta he.

45. Ate en aciyapi kta e ke-canmakinpi xni po, Mowis he wacinyayapi qon he iye en aniyanpi kta.

46. Mowis wicayadapi hecinhan mix eya wicamayadapi kta tuka. He miye on wowapi kaga.

47. Wowapi en kagapi kin hena wicayadapi xni, ecin token mioie kin wicayadapi kta.

WICOWOYAKE 6.

1. Qa hehan Jesus Galile mde opta iyaya.

2. Unkan oyate ota ihakam yapi, wicaxta wayazanpika en wapetogya oranyan wanyakapi qon heon etahan.

3. Tuka Jesus paha wan ekta iyaya qa taokiye om akan iytanka.

4. Juda oyate anpetu wan en woxnapi ece qon he icunhan ikiyadan ihan.

5. Jesus pa yuwankan icu unkan oyate ota yanke cin en au wanwicayake çä Pilipos heciya, Tokiya taku yutapi opeun-

tonpi qa de upi kin de wicun-upi kta he.

6. He yukcan kta on etahan heciya, token econ kte cin he sdotkiya tuka he hecen eya.

7. Pilipos ix ito heciya, Maza ska opawinge nom aguyapi iyopeyapi qa wicaupi exta nakuu iyowicahi kte xni.

8. Taokiye kin wanji nakun tokeea Simon Inyan sunkaka Andre eciyapi he ake heciya;

9. Psin ska aguyapi zaptan qa hogan nom hena den hokxidan wan yuha tuka wicota qa henana on token ranpica he.

10. Unkan, Owasin iyotanke wicaxi po, Jesus eya. He en peji ota. Wicaxta kin hena iyotankapi unkan kektopawinge zaptan iyecetu.

11. Jesus aguyapi kin hena icu qa yuwakan qa taokiye wicaqu; unkan taokiye kin iytang hiyeye ciqon wicakipamnipi; qa nakun hogan tohanyan cinpi kin he iyecen wicaupi.

12. Imnanpi unkan hehan taokiye hewicakiya, Oyaptapi kin hena pali po, hecen takudan atakuni kte xni.

13. Unkan psin ska aguyapi oyaptapi qon he etahan makan-opiye ohnaka ake nonpapi pahipi.

14. Taku wapetogya Jesus econ kin oyate kin wanyakapi

qa heon heyapi, Wicaxta wokcan itancan oyate en hi kta keyapi qon he wanna dee.

15. Oyate kin Jesus icupi qa wicaxtayatapi kar wacinpi esdotkiya qa paha kin icunonpa akan ixnana iyaya.

16. Irtayetu unkan taokiye kin mde kin ektakiya yapi.

17. Wata wan en opapi qamde kin he opta yapi, Kapernaum heciya i wacinpi; otpaza tuka Jesus hehan ki xni.

18. Tateyanpa qa on nina taja.

19. Wiyutapi wickemna nonpa sam zaptan qa ix wickemna yamni hehanyan watopapi, wata kin ikiyadan Jesus mini amani kiyaya wanyakapi, unkan yuxinyayapi.

20. He miye ce, ihnuhan koyakipapi kin do, eya.

21. Unkan iyokipipi qa wata kin ohna iyowinkiyapi; wata he toki ye ciqon he wanna en ihuni.

22. Ihankayetu hehan wata wanica, Jesus taokiye en opapi qon hecedane oyate wanyakapi, ehan Jesus en ope xni wanyakapi, taokiye ecedan iyayapi.

23. Jesus aguyapi yuwakan qa yutapi qon he en ikiyadan Tiberiyas eciyatohan wata toktokeca en hipi.

24. Oyate kin Jesus taokiye

om he en yukanpi xni wanyakapi, unkan oyate kin wata kin hena en opapi qa mde kin opta yapi, Jesus Kapernaum heci un kin he ekta yapi.

25. Mde kin ihunipi unkan Jesus iyeyapi, unkan, Itancan tohini den yahi he, eciyapi.

26. Wowicake wowicake eciyatohan heciciyapi, Omayadepi kin he taku wapetokeca wandalakapi kin heon hecanonpi xni, aguyapi imnahán yatapi qon e heon omayadepi, Jesus eya.

27. Taku yutapi on wicatakuni xni heon rtanipi xni po; taku yutapi on owihanke wanin wiconi hee on rtani po, he Wicaxta kin Cihintku niçupi kta; Ate yapi Wakantanka kin wan-na askamton.

28. Unkan token econkupi kinhan he Wakantanka tortani kin ee kta he, eciyapi.

29. Wakantanka tortani kin he dee, tuwe u xi kin he wicayadapi kinhan, Jesus ewicakiya.

30. Unkan, Taku wapetokeca ecanon kin tukte e heon anaungoptanpi qa he niye kin wi-caunnidapi kta'he, Jesus eciyapi; Nioran kin tukte e he.

31. Hunkake wicunyanpi kin eya wanna rewoškan mana wi-caqupi qa yutapi qon he marpiya eciyatohan aguyapi yutapi kta e wicaqupi.

32. Wowicake wowicake eci-yatanhan Mowis marpiya aguyapi kin he niçupi xni, ewicakiya; Ate marpiya aguyapi wowicake kin he dee e nakaha niçupi.

33. Marpiya aguyapi kin he tuwe marpiya eciyatohan kun-tkiya u qa hi qa oyate wiconi wicaqu kin hee.

34. Unkan, Eca Itancan aguyapi kin he ohiniyan unqu po, eciyapi.

35. Aguyapi wiconi kin he miye, Jesus ewicakiya; Tuwe en mau kinhan wotektehda xni un kta qa tuwe wicamada kinhan ipuza xni un kta.

36. Eya wanna wanmayada-kapi tuka wicamayadapi xni e eciciyapi qon.

37. Ate tona maqu kin owasin miye en mau kta qa tuwe en mau kinhan tankan iyewaye kte xni.

38. Marpiya eciyatohan wahi kin he mitawacin owape kte xni, tuwe u maxi kin he tawacin owécipe kta.

39. Tuwe u maxi kin he ta-wacincin kin he dee, tona maqu kin wanjidan tokierpewaye xni, ecen anpetu ihankeya kin piya icar waye kta.

40. Tuwe u maxi kin he ta-wacincin kin he dee, tona Cihintku yapi kin he wanyake çä

wicada kin hena owihanke wan-nin wiconi yuhe kta, qa anpetu ihankeya kin he en piya icar waye kta.

41. Marpiya aguyapi he miye e marpiya eciyatohan wahi ce, eye ciqon heon Juda oyate wihnupi.

42. Bex de Jesus eciyapi e Josep cihintku kin he dee sece ciqon, atkuku hunku kici sdon-wicunyanpi qon: Marpiya eciyatohan wahi ce, eye cin he token ka he.

43. Niye iyakitedan en wi-wieahnupi xni po, Jesus ewicakiya.

44. Tuwedan iye cinka en mau kte xni, Ate u maxi qon tuwedan en au xni kinhan, qa anpetu ihankeya kin en piya icar waye kta.

45. Wakantanka eciyatohan wicaxta kin owasin wowicaki-yakapi kta ce, wicaxta wokean kin he eya wowapi kagapi qon. Tona Ate waonspewicakiye çä anagoptanpi kin hena owasin en maupi kta.

46. Tuwedan Ate yapi kin wanyake xni, tuwe Wakantanka etanhán u kin hecedan Atku-ku wanhdaka.

47. Wowicake wowicake eciyatohanheciciyapi, Tuwe miye wowicake maye cinhan owihanke wanin wiconi yuhe kta.

- 48. Aguyapi wiconi he miye. tuwe mayute cinhan miye on ni
 - 49. Nihunkakepi kin rewo- un kta.
 akan mana yutapi tuka täpi.
 50. Marpiya eciyatohan agu- yapi hi kin he dee, tuwe etan- han yute cinhan te kte xni.
 51. Aguyapi ni un kin he miye, marpiya eciyatohan wa- hi ; tuwe etanhan yute cinhan owihanke wanin ni kta. Agu- yapi wicawaqu kin he micерpi kin ee wicawaqu, heonoyate wiconi kta, eya.
 52. Wicaxta kin de iye cerpi etanhan unqupi qa untapi kta heye cin, he token okihi kta e heya he, Juda oyate iyakitedan eya hdokinicapi.
 53. Wowicake wowicake eciyatohan, Wicaxta kin Cihintku cerpi etanhan yatapi xni qa we kin datkanpi xni kinhan niye cinka yanipi kte xni, Jesus ewicakiya.
 54. Tuwe micерpi etanhan yute çä mawe yatke cinhan owihanke wanin wiconi yuhe kta, qa anpetu ihankeya kin piya icar waye kta.
 55. Micерpi kin he woyute otancanke qa mawe kin he wo- yatke otancanke.
 56. Tuwe micерpi yute çä mawe yatke cin he mici un qa mix kici waun.
 57. Ate u maxi kin he ni un qa Ate on ni waun, he etanhan
- tuwe mayute cinhan miye on ni
 58. Aguyapi marpiya eciyatohan hi kin he dee. Nihunkakepi mana yutapi qon de iyecece xni, he yutapi tuka täpi. Tuwe aguyapi kin de etanhan yute cinhan owihanke wanin wiconi yuhe kta.
 59. Kapernaum tipi wakan ohna Jesus hena hecen eya.
 60. Taokiye kin ota, Wicoie kin de teuke, tuwe de okihi kta he, iyakitedan ekiciyapi.
 61. Taokiye kin iyakitedan taku ekiciyapi sdonya unkan, He taku e on kixdeniyani he, Jesus ewicakiya.
 62. Wicaxta kin Cihintku wankan un qon ake ekta kihde çä wandakapi kinhan taku tokeca kta he.
 63. Woksape kin he waniye, wicacerpi token econpica xni. Wicoie eciciyapi kin he wicosape qa ni un.
 64. Tuka wanjikji he wicayadapi xni. Otokahe ekta tan- han tona wicadapi kte xni qa nakun tuwe wiyoeye kte cin hena Jesus sdonya.
 65. He etanhan heciciyapi qon, Tuwedan iye cinka en mau kte xni, tona Ate taku wi- caqu henana heconpi kta eya.
 66. Hecetu unkan taokiye

kin apa ayuxtanpi qa icimana ihakam yapi xni.

67. Taokiye ake nonpapi kin, Niye qe yahdapi kte xni he, Jesus ewicakiya.

68. Itancan, ecin tuwe ekta unyanpi kta he, Simon Inyan eciya; Owihanke wanin wiconi wicoie duhe cin.

69. Wakantanka wiconi Ci-hintku Mesiya he niye sdonun-niyanpi qa wicaunnidapi.

70. Ake ninonpapi kin de niye cicarnigapi tuka wanji wakan xica yaunpi, Jesus ewicakiya.

71. Simon cihintku Judas Is-kariyot he ke çä hecen eya. Ake nonpapi kin he etanhantuka he wiyopeye kte cin ee-ktta.

WICOWOYAKE 7.

1. Hena iyohakam Jesus Galile en un, Juda oyate te yapi kta akitapi heon Judeya makoce en un wacin xni.

2. Juda oyate anpetu en wo-xnapi ece kin he wanna kiyan-dan aye.

3. Detanhant Judeya makoce heci ya wo, nitaokiye nioran wanyakapi kta.

4. Tuwe taku waxte econ eca narmana econ xni ece. Ta-ku ecanon kin hena oyate owa-

sin en ihdutanin wo, sunka wi-caye cin eciyapi.

5. Sunka wicaye cin nakun wicadapi xni kin he okipapi.

6. Niye qe wanna anpetu kin ehan yaipi qa wiyea niciyan-kapi, qa miye e naharin iyemi-cihantu xni.

7. Oyate kin xice nidapi kte xni; wicoran xice cin he mda-tanin kin heon xice madapika.

8. Niye qe woxnapi kte cin ekta ya po. Miye qe naharin taku iyemichantu xni, ekta mde kte xni.

9. Hewicakiye çä hehan Galile en un.

10. Sunkaku iyayapi kin iyo-hakam hehan ix woxnapi kte cin ekta i, taninyan i xni, na-rmana i.

11. Woxnapi kin icunhan Juda oyate odepí qa, Tokiya iyaya he, eyapi.

12. Qa oyate kin iapi ota on aiapi. Oyate kin apa, He wi-caxta wowaxte, eyapi. Tuka apa ix heyapi, He oyate wica-hnayan.

13. Juda oyate kowicakipapi heon etanhantuwedan taku atan-nyan eye xni.

14. Woxnapi kin cokaya hdopi unkan Jesus tipi wakan ohna inajin qa wowicakiyaka.

15. Wicaxta kin de tokiya tanhan wowapi kin onspe he,

tohini onspekiyapi xni qon, Ju-
da oyate iyakitedan ekiciyapi.

16. Wociciyakapi kin de mi-
ye etanhan xni, tuwe u maxi
kin he iye etanhan.

17. Tuwe Wakantanka tawa-
cin ecen econ wacin kinhan,
mioie kin dena miye cinka he-
cinchin qa ix Wakantanka eciya-
tanhan hecinhan, sdonye kta.

18. Tuwe iye en oie içiye
cin he iye ihdatan. Tuwe to-
kiya tanhan u xipi he ecedan
okide kin hee wicadapi kta qa
taku xica en un xni.

19. Mowis wokonze wan ni-
çupi, tuka wanjidan qaex ecen
oyapapi xni. Taku on te ma-
yayapi kta e ayakitapi he.

20. Tuwe te niyan akita he.
Wakan xica niyuhnaxkinyan,
oyate kin eciyapi.

21. Wicoran wanji wakaga
unkan owasin niyuxinyayapi,
Jesus ewicakiya.

22. Mowis ohomni baxpapi
wicoran wanna niçupi qon he
iye etanhan u xni, hunkake wi-
cayapi kin heciya tanhan u; qa
anpetu wakan eca wicaxta wan
ohomni bayecixpapi ece.

23. Anpetu wakan eca wica-
xta wanji he iyowinkiye çä
Mowis wokonze kaga manonpi
kte xni, wicaxta wan anpetu
wakan en okizi waya taku on
cantamayahdepi he.

24. Wiyacinyan wayacopi
xni po, wokonze e eciyatohan
wayaco po.

25. 'Te yan akitapi kin he
dee, Jerusalem etanhan wanji-
kji heyapi.

26. Wanna kagi xni ia tuka
tuwedan taku eciye xni. Wica-
xta itancanpi kin wanna Mesiya
kin he de eca iyeyapi he.

27. De tokiyatohan kin sdon-
unyanpi; tohan Mesiya hi kina-
han tokiya tanhan u kin tuwedan
sdonye kte xni, eyapi.

28. Tipi wakan kin ohna Je-
sus hotankakiya wowicakiyaka
hewicakiya, Tuwe miye kin
sdonmayayapi qa tokiya tanhan
wau kin he nakun. Miye cinka
wahi xni. Tuwe u maxi kin
he wicaka tuka sdonayayapi xni.

29. Mixnana sdonwaysa, he
iye etanhan wahi, he u maxi
kin ee.

30. Unkan tinsa yuze wacini-
pi tuka naharin iyehantu xni kin
heon okitpanipi.

31. Oyate kin etanhan wicota,
Hee, kecinpi. Tohan Mesiya
hi kinhan de taku wapetogya
econ kin he sam iyeya hecon
kta he, eyapi.

32. Oyate kin iyakitedan he-
kiciyapi he Parisiyan sdonayapi
unkan Woxnapi kagapi kin he
om ekiciyapi qa akicita ye wi-
caxipi, Jesus kaxke wicaxipi.

33. Ehake tokata wapa oci-papi waun kta, hehan tuwe u maxi kinhan heciya wahde kta.
34. Tohan amayakitapi exta iyemayayapi kte xni qa tokiya waun kin ekta yaupi kta exta oyakitpanipi kta.
35. Tokiya un kta e unkoki-tpanipi kta e heya he, Juda oya-te iyakitedan ekiciyapi; Helenes oyate kin ehna eniciciya iyayapi qon heciya ye çä wowicakiyake kta he.
36. Amayakitapi kta tuka iye-mayayapi kte xni, tokiya waun kin ekta yaupi kta exta oyaki-tpanipi kta, he token ka he, eyapi.
37. Ehake anpetu omniciye tanka he en Jesus hotankakiya heya, Tuwe ipuza kinhan en mau qa mini yatke kta.
38. Tuwe wicamada kinhan mini rdoka mini tancan kin etan-han kaduze kta.
39. Woksape Wakan kin he ka, tuwe Jesus wicada kinhan qupi kte cin he ka; he ehan na-harin Woksape Wakan kin wi-caqupi xni, naharin Jesus wo-witan ehan i xni.
40. Oyate kin etanhan wico-ta, De wokcan itancan kin hee, eyapi.
41. Apa ix, He de Mesiya ee, eyapi. Mesiya Galile hen u kta he, apa ix eyapi.
42. Dawid etanhan wicoicage Mesiya hetanhan hinanpe kta, wowapi wicowoyake en eyapi qon.
43. Hetanhan oyate kin aki-pam wacinkiyuzapi.
44. Oyate kin etanhan ix ka-xke wacinpi tuka, tuwedan oyutan xni.
45. Akicita icicawin kipi un-kan, He tokeca yakaxkapi xni he, Woxnapi kagapi qa Parisi-yan eyapi.
46. Wicaxta hiyeye cin tu-wedan tohini wicaxta kin he iyeceen oie ye xni, akicita kin eyapi.
47. Nix nakun nibnayanpi he, Parisiyan akicita ewicaki-yapi.
48. Wicaxtayatapi wanjikji qa Parisiyan ko he wicadapi he.
49. Oyate kin de wokonze yukeanpi xni he etanhan warte-pi xni.
50. Nikodemos hanyetu ehan Jesus yanke cin en i qon he itancanpi kin wanji ee hewica-kiya;
51. Wokonze unkitawapi kin wicaxta token oranye çä token oie ye cin ataninyan wanunyakapi xni ocowasin yacopi kta eya he, eya.
52. Nix Galile henitanhan he, eciyapi; Wawiwanga wo, wo-

kcanpi uye cin owasin tuwedan Galile etanhan xni;

53. Eyapi, qa hehan token tipi ecen otoiyohi kihdapi.

WICOWOYAKE 8.

1. Wihdi kagapi can paha en itoheya Jesus iyopta.

2. Qa hetanhan anpao sanyan hinanpe cin hehan tipi wakan en ki unkan oyate kin owasin en hiheya.

3. Unkan Wowapi kagapi Parisiyan ko winorinca wan narma ihduxaka e en kahipi qa cokata ehdepi;

4. Qa heciyapi, Itancan winorinca kin de taku narmana econ wanka icunhan iyeyapi.

5. Mowis wokonze kage cin he hecen unkekiciyapi, Tona wicoran decen econ kinhan inyan on kinin kaçapi kta, keya. He token ehe kta he.

6. Token eye cinhan hetanhan on iyukcanpi kta on heciyapi. Tuka icunhan Jesus karin inajin qa nape kin on maka kin en wowa.

7. Tuka icunhan kixdeyapi unkan owotanna inajin qa hewicakiya, De nayajinpi kin tuwe woartani wanin un kinhan he tokaheya inyan on kinin kta.

8. Heye çä ake patux inajin qa ake maka kin en wowa.

9. Hecen ewicakiya unkan he

awakicin najinpi qa wanjikjidan tankata kinanpapi, wanakax wota he wohakakta koya owasin. Unkan winorinca cokata ehdepi qon he kicihnana Jesus onihan yanka.

10. Unkan Jesus ihduowotanna, unkan tuwedan wanyake xni, winorinca ecedan ecen najin, unkan heciya, Winorinca wiyanionpapi qon owasin toki iyayapi he; tuwedan niyaco xni he.

11. Han, Itancan, tuwedan xni, eya. Mix eya ciyaco xni, hunktiya wo, tokatá yeye cin icimana wartani xni wo, Jesus eciya.

12. Jesus ake oyate kin owicakiye çä hecen ewicakiya, Oyate iyoyam wicaye cin he miye. Tuwe mihakam u kin he otpaza ehna mani kte xni, iyoyanpa wiconi hee tawa kta.

13. Niye atayedan nihdaotanin kin he wowicake-xni, Parisiyan eciyapi.

14. Miye atayedan mihdaotanin qeyax mihdaotanin kin he wowicake; tokiya tanhan wahi kin he sdonwakiya, qa nakun tokiya mde kte cin he; qa niyepi kin tokiya tanhan wau qa tokiya mde cin hena sdonyayapi xni, Jesus ewicakiya.

15. Wicacerpi eciyatohan wadacopi, tuka miye qe tuwedan mdaco xni.

16. Qa tohan wamdaco kinhan wowicake eciyatohanhan wamdaco kta, mixnana waun xni, Ate yapi u maxi kin he mici un.

17. Wooke duhapi kin he en, Wicaxta nomi waayatanin kinhan he wowicake kta, eya owapi.

18. Miye atayeden mihdatanin qa Ate u maxi kin he ma-yoatanin.

19. Unkan, Niyate tukte e he, eciyapi. Sdonmayayapi unkanx Ate ix nakun sdonyayapi kta tuka; Jesus ewicakiya.

20. Tipi wakan kin en mazaska opiyen he cin he en Jesus hena hewicakiya. Heca tuka tuwedan Jesus otan wacinpi xni, anpetu kin naharin kicihi xni heon.

21. Wahde kta qa omayadepi ecen woartani ehna niçapi kta qa tokiya wahde cin heciya dapi kta exta oyakitpanipi kta, Jesus ewicakiya.

22. Iye içikte kta naceca; tokiya mde cin heciya oyakitpanipi kta eye cin he, Juda oyate eyapi.

23. Niye kun ihankeya yaunpi, tuka miye wankantuya kin hemaca; qa oyate kin denitanhanpi qa miye dematanhan xni.

24. He etanhan woartani ehna niçapi kta, eciciyapi. Matuwe

kin wicayadapi xni heon etanhan woartani ehna niçapi kta.

25. Unkan, Tuwe niye he, eciyapi. Tokag ehan eciciyapi qon he dee, Jesus ewicakiya.

26. Taku ota eciciyapi qa ci-yacopi kta: tuwe u maxi kin he wowicake qa taku emakiye cin owasin oyate kin owicawakiyaka ce.

27. Atkuku iwohdake cin he okarnigapi xni.

28. Tohan Wicaxta kin Ci-hintku wankan eyahdepi kinhan hehan matuwe kin sdonyayapi kta, takudan miye cinka ecamon xni, tuwe u maxi qa taku onspe-makiye cin hena ecedan ecen ecamon.

29. Tuwe u maxi kin he mici un, Ate mixnana amahduxtan xni, taku iyokipi ecen ecamon heon etanhan, Jesus ewicakiya.

30. Hewicakiya he cin icunhan apa wanna wicadapi.

31. Juda oyate kin etanhan tona Jesus wicadapi kin hena hewicakiya, Ohiniyan mitawokonze oyapapi kinhan mitaokiye ciyapi kta.

32. Kinhan wowicake kin he sdonyayapi kta qa wowicake kin niyuwarbadan kta.

33. Abereyam towicoun kin he unketañhanpi qa hecen on tohini wayaka unyakonpi xni. Token he yaka he, niyuwarba,

pidan kta ehe cin he, Jesus eci-yapi.

34. Wowicake wowicake on heciciyapi, Tuwe woartani ehna un kin he wayaka un, Jesus ewicakiya.

35. Wayaka unpi eca ohiniyan tipi ohna unpi xni qa cinca kin hee ohiniyan timahen oun-yan.

36. Cihintku yapi niyuwar-badan kinhan awicakehan tuwe-dan inidake kte xni.

37. Abereyam towicoun kin enitanhanpi sdonwaya tuka te mayayapi yacinpri, mioie yuhe wacanipi xni kin heon.

38. Taku Ate ti kin ekta wan-mdake cin he ociciyakapi, qa nix niyate ti ekta taku wandaka-pi kin hee ecen ecanonpi.

39. Abereyam he ate unyanpi kin ee, eciyapi. Abereyam cin-ca kin he niyepi unkanx Abere-yam oranye cin he ecen ecanon-pi kta tuka.

40. Miye wimacaxta e Wakantanka eciyatohan wowicake ecedan eciciyapi; heca tuka te mayayapi ayakitapi. Iye qe Abereyam hecen oranye xni qon.

41. Niyatepi oran kin hee ecen ecanonpi, Jesus ewicakiya. Tuwe cinca tanin xni kin heun-capi xni; ate unyanpi wanjidan unhapi, Wakantanka kin hee, eciyapi.

42. Wakantanka kin he ate yayapi unkanx waxte mayada-kapi kta tuka, miye kin de Wakantanka kin hetanhau wau, mi-ye cinka tanhan wahi xni, iye etanhau u maxi.

43. He tokeca e mioie kin oyakarnigapi xni he; iwae cin anagoptan wacanipi xni kin heon etanhau henicecapi.

44. Ate yayapi yaunpi kin he Wakanxica ee. Heon niyatepi kin tawacin iyecetu yeciciyapi yacinpri. Tin wicakte ecedan ohiniyan un qa wowicake kin en ewacin xni, hecen wowicake kin he iye kin en un xni, heon etanhau. Tona oitonxni eye cin hena iye etanhau içicage; woitonxni kin etanhau aicar içi-ye cin heon etanhau.

45. Tuka miye wowicake e-ciciyapi kiu heon etanhau wica-mayadapi xni.

46. Niyepi etanhau he nituwepi kta he wawartani duwicakapi kte cin he. He tokeca wowicake epe cin wicayadapi xni he.

47. Tuwe Wakantanka etanhau kin he Wakantanka oie ana-goptan. Wakantanka enitan-hanpi xni heon etanhau anaya-goptanpi xni, Jesus ewicakiya.

48. Samariya oyate henitan-hanqa Wakanxica niyuhnaxkin-yan ce unkeniciyapi qon he wi-

caunkapi, Juda oyate kin eciyapi.

49. Wakanxica mayuhnaxkin-ye xni qa Ate wahduwitan tuka wowixten mayayapi.

50. Wowitan awakite xni tuka wanji tokeea wan he iye akite çä yaco kta.

51. Wowicake wowicake eciyatohan heciciyapi, Tuwe mioie kin de yuhe cinhan tohini wiconçe wanyake kte xni, Jesus ewicakiya.

52. Wakanxica niyuhnaxkin-yan e dehan iyotan unniyukcanpi. Abereyam hee kaex ta qa wokcanpi kin hena nakun çapi, token he yaka, Tuwe mioie yuhe cinhan te xni un kta ce, ehe cin he.

53. Abereyam ate unyanpi kin hee kaex te cin, niye e iniyotan he. Wokcanpi kin nakun heepi kaex çapi, qa niye nitaku kta kecanniçin, Jesus eciyapi.

54. Miye cinka mihdatan kin he taku kte xni. Wakantanka kin he ate yayapi kehapi kin he. Ate waye cin ee qa he wowitan maqu kin he iye.

55. Hee tuka tohini sdonya-yapi xni, qa miye e sdonwaya. Mix eya, Sdonwaye xni ce, epe cinhan, mix eya niyepi iyeцен iwaton kte xni, tuka miye sdonwaya heon etahan oie kin tan-yan weciyuha.

56. Abereyam ate yayapi qon he iyuxkinyan mitaanpetu kin wanyaka qa he wanyake çä iyukinyan un, Jesus ewicakiya.

57. Naharin waniyetu wikcenna nizaptan xni tuka Abereyam wandaka keha 'he, Jesus eciyapi.

58. Wowicake wowicake eciyatohan heciciyapi, Abereyam toki un kin hecinhan miye itokamya wanna heci waun, Jesus ewicakiya.

59. Hececa unkan inyan icupi qa on kininpi kta tuka Jesus naicirbe çä tipi wakan etahan wicelna tanhan tankata inanpe çä etoopteya iyaya.

WICOWOYAKE 9.

1. Jesus ye cin-tahapi wicaxta wan toka tonpi ehantanhan tonwe xni un e he wanyaka.

2. Jesus taokiye kin, Itancan tuwe wartani he, wicaxta kin de atkuku, hunku, iyeka, wanji tukte wartani he, on ixta gonga, eciyapi.

3. He iye qa atkuku hunku wanji wartanipi on hecece xni, he Wakantanka oran kin e he ayutaninpi kta.

4. 'Tuwe u maxi kin he anpa kin en wicoran kin ecamon kta, otpaza eca tuwedan wicoran econ xni.

5. Wicaxta opeya waun kin de ecedan oyate iyoyam wicawaya, Jesus eya.
6. Heye çä makata tagoxa, tage ehdaku qa upxijs kage çä ixta gonge cin ixta kin en iki-ciun;
7. Qa heciya, (Ye wicaxipi kin he hecen kapi,) Siloam miniowe ekta ye çä mini kin hetanhon on ihdujaja wo. Unkan ekta i qa on ihdujaja qa hdi, unkan wawanyaka.
8. Itan anog tipi kin heepi qa tona itokam wanyakapi ece qon hena, Wicaxta kin de ixta gonge çä tipi iyaza iyotang timata un qon toke he dee se, eyapi.
9. Unkan wanjikji, Han he hee ce, eyapi. Apa ix, He iye-ceceye, eyapi. Unkan hehan, He miye ce, eya.
10. Unkan, Tokiya tanhan de on niixta kin dumdaya he, eciyapi.
11. Wicaxta wan Jesus eciyapi kin he tagoxa qa on upxijs kage çä ixta anokatanhan imici-un, qa, Siloam miniowe kin ekta ye çä mini on ihdujaja wo, emakiya qehan ekta wai qa mihdujaja, unkan watonwan, eya.
12. Unkan, Wicaxta kin he tukte e he, eciyapi. Sdonwaye xni ce, eya.
13. Wicaxta ixta gonge ciqon he Parisiyan en wicakaipi.
14. Anpetu wakan icunhan Jesus upxijs kage çä on wicaxta kin he ixta yukawa kiya.
15. Parisiyan ix ake, Token on de ixta niyukan he, eya iwangiapi. Upxijs e ixta kin en imauqun qa mihdujaja, unkan watonwan, ewicakiya.
16. Unkan Parisiyan wanjikji, Wicaxta kin he anpetu wakan awacin xni, heon etanhon Wakantanka hetanhon xni, eyapi. Unkan apa, Taku xica eciyatohan tuwe decen wapetogya oranyan okihi kta he, eyapi. Hecen on akipam wacin hnakiapi.
17. Nix token wacin yakiyaza he, ixta nigonga tuka ixta tonweye niye cin, ixta gonge ciqon he eciyapi. He wicaxta wakan kin heca ce, eya.
18. Wicaxta kin he ixta gonga tuka ihnuhanna tonwe cin he on Juda oyate ixta gonge ciqon he wicadapi xni, qa atkuku huaku ko wicahuwe ipi.
19. De nicincapi qa tonwe xni decen tonpi kehapi he, eya iwicawangapi; Qa ihnuhanna token nakaha tonwan he.
20. De unkicineapi tonwe xni tonpi he sdonunkiyapi;
21. Nakaha tokiya tanhan en tonwe cin de sdonunyanpi xni. Ixta yukawa kin de nakun sdonunyanpi xni; ix eya hokxike

xni kin, iye iwanga po, toketu kin he ecen eye kta ce, atkuku hunku kici eyapi.

22. Juda oyate kowicakipapi qa heon etanhan atkuku hunku kici hecen eyapi. Tuwe Jesus Mesiya hee kecin eca tipi wakan en waonapte, Juda oyate kagapi.

23. He etanhan, Iye ex hokkike xni kin, iye atayedan winnungapi xni, atkuku hunku kici eyapi.

24. Ake icinonpa wicaxta ixta gonge cionq he heciyapi, Wakantanka yawakan, wicaxta kin he taku xica esdonunyanpi ce.

25. Taku xice cin he sdon-waye xni, qa taku wanji e sdon-waya, tonwe xni imacaga tuka nakaha watonwe cin he, wicaxta kin eya.

26. Taku tokanicon qa on ixta kin niyukawa he, ake eciyapi.

27. Wanna eya kex ociciyaki qon, toke he nayaronpi xni he, qa ake nakun icinonpa nayaronpi yacinpi; taokiye wicaye cin he ope nihdawapi he, ewi-cakiya.

28. Unkan iwarterdapi xni qa, Iho eca taokiye kin he niye, unkix Mowis taokiye kin he unki-yepi.

29. Wakantanka Mowis he okiya, qa wicaxta kin dee tokiya

tanh u kin sdonunyanpi xni, eciyapi.

30. Wicaxta kin he tokeca naka ixta mayumdaye cin tuka dukcanpi xni, he taku kin nici-hnayanpi.

31. Wicaxta xice cin he Wakantanka anagoptan xni, qa tona Wakantanka yuonihan qa tawacin okicide cin hena e Wakantanka anawicakigoptan e sdonunyanpi.

32. Wicaxta tonwe xni tonpi, tuka wicaxta wan ixta yukawa eyapi, tohini naunronpi xni.

33. Wicaxta kin de Wakantanka eciyatohanhan xni unkanx taku wanji de iyececa okihi kte xni tuka, wicaxta kin eya.

34. Woartani ocowasin ehna nitonpi qon he de niye tuka wanonspeunyakiyapi kta kecani, eciyapi; qa tankan iyeyapi.

35. Tankan iyeyapi kin he Jesus naron qa akipa, unkan, Wakantanka Cihintku awacani he, eciya.

36. He tuwe he, Itancan, awacami kta ce, wicaxta kin eya.

37. Wandake ça he iye e oniciya, Jesus eya.

38. Unkan, Itancan wicawada, evaya tokam canpexka makedhe inajin.

39. Oyate kin de ekta wicawahi, wicaxta tona tonwe xni

kin hena tonwe wicawaye kta qa tona tonwe cin hena ixta gonge wicawaye kta he woyaco kin hduha wahi, Jesus eya.

40. Parisiyan wanjikji kicicapi hena naronpi unkan, Unkix eya ixta ungongapi he, Jesus eciyapi.

41. Ixta nigongapi unkanx woartani wanin yaunpi kta, tuka yatonwanpi kehapi kin heon woartani niyukanpi, Jesus ewicakiya.

WICOWOYAKE 10.

1. Tuwe tarinca tipi tiyopa ohna tin iyaye xni, tiyopa icun-onpa tanhan ti iyorpaye cin he wabotice ça wamanon kin heca, wowicake wowicake on eeiciyapi.

2. Qa tuwe e tarinca tipi tiyopa eciyatohanhan tin iyaye cin hee tarinca tawa wicaye cin ee.

3. Qa iye tiyopa awanyake cin tiyopa kiciyugan eca tin hi-yaye ça tarinca kin otoiyohi ca-jeyan hoyewicakiya eca tarinca kin ho kin iyekiyapi qa kawitaya en kici upi qa tankan wicahdoya ece.

4. Qa tankan owasin ipi eca token itoheya iyopta eca tarinca kin owasin ihakam yapi, ho iyekiyapi kin heon heconpi ece.

5. Qa tuwe tokeca kinhan he ihakam yapi kte xni, ho iyeki-

yapi xni kin heon; eca kaex na-kicipapi.

6. Jesus henakiya anawinyan oie wicakicaton tuka ie cin he yukcanpi xni.

7. Tuka nakun tarinea tipi tiyopa kin he miye, wowicake wowicake on heciciyapi ce, Jesus ewicakiya.

8. Tona mitokam hipi kin hena waboticapi qa wamanonpi kin hecapi, heon etanhlan tarinca kin anawicagoptanpi xni.

9. Tiyopa kin he miye, tuwe miye eciyatohanhan ti iyorpaye einhan he ni kta, ti iyorpaye ça tankata inanpa eca wato tanyan iyeeye kta.

10. Wabotice cin he wamanonpi, tin wicaktepi, waihangyapi henakiya eca ece akita; tarinca nipi qa takudan ieakije xni unpi kta e heca on miye wahi.

11. Tarinca tawa wicaya wakte kin he miye. Tarinca tawa wicaya waxte kin he tarinca kin on wiconi tawa erpekiya.

12. Qa tuwe wodota un qa tarinca tawa wicaye xni eca xunktokeca taninyan ahinanpa wan-wicayaka eca tarinca awicayutian qa erpewicaya napa, qa hecen xunktokeca kin tarinca enanakiya owicakamdece ça wicakte.

13. Odotapi un kin he wodo-

tapi un kin heon etanhan napa, qa tarinca cin xni kin heon.

14. Tarinca tawa wicaya wate kin he miye, qa heon tarincadan kin hena sdonwicawakiya, qa ix tarinca sdonmakiyapi.

15. Ate token sdonmakiya, mix he iyecen Ate sdonwicawakiya, qa heon tarinca kin he iyepi on wiconi mitawa kin erpewakiya.

16. Tarincadan kin naharin apa tarinca tipi kin den un xni, heon etanhan wicahduwe mde ca miho kin naronpi kta qa tarinca tipi wanjidan kta, qa tarinca tawa wicaye cin nakun wanjidan kta.

17. Wiconi mitawa erpewakiye ca ake ewehdaku kte cin heon Ate waxte makidaka.

18. Tuwedan he maki kte xni, qa miye cinka he wicawaqu, he amduxtan kte cin owakihi qa ewehdaku kt; cin nakun owakihi; Ate hecen econ makiye kte cin mduha.

19. Henakiya oie ya tuka Juda oyate skipam tawacinpí.

20. De Wakanxica yuhnakinye ciu hetanhian ihnaxkinyan decen oie ye cin he tokeca e anayagoptanpi he, apa eyapi.

21. Oie kin eciyatohan taku ihnaxkinye yapi iyecerce xni; taku wakan xice cin wicaxta ixta ehduteya icage cin he yukawapi okihi kta he, apa eyapi.

22. Qa hehan tipi wakan wohduze tonpi ece qon ake hehan icunhan Jerusalem en mniciyapi qa ake yuwohduze tonpi, waniyetu ehan.

23. Tipi wakan icaahda Solomon omanipi tawa kin he en Jesus omani.

24. Unkan Juda oyate itan ihdukxan imniciyapi qa, Mesiya he niye hecinhan awicakehan unkokiyaka po, tohanyan ihan he, woksape unhapi kin otke unyakiyapi qa unyaduzapi kin, eciyapi.

25. Wanna ociciyakapi tuka wicamayadapi xni qon; Ate caje kin eciyatohan wicoran ecamon he omayake cin ee.

26. Tarinca tawa wicawaye cin he oyapapi xni, he etanhan wicamayadapi xni, epe ciqon hee.

27. Tarinca mitawa kin miho kin naronpi qa hena sdonwicawakiya qa mihakam unpi.

28. Owihanke wanin wiconi wicawaqu kin he wiconce wanice kta qa minape kin etanhan tuwedan wicayuxpe kte xni.

29. Ate tarinca hena maqu kin he taku owasin sam iyeyatanka; Ate nape kin etanhan tuwedan yuxpe kte xni.

30. Miye qa Ate waye cin hecen unwanjipidan, Jesus ewicakiya.

31. Juda oyate nakun ake inyan icupi, on kininpi kta e heconpi.
32. Ate eciyatohanhan wicoran ota waxte nitkokim ecamon, taku on nakaha mayakininpi hé, Jesus ewicakiya.
33. Wicoran waxte ecanon kin he etanhan unnicininpi xni; winicaxta tuka Wakantanka niçicaga qa wawoxteyahda he etanhan heconkonpi, Juda oyate eciyapi.
34. Wooke duhapi kin en, Taku wakan kin henicapi eciciyapi, qa ecen wowapi en kagapi xni he.
35. Tuwe en Wakantanka oie qupi kinhan heon taku wakan eciyapi hecinhan, qa on wowapi wakan kin erpeyepica xni;
36. Ate yapi Cihintku hdu-wakan, qa oyate kin wicehna hiyu ya qa heon, Wakantanka Cihintku miye ce, epe cin he, Wawoxteyahda, emayakiyapi he.
37. Ate oran kin iyecen ecamon xni hecinhan wicamadapi xni po.
38. Wicamayadapi xni exta wicoran ecamon kin wicada po, heciya tanhan Ate waye cin mica qa miye Ate waye cin wecia, heciya tanhan sdonyayapi qa wicayadapi kta, Jesus ewicakiya.
39. Hececa tuka nakun ake tinsa yuze wacinpi, tuka napépi kin etanhan ihduxpa.
40. Ake hetanhan Jordan wa-kpa kin he en Jan baptem wica-qu ece qon he en i qa en ounyan.
41. Jan takudan wapetogya ecen econ xni tuka Jan wicaxta kin de etanhan ton a oyake cin owasin wowicake, wicota en i-hdoipi qa heyapi.
42. He en icunhan wanjikji wicadapi.

WICOWOYAKE 11.

1. He en opeya wicaxta wan Lazaros eciyapi wayazanka, Betani otonwe hetanhan, Mariya qa Marta tawinortin wicaye cin nakun hetanhanpi.
2. (Mariya wihdi waxtemna ieu qa Itancan kin on sda ye çapa ha kin on siha kin kipakinta, Mariya Lazaros hunkawanjiwu wayazanke cin hee.)
3. Tawinortin kin, Itancan wicaxta wan waxte yadake ci-qon wayazanka, eyapi qa hoxi kaipi.
4. Jesus naron unkan hecen eya, Wowayazan kin he wicon-te ekta xni, he Wakantanka towitan kin ee, qa heon Wakantanka Cihintku kin yuwitanpi kta.

5. Marta iye tankaku Lazaros kici Jesus waxte wicadaka.
6. Wayazanke cin naron tuka anpetu nonpa ekta ye xni yanka.
7. Judeya makoce ekta unhdapi kta, Jesus taokiye ewicakiya.
8. Itancan Juda oyate inyan on nicinipi kta tuka qon, naharin axkatudan tuka ocowasin ekta hde wacani he, taokiye eciyapi.
9. Anpetu wanjidan kex eya qon hanska, tuwe he anpetu ohiniyan mani kinhan maka kin iyoyanpa kin wanyake cin heon takudan kaxeye kte xni.
10. Tuwe hanyen mani kinhan hee taku kaxeye kta, iyo yanpa wanyake xni kin heon, Jesus ewicakiya.
11. Taokiye kin owieakiye cin icunhan, Lazaros koda unyanpi qon ixtima, ekta mde ca mdurice kta, Jesus ewicakiya.
12. Itancan, ixtima hecinhan he asni kta e heoeca, taokiye kin eciyapi.
13. He wanna ta e Jesus heya, tuka ixtimapi heca kecinki.
14. Unkan hehan ataninyan, Lazaros wanna ta, Jesus ewicakiya.
15. He icunhan hen waun xni kin heon niyepi en wimdu-
- xkin, hecen on wicayadapi kta. Ho po ekta unyanpi kta.
16. Tomas Didumos eciyapi taokiye umanpi kin hewicakiya, Ekta unyanpi qa kici untapi kta.
17. Rapi kin etanhan itopa can hehan Jesus en i.
18. Jerusalem Betani he wi-yutapi nom icihehanyan.
19. Marta Mariya kici yukanpi en Juda oyate wiota magaga ye wicaipi, hunkawanji-ikupi te cin he.
20. Jesus en ya unkan Marta itkokipa qa Mariya e ti mahen iyotanka yanka.
21. Itancan den yaun unkanx mihunkawanji te kte xni tuka;
22. Detanhan taku owasin Wakantanka yakida kinhan Wakantanka niçu kta e sdonwaya, Marta Jesus eciya.
23. Nihunkawanji ekicetu kta, Jesus eciya.
24. Eya anpetu ihankeya kin hehan ekicetu kta e sdonwaya, Maria eva.
25. Woekicetu qa wiconi kin he miye, tuwe wicamada kinhan toke rin ta exta ni kta.
26. Tuwe ni un kin he wicamada kinhan icimana te kte xni; heon wicayada he, Jesus eciya.
27. Itancan, han, wicawada, Wakantanka Cihinku makata hi kta evapi qon he niye, eciya.
28. Hena hecen eciya hehan

hde çä tawinortin Mariya ana-rbeyahan heciya, Itancan qon den un qa nico ce, eciya.

29. Mariya he naron iheya unkan orankoya najañ hiyaye çä ekta ya.

30. Jesus otöñwe kin ehan i xni ocowasin, eya Marta wan-yake ciqon he en un.

31. Juda oyate Mariya kici yukanpi qa magagaya he icun-han orankoya najañ iyaye cin he wanyakapi, unkan ihakam iyayapi qa, Wicaxta finakapi ekta ceye kta e ekta ya, eyapi.

32. Jesus najañ kin Mariya ehan i qa wanyake çä ihukuya canpexka makehde erpeiçiyé çä, Itancan den yaun unkanx mi-hunkawanji te kte xni tuka, eciya.

33. Mariya ceye cin he Jesus wanyake çä Juda wicaxta kici ipi kin hena nakun ceyapi, un-kan iye atayedan comnihdazi qa irniyanyan.

34. Tokiya eyahnakapi he, eya. Unkan, Itancan ekta u qa wanyaka ye, eciyapi.

35. Jesus ceya.

36. Wanyaka po, ehan qon waxte dake rinca ce, Juda wica-xta eyapi.

37. Wicaxta ixta aohduta ee kaex yukawa wicaxta kin de ni un kiyapi okihi kta naceca, wi-caxta wanjikji eyapi.

38. Ake Jesus iye atayedan comnihdazi qa wicaxta hnakapi kin en ya. He imnija ordoka ohna hnakapi qa inyan wan tanka aokañinzapi.

39. Inyan kin de tokan iyeya po, Jesus eya. . Wicaxta te ein tawinortin Marta heciya, Itancan wanna topa can yanka e xicamna.

40. Wicayada kinhan Wa-kantanka towitan wandake kta ce eciciye ciqon, Jesus eciya.

41. Inyan kin tokan iyeyapi; wicaxta ta wanke cin etanhán. Jesus wankan marpiya kin ekta etonwe çä, Ate ciyawaxte, na-mayaron kin heon.

42. Namayaron kin he sdon-wakiya, wicaxta hnakapi kin de en mitan okxan najañpi kin de on he niye u mayaxi kin wicadapi kta e on hepe.

43. Hecen eye çä hehan, Lazaros nunke cin hetanhan tan-kata hninarpa wo, awitukadan hoyekiya qa eya.

44. Uukan wicaxta te cin tankata hninarpa, siha nape ko partapi qa ite opemni tonpi kin hena ecehna. Kiyuxkapi qa ayuxtan po, iyaye kta, Jesus eya.

45. Juda wicaxta Mariya kici ipi qon hena Jesus taku econ kin he wanyakapi unkan wicota wicadapi.

46. Tuka wanjikji hdapi qz

Parisiyan ekta wicakipi qa Jesus han otonwe wan Epayim eciyapi he ekta ya, qa taokiye om he en un.

47. Unkan Woxnapi kagapi Parisiyan ko mniciyapi qa, Token econkupi kta he, eya akiapi; Wicaxta kin he taku wapetokeca ota econ kin, eyapi.

48. Iyowinye unkiyapi kinhan wicaxta owasin wicadapi kta, kinahan Roma oyate kin den upi kta qa otonwe kin de unkasotapi qa nakun unkitaoyatepi kin hena ko.

49. Woxnapi kagapi itancan kin he Kaipas eciyapi, Takudan tanyan oyakarnigapi xni.

50. Kaken e awacanipi xni, wicaxta wanjidan oyate on te cinhan hecen on oyate kin wi-caje kte xni hee iyecetu kta, ewicakiya.

51. Iye etanhon on hecen eye xni, omaka kin he Woxnapi kagapi itancan kin hee on heya, Jesus oyate kin heon te kte cin he iyukeanyan heya.

52. Oyate wanjidan kte xni, qa Wakantanka cincapi oindeca-he cin hena ko owasin wanji-dankiya kiwitaye kta.

53. Anpetu kin hetanhon wi-taya akiapi, Jesus te yapi kta he kapi.

54. Heon etanhon Juda oyate en Jesus iyotan atanin içiye xni, makoce wan rekoskan ikiyadan he hee;

han otonwe wan Epayim eciyapi he ekta ya, qa taokiye om he en un.

55. Anpetu wan en Juda oyate woxnapi kagapi wanna ikiyadan aya unkan wanna kahyan oyate ota Jerusalem en kata iheya aya, woxnapi kte cin itokam piçiyapi kta.

56. Jesus akitapi qa tipi wakan kin ohna iyakitedan heki-ciayapi, Ex omniciye kin he en u kte xni he, eyapi.

57. Woxnapi kagapi tankapi qa Parisiyan ko wakiconzapi, tuwe Jesus wanyake cinhan ya-otanin kta qa kaxkapi kta.

WICOWOYAKE 12.

1. Woxnapi kagapi anpetu kin he itokam anpetu xakpe he en Jesus Betani otonwe en Lazaros un, he wicaxta ja tuka ekicetu qon he, Jesus he en i.

2. Rstayetu wotapi kicagapi qa Marta wapamni qa kici wotapi kin he Lazaros opa.

3. Mariya wihdi wan waxtemna qa taku ota iyopeyapi, tke utapi wanjidan icu qa on Jesus siha kin sda kiye ca iye paha kin on siha kipakinta unkan ecamna kin tipi kin ojudan.

4. Simon cihintku Judas Is-kariot eciyapi, taokiye kin he wanji ee, wiyopeye kte ciqon he hee;

5. He tokeca e wihdi kin maza ska opawinge yamni iyo peyapi qa wowarpanica wicaqupi kin hee hecetu kta tuka *decent canon*, eya.

6. He wamanon heca qa maza ska opiye yuhe çä ohna maza ska omnayan, heon hecen eya, wowarpanica kin icantowicahnake cin heon heye xni.

7. Hecen eye xni wo, anpetu wan mahnakapi kte cin he en amayuhe cin hee ce.

8. Tokexta wowarpenica ohi ni wicaduhapi kta qa niye e ohiniyan mayaduhapi kte xni, Jesus eya.

9. Icunhan Juda wicaxta ota en ipi, Jesus wanyag ipi qa Lazaros nakun wanyakapi kta.

10. Woxnapi kagapi tankapi Lazaros nakun te ya wacinpi.

11. Juda oyate wanna apa Lazaros he on hdureyapapi qa Jesus wicadapi kin heon.

12. Ihankayetu kin woxnapi kagapi kin anpetu kin en wicaxta ota kata hiheya, icunhan Jesus Jerusalem etkiya u naronpi.

13. Unkan owasin otoiyohi canraka yuhapi qa itkokim yapi; Hosanna, Owihanke Wanica Juda oyate Wicaxtayatapi caje on u kin he yawakanpi kta, pan-yehan eyapi.

14. Xuktanka xonxona wan

Jesus iyeya unkan akan iyotanka, hecen wowapi kagapi qon;

15. Ziyon cunwintku ihnuhan koyakipe cin, wanna Wicaxtayatapi nitawa xunka xonxona cinca wan akan yanke çau ce.

16. Taokiye kin hecetu kte ciqon he sdonyapi xni, Jesus yutanpi kin he hecetu kta e ecen wowapi kagapi qon wanna owasin ecetu, unkan hehan kiksuyapi.

17. Wicaxta kicicapi kin owasin Lazaros te çä hnakiapi tuka kipan unkan ekicetu ye ciqon hen yaotaninpi.

18. Heon oyate kin itkokipa pi, taku wapetokeca tanka wan econ naronpi kin heon.

19. Wanyaka po, takudan ohiyayapi xni, wanna wicaxta kin owasin Jesus en iwicayopta, Parisiyan iyakitedan ekiciyapi.

20. Oyate wan Helenes ewicakiyapi etanhanpi eya wanna woxnapi kagapi icunhan itawan-kanhde yapi qa ohodapi kta.

21. Pilipos Galile makoce Betsada otonwe etanhan he en ipi qa, Itancan, Jesus wanyakapi uncinpi, eciyapi.

22. Pilipos u qa Andre okiyaka, qa Pilipos Andre kici Jesus okiyakapi.

23. Wicaxta kin Cihintku an-

petu wan en yutanpi kta eyapi qon wanna hi, Jesus ewicakiya.

24. Aguyapi su kin maka e-
kta erpeyapi te xni kinhan ixnana
un kta, te cinhan ota icar ye kta,
wowicake wowicake hecen eci-
ciyapi.

25. Tuwe wiconi kin den
waxte kida kinhan toki erpeye
kta, qa tuwe maka kin den wi-
coni xice kida kinhan hee owi-
hanke wanin wiconi ekta akpa-
tan kta.

26. Tuwe wowidag waye kta
hecinhan mihakam un kta, kin-
han tokiya wai kinhan ix ekta i
kta; qa tuwe wowidag waye kte
cin he Ate wicaxta kin he yuo-
nihian kta.

27. Token epe kta he; wan-
na minagi kin nagiyeyapi. Ate
anpetu kin de en emahdaku wo.
Tuka anpetu kin he de en on
wahi.

28. Ate nicaje kin hdutan wo.
Unkan marpiya kin eciyatohan
wicaho wan u qa, Wanna eya
micaje kin wahdutan nakun wa-
hdutan kta, eya.

29. Wicaxta en najinpi kin
he naroppi qa, He wakinyan
hoton, eyapi. Marpiya ohnihde
heea e okiya ee, apa eyapi.

30. Wicaho kin de miye ma-
ke xni, he niye nicapi.

31. Wanna oyate wicayacopi

qa maka akan itancan kin nape
yapi.

32. Qa tohan maka kin detan-
han wankan emahdepi kinhan
wicaxta kin owasin miye en iwi-
cawacu kta, Jesus eya.

33. Wiconje kin tukte on te
kte cin he ka e hecen eya.

34. Wokonze eciyatohan
Mesiya owihanke wanin un kta
eyapi naunronpi, token he yaka,
Wicaxta kin Cihintku wankan
ehdepi kta ce, ehe cin he; Wi-
caxta kin Cihintku kin he tuwe,
oyate kin eciyapi.

35. Iyoyanpa kin ehake cisti-
yedan nicipi un; iyoyanpa kin
en omani po, otpaze cin iyapa-
xtag niyanpi nace; tuwe otpaza
icunhan omani kin he tokiya ye
cin sdonye xni.

36. Iyoyanpa duhapi kin en
iyoyanpa kin he wicada po, he-
cen on iyoyanpa cinca niyanpi
kta ce, Jesus ewicakiya. Jesus
hecen eye ca hehan iyaye ca
inarbe wicakiya.

37. Taku wapetokeca ota econ
qa wanyag wicaya, heca tuka
wicadapi xni.

38. Esayas wokcan qon he
woyake ciqon wanna ecetu; Je-
howa rupahu yutancopidan kta
unkreyapi qon tuwe on heconpi
he qa unkoyakapi qon tuwe wi-
cada he.

39. Esayas nakun woyake
cin heon token wovicada xni he.

40. Ixta gonge wicaye çä
cante kin ekta nakun wacinton
xni wicaya, hecen on ixta wi-
wanyakapi xni qa cante on ta-
kudan yukcanpi xni qa hecen
on ihduecetupi xni qa wokizi
wicawaye xni.

41. Towitan kin he Esayas
wanyake cin heon etanhan hena
hecen ekiciya.

42. Itancanpi wanjikji he
icunhan wanna wicadapi tuka
yaotaninpi xni, tipi wakan etan-
han Parisiyan nape wicayapi
kte cin heon etanhan.

43. Wicaxta akantu wowitan
kin he iyotan dapi qa Wakantanka
towitan kin e iyotan dapi
xni.

44. Tuwe wicamada kin he
miye make xni, tuwe u maxi
kin he iye ka, Jesus panyehan
eya.

45. Tuwe wanmayake cin he
nakun tuwe u maxi kin he wan-
yaka.

46. Iyoyanpa kin he miye e
maka kin de iyoyam waye kta
wahi, qa tuwe wicamada kinhan
he otpaza enounye kte xni.

47. Tuwe mioie kin de naron
wicada xni exta mdaco xni; wa-
yacopi kin heon wahi xni, wani-
yapi kin hee on wahi.

48. Tuwe erpemaye cin mi-

oie kin akta xni kin he wanna
woyaco en un; anpetu ihankeya
kin heci mioie kin den enape
waye cin he iye yaco kte cin ee.

49. Miye cinka decen oie wa-
ye xni. Ate yapi u maxi kin
hena hecen eye makiya heon
etanhan iwae cin dena owakihi.

50. Toope kin he owihanke
wanin wiconi e sdonwaya. To-
ken epe cin hena, Ate hena he-
cen emakiya heon etanhan hecen
epa.

WICOWOYAKE 13.

1. Anpetu en woxnapi kaga-
pi ece kin itokam anpetu qon
wanna hiyohi he en maka kin
detanhan iyaye kta, Atkuku e-
ktakiya hde kta Jesus sdonkiya,
apa waxte wicadaka he owihan-
keta hehanyan waxte wicaki-
daka.

2. Judas Iskariot Simon ci-
hintku kin hee kta, Jesus wiyo-
peye kte cin Wakanxica wanna
he ehanna cante kin hecen ozeye
kiya.

3. Wotapi ayaxtanpi kin he-
han Jesus Atkuku taku owasin
tawa kiye ciqon he sdonkiya un,
Wakantanka eciyatghan hi qa
ake Wakantanka ekta hde kta.

4. Wotapi etanhan najin qa
xina ekihnaka qa napiakinte
wan ieu qa ipiyaka.

5. Qa hehan mini wakxica en okaxtan qa taokiye siha wi-cakiyujaja qa napipakinte wan ipiyake ciqon heon siha kin wi-cakipakinta.
6. Simon Inyan ehan ahi un-kan, Itancan niye siha mayaki-dujaja kta he, *Simon* eciya.
7. Taku ecamon kin de na-kaha sdonyaye xni, ihakamya de sdonyaye kta, Jesus eya.
8. Icimana siha mayakidujaja kte xni, ake Inyan eciya. Cici-yujaja xni kinhan takudan on miyecica kte xni, Jesus eya.
9. Itancan siha kin eceedan kte xni, minape pa ko ecamicon wo, Simon Inyan eya.
10. Tuwe siha kiyujajapi kinhan heceedankiya exta on tan-can kin oowasin yutecapi. Wanna nitecapi tuka owasin nitecapi xni, Jesus eya.
11. He etanhan wanji wiyo-peye kte cin he sdonkiya heon etanhan, Owasin nitecapi xni ce, ewicakiya.
12. Siha wicakiyujaja yuxtan kin hehan xina ehdaku qa hdo-win qa iyotanke çä, Taku tok-eiconpi kin de sdonyayapi he, ewicakiya.
13. Owihanke Wanica Itan-can emayakiyapi kin he wica-yakapi, he miye e hehapi.
14. Owihanke mawanice çä Imatancan tuka siha ciciyujajapi heon etanhan nix eya otoiyohi siha kin yeciyujajapi kta.
15. Waonspecifiyapi kin he nix he iyecen ecanonpi kta e hecaciconpi.
16. Ookiye unpi kin he Itan-can kin iyakapapi xni, qa tuwe u xipi kin he tuwe u xi hecinhan he ix iye kápá xni, wowicake wowicake eciyatohanhan eciciyapi.
17. Taku kin he sdonyayapi kin nina pida niçiyapi qa eca-noupi kinhan waxte kta.
18. Iwae ein de oowasin cicapi xni, tono cicarnigapi kin he wi-cawaka. Tuka wowapi en ka-gapi qon iyecetu kte cin wanna dehantu, Tuwe kici wawata tuka siha kin yuwankan ehdaku qa icantamahde.
19. Taku kin hena itokamya eciciyapi kinhan qa hehan ecetu kinhan hecen on tuwe miye kin sdonmayayapi kta.
20. Tuwe tokiya ye wakiye cin tuwe iyowinkiye cinhan he miye e iyowinmaye kta, qa tu-we iyowinmaye cinhan he tuwe u maxi kin hc iyowinkiya, wo-wicake wowicake eciyatohanhan eciciyapi.
21. Jesus hena hecen eye çä hehan toksape kin ekta iyahde içiya qa, De dukanpi kin etanhan wanji wiyopemayayapi kta e sdonwakiya, wowicake wowi-

cake eciyatohan ataninyan eciyapi.

22. Hecen eya unkan taokiye kin owasin iyoyag wicaye çä otoiyohi opakicirta yukanpi, tuka wanji tukte ke cin he sdon-yapi xni.

23. Jesus taokiye kin wanji nina waxte kidake ciqon he eca maku kin en makan iwanka.

24. Simon Inyan he wikiyuta qa wanji tukte he wicake cin he iwange xi.

25. Unkan hehan piya rin Jesus maku kin ihukuya iwanke çä, Itancan he tuwe he, eya.

26. Wanji tukte rpanyanpi onxpa waqu kinhan hee kta, Jesus eya. Heye çä onxpa rpan-ye çä Judas Iskariot eciyapi Simon cihintku he qu.

27. Judas icu unkan Satan tancan kin mahen iyaya. Taku ecanon kte cin koyaran wo, Jesus eciya.

28. Wahna wotapi ihdukxan yukanpi kin eye cin he okarni-gapi xni.

29. Judas maza ska opiye yuhe cin he etahan woxnapi kta on taku opeton xi kecinpí qa taku warpanica wicaqu xi nakun kecinpí.

30. Judas rpanyanpi *qu* unkan icu qa hecehna tankan iyya; wanna hehan hanyetu.

31. Judas tankan iyya he-

han, Wanna Wicaxta kin Cihintku yutanpi qa Wakantanka iye eciyatohan yutanpi, Jesus e-ya.

32. Wakantanka eciyatohan yutanpi hecinhan hehan ix Wakantanka iye eciyatohan ataye-dan hdutan kta, yutan kte cin he tokata ihan.

33. Hokxiyoqopa ehake pten-yedan ocipapi kta. Amayaki-tapi exta tokiya mde cin ekta yapi oyakihipi kte xni, Juda oyate hecen ewicawakiye ciqon nix ecen eeiciyapi.

34. Woahope teca wan ciçupi kta, otoiyohi waxte kieida po; waxte cicidapi kin iyeцен otoi-yohi waxte kieida po.

35. Heon taku owasin sdonye kta, taokiye ciyapi kin, otoiyohi iyokipi yeciypapi kinhan.

36. Itancan, tokiya de kta he, Simon Inyan eya. Tokiya mde cin ekta de kta exta nakaha oya-kihi kte xni, tuka ihakamya mihektam yau kta, Jesus eciya.

37. Itancan, wiconi mduhe cin he niye on erpewaye kta owakihi kin he tokeca nakaha cihakam waun kta exta owakihi kte xni he, Inyan eya.

38. Miye on wiconi nitawa erpeyaye kta kehe cin, anpa ohotanna hoton he itokam yan-ni inamayatan kta, Jesus eci-ya.

WICOWOYAKE 14.

1. Nicantepi kin hdukinukanpi xni po; Wakantanka kin he awacanipi, mix nakun amawacin po.

2. Ate ti kin otakiya ounyanpi kta e yanka, he hecece xni unkanx ociciyakapi kta tuka; e kta wahde çä owasin akta wiyeaya cihnakapi kta.

3. Ekta waki qa ewasin wiyeaya imduxtan qa hehan ake wahi kta qa hehan miyeci ekta yaipi kinhan en waun qa nix en yaunpi kta.

4. Tokiya mde cin he sdon-yayapi qa canku kin he nakun sdonyyayapi.

5. Itancan, tokiya de cin sdon-uyanpi xni, tokiya tanhan he canku kin he sdonuyanpi kta e heha he, Tomas eya.

6. Canku wowicake wiconi kin he miye; tuwedan iye cinka. Ate iyohi kte xni, miye eciyatohan edean iyohi yapi.

7. Sdonmayayapi kinhan nakun Ate waye cin sdonyyayapi kta qa wanna wandakapi qa sdonyyayapi, Jesus eya.

8. Itancan, Ate yaye cin wanyag unyan po, hecen iunmaanpi kta, Pilipos eya.

9. Wanna wanakaja tanhan ciciya waun tuka naharin mayanuni; Pilipos tuwe wanmayake cin he Ate waye cin wanyaka,

token he yaka he, Ate yaye cin wanyag unyan po, eha he, Jesus eya.

10. Ate waye cin he wecica qa Ate waye cin he micica kin he wicayada xni he. Wicoie eciciyapi kin dena miye cinka eciciyapi xni; Ate waye micica kin he wicoran ecamon kin hena iye he econ.

11. Ate waye cin he wecica qa Ate waye cin he micica he wicamada po, qa wicayadapi xni exta wicoran ecamon kin heon wicamada po.

12. Tuwe wicamada kin he wicoran ecamon kin hena ix iye-cen econ kta, miye qe wanna Ate ekta wahde kta, wowicake wowicake eciyatohan eciciyapi.

13. Micaje kin on taku yadapi kinhan ecen ecamon kta, Ate waye cin **wowitan ecawecicon** kta.

14. Taku wanji micaje on yadapi kinhan ecen ecamon kta.

15. Waxte mayadapika hecinhan mitawoahope kin tanyan yuha po.

16. Ate waye cin cewakiye çä wanji tokeca nicanpta niçu qa owihanke wanin nicipi un kta.

17. Woksape wowicake kin he oyate kin he sdonyyapi xni qa yuhepica xni, tohini wanyakapi

- xni kin heon; tuka niye kici
yaunpi qa nici unpi kte cin heon
sdonyayapi.
18. Wamdenica erpeciyapi
kte xni, ake cihdiyohipi kta.
19. Wanna ptenyedan kinhan
oyate wanmayakapi kte xni, tu-
ka niye wanmayadakapi kta,
wani waun qa nix yani yaunpi
kte cin heon.
20. Anpetu kin he en sdon-
mayayapi kta, Ate waye cin he
wecica qa nix miyecicapi qa mix
ocic papi.
21. Tuwe mitawoahope wa-
xte dake ça yuhe cín he waxte
madake cin ee; tuwe waxte ma-
dake cinhan Ate waye cin waxte
dake wakiye ça mix waxte wa-
dake kta qa iye eciyatanhan
sdonmaye waye kta.
22. He tokeca Itanean, unki-
xnana sdonniye unyayapi kta he
qa oyate kin sdonniyanpi kte
xni, Judas (Iskariot ope kte
xni) eya.
23. Tuwe waxte madake cin-
han mioie kin yuhe kta qa Ate
waye cin waxte dake kta qa
tukten un kinhan en unhipi kta
qa ti kin en kici unyakonpi
kta.
24. Tuwe waxte madake xni
kin he mioie kin yuhe xni. Wi-
coie nayaronpi kin de miye xni,
Ate waye u maxi kin he iye.
25. Ocipapi kin en taku kin
hena heciciyapi.
26. Wicakicanpte wan Ate
waye cin micaje on u xi kta qa
taku owasin onspeniciyapi kta,
qa on ohiniyan amawacin ni-
yanpi kta, taku eciciyapi kin
dena.
27. Wokiyapi airpeciyapi ;
wookiye mitawa ciçupi : wica-
xta akantu kiciçupi he iyecece
xni. Nicantepi kin ekta ihnu-
han taku itonyapapi qa ikoyapa-
pi kin.
28. Wahde ça ake en ciupi
kta eciciyapi kin he wanna na-
yaroppi. Waxte mayadapi kin-
han iduxkinpi kta; Ate waye
cin ekta wahde kta epe cin he;
Ate waye cin he iye mikapeya
tanka.
29. Nakaha hena heciciyapi,
taku kin itokam; tohan he hi-
yohi kinhan hehan wicayadapi
kta.
30. Maka akan itancan kin
wanna kiyadan u, tuka miye en
takudan kihdege kte xni, he
etanhant ito henana eciciyapi
kta.
31. Ate waye cin waxte wa-
kida heon taku emakiye cin
owasin ecen ecawecicon, heciya
tanhan oyate sdonyapi kta. Na-
jin po, detanhant icunonpa un-
yanpi kta.

WICOWOYAKE 15.

1. Hastanhanka iyuwi wowicake kin he miye, qa Ate waye cin he hastanhanka iyuwi kicanye cin ee.
2. Adetka tona miye on waskuyeca icar ye xni kin hena yupxun. Adetka tona waskuyeca icar ye cin henana pakinta qa hecen on waskuyeca ota icar ye kta.
3. Eya wanna nipakintapi wicoie ociciyakapi qon heon.
4. Mici un po qa mix hecen ocipapi waun kta. Hastanhanka iyuwi adetka tona wiyuwi kici iciyahde kin hena waskuyeca tanyan icar ya, he etanhannmix miyeci yaunpi kinhan wskueca icar yayapi kta.
5. Hastanhanka iyuwi kin he miye, adetka ciyapi. Tuwe mici un qa ix kici waun kin he waskuyeca ota icar ya; miyekin en icunonpa yaunpi kinhan takudan oyakihipi kte xni.
6. Tuwe mici un xni kinhan adetka yupxunpi qon he iycen tankan erpeyapi, adetka kin he xeca eca icupi qa peta en aonpapi eca rurnaga ece.
7. Miyeci yaunpi qa mioiekin he nicipi un kinhan takutona yacinpikin hena yadapikinhan eeen ecaniconpi kta.
8. Waskuyeca ota icar yayapi kinhan Ate waye cin nina yutan-
- pi kta qa heciya tanhan taokiye ciyapi kta.
9. Ate waye cin token waxtemakida kin he iyeccen waxte cicidapi; mitowaxte kin he kici un po.
10. Mitawoahope kin he duhapi kinhan mitowaxte kin he kici yaunpi kta; Ate tawoahope mduhe cin heon towaxte kin kici waun.
11. Taku eciciyapi kin dena on mitowiyuxkin kin nicipi unkta e, qa nitowiyuxkinpi kin he ecetu niciciyapi kta.
12. Mitawoahope kin detanhann, otoiyohi waxte yecidapi kta, waxte cicidapi kin he iycen.
13. Tuwe taku takuya on wiconi erpekiye cin he tuwedan wowaxte he kapeya yuhe xni.
14. Taku eciciyapi kin owasin ecen ecanonpi kinhan takuciyapi kta.
15. Ookiye wicayapi wanna eciciyapi xni; ookiye yapi un kin he Itancan ye cin taku econ kex sdonye xni. Takuciyapi eciciyapi; Ate waye cin tona naron maye cin owasin sdonye ciciyapi kin heon.
16. Niye he mayakarnigapi xni, miye cicarnigapi qa ciyusutapi qa token dapi kin waskuyeca icar yayapi kin he ohiniyan ye kta; qa micaje on Ate

- waye cin taku yakidapi kinhan niçupi kta.** Ate waye cin nakun xice dapika.
- 17. Otoiyohi waxte kidapa, he iwahokonciciyapi ce.** 25. Takudan iyaonpepica xni un xice madapika, woope yuhapi kin en wicoie wowapi en kagapi qon wanna iyecetu.
- 18. Oyate kin xice nidapika exta he itokam miye xice mada-pike ciqon he kiksuya po.** 26. Wicakicanpe wan tohan Ate waye cin etanhan u waxi qa en nihiyohipì kinhan he Wocake Woksape ee, he iye Ate waye cin etanhan qa omayake kte cin hee.
- 19. Oyate enitanhanpi kinhan oyate kin taku iye tawapi waxte kidapi kta, tuka oyate kin henitanhanpi xni, niye oyate kin etanhan cicarnigapi kin heon oyate kin xice nidapi.** 27. Nakun nix omayadakapi kta, toka ehantahan miyahna yaunpi qon heon.
- 20. Wicoie wan eciciyapi qon he kiksuya po, Ookiye yapi un kin he Itancan yuhe cin kakipe çä iyotan tanka xni. Xicaya makuwapi hecinhan nix oyate kin xicaya nicuwapi kta qa mioie yuhapi hecinhan nix nioie kin niyuahapi kta.**
- 21. Micaje kin heon hena owasin hecen nicuwapi kta, tuwe u maxi kin he sdonyapi xni heon etanhan.** 1. Taku kin hena heciciyapi heon iyakaptapi kte xni.
- 22. Wahi xni qa owicawaki-ye xni kinhan woartani nicapi kta tuka, tuka detanhān woartani woanapte nicapi kta.** 2. Tipi wakan kin en iyoniciipi kte xni qa nakun eex tokata yeye cin ekta te niyanpi kta econpi kta qa heon Wakantanka iyokipi yapi kta heciupi.
- 23. Tuwe xice madake cin he nakun Ate waye cin xiee daka.** 3. Ate waye cin sdonyapi xni qa mix nakun sdonmayanpi xni he etanhan henakiya hecen ecanionpi kta.
- 24. Wicoran tuwedan hecen econ xni iyecen ecawicawecon xni unkanx woartani nicapi kta tuka, tuka wanna wanmayaka-pi kin heon xice madapike çä** 4. Tohan ehan yaipi qa owasin ecetu kinhan wociciyakapi kin hena yeksuyapi kta. Opeya ciunpi kin he etanhan otokahe ekta dena eciciyapi xni.
5. Wanna tuwe u maxi hecinhan he ekta wahde kta, wan-jidan. Tokiya de kta he, emayakiyapi xni.

6. Taku ociciyakapi kin dena on nicantepi kin ekta iyoniya-kapi.

7. Wowicake eciciyapi, wahde cinhan heon taku iyonicipi-pi kta, wahde xni kinhan iniciyapi kin hi kte xni, tuka wahde ça u waxy kta.

8. Tohan hi kinhan oyate kin woartani, wokonze, woyaco, henakiya sdonye wicaye kta.

9. Wicamadapi xni kin he woartani kin.

10. Nakun wakiconzapi, Ate waye cin ekta wahde kte cin heon, qa icimana wanmayadakapi kte xni.

11. Woyaco kin he oyate kin de itancan un kin he wanna yacopi.

12. Nakun taku ota ociciyakapi naceca tuka hena e qe naharin iyozi yayapi xni nace.

13. Tohan Woksape wowicake he iye hi kinhan wowicake ecedan en owotanna ye niyanpi kta; iye atayedan ie kte xni, tuka taku owasin naron kin hena oyake kta, qa tokata ekta hena oniciyakapi kta.

14. Mayutan kte cin hee kta, taku mitawa ecedan icu qa oniciyakapi kta.

15. Taku Ate tawa kin hena mitawa, he etanhon, Tona mitawa henana icu qa oniciyakapi kta ce, eciciyapi.

16. Wanna wanmayadakapi kte xni kin axkadan ihan, qa hehan ake ikiyedan wanmayadakapi kta, Ate ekta wahde kte cin heon.

17. Taokiye kin iyakitedan hekiciyapi, He token ka hwo, Wanna axkayedan wanmayadakapi kte xni qa hen ikiyedan wanmayadakapi kta, Ate ekta wahde kte ein heon, eye cin he.

18. He token ka he, Axkayedan eye cin; he token ke cin sdonunyanpi xni, eyapi.

19. Jesus he sdonye, wiwanga-gapi wacinpí kin hee; Wanna axkayedan wanmayadakapi kte xni qa hen ikiyadan wanmayadakapi kta, epe cin he, he token wake cin he otoiyohi eyeciyapi, ewicakiya.

20. Nihinniçiyapi qa yaceyapi kta, oyate kin he iyuxkinpi kta, wowicake wowicake eciciyapi; iyonicixicapi kta tuka iyonicixicapi kte cin he wowiyuxkin wan iyunwin wan en un kta.

21. Winorinca cinca ton kta eca yazan hda, wanna iyekici-hantu kin heon; tuka tohan hoxkiyoqopa ton eca rtani qon he kiksuye xni, wicaxta oyate kin den tonpi eca wowiyuxkin ye cin hena.

22. He iyeen nakaha iyokixin dukanpi, tuka ake wanciya-

kapi nicantepi kin wiyuxkin kta, widuxkinpi kte cin he tuwedan nicipi kte xni.

23. Kinhan anpetu kin he en takudan' imayanungapi kte xni. Taku micaje on Ate waye cin yakidapi kinhan niçupi kta, wemicake on eciciyapi.

24. Naharin dehanyan micaje on takudan yadapi xni. Da po, iyacupi kta, wowiyuxkin ojudan niçiyapi kta.

25. Hena taku iyacinyan heciciyapi. Anpetu wan tokata u hehan wiyacinyan ociciyapi kte xni, qa ate eciyatohan ataninan ociciyapi kta.

26. Tohan iye hantu kinhan micaje on taku yadapi kta, tuka Ate waye oin wocekiye eciciyapi kta, epe xni.

27. Ate iye atayedan waxte nidapika, waxte mayadapike çä Wakantanka eciyatohan wahi kin he wicayadapi kin heon.

28. Ate waye cin eciyatohan wahi qa oyate kin de en wicawahi. Nakaha wanna oyate kin erpewicawaye kta qa Ate ekta wahde kta,

29. Wanna wiyacinyan iyaæ xni, ataninyan iyaæ, taokiye kin eciyapi.

30. Taku owasin sdonyaye çä winiwangapi exta hena token ecanon kte xni yaun e nakaha dehan wanunyakapi, he etanh

Wakantanka eciyatohan yahi kin he wicaundapi.

31. Nakaha wicayadapi he, Jesus ewicakiya.

32. Taku en mau qon wanna mahiyohi qa enanakiya otoiyohi idadapi kta qa mixnana erpemayapi kta tuka mixnana waun xni, Ate waye cin he mici un.

33. Wookiye amayaduhapi kta heon etanh han hena heciciyapi. Oyate kin de en taku wanjikji xica en yaipi kta, heca exta mnihen içiya po, oyate kin wanna ohiwicawaye ce.

WICOWOYAKE 17.

1. Jesus hena hecen eye çä hehan pa yuwankan icu qa marpiya kin ekta etonwan qa, Ate Nicinkxi hdutan wo, hecen on Nicinkxi kin nihdutan kta, anpetu wan u qon wanna hiyohiya ce,

2. Oyate hiyeye cin owasin nitowaxake yaqu qon he etanh han wicaxta kin owihanke wanin wiconi wicaqu kta he yaqu qon,

3. Owihanke wanin wiconi kin he detanh, wanna den sdonniyanpi kta, nixnana Wemicake Wakantanka niye, qa Jesus Mesiya u yaxi qon.

4. Maka kin owancaya ciytan, qa wicokicanye mayaqua qon wanna owasin wahduxtán.

5. Miye Ate mahdutan wo, wicoicage wanice cin he itokam wowitan niyeci hduha waun qon.

6. Nicaje kin oyate kin den he mayaqua qon owasin en mda-otanin. Hena nitawa tuka mayaqua, nioie e qon niciyuuhapi.

7. Taku mayaqua kin owasin he niye etanhan u wanna sdonyapi.

8. Nioie mayaqua qon wanna wicawaqua qa icupi qa niye u mayaxi qa niye eciyatohanhan wahi he atayedan sdonyapi qa wicadapi.

9. Wocekiye ewicaweciya, wicaxta kin hena on wocekiye eciciye xni, ton a mayaqua kin hena on wocekiye eciciye, hena nitawa kin he etanhan.

10. Taku mitawa kin hena nitawa, qa nix taku nitawa kin hena mitawa, heepi en wowitan waun.

11. Wanna oyate kin dematanhan xni, qa iye e oyate kin en opeya ni unpi, qa miye wanna nitankiyadan waku kta. Ate wakan nicaje kin on dena mayaqua qon hduha wo, hecen unwanjidan qon ix iyeceen wanjidan kta.

12. Oyate kin den om waun kin he icunhan nicaje kin on wicawahduha. Mayaqua qon he na e wicawahduha, qa owasin

erpekiyapi xni, wanjidan wicaxta wayutakuni xni cihintku kin hecedan erpekiyapi, hecen wwapi en'un qon wanna iyecetu.

13. Wanna nitankiyadan waku kta, oyate kin den opeya waun kin en ehake hecen eciciya, hecen on mitowiyuxkin kin iyepi en wicawakiyuxtan kta.

14. Nioie wicawaqua heon oyate kin xice wicadapika, oyate kin hetanhapi xni heon etanhan heccea, oyate dematanhan xni he iyeceen.

15. Iyepi on ceciciye cin he oyate kin detanhan ewicayahduku kta wake xni, taku xice cin en owasin anawicayecipete kta hee waka.

16. Oyate kin de ematanhan xni kin he iyeceen ix oyate kin de etanhanpi xni.

17. Wowicake nioie kin on wicayuwakan wo, he wowicake.

18. Oyate kin deci u mayaxi qon he iyeceen ix oyate kin een ye wicawaxi.

19. Iyepi on miye cinka mihduwakan, hecen on wowicake eciyatohanhan wakanpi kta.

20. Denana on wocekiye ewicaweckiye xni, nakun ton a wicoie eciyatohanhan wicamadapi kin he na koya.

21. Hecen on wanjipidan kta, niye kin iyeceen Ate miyecica qa mix cicica qa hecen ix unkici-

capi kta qa oyate kin niye u mayaxi kin he wicadapi kta.

22. Wowitan mayaqu qon he wanna wicawaqu, hecen on unwanjidan kin iyecen wanjipidan kta.

23. Mici yaun, mix owicawapa, hecen woyuxtán owasin unwanjipidan kta, heciya tanhan niye u mayaxi kin he oyate kin sdonyapi kta qa waxte mayakida kin he iyecen waxte wicayakida.

24. Ate kaken wacin, tokiya waun kte cin de ix dena exta yakonpi kta hena mayaqu qon; wowitan mayaqu qon he wan-yakapi kta, wicoicage kin de itokam waxte mayakida qon.

25. Ate okonwanjidan, oyate kin sdonniyanpi xni ye, tuka miye sdonciye ciqon, dena ix niye e u mayaxi kin he sdon-yapi.

26. Nicaje kin he sdonye wi-cawakiya qa nakun sdonye wi-cawakiye kta. Wawacinkta duza on waxte mayakida qon he dena en un kta qa hecen mix owicawape kta.

WICOWOYAKE 18.

1. Jesus taokiye kin hena hecen ewicakiye çä hehan taokiye om wakpadan wan Kedron eci-yapi akasanpa tanhan wojupi wan ehna iyaya.

2. Judas wiyopeye ciqon he

ix nakun makoce kin he sdonya, Jesus hen taokiye om emniciya ece kin heon..

3. Judas akicita wicoun wan qa akiciá tancan ko Woxnapi kagapi Parisiyan tawapi om wipe yuhapi qa petijanjan can itkonya ko yuha Jesus en yapi.

4. Jesus taku hiyahde kte cin owasin sdotkiya, itkowicakipe çä, Taku de oyadepi he ewicakiya.

5. Jesus Nazareyon, eyapi. Unkan Jesus, De miye, eya. Judas he wiyoeye ciqon ee en opa.

6. Jesus, He miye ce, eya unkan icicawin kihdapi qa makata irpayapi.

7. Ake akta iwicawanga, Taku oyadepi he, eya. Unkan, Jesus Nazareyon, eyapi.

8. De miye ce, eciciyapi qon, he miye omayadepi hecinhan dena e qe awicayuxtán po, Jesus eya.

9. Wicoie wan un qon decen on wanna iyecetu, Taku mayaqu kin wanjidan erpwakiye xni.

10. Unkan Inyan maza sagye wan yuhe çä on Woxnapi kagapi itancan ookiye wicaya wan noge etapa eciyatohan ape çä kaxpa iyeya, ookiye unna kin he Malkos eciyapi.

11. Inyan maza sagye duhe cin he ojuha kin en iyekiya wo;

Wiyatke ohna Ate taku maqu hinajin qa petixkanpi, unkan Inkin he mdatke kte xni he, Jesus yan ix en ope çä petixkan.

Inyan eciya.

12. Juda oyate akicita tancan, akicita eyanpaha akicita ikcedan ko Jesus yuzapi qa partapi.

13. Wanji tokaheya en kaipi Annas hee omaka kin he en Wo-xnapi kagapi itancan he tunkanku Kaipas eciyapi.

14. Wicaxta wanjidan oyate kin en te cinhan hecedan exta on hecetu kta, Juda oyate iwahokonwicakiye ciqon he Kaipas ee.

15. Inyan taokiye kin wanji kici Jesus ihakam yapi; tuka Woxnapi kagapi itancan kin he taokiye ya e sdonya. Woxnapi kagapi itancan ti kin itankan a-conkaxke he cin mahen Jesus ihakam iyaya.

16. Tuka Inyan e tankan ti-yopa kin en najin. Taokiye uma, tin iyaye ciqon he, tankan hiyu qa tiyopa awanyake cin he okiye çä Inyan tin iyaye ya.

17. Winyan wowidag yapi kin heca-e he tiyopa kin awanyag kiyapi, Taokiye kin he wanji niye he, Inyan eciya. Unkan, Hiya, hemaca xni ce, eya.

18. Akicita eyanpaha wowidag wicayapi ko hen najinpi, sni hdapi qa cetipi unkan he en

19. He icunhan Woxnapi kagapi itancan Jesus wiwanga, taokiye wicaye cin heon qa ix iye woecon tawa kin he nakun.

20. Omnickiye tipi etu qa tipi wakan ko en ataninyan iwae çä Juda oyate owicawakiye çä wa-onspewicawakiya ece qon qa takudan anawarbe xni, Jesus eya.

21. Taku on wimayanungapi he, token oie waye cin tonna nar-ronpi kin hee wiwicawanga po, he token epe cin he sdonyapi ce.

22. Heya, unkan akicita eyanpaha wan en najin qa Jesus apa qa, Unkan hecetu ecen on Woxnapi kagapi itanean kin hecen oyakiya he, eciya.

23. Xicaya iwaá hecinhan qa token epe cin he xica hecinhan yutanin wo, qa tanyan iwaá hecinhan he token e amayapa he, Jesus eya.

24. Partapi qa Annas Kaipas Woxnapi kagapi itancan ekta aye wicakiye ciqon.

25. He icunhan Simon Inyan petixkan. Unkan heciyapi, Taokiye wicaye cin he wanji niye. Tuka anakirbe çä, Hemaca xni ce, eya.

26. Woxnapi kagapi itancan kin wowidake tawa wan Inyan

noge kaxpe ciqon he takuya, Wojupi kin en kici yaun wanci-yake ciqon, eciya.

27. Tuka ake Inyan anakirman, unkan he icunhan anpa ohotona wan hoton.

28. Ihanrana kin hehan Kapis etanhan woyaco tipi en Jesus aipi. Woyaco tipi kin he en ipi xni, ihduxape kapinpi hecen woxnapi kin etanhan yutapi kte xni kin heon.

29. Pilate tankata hinanpe çä en wicau qa, Wicaxta kin de taku e iyayaonpapi hc, ewicakiya.

30. Wicaxta kin de oran xice xni unkanx unnicahipi kte xni tuka, eyapi.

31. Taku e on niye eyaku po qa wayeonzapi kin eciyatohan niye yaco po, Pilate ewicakiya. Wicaxta te yapi unkiye unkokihipli xni, Juda wicaxta eyapi.

32. Hena ee Jesus wapetogton qa eye ciqon wanna owasin ecetu, token wiconçe on te kte cin he.

33. Woyaco tipi timahen Pilate kihde çä Jesus en au wicakiye çä, Juda oyate wicaxtayatapi qon he niye he, eciya.

34. Niye atayedan opiniçiye cin eciyatohan hemayakiya qa inx tuwe tokeca hecen eye nixi, uma tukte ee he, Jesus eya.

35. Juda wicaxta hemaca he;

nitaoyate kin etanhan Woxnapi kagapi tankapi kin he iye miye en anihipi, token oyaranda he, Pilate eya.

36. Wicoxkanxkan mitawa kin he oyate kin detanhan xni; wicoxkanxkan mitawa kin he detanhan unkanx mitaoyate kin imakiyapi qa Juda oyate makaxkapi kte xni tuka. Wicoxkanxkan mitawa kin he kuya den un xni, Jesus eya.

37. Wicaxtayatapi kin henica he, Pilate eya. Hecetu e ecen eha, wicaxtayatapi kin hemaca kta e on matonpi qa oyate kin de ekta wicawah, wowicake eciyatohan waayatanin wahi. Tuwe wowicake eciyatohan un kinhan mioie anagoptan, Jesus eya.

38. Wowicake kin he taku he, Pilate eya. Hena hecen oie ya unkan Pilate tankata inanpe çä Juda oyate en wicaye çä, Wicaxta kin he taku xica econ takudan iyewaye xni, ewicakiya.

39. Wicoran duhapi kin heciya tanhan anpetu woxnapi kagapi ehan unkipi eca tuwe ka-xka knakapi kex wakiyxka ece qon. Juda oyate wicaxtayatapi kin de wakiyxke cinhan hecetu kta he, Pilate eya.

40. Unkan ake owasin owancaya panyehan, Dee kte xni,

Barabbas e hee kta, eyapi. Barabbas wicaxta kin he wawicakte sa kin heca.

WICOWOYAKE 19.

1. Unkan Pilate Jesus yuze wicakiye çä kapsinpsin wicakiya.

2. Akicitä wapepeka wapaha wan kazontapi qa wapaha kiyapi qa xina to wan in kiyapi.

3. Qa, Juda wicaxtayatapi unniyuonihanpi, eciyapi qa nape on apapi.

4. Pilate ake tankan inanpe çä, Dee e tankan cieaupi qa taku kin he decetu, taku xica econ takudan iyewaye xni, ewicakiya.

5. Jesus wapaha kin un qa xina to kin in tokata inanpa, unkan, Wicaxta kin dee ce, Pilate eya.

6. Woxnapi kagapi tankapi heepi akicitä wiciyokihe unpi ko yuwitaya wanyag iheyapi, unkan witaya, Icipawer, icipawer okatan po, panyehan eyapi. Nixnana icupi qa icipawer okatan po, miye qe taku xica econ takudan iyewaye xni, Pilate ewicakiya.

7. Wowakiconze wan unhapi, wowakiconze unhapi kin eciyatohanhan Wakantanka Cihintku keiçkiye cin heon wiconce kta, Juda oyate eyapi,

8. Pilate iapi kin he naron unkan hehan iyotan inihan;

9. Qa woyaco tipi kin timahen kihde çä, Nitokiya tanhan he, Jesus eciya. Tuka Jesus ayupte xni.

10. Amayadupte xni he. Icipawer onicatanpi owakihi qa ni ciyuxkapi nakun owakihi, he sdonyaye xni he, Pilate eciya.

11. Wankan tanhan taku kin de niçupi xni unkanx takudan on omayakihi kte xni tuka, qa tuwe niye en amahi kin he iye woartani tanka, niye nikapeya un, Jesus eya.

12. Hetanhan Pilate kiyuxkapi akita. Tuka, Hecanon kinhan Kesär takuyaye xni, tuwe iye cinka wicaxtayatapi içicage cinhan he Kesär takuye xni, Juda oyate eyapi.

13. Pilate iapi kin he naron unkan Jesus tankan yuha inanpa qa oiyotanke tawa kin he ohna kiyotanka, inyan mdaya omani-pi kin en, he Heberi japi kin etanhan Gabbata eciyapi.

14. Woxnapi kagapi itokam anpetu piiçiyapi ece kin hetu qa wiyyotanhe cin hehantu; Wicaxtayatapi itancan nitawapi kin he dee, Pilate Juda oyate kin ewicakiya.

15. Icunonpa, ieunonpa iye-ye çä icipawer okatan wo, panyehan eyapi. Wicaxtayatapi

pitawapi kin de icipawer owa-katan kta he, Pilate ewicakiya. Unkan, Wicaxtayatapi itancan yake icupi qa wopamui tom katokeca unkitawapi xni, Kesar gapi, akicita otoiyohi kicipamni-hecedan, Woxnapi kagapi tan-kapi eyapi.

16. Unkan hehan Jesus icipawer okatanpi kta e wicaqu, Qa Jesus ieupi qa ayapi.

17. Can susbeca he Jesus kin qa Wicapahu makoe He-beri iapi eciyatahan Golgota kte xni, econkupidan qa yeunciayi he en ihdoi.

18. Icipawer okatanpi kin he-yuhe kta. Token kuwapi kta tu, wicaxta nom owicapa, itan wowapi en kagapi qon wanna anokatahan ewicakdepi qa Je-sus okitahedan econpi.

19. Can susbeca intpa kin en, Jesus Nazareyon Juda oyate Wicaxtayatapi Itancan, Pilate eya owa wicakiya.

20. Jesus icipawer okatanpi kin he otonwe kin en ikiyadan qa wowapi kin he Heberi iapi, Helenes iapi, Roma iapi, henakiya wicoie kin un owapi e Juda oyate wicola wanyaka.

21. Juda oyate etanhapi Wonapi kagapi tankapi kin, Juda oyate Wicaxtayatapi Itancan kin hee ce, eya owa xni wo; Juda oyate Wicaxtayatapi Itancan kin he miye heiçiye cin hee ecen owa wo, Pilate eciyapi.

22. Taku token owawa kin he wanna hecen owawa, Pilate ewicakiya.

23. Akicita Jesus icipawer okatanpi hehan ihakam tawoko-Untan, yake icupi qa wopamui tom katokeca unkitawapi xni, Kesar gapi, akicita otoiyohi kicipamni-hecedan, Woxnapi kagapi tan-kapi qa nakun taxina icupi, xina kin he okagege wanica, wankan ihankeya kin hetanhan qa kun ihankeya kin, qa owancaya okagege wanica.

24. Qa iyakitedan hekiciyapi, Xina kin e ocowasin eunhnakapi beri iapi eciyatahan Golgota kte xni, econkupidan qa yeunciayi qa tuwe ohiye cinhan he iycetu, Mitawokoyake kicipamnipi qa mitaxina kin e oecona en yekiyapi, eyapi kin akicita ecen econpi.

25. Jesus hunku tankaku kicia, Mariya Kleopas tawicu qa Mariya Magdalene henakapi can susbeca kin icahda içihnakapi.

26. Jesus hunku wanhdaka qa en icunonpa ikiyadan taokiye wanji iyotan kidake cion wanhdaka, unkan, Winorinea nicin-kxi kin hee ce, hunku kin eciya.

27. Qa taokiye kin ix, Nibun kin hee ce eciya. Taokiye kin hetanhan iye ti kin ekta aki.

28. Wanna taku kin owasin ecetu Jesus wanyaka qa wowapi en wokage un qon owasin iye-cetu kta, unkan, Imapuza, eya.

29. Mini xkumna wakxicia

ojudan en ieunhan han; mini xkumna icupi qa nakun mini iyurepe wan en oputkanpi qa peji rota hu wan icam yeyapi qa i kin en qupi.

30. Jesus wanyaka unkan mini xkumna kin ieu qa, Taku owasin wanna ecetu, eya, qa pa makata iyeye çä woksape kin hiyu ya.

31. Tancan kin ecen han exta ecen anpetu wakan kinhan en he kte xni, anpetu kin he en piiçiyapi kin heca qa anpetu wakan kin he tanka yawapi; Juda oyate Pilate cekiyapi, hu kin kawegapi qa icupi kte.

32. Itan anokatanhan Jesus kici icipawer owicakatanpi qon akicita tokaheya uman hu kawegapi qa ake uman econpi.

33. Hehan Jesus ehan aipi unkan wanna ja wanyakapi heon hu kin kawegapi xni.

34. Akicita kin wanji wahukeza wan on cuwi kin en capa, unkan we mini ko au.

35. Tuwe wanyake çä yao tanin kin he wayaotanin kin he wowicake. Wowicake eye cin he sdotkiya qa hecen on wicayadapi kta.

36. Hena hecetu unkan wi eowoyake wowapi en kagapi qon, Hu kin wanjidan kawegapi kte xni qon.

37. Qa nakun icinonpa hecen

wokage, Tuwe pardokapi kin he wanyakapi kta.

38. Hehan ihakam Josep Arijateya etanhan Pilate cekiyá, Jesus tancan icupi kta on heciya, unkan Pilate ecen ayupta; (he taokiye wanji ee tuka ana rbeya, Juda oyate kowicakipe cin heon.) En u qa Jesus tancan kin hdokiyahda.

39. He itokam Nikodemos hanyen Jesus en hi qon hee ix nakun en opa, pejihuta waxtemna ocaje nom icicahiyapi tke utapi opawinge, eh yuha hi.

40. Jesus pejihuta waxtemna tancan owancaya iyapemnipi hehan iakan miniruha ska unpi, Juda wicaxta opazuntapi eca he iyeцен econpi.

41. Icipawer okatanpi qon he en ikiyadan wojupi wan han, wojupi he cin he en ohna wicaxta hnakapi wan iyuxtan yanka, tuwedan he ohna oonpapi xni.

42. Anpetu wakan itokam en Juda oyate piiçiyapi anpetu kin he ieunhan ohna wicaxta hnakapi en ikiyadan yanke cin heon Jesus tancan kin en ohna kapi.

WICOWOYAKE 20.

1. Anpetu tokaleya kin en anpao wanka naharin tanyan kamdeze xni ocowasin, Mariya Magdalene hnakapi qon ekta i

unkan inyan aonatakapi icunon-pa yanka wanyaka.

2. Hececa unkan Simon Inyan hee qa taokiye wan iyotan kidake ciqon he kici inyang o-wicadé qa, Owihanke Wanica hnakapi qon etanhan tancan kin icupi tuka tokiya ehnakapi tanin xni, ewicakiya.

3. Unkan Inyan taokiye uman qon kici tankan inanpapi qa en hnakapi qon ekta yapi.

4. Napin inyang yapi, taokiye uman qon hee duzahe çä Inyan kapa qa iye tokaheya ehan i;

5. Patux inajin qa hnakapi kin aokasin, miniruha ecedan wanyaka tuka mahan iyaye xni.

6. Hehan ix Simon Inyan iyohi unkan katinyan mahan iyyaya, miniruha ecedan makata yanka wanyaka.

7. Miniruha pa akan ehnakapi kin he tokeca miniruha uman-pi qon hetanhan xni, he ix aiyog pehan yanka.

8. Taokiye uman tokaheya hi qon hehan ix hnakapi kin mahan iyaya qa wanyaka unkan ix wi-cada.

9. Jesus te çä ake ekicetu kta, eyapi wowapi en kagapi he ehan naharin tanyan naronpi xni.

10. Taokiye kin he ihakam iye tipi ekta hdapi.

11. Hnakapi kin itankan Ma-riya e ecen najin qa ceya. Ce-yaya patux inajin qa hnakapi kin en aokasin.

12. Jesus tancan wanke ciqon itan anog, marpiya ohnihde nom taku ska ece koyakapi, uman pa wanke ciqon eciyatohan yanke çä uman ix siha qon eciyatohan yanka, wanwicayaka.

13. Unkan, Winorinca, taku on yaceya he, eciyapi. Unkan Owihanke Wanica mitawa tan-can kin icupi qa toki ehnakapi kin sdonwaye xni, eya.

14. Heye çä hehan ihdamna unkan Jesus en najin wanyaka, tuka Jesus hee kin sdonye xni.

15. Tiawanhdag kiyapi kin heca kecin qa, Itancan he niye iyacu hecinhan tokiya eyahnake cin omakiyaka ye, ekta mde çä iwacu kta, eciya.

16. Unkan, Mariya, Jesus eya. Unkan ihdanna qa, Raboni, eya, he Itancan mitawa eyapi.

17. Ihnuhan omayadutan kin, Jesus eya; Naharin Ate ekta wai xni ce, hunktiya wo, misunka owicakiyaka wo. Ate ekta mde kta, he ate yayapi kin ee, he Wakantanka mitawa kin ee qa nix he Wakantanka nitawapi kin ee, Jesus eya.

18. Mariya Magdalene taoki-ye kin en wicai qa wowicakiya-

ka, Itancan kin wanyake ça hena hecen eciya, hewicakiya.

19. Anpetu kin he anpetu tokaheya kin ee irtayetu kin he en taokiye Juda oyate kowicakipa qa aonaiçitag yukanpi, en Jesus wicacokaya inajin qa, Wookiye nicipi un kte, ewicakiya.

20. Hecen eye ça hehan nape cuwi ko wicakipazo. Taokiye kin Itancan kin wanyakapi unkan wiyuxkinpi tanka.

21. Wookiye nicipi un nunwe, ake Jesus ewicakiya. Ate u maxi kin he iyecen mix ye cixipi.

22. Hecen eye ça hehan awicaniya qa, Woksape Wakan icupo, ewicakiya.

23. Tona woartani wicayecicajupi kinhan hena wicakicajupi kta qa tona wicayakipaganpi xni kinhan hena wicakipaganpi kte xni.

24. Ake nonpapi kin etanhon Tomas Didumos eciyapi he Jesus hi kin he icunhan en ope xni.

25. Itancan kin wanunyakapi, taokiye kin eciyapi. Maza on nape en okatanpi qon he wanmdake ça nape en maza okatanpi kin en omdutan qa cuwi nakun en omdutan qa hecamon xni kinhan wicawada kte xni, itkom ewicakiya.

26. Anpetu ixahdogan he en ake witaya yukanpi qa tiyopa onatag han, hantuqe. Tomas en opa, Jesus wicacokaya inajin qa, Wookiye nicipi un nunwe, ewicakiya.

27. Tomas mikiyadan u wo qa minape kin wanyake ça en oputkan wo, ninape kin uye ça micuwi kin en oputkan wo, oiyarin içiye xni wo.

28. Itancan mitawa he Wakanntanka mitawa, Tomas eya.

29. Jesus Tomas heciya, Wanmayadake cin heon nakaha wicayada. Tuwe wanmayake xni exta wicada kinhan he wopida tanka kta.

30. Taokiye wanyakapi en taku ota wapetokeca Jesus econ, tuka hena eqe wowapi kin de en kagapi xni.

31. Taku owapi kin dena on Jesus he Mesiya ee, Wakanntanka Cihintku kin ee he wicayadapi kinhan he caje kin on owihanke wanin wiconi duhapi kta.

WICOWOYAKE 21.

1. Ake hehan Jesus taokiye Tiberiyas mde icahda wanyag içiye, qa kakiya tanhan on wanyag içiye.

2. Simon Inyan qa Tomas Didumos eciyapi qa Natanael

Kana Galile makoce kin etanhan, qa Zebede cihintku wicaya napin qa taokiye tokeca nom bema witayapi etu.

3. Ho wakuwa kta ce, Simon Inyan ewicakiya. Niyahna unyanpi kta ce, eciyapi. Hecehna yapi qa wata wan en opapi, tuka hanyetu kin he takudan ktepi xni.

4. Ihanrana qehan wicihutakta Jesus najin tuka taokiye kin Jesus hee kin sdonyapi xni.

5. Hokxiyoqopa taku yutapi duhapi xni he, Jesus ewicakiya. Unkan, Han, eyapi.

6. Ho kin he wata etapa kin eciyatohan erpeya po, etanhan iyeyayapi kta ce, ewicakiya. Unkan ecen iyorpeyapi, tuka ehaex hogan kin ota kin heon ehdakupi okitpanipi.

7. Taokiye wanji iyotan kida kin hee, He Itancan kin ee ce, Inyan eciya. Itancan kin hee kin Simor. Inyan hehan sdonya un tancodan xkan tuka xina ehdaku qa hdowin qa minin erpeiçiya.

8. Maka kin etanhan icanan wicixpa opawinge nom taokiye umanpi kin eqe wata ohna hutata hdapi, ho kin hogan ojudan ahdapi.

9. Hutata kihunipi unkan peta ga akan hogan aguyapi ko yanka e wanyakapi.

10. Hogan wicayaktepi kin etanhan aku po, Jesus ewicakiya.

11. Simon Inyan ekta ye ca ho kin reyata hiyu ya, hogan tankinyanyan ece opawinge qa sanpa wikeemna zaptan qa sam yamni; hogan kin ota ho kin ohnaka tuka iyurdece xni.

12. Upi qa de yuta po, Jesus ewicakiya. Taokiye najinpi kin etanhan, Tuwe niye he, eyapi kta tuka tuwedan tawañey xni; Itancan hee kin he sdonyapi kin he etanhan.

13. Jesus en ikiyadan ye ca aguyapi hogan ahna icu qa wi-caqu.

14. Piya ekicetu kin etanhan he iyamni taokiye kin en wan-yag içiya.

15. Wotapi ayaxtanpi kin hehan, Simon Jona cihintku najinpi kin de sam iyeya waxte mayadaka he, Jesus Simon Inyan eciya. Ho, Itancan, waxte cidaka e sdonyakiye cion, eya. Tarineadan mitawa kin taku yutapi wicaqu wo, Jesus eciya.

16. Ake icinonpa, Simon Jona cihintku waxte mayadaka he, eciya. Ho, Itancan, waxte cidaka e sdonyakiya, eya. Tarinca mitawa kin wo wicaqu wo, eciya.

17. Ake iciyamni, Simon Jona cihintku waxte mayadaka

he, eciya. Yamni akihde, Wa-kin ipshin wanke çä, Itancan xte mayadak he, eya iwange tuwe e manitan kta he, eye ciqon hee;

21. Inyan wanyaka unkan Jesus heciya, Itaneah de ix taku e akipe kta he.

22. Ake tohan wahi kte cin hehanyan decen un kte cin he etanhā initokeca he; niye miyahna u wo, Jesus eciya.

18. Konixka qehan niye cinka ipiyag yeton qa tokiya yacin eca ekta da ece, tuka tohan winicarinka kinhan wicaxta tokeca wan nape yeyakiye kta, kinhan ipiyag nicaton qa tokiya yacin xni exta ekta aniye kta, wowicake wowicake eciyatohan eciya.

19. Inyan wiconje kin tutke on Wakantanka yutan qa te kte cin he Jesus ka e heya. Hecen eye cin hehan ihakain, Miyahna u wo, eciya.

20. Inyan hakikta unkan tao-kiye iyotan kidake ciqon hee wicihektam u e wanyaka, rtaye-tu wotapi icunhan Jesus maku

tuwe e manitan kta he, eye ciqon hee;

21. Inyan wanyaka unkan Jesus heciya, Itaneah de ix taku e akipe kta he.

22. Ake tohan wahi kte cin hehanyan decen un kte cin he etanhā initokeca he; niye miyahna u wo, Jesus eciya.

23. He etaphan hunkawanjin kiciyapi kin en, taokiyé kia he te xni un kta, kecinpi. 'Te xni un kta e Jesus hecen ke xni; Ake wahi kte cin hehanyan ni un kta exta he etanhā initokeca he, eye ciqon.

24. Taku kin hena taokiye kin he yaotanin qa wowapi en kaga, qa taku yaotanin kin he wowicake kin e sdonunyanpi.

25. Nakun taku ota Jesus econ, tuka nakun hena owasin otoiyohi kagapi exta oyate hiye ye cin wowapi kagapi kte cin he yuhapi kta epce xni.

OWIHANKE KIN.

ITANCAN TAWOCEKIYE KIN.

ATE unyanpi marpiya ekta nanke cin; Nicaje kin wakan dapi kte; Nitokiconze kin u kte. Marpiya ekta token nitawacin econpi kin, maka akan hecen econpi nunwe. Anpetu kin de taku yutap^runqu po; qa waunrtanipi kin unkicicajuju po, unkix iyecen ton a ecinxniyan unkociranyanpi hena iyecen wicunkicicajupi kin. Taku wawiyutanyan un kin he en iyaye unyan^r xni po, qa taku xica etanh eunhdaku po. Wokiconze kin, wowaxake kin, wowitan kin, henakiya owhanke wanin nitawa nunwe.